

Попов А.В.

ЧУДЬ МЫЛЬК

Повестьяс, висьгьяс

СТАВЫС ТАЙ КОЛЬӨМА

ПОВЕСТЬ

Кор гоҗся шондӱыс кыпӱдчис нин вель вылӱ, Рӱч сикт шӱрын кымын паныдасисны кык пӱч – Вась Клавди да Тима Ирина. Неважӱн вайӱм юӱрыс кыкнаннысӱ петкӱдис гортсьыс. И со веськӱдчӱмаӱсӱ ӱтилаӱ – Семӱ Наталь ордӱ. Ӑта-мӱдсӱ казя-лисны ылисянь на, но пӱрысь кокьясыд тай оз печласьны. Тайӱ водзтӱ, том дырйиыс, Тима Ирина вӱли чужйыштчӱмӱн быттьӱ воськовтӱ. Кытчӱкӱ тай кольӱма ставыс. А Вась Клавди нӱмсӱ ньӱжмыд вӱли. Ӑни кыкнанныс ӱткодясьӱмаӱсӱ. Вель дыр чушиктисны паныдасьтӱдзис. Кор ӱтлаасисны, то лов шедӱднысӱ кад на жӱ ковмис.

– Тӱныд нӱ юӱрыс воис жӱ?– первойӱн сӱрниыс воссис Вась Клавдилӱн.– Мися, гашкӱ, эз, да вӱли кӱсья тӱ дорӱ кежавлыны.

– Юӱртисны. Кыдз нӱ эз,– вочавидзис Тима Ирина.– Мый нӱ Натальыскӱд лӱӱма?

– Ог и тӱд. Юӱртысьыс эз лючки бура висьтав да.

– Ме эськӱ видли юасыны, но ог пӱ ачым тӱд. Наталь пӱч пӱ тшӱктис чукӱстны ас дорас. Мися, ачыс жӱ. Ачыс пӱ. Дзирья ӱшиньсӱ восьтлӱмӱн корис. Мед пӱ котӱрӱн локта.

– Миян помысь... котравсьӱма,– Семӱ Натальлань веськӱдчӱм бӱрын шуис Клавди.– Коркӱ эськӱ котравлим да.

– Ме тӱнӱ котралысьнас ог помнит-а,– крукасис Ирина.– Чельядь дырйиыд, гашкӱ.

– Мый морла чукөстис?– эз кут пөдругаыслы паныд мунны Клавди.– Висьөдчө али мый сэтшөма?

– Ог и төд.

Семө Натальён керкаыс катыд помас. Та вөсна сы дорө Ирина да Клавди воысь-во пыр гежддыжа кутисны воыны. Водзти ёна воысылсны. Оні жө рытгысыны ли мый окота кө лоө – зильлисны петавны матөджык. Век нин өдийөджык гортад бөрсө воан. А Натальё кө мунны, то асылөдзис овны ковмас. Он өд тай пыригмозыд бөр пет. Пукаласны. Тшай¹ юасны рытөдзис. А сэсса вель дыр лосьөдчөм бөрын гөсьтяс вөрзөдчасны. Наталь век кильчө вылөдзис петалас. Сэтшөм сылөн модаыс – ставнысө кильчө вывсыныс колльөдө. Төв көть гождөм.

Оні жө водзвыз сёрнитчытөг сы дорө ковмис мунны. Мыйкө, тыдалө, лоөма. Эз кө өд – эз жө ысты чукөстысьөс. Семө Натальысь потшөссө вуджөм бөрын кыйкнитлисны дзирья өшинь вылө. Векджык сы дорын пөдругаыс пукалө. Талун сылөн мыгөрыс сәні эз тыдав. Збылысь сьөкыда висьмөма али мый нө? Ирина, кузьджык мортыд, водзвылас, сы бөрся латшкөсник Клавди. Кыкнанныс чышьян помьяснас первой пөсьсө кымөсьяс вывсыс чышкыштисны, а сэсса кайисны кильчө содийөд. Посводз өдзөсыс вөлі вөсьса. Чунь рөчнас на керка өдзөсө тотшкөдчисны. Вочавидзөмсө эз и виччысыны. Пырисны. Первойөн синьяс улас уси пызан. Сёян сэтчө пукталөма, пөжасьяс. Оз тай пов тшыкөмысь – вель уна картофеля шаньга тэчөма Наталь. Пызан дорас и дзирья өшиньыс, көні көзьяйкаыс кызвын кадсө коллявлө. Стенын карточкаяс. Ичөтьяссө өти стеклө улө сюялөма. Кык ыджыдас – томдырся Наталь. Орчөнсө салдат паськөма зон – Степан. Көзьяйкалөн том кадся сьөлөм косьтысьыс. Керка пытшкын некод эз вөв. Воысьяс дзөрьялгтыр кытшовтисны жырсө. Некытөн Наталь эз тыдав. Залавка дорас, дөра занавес сайын абу жө и.

– Ой, сьөлөм потас,– шуйга бокас кутчысьөмөн лөвтис Клавди.– Татшөм өдийсө весиг дас квайт арөсөн эг ветлы.

Ирина выль пөв видзөдлис занавес сайө, сэсса шензьөмөн шуис:

– Кытчөкө Натальыс петөма али мый? Корны корис, а ачыс суседьясас, тыдалө, уйкнитөма.

– Нөшта өд вермытөм улө лэччысьөма,– броткис и Клавди.

– Со тай мянөс чукөстны мортөс весиг ыстөма. Быттьө ачыс воынысө эз вермы... Седуналө,– дзирья өшинь дорө матыстчөм бөрын дивитыштис Натальөс Ирина да пуксис кузь лабич вылө. Кыйкнитлис ывла вылө – оз-ө көзьяйкаыс док.

¹ Тшай – чай (диал.)

– Корны корис, а ачыс со гуляйтö,– век на броткöмысь эз öвсьы Клавди. Арлыд вылö видзöдтöг сійö вöлі кызнік. Татшöмьдлы та ылнатö локтöмыд мый дон кө сулалö. Сы вöсна и ропкис. Сьöлөм висьöмысь кизь вомас суйис и.

– Тані ме. Гөбöч вылын,– друг кыліс Семö Натальöн слабиник гөлöсыс.

– Гөбöч вылын?– кыпöдчис лабич вывсьыс Ирина да сувтис гөбöч вылö каян содйö. Кöзйика збыльсыс куйліс сәні. Вöччан паськöма, чышьянасьöма и.– Гожöм шөрнас нö мый тан пöжсян?

– Кольöма ставыс. Гожöмыс и тöлыс, тулысыс и арыс. Кольöма-а,– няргыны босьтчис Наталь. Сійö куйліс гатшөн да весиг эз на чöвтлы синьяссö воысьяс вылö.

Клавди тшöтш сувтис гөбöч вылö каян содйö. Нюжöдчöмөн видзöдліс куйлысь вылö:

– Мый нö лун шөрнас шлапнитчин-водін?

– Кувны кад со матыстчис,– орчöн моз куйлысь паськөм вылö кисö пуктылөмөн слабиник гөлöсөн шуис Наталь.

– Кувны? Выживалан али мый?– эскытöма артмис Ириналөн. Сійö весиг веськөдчыліс тушанас да юрнас инмис йиркөдзыс.

Наталь эз пырысьтөм-пыр вочавидз. Сійö видзöдіс йиркас, быттö мыйкö ыджыдтор йылысь мөвпаліс. Чужöмыс нюрсму-нöма, быттö дыр да сьöкыда висьсыс мортлөн. Сэсся пыдісян петысь, киргана гөлöсөн коркö вочавидзис жö:

– Ставыслы пом коркö волö. Со и менам олөм тупыльöй гартчис, тыдалö. Помыс мыччысьны кутис.

– Висьöм кутшөмкө мөй топöдіс? Он вöлі ёна нёрпав да? Бөрья кадас лябөмтö эг кывлывлөй ни,– бара нюжөдчыліс куйлысьлань Вась Клавди.

– Юр висьöм ни морөспань ув вылö ог элясь. Сöмын гөгөр лыжалöма. Син водзын пемыд и.

Тима Ириналы, тыдалö, дыш лои сулавны да пуксис гөбöч выв дорышö, медым не вөрзьöдны куйлысьсöс. Сэсся сюся видзöдліс Наталь вылö. Сьöлөм сетана кывьяс эськө корсис, но эз сюрны. Нэмсö сійö вöлі ёсь да ярскөб нывбабаөн. Пöрысьладорыд тай рутö он нин веж. И со öні, кувны лсьöдчөм мортлы, весиг бур кывсö эз аддзы.

– Пемдас, дерт. Кутан кө лунтыр пемыд паччöрын куйлыны.

Наталь уна вонад тöдіс жö нин, мый пöдругаыслөн татшöм сёрни вылö дözмыны нинöмла. Та вöсна эз кут элясьны и öні. Сöмын дорйысьшытис быттö видлыны воём гөсьтьяс водзын:

– Нэм помöй, тыдалö, воис. Лигышмунöма гөгөр. Вирöй оз ветлы, буракö. Сөнъясас ёдöма.

– Эн сөр. Мирон Öгашлы со öкмысдас сайö нин и то вир

сувтõм вылõ оз норась. Тэ õд сыысь во дас витõн на томджык. Челядь на сы дорын, – зилис пазõдны жугыль мõвпьяссõ Наталь-лысь Вась Клавди.

– Сэссия õд морт сайын ставыс. Сийõ, Мирон Õгашыс, сэтшõм, и ме со татшõм дай. Кыдз нõ верман быдõнкõд õткодясьны? Он. Он вермы.

Тима Ирина бõрря дас вонас унаысь нин кывлис пõдругаыслысь татшõм сяма лõвтõмсõ. Коркõясõ весиг дõзмылис ёна лябõмсьыс, но õнi эз: сьлõмыс топавлис, а вомсьыс петисны мõд пõлõс кывьяс:

– Мыйла нõ миянõс чукõстiн? Лõвтõмтõ кывзыны али мый? – сийõ бõр лэдзис кокьяссõ гõбõч вылõ каян содийõ да кутiс лэччыны джоджõ.

– Эз нин дыр коль тiянлы менсьым лõвтõмõс кывзыны. Регыд бõрряысь лолышта. Сийõн и кори со. Мед аслам пõдругаяс водзын кувны. А то õтнадõн олiгõн кулан да весиг оз тõдлыны. Гõбõч вылад и сисьман. Он жõ тай и тi ёнасõ волõй.

– Ылын олан да, – джодж шõрсянь нин сёрнитiс Тима Ирина. – Дугды. Дерт, пуксям õнi Клавдикõд да кутам тэнсьыд лов петõмтõ виччысьны. Прõста на нярган да.

– Ковмас кõ, эськõ, виччысьлам да, – Ирина местаõ кõсийс пуксьыны Клавди, но эз сяммы. Натальяõс бокõ вештыны эз кõсий, а бекийс паськыд жõ дай. Некийдзи эз õшйы да лэччис жõ джоджõ. – Збыльысь õд полан õтнадтõ. Оз õд некод и волы. Ми со ылын жõ олам дай.

– Тэ видзõдлы Наталья вылас, – босьгчис воча шуавны Ирина. – Абу на кулысь кодь. Бандзибыс õзийõ на. Вирыс кõ õд эз ветлы, быгалõма эськõ вõлi. Õнi со гугõдõм пув туис кодь гõрд на.

Наталь, кыдзи куйлис вывлань чужõмõн, сiдзи на и коли. Эз весиг бергõдчыв джоджын сулалысьяслань. Кытчõкõ пõtõлõкас висьталiс:

– Нэмсõ тэ, Ирина, некодлы эн эскыв. Висьталõны кõ, мый кула, то кула. Талун. Рыгнас, либõ войнас.

Клавди муртса гõбõч вылõ бара эз кавшась. Татшõм кывьяс бõрад. Сьõкыда ышловзис да сõмын и аддзис шунысõ:

– Ичõtсянь пõдругаасим да абу жõ эськõ окота торийõдчыныгõ да. Он жõ õд эновт миянõс, Наталья?

Сõмын õнi Семõ Наталья бергõдiс юрсõ джоджланьõ. Видзõдлiс пõдругаяс вылас. Водзтi сылõн вõлины лõз син аканьяс, но воясыс чусмõдiсны рõмсõ. Õнi найõ вõлины кельыдрудõс. Кажитчис, мый сийõ видзõдiс кытчõкõ воысьяс вивтi, быттьõкõ некодõс эз аддзы.

– Эновта, Клавдюк, эновта. Медводдзаён мөддоча со мөдар югыдад. Со тай кулан паськөмөс нин кыпөддэ-а. Пыдөдз дзеблэ да, он аддзөй. Ставыс танэ. Мыськаланнуд, пасьтөданныд да дзебаннуд дай.

– Пызансө нө мыйла лөсьөдін? Колльөднысө али мый?– пызанлань сетчис Тима Ирина.

– Тэ пукуштөй, сөйыштөй. Тшыгйөн өд он кутөй овны,– ыстыс Наталь.

– Ог, дерт. Тэ дас во сайө на олан да,– лабичө пуксигмоз лэчыда шуис Ирина.

– Ланьт нин. Шуа тай, мый рыгнас либө войнас ковмас тьянлы синьясөс тупкыны. Эштөма ставыс,– нурбыльтис Наталь да бөр бергөдис юрсө пөтөлөклань.

Клавди да Ирина чөв ланьтисны. Корсисны кутшөмкө кывьяс, медым эськө сьөлөм сетны пөдругаыслы. Мед эськө сийө та бөрын бара кыпөдчис куйлан местасыс. И кызди пыр босьтчис юктавны пөдругаяссө тшайөн. Висьтавны – уна-ө пув да чөд вотны көсйө. Но татшөм кывьясыс өні некоднанныслы эз сюрны. Клавди тшөтш жө пуксис лабич вылө, пызан дорлань матөджык. Видзөдалис тэчөм сөян-юансө да торкис пуксьөм чөв олөмсө:

– Став пензятө, тыдалө, видзөмыд? Уна чөскыдтор со лөсьөдөмыд.

– Видзи,– гөбөч вывьянь кылис Натальөн слаб гөлөсыс.– Видзи. Мый нин сэсся меным сьөмсьыс. Он жө өд гортйө пуктөй-а. Мый чөжыштли, став доныс төрыт босьтаси. Слабитөмсө кывны кутэ да. Ачым на со лавкаөдзыс вермөдчи пөтавнысө. Мися, йөзлы сетан, да оз кужны ньөбасынысө.

– Гортъяд, төдөмысь, оз пуктыны,– эз кут пыксыны өні Ирина.– Ме тай эг на кывлы-а, медым кодлыкө пензясө гортъяс пуктылысны. Ставсө эськө тэ, Наталь, пызан вылад лөсьөдөмыд, но кылөдтөгыд джагыд лөө.

– Тшайсө өд чуткылам,– көвдумлысь пушыллунсө видлгмоз шуис Вась Клавди.– Небыд няньыс артмөма. Шомөстө, Наталь, тэ век кужлн вөчнысө. Тэнадлөн кодь няньыс менам некор эз артмывлы.

Наталь эськө гөгөрвоис, мыйла Тима Ириналы сөяныс джагыд лөө, но эз пыр шыась. Көсйис, мед пөдругаясыс сідз пукуш-тасны. Но юрас кутшөмсюрө мөвпгьяс быгльөдлөм бөрын век жө шуис:

– Тэ, Ирина, век ассыд. Винатөг пызан сайө он пуксьы.

– Ог,– эз кут пыксыны мөдыс.– Кор выйим, век неунатө юыштла.

– Ме со нэм олі да весиг войт на вомо эг босытлы. Көрсө винаыслысь ог төд,– ропкигмоз ли ошйысигмоз шуасис гөбөч вылын куйлысь.

– Аддзөмыд мыйон ошйысьны,– өлөдіс Тима Ирина.– Ме юлывла. Но шатлалөмөн некор на эг ветлы. Да и ына-ө ме юа? Вонад витысь-квайтысь... штопка кымын сөмын...

– Ме за кампанньотө видлывла жө,– суйсис налөн сёрниө Клавди. Эз, дерт, Иринаөс дорйөм могысь, а медым кутшөмкө сёрни нүөдны. А то заводитасны жугыль варовитөм. Сідз нин дількмунома сьөлөмыс Натальлөн юөрысь. Нөшта кө норасыны кутны, то синваыд чепөсьяс.

– Со пьяникьясыд локтөмаөсь. Кулысь да ютөм мортлысь вина дзайгөны,– Наталь весиг кыпөдчыліс. Пуксыштліс недыр кезлө, мед шуны тайө кывьяссө.

– Ог жө дзайгөй. Ирина тай сёрнисө паніс,– дорйысьыштис Клавди.– Меным өд веськодь. Верма и сідз пукалыштны. Ютөг да сөйтөг.

– Пані, дерт,– эз пыксыы Ирина.– Курыдтортөгыд өд та ыджда пызаныд та мында лөсьөдөм вөлөганад куш кодь.

– Эстөн, залавкаас, гу кодйысьяслы да колльөдысьяслы чөжыштлі. Босыт өтиөс, он кө вермы сытөг пызан саяс пуксыыны.

Ирина чувшө весиг эз нюжөдлы. Мукөд кө скөрмис нин, колкө, дивитөмсьыс да өдзөссө крапкөмөн муніс. Сійөс жө татшөм сёрнинад он дойд. Пөдругаыс со кулөм йылысь дөжналө, да тшөтш жө көсийс кызкө сайкөдыштны. Дөзмөдөмөн. Ачыс тай мукөддырйиыс кутшөмкө төдтөм майшасьөмөн кутас жө нөрпавны. Но кодкө кө дөзмөдыштас, то став майшасьөмыс пыркалас. Сөмын өти мөвп юрас кольө – кыззи эськө водзөс крапкыны-шуны. Öні сійө чушиктис залавкалань. Кузь да ляпкыд өдзөсыс сылөн дзуртигыр воссис. Син водзө мыччысисны быдсяма пөлөс картуза да нагруника дозьяс.

– Адөй, адөй,– шлапкөдіс кияснас Ирина.– Сотчасны өд та мынданад. Сярвидзөны дозьясыс да!

– Унө өд эн жө лөсьөд?– юалис Натальлысь Клавди да тапиктис залавкалань, медым ас синнас адзэывны.

– Заптыси,– Натальлөн гөлөсын весиг тшаплун кыліс. Бытьө ыджыд да коланатор вөчөма. Талун асывсьяныс сійө некымынысь нин сувтөдліс син водзас, кыззи сылөн мөдар югыдө веськөдчөм бөрын керка пытшкас чукөртчасны йөз. Кодкө бөрдыштас, кодкө ышловзяс. Быдөн жалитыштасны. А сөсся аскомысьясө гуаласны да бөр бергөдчасны сылөн тыртөммөм керкаас. И пуксяласны пызан сайө. Мужикьяс, дерт, ошкыштасны

покончао̄с бура дасьтысьо̄мысь. Лӧсьыда колльодасны. Некод пайтӧмӧн оз коль ни винаысь, ни сёянысь.

– Абу ӧти лун, тыдалӧ, заптӧмыд,– залавка дорын дыр на шензис Ирина.– Со кымӧра еджыд вина весигтӧ эм. Сійӧс мян сиктӧ во кызь сайын кымын бӧръяысьсӧ вайлісны. Ок чорыд! Сарапан вылас кымӧръяс серпасалӧмаӧсь. Коркӧ тшай сорӧн юлі, да збылысь ывлаыс быттӧ кымӧртчыліс.

– Сійӧс эн кыпӧд. Мед гу кодйысьяс юасны,– вомаліс Наталья.

– Налы ӧд он жӧ сет?– пыр жӧ и сюйсис Клавди.– Чорыд кӧ ӧд, да юасны – гутӧ бок ногӧн кодьясны. Лунвылӧ юрӧн тэно̄ сюясны.

– Оз. Кодкӧ ӧд садь юраыс на пӧвстын лоӧ жӧ,– сьӧлӧм сетіс кӧзьяйка.

– Ме сійӧс ог и ю,– куражитчис весиг Ирина.– Со тайӧс, сюра ӧшсӧ кытчӧ лякӧмаӧсь, сійӧс видла.

– Сійӧс эн жӧ вӧрӧд. Колльӧдны волысьяслы вылӧ лӧсьӧдлі. Мужикьяслы.

– Ог, ог. Зэв жӧ чорыд да эбӧса сійӧ.

– Ставсӧ жӧ тэ, Ирина, видлӧмыд. Быдӧнлысь эбӧссӧ со тӧдан,– шензыштіс Клавди.

– Неунанад видлывлі,– эз пыксы мӧдыс.– Унасӧ эг-а. Наталья, мянлы нӧ Клавдийскӧд вылӧ мый нӧ эськӧ дасьтін?

– Гӧрдсӧ босьтӧй. Сійӧс небыдджыкӧн шуӧны,– велӧдіс гӧбӧч вывсынь кӧзьяйка.

– Му-ун. Гӧрдсыс юр висьмӧ. Еджыдсӧ жӧ кӧ кыпӧда-а. Тшай сорӧн юыштам.

– Босьт, сізкӧ, кутшӧмӧскӧ еджыдсӧ,– пыр жӧ и сӧглас лоис Наталья.

Ирина кыскис роч еджыд винасӧ. Чышкыштіс буссыс тасьті-паньлы вылӧ лӧсьӧдӧм дӧраӧн. Вайис пызан вылӧ.

– Тайӧс видлам,– быттӧ прамӧй вина юысь гораа сувтӧдіс вайӧмторсӧ ас дінас матӧджык.– Клавди, пуксы. Юны кутам.

– Муртсатӧ и ме вомӧ босьтышта. Тшай сорнад.

– Наталья, тшайыд пӧсь абу?– куйлысьлань юрсӧ бергӧдіс Ирина. Сійӧ нарошнӧ збоитіс. Мед нӧшта кызкӧ пазӧдны Наталья-лысь юрас воӧм мӧвпяссӧ.

– Тян локтӧдз неважӧн на пуктылі,– налань бок вылас бергӧдчис Наталья.

– Чеччылӧмыд да? Кувны лӧсьӧдчан-а,– эз дивитӧм, а шензьӧм сорӧн быттӧ артмис Клавдилӧн.

– Чеччылі. Верма на да.

– Абу на кулысь кодь. Блажитӧ,– серамсӧ китш-китшӧн пычкис Ирина.

– Эн, колөкө, скөрмөд. Кулан кад, шуа, матысмис. Астыгө өд он ылөд. Сьөлөм кылө и,– бөр гатшөн водис пөдругаыслөн шуөмысь Наталь да пыдисянь ышловзис.

– Сьөлөмтө збыльсь он ылөдды,– сы дор сувтис Клавди.– Менө тай топөддлас да лолөй некидзи оз шед. Лекарствосө век зептын новлөдла. И ог өтиөс. Китыр лоө.

Сийө суйис нин кисө зептас, медым ас синмөн адзылисны, мыйта лекарство новлөдлө сьорсьыс. Но Ирина өлөдис:

– Дугды. Эн петкөдды. Сёьыс нин адзылим. Абу өд тані больнича. Лекарствоон ошйысьны.

– Меным нинөм нин оз отсав,– шогпырысь ышловзис Наталь.– Дзик нинөм.

Тима Ирина вель дыр восьтис водкаыслысь картузсө. Сэсья кисьтис кык стөканө тшай, юрсө суйлис и гөбөч вылө. Юалис Натальысь:

– Тэныд нө кисьтны абу?

– Оз ков. Асьныд юөй.

– Лэччин кө да эськө пукыштін миянкөд. Бурджык да. Колөкө, кокнялас весиг,– чукөстис Клавди.

– Оз нин. Юөй, сөйөй, мый лөсьөдөма. Кысь нин унаыс ичөтик пензия вылад. Зэв дона ставыс лои да.

– Он кө и эн,– бөр матыстчис пызан дорө Тима Ирина.– Ми өд абу нин ыджыд вытяөсь. Чепөльтыштам мыйсюрө и пөтөсь. Став сөяныд кольө.

– Абу нин, дерт, ми уна сөйысьяс. Сидз, тшыгла кулөмысь не-уна сөйыштлам дай,– синнас медся чөскыдторсө пызан вылысь корсигмоз быттгө аслыс шуалис Клавди.

– Эн сөр! Тэнад выть абу. Туджан, туджан, он төд пөтлөмсө, төдан он?– броткөдчыны босьтчис Наталь.

– Эн важсө казгытв,– картофеля шаньга няклялигмоз дорйысис Клавди.– Том дырйиыд ме сөйныгө збыльсь ён вөвлі. Чөскыдсө ни чөскыдтөмсө эг төд. Мый выйим, сийөс и няръявлі. А өні...

Ирина налөн вензигөн эз жө прөста ов. Кисьтыштіс аслас тшай стөканө водкасө. Эз уна. Чолькнитыштис сөмын. Сэсья видзөдліс Клавди вылө да юалис жө:

– Тэныд нө кисьтны жө? Сорышта тшайтө?

Клавди нинөм эз вочавидз. Кыв шутөг босьтис Ирина кийыс дозсө да кисьтыштіс курыдторсө ыджыд паньө. Сэсья гудраліс тшайө.

– Та мында меным и колө. Унасө ог, гашкө, вирөй вөрзьыштас да сөйсысджык. Дзик өд вытьөй эз кут лоны. Наталь со век на оз эскы.

– Сөйөй, сөйөй. Тянлы лөсьөдөма,– эз нин босьтчы водзөсө

вомавны Клавдиёс көзайка. Эз өд аддзыв, мый тшай ютөдз на сійё нярайыштис кык шаньга, өні сөчөнө кутчысис.– Гу кодйысыяслы да гуасысыяслы вылө мыйсюрө дасытi жө. Петкөдла, кытчө пуктi.

Наталь весиг пуксыылис. Көсйис коксө лэдзны, мед сод вылас тувчыны. Но недыр пукуыштөм бөрын бара нюжөдчис. Тыдалө, бөрынджык окота лои петкөдлынысө. Ошйысыыштны на, гашкө, мый сяммөма заптыны гуасысыяслы да гу кодйысыяслы. Пызан сайын пукалысыяс быттьө эз казавны сылысь чеччылөмсө.

– Точкысынысө, Наталь, позьө на?– ассыыс тшай стөкансө кыпөдіс Ирина. Аслыс жө и вочавидзис.– Позьө, дерт. Абу на өд тай кулөмыд.

– Точкысөй,– эз жө паныд вөв и куйлысь.

Клавдиёс корөм оз ков. Стөкансө лэптис. Зутшнитис сійөс Ириналөн стөканө. Солькнитчис весиг пызан вылө тшайыс. Гулкнитис-юис стөкансыыс. Быттьө нэмсө нин горшыс тэсыкасьөма. Ирина жө эз тэрмась. Вом тырыс босьтас, нылыштас, сэсыя недыр олыштас да бара. Клавди тутшкис-сөйис. Гөрдөдіс весиг. Но ыстысис мыйлакө вина вылө:

– Со өд, гежөда юлігад. Пыр жө и гырк пытшкөй шоналіс. Уна пөрысыыдлы оз нин и ков.

– Лөсьөдөма Натальыс да нурьясыыштам и эм,– сөмын өні паньө кутчысис Ирина.– А то тшыкас, гожөм өд.

– Ставсө сөйөй. Нинөм эн кольөй,– велөдіс Наталь.

– Та мындатө ог вермөй,– эз өти кывйө во көзйикакөд Клавди.– Он кө ачылд отсышт.

– Оз нин, мися, нинөм кылав,– бара лөвтны заводитис Наталь. Быттьө тайөс и виччысьөма.

– А сывны кө горөдам? Он, Наталь, лөгась?

– Ссылөмсыыд эськө некор эг лөгасыылы да. Но талун энө нин.

– Ог, ог. Сідз пукуыштам, варовитыштам,– сы дор сетчис Клавди.

Бара чөв-лөнь пуксис. Вель дыр кезлө. Быдөн быттьө виччысис, кодi водзджык кутшөмкө сөрни панас. Медбөрын көзйикалы гажтөм, тыдалө, лои нинөм сөрниттөгьд овны:

– Войбыд эг узь да мыйкө ойбыр босьтис. Тi воинныд да, буракө, такавны кутi. А то ставыс пытшкөсын зэвтчөма вөлі.

– Позьө өд ойбыртлыны. Ми пукалам дай,– сөглас сетис Ирина.

Бара чөв-лөнь пуксис. Пызан сайын вөлысыяс сөйисны, мөд пөв тшай юисны. Винатөг нин. Ошиньө видзөдыштисны. Наталь көть и эз узь, но ланьтөма куйлис. Сылөн аслас мөвпьяс юрас

гартчисны. Час öнi узьöм улö лэчысылас да висьталас пöдругаясылы войдöрлун войö аддзылöм вöтсö. Быттьöкö дзик öнi сийöс аддзылис. Öд тайö вöт бöрас и йирны кугисны Натальсö кулöм йылысь мöвпьясыс. Войдöрлуннас дыр унмовсьны эз вермы. Вель сёрöдз куйлис. Сэссия, гашкö, ойбыртлис. Гашкö, збыльысь аслас лолыс эновтлис вир-яйсö. Оз куж висьтаваны. Но аддзылöмторйыс ёна сатшис вежöрас. Первой вель дыр ышлолалис, а сэссия аслыс и вочавидзис, мый кулан кад сылön матысмис да сийön татшöмсö аддзылис. Окота аддзылöм йывсьыс висьтаваны пöдругаясылы. Но он öд войдöрлуньясö висьтав. Колö, мед быттьö дзик öнi, налön пукалiгön унмовсьлис да вöталис. Гашкö и, оз вöтасьöмön висьтав да. Мöд ногön. Та йылысь öнi гöгльöдлис юрас Наталь. А пызан сайын пукалысьяс кылö ас костаныс сёрни панисны.

– Натальыс нö мый? Збыльысь узьö?– ассьыс моз юасис Клавди.

– Ог тöд.

– Наталь?! Наталь? Оз вочавидз. Узьö, тыдалö.

– Гашкö, и унмовсис да.

– Эз-ö збыльысь кув?– öдйö чеччис Клавди юрас воöм мöвпсьыс да матыстчис пачлань. Эз дышöдчы да гöбöч вылöдз кавшасьлис.– Ловья на. Лолалö со. Унмовсьöма.

– Блажитö кö-а?– вашкöдис Ирина.

– Öдвакö. Зэв збыльысь шуö да,– пуксьöм бöрын дорйштит Натальсö мöдыс.

– Оз кö öд блажит – лёк жö. Мед жö блажитис эськö,– ышловзис Ирина.– Збыль кö, сэссия кыкön и колям. Пöдругаясыс.

– Кыкön, тыдалö,– нормыштит весиг Клавди.– Сэссия меным кад дай. Öтнадön колян.

– Код тöдас на,– пыксис медбöрöдз кольöмысь Ирина.– Гашкö, ме на водздзык таладорсö эновта.

– Тэ ён на. Ме öд лекарствояс вылын и ола. Шуа тай, мый зеп тыр новлöдла.

– Отсалö и?– юалис Ирина.

– Отсалö,– эскöдöмön вочавидзис Клавди. Ачыс бара суйис киси зептас. Китырыс лекарство кыскис да разöдис пызан вылас.– Со мыйта сьöрысь.

– Мыйысь нö та мындаыс?– видзöдис быдсяма пöлöс бумагаясö гартыштöм лекарствояссö пöдругаыс.

– Быдсямасьыс. Со тайö...– корсис да петкöдлис öти кизь Клавди,– сьöлöмысь. Этайö мус висьöмысь.

Ирина чуткис кинас мича кыш пиö тöбöм еджыд кизь вылö:

– Тайö нö мича кизыс мыйысь?

– Тайö зэв бур лекарство,– ошкис Клавди.
– Бур? А мыйысь нө? Кутшөм висьöмьысь?
– Ог төд. Бур тай шуöны-а.
– Он төд, а новлөдлан.
– Новлөдла. Юла на корсюрö и...
– Гашкө, мөдарө, лөк вöчө,– майшасис Ирина.
– Лекарствоыс? Оз кө-а. Лөк вылө öд абу вöчöмаöсь. Бур-
дöдчыны вузалöны да.

Ирина шеньштис кинас. Эз эскы. Ачыс сийö лекарство кизь-
ястö зэв гежда ньылыштывлис. Кор дөбелки ёна нин юр
висьöм топöдлас либö грипп дырйи. Бара видзöдлис пызан
вывсö.

– Бөр сюяв зептад. Син вежöны сöмын.

– Меным натөг некыдзи,– зептас лекарствояссö сюялигмоз
дорйысис быттö Клавди.

Ирина босьтис пань да көсийс крукыштны пызан вылысь сёян.
Но паньсö быттö кодкө кисьыс нетшыштис. Уси джоджö.

– Со... Кийй нин оз кут. Пöрысьман тай...– гөбöч вылань
чатöртчöмөн броткыштис Ирина.

Наталь быттö татшөм лоөмсö и виччысис. Тырмас узысь
туйö лэччысьны. Татшөм гораа паньыс джоджас уси да быдөн
палялас. Лэптис юрсö да синьяссö тилигмоз бергöдчис пызан
сайын пукалысьяслань.

– Садьмөдiм тай. Зэв чöскыда кылö унмовсьлин да?– Ирина
пыди босьтчис каитчыны Клавди.

– Эг кө, буди, узь-а,– мыйлакö кутис пыксьыны көзьяка.

– Кыдзи эн узь? Нистан вöли. Клавди öд видзöдлис,–
шензьыштис Тима Ирина.

Наталь пуксис гөбöч вылас. Öшöдис кокьяссö да босьтчис
сюся видзöдны керка пытшкөссö. Быттö первойысь на адзö-
ма ассьыс гортсö. Думсьыс корсис стрöка, медым висьтавны вой-
дöрлунся адзылөмсö. Эз кыз вöтöс, а быттö вемöсын ставыс
вөлöма.

– Эг узь,– водзö пыксис Наталь.

– Эн кө и эн. Пыксян сэн. Ми тай вель дыр нин пукалам,
варовитам. Эн кө узь – шыасьлин нин,– эз эскы Клавди.

– Паньöй уси да сьлөн шы улö палялин,– сы дор жö сувтис
Ирина.

Наталь мөвпыштис, мый воис буретш сийö кадыс, кор позьö
висьтавны войдöрлунся адзылөмсö. Сийö видзöдлассö веськөдис
дзирья öшиньлань, думсьыс ывлаыслысь корис прöститны сыысь,
мый висьталигас вермас кыткө и содтыштны. Көть эськө став ад-

дзылөмторйыс ёсь желльон сатшөма вежөрас. Наталь лөсьыд-джыка пуксис да заводитіс ассьыс висьтсө:

– Мися, эг унмовсылы. Куйлі сөмын. И өти здукө друг казялі, кызди лолөй эновтіс вир-яйөс. Лэбис вывлань. Тянөс бура адзылі и. Лекарство кизьяс вөлі видлаланныд. Сэсса лолөй веськөдчис кытчөкө пыр ылөджык и вылөджык. А сэсса, эскөй көть эн, другон вои кутшөмкө жырьё. Ен керкаас, тыдалө. Асьсө эг адзыв, но быттё кодкө висьталіс, мый Ен ордын пө тэ. Гөлөссө сылысь кылі жө и. Шуис, мый өні бөр лэдзас на менө. Ме тай пыр чөв олі-а. Эг сёрнит. Сөмын быттё ас кежысь думайті. Енмыд, тыдалө, и сёрниттөг ставсө кылө да гөгөрвоө. Мый тай ог мөвпышт, сійөс и төдө. Вочавидзө. Ладнө, мися. Дыр-ө кежлө, мися, лэдзлан? Ставыс пө ас саяд, вочавидзис. И лолөй быттё бара кутіс кывтны. Ен керкасыс петігөн төданныд, кодөс адзылі? Син улө муртса кежлө усыліс.

Пөдругаясыс первой видзөдлісны өта-мөд вылас. Эз-ө нин Наталь другон выживмы. Со мый кутіс висьтаваны да. Видзөдөмпырьясыс ас вежөрас на. А Наталь ышловзис, быттё конкняліс морөс пытшкас тайөс висьталөмысь. Дыр нин кутіс ас пиас. Дерт, неуна ылөдлыштөма кодь лои. Войдөрлун татшөмсө адзыліс, а со ковмис висьтаваны, мый дзик на өні. Но да медья.

– Коді нө син улад усылі?– первойон быттё ас саяс воис Клавди. Тайө юалігас сійө весиг матыстчис гөбөч вылын пукалысьлань.

– Кодөс нө адзылін? – тшөтш жө окота төдны Ириналы.– Кулөмаөс али ловьяөс?

– Кулөмаөс, дерт,– вочавидзис көзьяка.– Висьтала нин. Он жө төдмалөй-а. Адзылі ме сійөс кузь лабич вылысь. Пукаліс. Меным нинөм эз шу. Сөмын зэв сюся видзөдліс.

– Кутіс сәні тяткөдчыны,– весиг сувтіс Ирина.– Коді нө эськө вөлі?

– Степан. Вот коді.

Ставөн видзөдлісны стөнын өшалысь карточка вылө, коні вөлі салдат паськөма зонмыс. Войнаөдз на снимайтчөма, кор салдатавнысө ветліс.

– Гашкө, эз сійө вөв?– век на эскытөма артмис Ириналөн.

– Сійө. Төді, мый Степан, а том али пөрысь вөлі – ог помнит.

– Том, дерт. Сійө өд пөрысьөдзыс эз ов,– ышловзис Ирина.

– Кыгысь нин пөрысьөдз. Кызь нель арөс вөлі,– думайтшштөм бөрын шуис Клавди.– Нелямын кыкөд вонас сійө уси. А вөлі сійө менам ыджыд воккөд тшөтшья. Дас көкьямысөд воын вокөй чужлөма.

Наталь мыйкө друг шай-паймуні. Тыдалө, дум вылас мыйкө

уस्कөдiс. Збыльысь өд, адзылис сийö и татшöмтор. Но дум вылас сöмын öнi воис. Кор сёрнисö панiс.

– Пöлинö, со мый помнита,– тiралан гөлöсөн содтöд адзылöмсö босьтчис висьтавны кöзьяка.– Колльöдiс менö Степаныд видзöдласнас. Быттьö аддзысьлыны чуқсалiс. Кызди коркөнад, том дырйиыд, вöли видзöдласнас и корас паныдасьлыны. Чöвтглас синьяссö и гөгөрвоа нин, мый ас кежын сёрнитны кöсйö.

– Сiдзи, сiдзи. Видзöдласнас и корлис,– гогнитiс юрнас Клавди.

– Помнитан жö?– сы вылö видзöдлiс Наталь.

– Помнита. Ирина помнитö кöнкö и.

– Ме эськö мыйсö ог помнит да. Но абу тэ кодь паськыд вома,– мыйлакö чорыд гөлöсөн артмис Ириналөн. Сийö век на гөгльöдлiс юрас майшасьöмсö. Эскыны Натальлы али абу? Зэв збыльысь со висьталö да. Та косттi кöзьяка ружтiгтыр лэччис гөбöч вылысь. Пöдругаясыс нинöм эз шуны. Наталь пуксис аслас радейтана местаас – дзирья öшинь дорö. Сöмын сэк шуис:

– Со өд мый адзыли. Эскöй кöть эн сэсся.

Ирина бара видзöдлiс Степанлөн карточка вылö.

– Збыльысь Степансö адзылин?– юалис Клавди.– А меным сийö весиг вöтö оз уськөдчывлы.

– Меным эськö окота жö сийöс адзавны да. Томдырсясö,– мыйлакö ышловзис Ирина.

– Тэныд нö мыйла?– шензьöмөн видзöдлiс первой зонлөн снимок вылö, а сэсся Ирина вылö Клавди.

– Окота и ставыс,– пуксис Наталькөд орччөн мöдыс.– Ме эськö Степан вöснаыс эг тiян моз дузьявлы да. Тi өд тай вöли паныдасянный да, кыкнанныд мөдарö бергөдчанный. Öта-мөдтö синнаныд он вöли вермöй видзöдны.

– Быдсымаыс вöвлi. Мый нин öнi казтывлан? Некоднымлы жö Степаныс эз сюр-а. Ме вылö кöсйис гөтрасьны, и со торксим,– ышловзис Наталь.

– Сiдзи, сiдзи. Помнита на өд гөтрасьны кöсйöмнытö.

– Война йывсыд юөртiсны да кевмысьöмөн кевмыси өдйöджык гижсыны. Но пуксис Степаныд. Сэсся эновтiс дай,– быттьö аскöдыс сёрнитiс кöзьяка.

– Тöдiс усьöмсö да сийөн,– торкис сийöс водзö висьталöмысь Ирина.

– Öдвакö,– пыр на сюся видзöдiс снимок вылö Клавди, быттьö первойысь на тайö карточкасö аддзис.

– Тöдiс. Сийөн и ме...– мыйкö кöсйис шуны Ирина, но другөн чөв ланьтiс.

– Мый тэ? Мый тшөкмунін?– сы вылө сюся видзөдгмоз көсийс төдны Клавди.

– Муртса вомысь эз чеччышт,– кайтчыны кутіс Ирина.

– Босьтчин кө, то висьтав. Мый нин өнітө...– корана гөлөсөн шуис Наталь.

– Мекөд өд сійө война вылас мунтөдз аддзысьліс.

– Висьтавлісны өд меным. Паньдасьлөмьяс йывсьыд,– сөглас вөлі көзьяйка.

– Кыкысь кымын эськө и ас кежынсө вөлім да.

– Тэ, Ирина, эськө лөсьөдлан да? Дөсадитны бара миянлы көсьян,– бөртөм улөс вылө пуксис Клавди да сюся видзөдліс Ирина вылө.

– Сө збыль,– сылы вочавидзис мөдыс да бергөдчис Наталь-лань.– Тэ ради өд сійө көдзөдчыліс. Мед пө не дойдны ёна сьөлөмтө. А тэнө аслас сьөлөмын и нуис.

– Мыйкө вөліс али мый тіян костын?– коса юалис көзьяйка.

– Эз. Аддзысьлім сөмын.

– А мекөд со вөліс,– мыйлакө уна кольөм вояс бөрын, буретш талун, босьтчис ошйысьөм моз посйысьны Клавди.– Сөмын Натальөдз на.

– Лөсьөдла кө, и лөсьөдла. Көсийи нин өні висьтавны, но Клавди со кутіс асьыс лөвтны,– водзөс сылы мынтіс Ирина. Нывбабаыд и сизимдас сайө арөсөн нывбаба. Сылы пыр ставсө окота төдны. Сөмын сёрнинад мыйкө вөрзьөдышт. Пыдөдз мусө кодьясны, а зілясны ставсө төдмавны. Ирина гөгөрвоис жө, мый пөдругаясыс өні оз лэдзчысьны. Аслас жө тай вомыс со паськавліс. Сы дыра кутіс, а со талун крукыштіс сёрнинас бөрө кольөм вояссө. Көсийс нин ставсө аскөдыс нуны. Мый дыра кутіс! Эз кө Натальыс аслас кулөм йылысь лөвт, то тадзи, гашкө и, артмис. Но вөрзьөдіс со ылө кольөм вояссө, и мыніс вомсьыс.

– Сөран нинөм абусө да,– көть эськө нырнас нин Ирина чужөмө инмөдчөмөн пукаліс Клавди, но видліс веськөдлөн лоны. Ачыс зэв сюся видзөдіс пөдруга вылас, виччысис сылысь выльтор висьталөмсө.

– Висьтав, висьталан кө. Клавди вылө эн видзөд. Наталь – мортыс веськыд. Көсийө төдны и ставыс.

– Ог. Ачыл өд тай сёрнисө панін. Степан йывсьыд. Со и менам шусис,– век на петитчис Ирина.– Мед тіянөс дэльөдны.

– Казьтышті, дерт. Аддзылі өні Степансө да,– льөб дорьяссө топөдіс Наталь. Дөзмыны, төдөмысь, эз дөзмы, но неуна дузmunіс. Сылы окота на вөлі төдны Степаныс йылысь ставсө.

Друг да Ирина мыйкө выльтор висьгалас? Но со йөй улө лэдчысьö.

– Степанөй дай Степанөй!– лөвтыштіс Клавди.– Тэ со ветымын сайö во нин абу, а ми куим пöрысь пукалам да тэнö на и казтылам. Век на тай со легам мыйкө. Дзик öд нин эськө вермытöмөсь да. Но век на овнытö окота. Натальыд тай со мыйкө дурмөма. Кувны лөсьöдчö.

Сійö сувтіс карточка весьтö да зон вылө видзөдігмоз лыдбөдлөмөн сёрнитіс буретш Степанкөд.

– Ок эськө! Бергөдлыны кө бөр кадсö. Кужим жö эськө сэк овнытö да,– ышловзис Наталья.– Кысь нин выльысь овны эськө да. Көть нин недыр выльысь адззывны асьнымöс томнас. Сэки и позьö кокниа кувны.

– Кызди нө бергөдан?– катлөдлыштіс юрсö Ирина.– Да и мый нө видзөдлыны медся ёна көсьян? Клавдилысь да Степанлысь мусукасьöмсö али мый?

– Мый нө сійöс видзөдан,– коса шуис Клавди. Быттьö збыльысь вермас лоны сэтшөмтор, мый вот дзик öні бергөдчылас кадыс да пöдругаясылөн син водзö сувтас сылөн Степанкөд адззысьлөмьясыс.

– Повзин? Он көсйы йөзасыны,– дэльөдөмөн артмис Ириналөн.

– Мыйысь повзи? Мыйысь? Радейтөмсыс?– мөдарö бергөдіс Клавди.

– Ме эськө көть син пөлөн, а видзөдлі асьным вылө. Мый нин öнитö дузьялан. Кольөма ставыс да,– такöдыштіс Клавдиöс Наталья.

– Кысь нин адззылан! Казьтывнысьö и коли миянлы. Оз кө быттьö Клавди висьтышт неуна. Степаныскөд адззысьлөмьясы йывсыс.

– Ми öд сыкөд унаысь адззысьлім да. Кутчысьлім, окасьлім и...– мыйлакö кутчысис Ириналөн сёрни визьö Клавди. Мыйкө вөрзис жö пытшкөсас да сійөн.

– Тайöс ме эськө видзөдны весиг ог көсйы. Сэкнас öд ёна вежөгтылі Степансö тэ дорö. Мый нин öні тайöс вөрзөднысьö.

– Мый нө эськө окота тöдны? Клавди да Степан йывсысь?– бара нырсö сюис Ирина.

– Мый? Мый?– мөвпавны босьтчис Наталья.– Налысь бөрья адззысьлөмсö эськө окота тöдны да. Позис кө эськө öні тайöс бокиянь видзөдлыны?!

– Мед раллыны али мый? Миян торксьöм вöснаыс,– пыр жö и öзйис Клавди, но другөн бөр раммис.– Ог нин эськө ёнасö помнит, кызди тайö вöлі да.

– Помниттөг он ов? Помнитан. Ме тай унатор на ясыда тőd вылын кута-а,– дэльöдыштис Ирина.

– Помниттөг он ов? Ме тай ставсö жö помнита. Торйөн нин Степанкөд аддзысьлöмьясöс. Татшöм шуда кадыс нö кызди вунас?– Иринали бокас тувкнитыштис Наталь.– Клавди, эн дözмы. Висьтышт, кызиджык бөрьяысьсö паныдасьлинныд.

– Самасисны сэнi. Ог öд нин бура помнит. Висьтышти эськö көть да,– мыйлакö торья эз пыксы Клавди.

– Мый тöd вылад уськөдан, сийöс и висьтав,– эз öвсы Наталья.– Ми көть тэнад казтылöмнад том кадас бергöдчылам. Эз öд тай со меным дыр овнысö коль.

– Тэ бара асьыд лöвтны кутin!– сы вылö ропкöдчыны босьтчис Ирина.– Клавди, збыльысь висьтав. Сэки и ме тiянлы мыйкö висьтала и... Бöрас.

– Ог öд, мися, ставсö нин тöd вылын кут,– ышловзис Клавди.– Но да кызди сямма...

И босьтчис казтывны...

Со мый сувтис Иринали да Натальы син водзас Вась Клавдилөн висьталгөн

...Нелямынöd вося гожöм заводитчигөн тайö вöли. Степан кольöм ар воис Гöрд Армияысь. И öниöдз на ветлöдлис салдат паськöмөн. Сэтшöм ёна мунис сылы гимнастёркаыс, мый сиктса мукöд зоньяс кажитчисны сы дорын мисьтöмджыкөн да укшальджыкөн. Армияад сийöс велöдöмаöсь морöссö водзлань чургöдöмөн восьлавны. Тув моз веськыда мунö, кокьясыс сöмын печласьöны. Да и кив-ворнас сюсьджык мукöд дорысь лöма. Кыз сэсся татшöм бурлак зон вöснаыд он косьмы. Сьölöм вылас некимын нывлы сийö воис. А зон мыйлакö Вась Клавдиöс бөрйис. Неыджыд тушаа да гöгрöсник нылöс. Некутшöм торья мичлун эз жö быттö вöв и. Сöмын лабутнöй да небыд сёрниа. И уджач зев. Быттö оз тэрмасьöмөн вöч уджсö, но мукöдлөн дорысь быд вöчöмтор öдийджык содö. Код төдас, мый вöсна збыльысьсö кажитчöма Вась Клавдиис Степаныслы? Но со тай кывсьö, мый аддзысьлöны нин төвсьяныс-а. Кодскөрö весиг сёрнитисны, мый гöтрасьны көсийöны весиг. Но тайö сөрöм. Ни ныв, ни зон та йылысь сёрнисö эз панлыны. Мöдарö на, бөрья кадас Клавди казялис, мый Степан көдзальшгис сы дорö. Водзтi вöли пыр мыйкö висьталö, кутлö и окалö. Öни пырджык чöv олö. Клавди эськö гөгөрвоö и тödö, мый вöсна. Код понда. Но век на чайтис кутны зонмöс ас дорас.

Со и талун ныв муніс зонкөд аддзысьлыны эскөмөн, мый Степан бара паныд уськөдчас, вына кияснас воддза моз сывйыштас. Сиктыс налөн чой йылын сулалө. И том йөзлы зэв лөсьыд. Вадор кырсо неуна лэччыштан, и он нин тыдав йөзлысы. Оз кө быттьө кодкө нарoшнө кыйөдчыны мөвпышт. Водзті Степан Клавдикөд вадорса кыр улын жө паныдасыліс. Но бөрья кадас индыліс мыйлакө аддзысьлан местасө мөдлаө. Сиктсынь ылөджык, дзык расьяс дорын, көні тай шорыс визувтө. Но өд көть кызди он дзебсясь, кодкө век нин аддзылас мунөмтө. Он өд кут кыссьөмөн местаөдзыс воөдчыны.

– Вотчыны мөдөдчин?– вом пельөснас вашьялігмоз юаліс Клавдилысь суседыс, верстө мужичөй нин.– Но и кад воис. Весиг гожөм заводитчигөн тшак петөма. Колөкө, турипув нин весиг эм.

– Вотчыны,– ородіс сылысь гөрдлөмсө Клавди да өдийөджык муніс водзө.

Индөм местаас Степан эз на вөв. Нывлы вель дыр лажикасьыштны ковмис. Зон матыстчис кысянькө мөдар боксянь. Буракө, йөзсыс өна саймовтчөмөн локтөма. Кыткө өна кытшалаөма. Рассыс тай петіс-а, йөзасьөмысь полө. Мед кодлыкө пельөдзыс эз во, мый муніс Клавдикөд аддзысьлыны.

Тані найө некымынысь нин паныдасылісны. Зон кос мылык ыло кытыськө кыскыліс пөрөм пу. Вель кызөс тай тажьяліс-кыскис. Позьө бура пуксыны да пөттөдз кутчысьлыны. Клавди чышкыштіс ки пьдөснас абутөм өгсө да пуксис. Степан джөм сувтіс сысянь метра вит ылаө. Эз и думайт матыстчыны. Быттьө ыджыд мыж вештыны локтөма.

– Степук, пуксы, мый сувтін?– корис ныв. Сылөн гөлөсыс вөлі важкодь мелі. Сөмын жугыльдзык.

– Сулышта. Кокөй том на.

– Лок, мися, пуксы,– эз өвсы Клавди. Сьөлөмыс майшасьөмысла тіпкис. Мыйла тадзисө на костын лоис? Мыйла зон оз көйыи важ моз сывйыштны сійөс? Лоөма тай, мый сэсса вөчан. Вежөрнас эськө ныв гөгөрвоис, мый помасис налөн радейтчөмыс. Но сьөлөмыс со оз эскы. Көть сэсса мый ськөд вөч.

– Пукся, инөсь,– матыстчис Степан.– Но сөмын тэ ме дінө эн топөдчы.

– Мыйла?

– Эн, и ставыс.

– Көдзавны тэ ме дорө, Степук, кутөмыд. Төдчө өд,– ышловзис Клавди.

– Мый төдчө?

– Көдзалөмыд, шуа. Водзті вөлі сывйөс кө паськөда – зэв тэрыба паныд ырсунан. Весиг тіралан. А өні...

- Гашкө.
- Пуксы, Степан.
- Бара өд кутчысылыны босытчан.
- Ог, мися.

Зон быттьо неокотапырысь пуксис. Недыр чөв олыштисны. Степан съёкыда ышловзис. Төдчис, мый көсйө кутшөмкө сёрни панны, но мыйлакө оз смелмөдчы. Клавди жө талун лунтыр мөвпалөм бөрын думыштис ставсө юасыны. Мед восьсөн висьталас. Збыль кө мөд ныв кажитчыны кутөма. Век өд он кут мырдысөн ас дінад кыскыны. Көть эськө оліс на надея, мый бергөдчас бөр сійө кадыс, кор сөмын на оэйис на костын радейтчөмыс. Кор эз пөтлыны окасьомысь да кутчысьломысь.

– Наталь, сідзкө, съөлөмад сатшис?– бокө видзөдігмоз юаліс Клавди.

– Мыйла Наталь?– повзяна гөлөсөн артмис Степанлөн.

– Эн пыксы. Полан, көнкө, менө дойдөмысь да сійөн он висьтав. Быттьо ме тэнад көдзыдлунысь ог доймы? Съөлөм дзикөдз нюрсунөма жө. Висьталін кө – бурджык лоис. Тэныд и меным.

Тайөс шуалігөн Клавдилөн лача на вөлі, мый ылалө сійө. Оз мөд ныв вөсна Степаныс сыкөд тазисө вөч, а кутшөмкө лоөмтор сійөс кутө. Дерт, ыджыд лача эз жө нин вөв. Но вөйысь морт пө тай весиг нбөрийө кутчысьө. Сідзжө и радейтысьыд, кор казялө мөдыслысь көдзалөмсө. Бөрья здукөдз лача кутас. Мукөдыс весиг дурмывлөны, кутасны мырдөн вөтлысьны. Лөвтөмөн корны не эновтны. Тадзинад бур пыдди, мөдарө, лөк вөчөны. Тайөс Клавди бура төдіс. Та вөсна и мөвпыштис панны сёрнисө. Мөдөс кө быттьо Степаныс радейтны босытчөма, то сылы вылас өшйыны оз кут. Мед мунө. Сэки өдйөджык гөгөрвоас, кутшөм нылөс воштис. Тадзи мөвпаліс Клавди зонкөд аддзысылыны петтөдз на. Татшөм жө думьяс гартчисны, кор Степан вель дыр эз вочавидз сылы. Но воча кывйис Степанлөн вөлі сэтшөм, мый весиг жар рытнас йирмөг босытис.

– А тэ он кут сы вылө усыласыны? Быттьо тэнсыд сійө менө мырддис да. Но өд эз сійө, а ачым сыланьө воськовсө вөчи. Ачым. Сійө абу мыжа,– тайөс шуалігөн Степан другөн сувтис да вывсынь кутис видзөдны нывлы синмас.

– Мый тэ пыр сійө да сійө,– недыр мысти сөмын тайөс вермис шуны Клавди.– Сылөн өд ним көнкө выйим. Наталь өд?

– Наталь,– пычиктис Степан.– Эн сы вылө, Клавди, тэ лөгав. Эн.

– Лөгав көть эн өні. Мырдысөннад тэнө он нин бергөд. Кута кө вөтлысьны, йөз серамыс сөмын лоас. Ковмас нин морөс пытшкын ставсө новлөдлыны. Съөкыд эськө да...

– Бур жö тэ морт, Клавди, – ловзис чужöм вылас Степан. Öд мыніс аслас гусяторйысь, кодöс сы дыра нин со видзö. Полö ныв водзын восьтны. Мед Натальы лёк эз вöч. А со Клавди ставсö гөгөрвоö.

– Мый нö сыысь? Менам бурлунысь?

– Мый нин сэсся вöчан? Сьöлөмöс öд ог веж. Мöд ныв кө сылы кажитчыны кутіс. Мöд вöсна кө косьмö. Тэ öд аддзан на ассыд шудтö.

– Натальыд эськö меысь, дерт, мича. Но öд висьлөс эзв. Аслыд ковмас ноксыны, – недыр чöv олыштöм бöрын босьтчис неуна лёкöдыштны налысь радейтöмсö торкысьсöс Клавди.

– Мед кө, – эз кут майшасыны Степан. – Но эн жö дзик сійöс драглöйөн лыдды. Висьлөснас эськö висьлөс да. Но дзуртысь пуыд медся дыр сулалö. Ме чайта, мый Натальыд öкмысдасöдзыд олас-а.

– Öкмысдасöдз?! – шензыштіс весиг ныв. – Мед эськö да. Но öд висьны пыр кутас. Нёрпалысь гөтырыд öд сöмын первой нырас любö. Сэсся вочасөн мустөммас. Кутан мöй сылысь няргөмсö пыр кывзыны?

– Вай дугды та йылысь, – дözмис весиг зон. – Шуа тай, мый Натальыс меным сэтшöм муса да дона, мый көть вольпассыс оз кут чечывны. Пыр кута пöсясьыс-пöся радейтны.

– Видзöдлам, – öдйö сувтіс кок йылас Клавди. – А öні мун! Эн сот менсьым сьöлөмöс. Эзв öд сьökыд меным. Верма весиг лёктор кутшöмөскö вöчны.

– Öтнадтö ог коль. Сайкалан, да сэки муна. Абу колöма талун висьтавны. Ачыл тай панін. Нюжöдыштны на колöма кадсö тайö сёрниöдзыс.

– Мыйла нюжөднысö? Аддза öд. Абу синтöм. Мун!

Зон катласыштіс места вылас. Окота вöлі сылы пырысьтöм-пыр жö котöртны сиктö. Быттö сьökыд ноп вель дыр кыскаліс ас вылас, а öні пуктіс сійöс му вылö. И друг лои сэтшöм кокни, мый көть лэбзы. Но öд и Клавдисö татшöмнас кольнысö он жö вермы и...

– Сöмын тэ, Клавди, аскöдыд нинöм эн вöч. Он öд?

– Эн пов. Ог. Мун нин син водзысь!

– Эн дивит, Клавди. Сідз нин лоис да.

Ныв эз вочавидз. Вазьöм сингясөн видзöдіс кытчökö бокö. Степан недыр сулыштіс на. А сэсся веськыда мөдöдчис сиктлань. Унаысь бергöдчывліс. Клавдиöс öти местаын сулалөмөн аддзөм бöрын бара воськовтіс водзö. Некумын воськов бöрын бергöдчыліс, и бара сиктлань. Кытчöдз эз саймовтчы.

Клавди сулаліс и сулаліс. Сэсся синваыс тюрөбөн заводитіс исковтны бандзиб кузяыс. Эз и чышкышт весиг. Бөр пуксис пу вылө.

– Мед эськө Натальыслы шудыс оз жө ло,– скөра да гораа артмис сылөн.– Тадзи вөчис мекөд да.

Вель дыр пукаліс. Сэсся сайкалыштөм бөрын босьтчис гораа жө кайтчыны:

– Йөйыд ме и выйим. Мый лёквывсьыд сии. Оз ков эськө тайөс шуны вөлі да. Мед олөны, кутчысьлөны, радейтөны. А меным нө кызди водзө овнысө?

Сиктө мунны вель дыр эз кут. Водзджык на. Казяласны вазьом да пыкталөм синьяссө. Мед йөзыс водаласны, да сэки. Кор пырис сиктө, котөрөн сорөн воөдчис гортөдзыс. Кунь-каньон пырис да войбыд шытөг бөрдіс. Син дорьясыс войяснас эз косьмыны и мөд, и коймөд луннас... Но сэсся өд он тай нэмтө бөрдөмөн ов. Сайкалыштіс. Көть эськө Наталькөд вель дыр эз сёрнит. Паныдасясны вөлі, да збыльысь мөдарө бергөдчө. Война кусөм бөрас во-мөд мысти другөн бурасисны. И өніөдз на пөдругаасьөны...



Вась Клавди ланьтіс. Сьөкыда ышловзис. Быттьө купшөмкө зэв сьөкыд удж вөчис да жаявтөдзыс лоөма. Сэсся асьсө дорйис на:

– Ог өд збыльысь ставсө нин төд вылын кут. Гашкө, мыйкө и вунөді висьтавнысө. Енмыс прөститас. Некодлы на тайөс со эг висьтавлы. Ачым казтьывнысө водзті унаысь казтьывлі. Öшйинныд тай со, да ковмис талун и тьянлы висьтавны. Гашкө и, оз ков вөлі да?

– Кызди оз ков?– чунь помнас пызанө тотшкөдігмоз шуис Ирина.– Көть өні кутім төдны, мый тайө тэ вөлөм Натальыслы лёксө сиөмыд. Тэ!

– Скөрйылысь тай вомысь чеччыштіс. Том на сэкинад вөлі да. Сэсся и забеднөыс пєслөдліс. Тьянлысь некодөс эз мырддывны, да он төдөй, кутшөм сьөлөм вылад лёк таысь,– дорйысьны босьтчис Клавди.

– Эн дорйысь! Мыжа кө! Оз жө вөлі ков татшөмтор Натальы сыны. Мед пө шудыс сылы эз жө вөв. Көть өні висьталін, да кайтчөма кодь тэнад лои.

Наталь дыр нинөм эз шу. Клавди да Ирина костын пансьөм сёрни дырйи пыр чөв оліс, видзөдіс пөдса дзирья өшиньөд гожса

ывла вылас. Ассыс думьяссö пöжис. Пöдругаясыс ланьтисны жö. Гусьон моз видзöдисны кöзьяика вылö. Думсьыс виччысисны, мый сийö шуас. Медбöрын Наталь бергöдчис налань да Клавдилысь юалгмоз чöвтис:

– Öкмысдасöдз пö ола? Степаныд шуис? Гашкö, он нин помнит, мый стöч сідзи шуис да?

– Тайöс вот и помнита,– эскöдис Клавди.– Сідз, сідз шуис. Öкмысдасöдз пö олас.

– Лёк жö тэнад, Клавди, вирыд вöлöма. Со кутшöма Натальлы инис. Абу öд прöстö важ йöз на шулöмаöсь, мый кывйид пö ньöвйись на вына. Эг и тöдöй, мый тайö тэ тадзисö ёрöмид,– выльысь уськöдчис висьтасьысь вылö Ирина.

– Дугды, Ирина,– öлöдис вывти лыбзьöмысь Наталь.– Тадзи кö менам либö тэнад лоис, то и ми скöрйылысь вермим быдсямасö шуны.

– Шуинныд, дерт,– пыр жö и сылань сетчис Клавди.

– Ме эськö эг да,– вом дорьяссö топöдлис Ирина.

– Ме öд збыльысь том дырйиид ок висьлöс вöли. Челядьдырсянь на. Вомидз пö – поконча мам шулис. Ичöтдырйи вомдзавывлöмаöсь. Кутшöмкö тьöt, кодлön пиыс вöлöм мекöд тшöтшья жö, но лёк кынöм висьöм сылы кöвьясьöма. Мамö сы дырйи и ошйыяс, мый менам пö Наталь кынöм висьöмсö оз тöд. Та бöрын люти-леті кодь менам лоöма. Мамöй повзьöма да тöдысьöс чукöстöма. Пывсьöдöма менö сийö. Шуöма, мый другön кö пö нылыд эз кув, то кутчыяс нин. Сöмын пö вомидз петтöдзыс висьны кутас-а. Вомидзыс пö дыр мысти мыльясөн петас. И збыльысь öд кутшöмкö гожöмö ме мыльяснас тырлі.

– Адöй, адöй!– сöмын и шуис Клавди.– Ме йöйид тöдтöгыд сэкинад нöшта Степаныдлы тэнö лёкöди. Висьöмтö висьталі.

– Но и вом тэнад, Клавди,– юрсö довкиöдлыштис Ирина да юалис Натальлысь.– Сэсся нö сы бöрын эн и висьлы?

– Эг. Сэтшöмасö эг. Кынмавлöм висьöмид вöвли, дерт. Ывла вылад нэмтö уджалігад. Чизыр төв улын мыйта турун вайöма лои.

– Тэ, Наталь, кувны лöсьöдчан, а Степаныд со сэкнад öкмысдасöдз овны сиис,– быттö сöмын на садьмис Клавди да юрас воисны аслас казтылöмьясысь зонлön тайö кывьясыс.

– Сідз эськö да. Но кадыс кö воас, кöть мый коркötö эз шулыны да.

– Вот и ов. Öкмысдасöдзыс. Кытчö нö тэрмасын?– пыр жö Клавди дор öні сувтис Ирина.– Степаныдлön öд кывйыс вермас жö инны. Ов öкмысдасöдзыс. Мед Клавди завидьысла потас.

– Бара менө кыскыштіс сәні,– дузгөдчис мөдыс.– Шуа тай, мый лёкөйла вомысь тайё кывъясыс петісны.

– Кыдзи нө олан? Кадыс кө матыстчис,– ассыс дыр на долис Наталь.

– Няргөмсыд энотчы, дай ов. Менө тай юр висьом топөдлыны жө бөръя кадас кутіс, да ог тай гөбөч вылө кувны кавшасьлы,– велөдіс Ирина.

– Тэнад да менам висьөмыд абу на и өткодь. Менө со кулан висьөмыс нин босьтіс. Слабитны куті.

Мукөдыс сэсся сылы паныд нинөм эз шуны. Көзьяйка кузя ышловзис да ланьтіс жө няргөмысь. Весиг ас төдлыгөгыс босьтіс пызан вылысь картупеля шаньга да шөрипов чегис. Оти джынсө сөйис нейджыда курчалөмөн. Чөв олісны. Тадзи, колөкө, вель на дыр пукалісны, эз кө Ирина шу:

– Тэ, Клавди, сэтшөмтор висьталін, мый быгтьө том кадсө син водзө бергөдлін. Ме вот тадзисө висьтавны ог куж, оз менам артмы.

– Ме помысь эськө кутшөм висьтасьысь да,– асьсө кулитіс Клавди.– Сирасинныд да быгтьөн сорөн лои казътыштны. И өд аслым кокнялыштіс. Окота на водзө казътивны. Гашкө, Наталь, тэ мыйкө висьталыштан да? Степантө казътыштан. Либө Ирина. Сійө сёрнитныгө сяммө. Ме дорысь...

– Миян өд Степаныскөд нинөм эз вөвлы,– сувтлөмөн зонлөн карточка вылө видзөдліс Ирина.– Сөмын туй вылын падвез веськавлім. Наталь, тэ вай висьтышт.

– Окота эськө том кадтө казътыштны да,– эз куражитчы көзьяйка.– Збыльысь өд зэв окота көть здук кымын син пөлөн том кадсө видзөдлыны. Но кысь нин. Сөмын казътивны и кольөма. Ме кө, Ирина, кута висьтавлыны, то лолөй оз шед. Пыр жө и сьөкыд лоас.

– Мед оз,– торкис Клавди.– Меным тай со весиг кокныдджык лои-а. Висьтышт мыйкө, Наталь. Ассыд том кадтө казътылөмысь некодлы на лёкыс абу вөвлөма. Тэ өд Степаныскөд вель дыр аддзысьлінныд. Мекөд торксьөм бөрас. Ёна радейтліс сійө тэнө?

– Радейтөмөн тай шуліс-а. Но өти рыт со нэм казътывлі. Сэтшөм шуда здукьясыс сэсся некор эз вөвлыны. Тэкөд, Клавди, торксьөм бөрын недыр мысти сійө вөлі. Висьтышта, колөкө?

Клавди да Ирина гогнитісны юрьяснас. И Наталь, Степанлөн карточка вылө синсө чөвтлөм бөрын, заводитіс казътивны.

Со мый сувтис Клавдилы да Ириналы син водзас Семё Натальён висьталгён

... Нелямынөд вося гожом шөр пуксис. Войвывса рытъясыд сэк лун югыдось. Турун пуктаныныс колхозсяс воисны нин дас часын. Том йөз тэрыба нуръясьыштисны да усъкөдчисны вой коллявны. Степан да Наталья мукөдсьыс век торйөн өні вөліны. Налён асланыс аддзысьлан места. Ю бокин, көні тай бадьяс быдмөны. На дорын эм паськыдкодь эрд. Сэні абуджык номйось. Отар-мөдарсянь ветлөдлө төвру, быттьо корсьө водзө мунан туй. Но оз аддзы. Пыр кытшлалө, вөтлө номьяссө. Сэтчө Степан ас кинас вөчис лабич кодьс. Дзик вадорас. Шуисны паныдасыны талун тані жө. Сёр рытын.

Степан локтис водзджык. Натальялы ковмис горт гөгөрас на ноксьыштны, да сёрмис. Зон син доймытөдзис нин видзөдіс туй вылө, кытсиянь мыччысьлө Наталья. Пуксьылас лабич вылө, бөр сувтас. Ветлөдлыштас. Ропкөм ни дөзмөм абу. Төдіс, мый ныв воас татчө. Мыйкө падмөдөма сійөс? Эз-ө Клавдикөд паныдасы да мөдыс мыйкө лектор шуав либө вөч? Клавдиыс эськө видзөднысө абу лек руа да. Но код төдас морттө. Озьяс кө, то и медся бур мортыс пакөсьттө вөчас. Көсийс нин сиктлань мунны Степан, но со казяліс Натальяс. Ылісянь на. Эз вермы сэсса тані сулавны да усъкөдчис воча. Зонмөс аддзөм бөрын Наталья сувтовкерис:

– Степук, дыр нин виччысян? Эн дивит. Эг вермы пырысьтөм-пыр локнысө да.

Степан эз и сувтлы, кыкысь воськовтөмөн воөдчис ныв дінөдз. Топыда сывйыштис сійөс, мый мөдыслөн лолыс тасасьліс. Татшөм кутлөмсьыд Натальялы медся любө. Кор лолыс оз шедны кут. Нимкоддысла, шудысла...

– Ог жө дивит, оз тусьсө асьсым!– такөдіс Степан.– Сөмын повзи зэв ёна. Эз-ө, мися, мыйкө ло? Тэ талун Клавдиыскөд эн паныдасылы?

– Паныдасылі. А мый нө?

– Нинөм. Сідз юалі.

– Эз весиг тай сёрнит. Ме мырдысьёнсө сэсса варовитны эг жө кут дай. Абу жө и меным лөсьыд сьөлөм вылын. Сылысь тэнө мырдльөма со лои.

– Эн жө мырдды! Ме өд ачым... Ачым тэ дорө сираси. Нинөм. Кадыс коляс, да ставыс сьлөн вунө.

Найө ота-мөд дорас топөдчөмөн веськөдчисны ю дорлань, асланыс местаө, кытчө сиктса том войтыр рытъяснас эз волыны. Быдөнлөн асланыс местаяс вөліны. Тайө жө местасө Сте-

пан да Наталь босьтöмaсь. Пуксисны лабич вылö. Зон небы- дика кинас вöтлiс нывлөн сой вылас пуксьöм номйöс да топöдiс Натальöс ас дiнас. Сийö дась вöли мелiа топöдны нывлысь быд чут. Но кытысь сы пасьта ки пыдöсьясыс? Кытысь сэтшöм сыв- йыс?!

– Степук, ме сэтшöм шуда! Мый тэ менам эм!

– И ме тшöтш! Мый тэ мекöд! Ок öд ёна тэнö радейта! Он эскы?!

– Эска. Ме öд тшöтш тэнö кувтöдз радейтны кута!

– Кыдзи ме первойсяныыс тэнö эг казав? Водзтiджыксö мый- ла сёлöмöй эз вөрзъы?

– Абу тай вөрзёма. А ме тэ вöсна пöшти во нин со косьма. Армиясьыд кыз воин – пыр жö и сёлöмö сатшин. Весиг шен- зи, кор паныдасим. Кытысь, мися, татшöм мича йöзыс лоöны?

– Ме öд абу и мича.

– Меным тай зэв мича-а. Армияад мунiгөн ме ичöt на вöли да эг гөгөрволы. Көть эськö некымынысь думыштлi жö. Кытчö, мися, эсийö зонмыс воши? Кодi лайкьялiгтыр восьлалöмөн век катыдлань ветлiс?

– Ме чожиньясö быд лун ветлi. Сылы отсасыны.

– Кор армиясьыд воин, то мöд синмөн нин тэ вылö видзöдлi. Быдысьсöма нин да. Сэтшöм тэ меным вöлин муса да колана, мый унаыс заведнöйла бöрдлi, кор Клавдиыскöд мукöдсьыс янсöдчылiнныд. Сыркьялöмөн унаысь шуавлi, мед эськö, мися, торксянныд.

– Сiдзкö, инöма кывьясьыд,– шмонитыштiс зон.– Сийөн и öнi ме тэкöд.

– Инöма, тыдалö. Мед эськö тайö шудыс некор оз помасьлы.

– Оз и помасьлы. Ме век тэкöд лоа. Некор ог янсöдчыв. Көсьян – пыр кияс вылын новлöдлыны кута?

Степан сувтiс. Көсийс босьтны Натальöс кияс вылас, но мöдыс дуригмоз йötкыштiс сийöс. Зон гылыда серöктiс, кокниа вештыштiс нывлысь водзö нюжөдöм кияссö. Босьтiс сийöс мыш- куöдыс да кокьясöдыс. И лэптiс мөздорас. Наталь мода вылас чужьясьыштiс.

– Со тадзи век кута новлöдлыны.

– Эн ышмы. Дойман.

– Мыйысь дойма? Тэ öд пötка гөн сьöкта и эм.

– Лэдз. Збыль öд дойман. Абу тай ме кокни.

– Кокни. Кокни. Пыр тадзи кута новлöдлыны,– Степан ныв тыра мөздөрөн видлiс весиг котöртыштны вадор боктi.

– Киыд öд орас-а,– долыда серöктiс Наталь, а ачыс топыда

сывйыштіс зонлысь сьылісö, жмитчöма чужöмнас сьлөн пельпомö.

– Оз! Оз ор! Тэнö новлөдлөмысь кияс оз на орны!

– Вай лэдз! Сувтöд кок вылö,– кевмысис ныв. Сьлы чайтсис, мый зонлы сьöкыд. Жальлун шымыртіс, көть эськö татшöм новлөдлөмысь морöс кудъяс шудыс öзъяліс.

– Оз кажитчы али мый?

– Ки вылын новлөдлөм нö кодлы оз кажитчы? Сьöкыд öд-а.

Зон тэрмасьтöг сувтöдіс Натальöс кокъяс вылас, топыда кутліс морöс бердас жмитöмөн. Ныв серам сорөн мездысис.

– Мудзин на тай,– дэльöдыштіс сійö Степанöс.

– Мед эг,– тшапитчис мöдыс да бара көйис босьтны Натальöс кияс вылас.

Ныв пелька, налим моз, вильснитіс сьлөн сывъясысь да уськөдчис пышйыны.

– Суöd да вöлись ошйысь!

– Он на меысь пышйи! Он!

– Пышья!– чой паньд кутіс кавшасьны Наталья.

– Он! Суöда! Окала! Ки вылын нэм новлөдла!

Наталь пелька котраліс, пышьяліс зонлөн кутöмысь. Мöдыс лыбзис да зілис öдйөджык суödны нылöс. Сьөлөмьяс кыкнанныслөн лөкысь тіпкисны. Натальлөн кокыс веськаліс кутшöмкө гуранö да кымыньөн уси. Степан повзьöмөн котöртис сы дінö.

– Наталь! Эн жö öд ёна доймы?! Коктö öд эн жö музгыльт?!

– Эг кө-а,– доймыштöм коксö видлалігмоз шуис ныв.

Ачыс көйис öдйö сувтны да водзö пышйыны. Но он на тай. Степан топыда шымыртіс сійöс сывъясас да лэптіс.

– Эн дур. Ог сэсся котралöй. А то дойман,– пöся окалігмоз небыда шуаліс зон.

– Эг кө усь, эськö эн на суöd да,– тшапитчис Наталья.

Зон морöс бердас топöдöмөн и лэччöдіс сійöс ю дорөдз да пуксьöдіс нылöс пидзöс вылö. И тадзи кутчысьлігмоз, окасигмоз, сёрнитігмоз найö пукалісны асья шонді мыччысьтөдз. Кытысь налы вöліны эбöсьясыс, мый вермисны уна кад чöж суткинас ойбыртлыны сöмын час-мөд кежлö?



...Наталь помаліс тайö аддзысьлөм йывсысь висьталөмсö. Бара вель дыр сувтлөмөн видзөдіс Степанлөн карточка вылö. Көйис нин кисö нюжөдны сылань, мед малыштны чужöмсö. Но пöдругаясысь, тыдалö, яндысис. Эз тай-а.

– Ирина, тэ моз кө быд шуöмö пысасыны, то и меным позьö

Натальсö дивитны. Со тай нö гарыштис, мый Степаныслы шуöма, мый менö ськөд торйöдны кевмылöма,– öнтаяысь быттö водзöс мынтис Клавди. Гашкö, век на асьсö дорйöм могысь тайöс шуис.

Ирина паныд нинöм эз шу. Сийö видзöдис Наталь вылö. Кöзьяйка вежсьыштис чужöм вылас. Сийö и висьталигас на вель дыр кeжлö некымынысь ланьтыштлис. Быттö ловсö шедöдис. Кыдз тай вöчлöны öдийö котöртöм бöрын.

– Сидз тай,– Клавдилы вочавидзигмоз дыр мысти шуис Ирина да шыасис кöзьяйка динö.– Тэ тай, Наталь, кельдöдин. Збыль лёк лои али мый? Клавди! Кыскы кутшöмкö лекаpство кизь. Сьöлöмысь ли мый ли...

– Oz коз,– ышловзис Наталь.– Эз сьöктöд. Слабог! Висьтышти да быттö ачимöс томөн бара на адззыли. Кольöма тай сийö кадыс!

– Да-а-а,– нюжöдыштис Клавди.– Öнитö ышлолав көть эн – он бергöд.

– Он тай...– сöглас вöли кöзьяйка.

– А менö Степаныд ньöтчид кияс вылад эз босьтлы,– мыйлакö таысь заведнö друг лои Клавдилы.

– Сидзкö, эз радейтлы,– пыр жö и суйсис Ирина.

– Радейтöмөн эськö шулис да,– паныд шуис Клавди.– Но кияс вылад эз лэптыв.

– Абу на сидзкö радейтöма. Наталь, оз кө содтав быттö, со висьталис, мый вель дыр сийöс новлöдлöма.

– Og жö содтав! – вомалис кöзьяйка.– Сидз вöли да. Эг öд думышт ме тайöс.

– Ме нэм оли, да некод эз и лэптывлы кияс вылад. Öни весиг веж кутис петны. Натальöн висьталöм бöрын,– косиника серöктыштис Ирина.

– Степанöй дай Степанöй! Мыйла нö эськö тэ сидзисö вöчин?– код тöдас кодлысь друг юалис Наталь.

– Мый вöчис?– шензьыштис Клавди.– Усьöмсьыс али мый сийöс дивитан? Абу öд сийö таысь мыжа. Война вылад юрсö пуктöмысь.

– Og ме сыысь. Мöдторйысь.

– Тэ вöсна öд сэкинад тайöс вöчис. Мед тэныд кокньыдджык вöли,– бара гарыштис Натальлы Ирина.

– Мый йылысь и сёрнитöны?– эз гөгөрво Клавди.

– Тэ нö кытысь тöдан?– Клавдилысь сёрнисö быттö эз кывлы да юасис Иринались Наталь.

– Абу öд синтöм. Казявлi,– ылöсас вочавидзис Ирина.

Клавди то өти вылас видзёдлас, то мөд вылас. Асьсө йөйөн эз жө чайт, но өни нинөм эз гөгөрво пөдругаясылөн сёрниысь. Кывйыс гиялис жө дай, сёрниө сюйсыны тшөтш жө окота вөлі. Со и бара на шензис:

– Мый казавлін? Ирина, мый нө казавлін? Со өд вежөрөй! Ог нин өд ставсө важсьыс помнит. Сы мында кад нин коли да. Мыйджык нө эськө казтыланнид?

– Нинөм сэтшөмсө,– мед мынтөдчыны Клавдилөн өшйөмысь, шуис Наталья.

– Кыдзи нинөм?!– öзйис мыйлакө таысь Ирина.– Аскөдым эськө көсий гуө нуны да, но ковмас, тыдалө, талун висьтавны. Эз тшөкты эськө Степаныд тэныд висьтавнысө да.

– Тэ нэмтө топыд вома вөлін. Нинөм абусө бызган, а кола-насө пытшкад видзан. Төда өд,– эз көть гөгөрво мыйысь, но Иринаөс дивитны босьтчис Клавди.

– Висьтав. Мый он висьтав?– став сөнъяснас весиг зэвтчис Наталья, Ирина вылө синсө вештывтөг видзөдөмөн.

– А ог өд нин ставсө бура помнит. Кыткө кө не сідзикөн висьтавяс?– кутис бара быттьө ышнясыны Ирина.

– Тэ он помнит? Тэ? Öнтай на ошйысин, мый ставсө помнитан да. Öни сэсса эн кут помнитны!– шлапнитис бекьясас Клавди.– Висьтав нин. Мый сэни сэсса пондін өтиторсө дольны.

– Висьтав. Мый помнитан, сійөс и висьтав,– корис Наталья.

– Код йылысь нө висьтавнысө көсий?– сөмын өни юалис Клавди.

– Ирина тай Степан йылысь мыйкө пычкысьө висьтавны. И со некыдзи оз босьтчы.

– Иринаыс нө Степан йывсьыс мый вермас висьтавны? Найө өд эз мусукасьны да. Эг тай өниөдз кывлы-а. Ирина, эн өд ти мусукасьөй?

– Эг,– чөвтис мөдыс мыйлакө мөвпалігмоз.

– Ме жө шуа, мый эз. Иринатө ме гуг и бан төда. Нарошнө сёрнисө Степан да ас йывсьыс паніс, мед миянлы дөсадитны.

– Эз кө-а,– Клавдиөс вомалис Наталья.– Меным өд йөзыс сэк-над висьтавлісны, кызди Степан Ирина бөрся вөтлысьөма.

– Эн сөр,– эз эскы Клавди.– Ирина, збыль мөй Степаныс тэ бөрся вөтлысис?

– Эз, дерт. Сөмын кыкысь кымын туй вылын вөтөдліс. Сёр-нитыштны көсийс.

– Збыль али мый Степаныс Иринаыскөд аддзысьтывлөма?– Наталья дінө өшйис Клавди.

– Сідз тай шулісны-а.

– Эг, мися, ми ськөд тіян моз аддзысьлөй! Эз Степаныд ме

вылө ыштывлы. Мөдтор йылысь ми ськөд паныдасигас сёрнитім. Наталь йылысь.

– Ме йылысь?– шензыштис быттьө көзьяка.– Мый нө сійө ме йылысь висьтавліс?

– Шуа тай, мый тэнө жалитөм вөсна сійө тэкөд янсөдчис, торксис.

– Нинөм ог гөгөрво,– то өти вылас, то мөд вылас бара дзөрьяліс Клавди.

– Мый нө эськө Степаныс тэныд висьтавліс?– сирасис Ирина дінө Наталь.

– Көсйи өд сьөрысь гуө нуны. Но оз, тыдалө, удайтчы. Вомөс кө калькниті, то ковмас нин висьтавлны,– Ирина кыпөдчыліс, видзөдліс жө зонлөн карточка вылө.– Степан, верман кө – прөстит. Эг со вермы кутчысны. Тэ эськө эн тшөктыв висьтавлнытө да. Но да эн дөзмы. Висьтала.

Ирина бөр пуксис, вель дыр лөсьөдчис. То эсідз пуксыылас, то талз. Шемела песіс, мед заводитөмсө нөжөдны. Но өд он тай сэсся асылөдзыс педз лабич вылас. И Ирина босьтчис аслас висьтө.

Со мый сувтіс Клавдилы да Натальы син водзас Тима Ириналөн висьталігөн

...Нелямын өтиөд вося июль төлысь заводитчигөн тайө вөлі. Гожся рытө. Кор Ирина том йөз чукөрысь торйөдчөм бөрын веськөдчис гортланьыс, ныла-зонмаясысь янсөдчис и Степан. Сійө рытывбыд сулаліс мукөдсьыс бокинджык моз. Тыдалө, чайтіс, мый вермас Наталь татчө матыстчыны. Мед ылісянь адзыны да удитны мунны. Паныдасыны эз көсйи да. Но Наталь эз воы. Сійө вежон сайө нин дзебсясис йөзсьыс. Көнкө өтнас пөжис ассьыс ыджид шөгсө. Степанлөн кывьясыс сатшөмаөсь көнкө сьөлөмас жель моз да некыдзи эз шедны сэтысь.

Ирина, кодөс сиктса челядь кузь да вөсни туша вөснаыс син саяс нимтісны вугыр шатинөн, ыджыда восьлалігмоз веськөдчис катыдлань, көні гортыс. Челядь збыльысь эз лысытны сійөс синмас вугыр шатиннад шуны. Ёсь кывья нылыс да. Нөшта зон кодь збой. Вермас и мышкуад лөсьыштны.

– Ирина!– друг кыліс сійө бөрла дорын чукөстөм.

Ныв сувтіс, тэрыба бергөдіс юрсө. Сы бөрын вөлі Степан – Клавдилөн да Натальлөн сьөлөм косьтысьыс.

– Мый?– ярскөба юаліс Ирина.

– Сувтлы!

- Сулала тай нин,– збояліс ныв.– Сэсся мый?
- Нинём.
- Та могысь и чукөстін?
- Эг. Сёрни эм.
- Он-ө нин менө ылөдлыны көсйы?– пычиктіс серамсө
- Ирина.– Клавдисьыс да Натальсьыс умин да.
- Эн серав тадзи. Ачым өд таысь абу мыжа.
- Коді нө? Ме али мый?
- И тэ абу,– ышловзис Степан, коді весиг эз лысьт матыстчыны ныв дорө. Сулаліс вит метра ылнаын кымын.
- Сідзкө, ачыл.
- Гашкө.
- Ачыл, дерт,– водзө воськовтіс Ирина.– Сэсся и менө ылөдлыны со лысьган. Он на босьт! Ме өд абу найөйд!
- Эн тэрмась, Ирина. Эн на мун. Сёрнитыштны көсья.
- Мый йылысь?– бөр сувтіс ныв.– Тэнад өд юрад сөмын өти мөвп – кыз эськө унджык нылөс ылөдлыны.
- Дугды, мися, тадзисө. Он төд, а бызган.
- Дерт нин ог төд. Став сиктыс сёрнитө да.
- Мед сёрнитө кө. Но окота со, мед көть өти морт збыльсө төдіс. Со и тэныд висьтавыны көсья.
- Бара ылөдчан. Көсьян, мед ме норми да тэкөд кутчысьлыны уськөдчи.
- Да ог, мися, көсйы ме тэкөд кутчысьлынысө. Он кажитчы ньөти.
- Мый нө ме Наталь да Клавди дорсьыс мисьтөмджык али мый? Быттьө абу да.
- Абу эськө мисьтөм да. Мичаджык на, колөкө и...
- Со. Заводитчө,– вомсө юмыртліс Ирина да бара воськовтіс.
- Энлы, мися. Кытчө мунан?
- Гортө. Узыны.
- Эн на мун. Висьтасьны көсья.
- Висьтась нин,– сувтіс Ирина да бара бергөдчис зонлань.– Кутін сэнні кытшлавны аслад сёрнинад.
- Кывзыны он весиг көсйы да. Пыр тшөтясьөмыд.
- Тэ кодыскөд мөд ногыс оз позь.
- Аскомысь ме муна. Кывлің өд, мый война вылө босьтөны.
- Кывлі. Он тай өтнадөн мун.
- Со и көсья, мед көть өти морт төдіс збыльсө. Сьөлөм кылө, мый бөрсө ог нин бергөдчы-а.
- Мый нө сійө – збыльыс?– Зонлөн жугыль синьясө видзөдлөм бөрын юаліс Ирина.
- Мөдыс чөв ланьтіс. Быттьө корсис стөчджык да коланаджык

кывъяс. Ныв эз тэрмөдлы. Зонлөн видзөдлас сертиыс төдчис, мый көсйө висътавны мыйкө зэв коланаос.

– Ме өд Натальыскөд лючки сы вөсна торкиси, мед сылы кокни вөлі,– ышловзигмоз шуис Степан.

– Дивө тай!– торкис Ирина.– Мортис кыз синваон йөз дырйиыс бөрдө, а сийө со кокньөд ради тайөс вөчөма! Эн вошлас! Асьсө өд нөшта дорйө!

– Ог дорйы эськө да. Но ог көсйы, мед Натальыс дөваон коли. Сьөлөм кылө, мый ме юрөс пукта. Ог бөрсө во.

– Кымын нин тай дөваыс лои. Некумын луннас. Война өйөмсяньыс. Нинөм, олоны.

– Мед кө найө олоны. А Натальы тайөс мед не төдны. Дөваалөмсө.

– Тадзи өд оз жалитлыны,– ярскөба бара артмис нывлөн.– Натальыс со дзикөдз косъмис.

– Ог, мися, көсйы сылысь оломсө торкны. Пукта өд юрөс. Гөтраси кө – дөва лоас. Онi со нылөн на дай. Позьө мөд сайө петны. Война бөрас. Нылыдлы дөва дорсыд тайөс вөчны кокньыдджык.

– Ог некудзи тэнө гөгөрво!– шлапнитис кузь кияснас бокьясас Ирина.– Радейтан кө быттьө Натальсө, то мед гөтрасин дай.

– Радейта. Зэв ёна радейта. Но нарошнө торйөдчи, эг кут адзөдчывны, мед лөксө сылы не вөчны. Ирина, сөмын тэ тайөс төдан. Сэсса некод оз. Көсья, мед сиктын көть өти морт, но төдис збыльсө. Көть нин тэ менө он кут быд ногыс дивитны.

– Абу жө эськө тайө петан туй да. Гөтрасин кө – бурджык вөлі.

– Кодлы кызд. Ме тай мөвпалі, мөвпалі да тадзи вөчи-а. Ирина, эн некодлы висътав та йылысь. Мед ме мукөд водзас лөкөн и коля. Натальсө эновтысьөн. Бур?

– Мыйла нө тайөс гусьөн видзнысө? Мед төдоны.

– Оз ков висътавнысө. Тадзисө бөрас Натальыслы кокньыдджык лоө. Он кө висътав.

– Гашкө, бөр на воан. Войнаыд, колөккө, талун-аски по-масыс.

– Ог во, мися. Кыла өд.

– Кор бөрсө воан да Наталь водзад пидзөсчанысян, менө чукөст жө. Висътала тайө сёрнисө. А сэтчөдз ог некодлы висътав.

– Уся кө, то эн жө некодлы висътав.

– Ог.

– Агтьö. Висьталі тэныд, да кокныдджык лои. Көть тэ кутан тöдны,– Степан коклябөр йылас бергөдчис да тэрыба муніс аслас гортланьыс.

Ирина дыр на сулаліс. Зонлөн висьтасьöмыс быттö измөдіс кокъяссö. Медбөрын веськөдчис жö кын кокөн гортланьыс. Юрас жуисны юалөмьяс. Мыйсяма морт сійö? Степаныс. Мыйла колö вöлі сылы тадзисö вöчны? Эз некыдзи гөгөрво.



– И öніөдз на ог гөгөрво,– помаліс висьталөмсö Тима Ирина. Сэссия бара сувтіс да видзөдліс зонлөн карточка вылө.– Степан, эн дивит. Эг со вермы тэ водзын сетөм кывйöс кутны да. Он öд?

Клавди да Наталья синвасö чышкалісны. Чöv олісны. Наталья кадысь кадö видзөдлывліс вазьöм синьяснас Ирина вылө. Думсьыс виччысис на, мый пöдругаыс эз на ставсö висьтав. Друг да бара мыйкө казтыгытас Степан йывсьыс. Но мөдыс бөр пуксис да босьтчис чунь помьяснас йигрөдлыны чышьян сырсö.

– И тэ збыльысь некодлы эн висьтавлы?– нормөмысла тіралан гөлөсөн юаліс Клавди.

– Эг. Көсйыси Степаныслы да.

– Но öд Натальыслы колö жö вöлі көть висьтавнысö.

– Эг тай со-а. Гашкө, коліс да. Но пыр чайті, мый верөс са-йö петас да мед сьөлөм дойсö не чашкөдны – эг висьтав.

Наталья эз суйсы налөн сёрниö. Кимөдзнас чышкаліс синвасö. Клавди да Ирина чöv ланьтісны жö. Виччысисны сылысь мыйкө шуөм. Наталья сувтіс, дыркодь видзөдіс карточка вылө. Сэссия кутшөмкө кад мысти шуис жö:

– Дерт нин, верөс сайö пета. Степантö öд ме нэм чөж радейті. Корасьлісны эськө жö да. Эз, дерт, унаөн. Но корасьлісны. Эг пет. Степанöс ме мөд вылө вежны эг вермы. А мед сідз, кок шонтысь пыдди кодөскö сибөдны, эг көсйи дай.

– Со вөлөм мыйла Степаныс тэнö эновтлөма,– век на шензис Клавди да помся чышкаліс вазьöм син дорьяссö.

– Эн öд весиг мунігад кежав. Гусьөн моз мунін. Ме эськө көсйи адзөдчывны тэкөд да. Но пыр пышьялін,– карточкавывса Степанкөд ловья морткөд моз сёрнитіс Наталья.

– Пышьяліс, дерт. Паныдасис кө, то, чайта, эз вермы куччысьнысö. Сывйыштіс эськө тэнö.

– Со öд олөмыс!– кузя ышловзис Клавди.

– Вежавны Наталья олөмлы некыдзи оз позь,– жалитөмөн артмис Ириналөн.

– Олі тай со. Йёзысь эг лёкджыка. Некод омоль кывйён казъ-
тывны оз кут и. Пинясьомыд да зыксёмыд эськё вёлі жё да.
Но мед лёк ногөн кодёскё дойдны – сэтшөмыс эз...– аскёдыс
моз босьтчис сёрнитны Наталья.

– Эз. Эз. Тэнё лёкодны нинёмысь,– сөглас ськөд вёлі Клавди.

– Сійёс тай и шуа. Кувнысё та вёсна кокныдджык.

– Тэ бара ассьыд дольны кутін? Кулём йывсьыд,– вомалис Ти-
ма Ирина.

– Вунөдліс нин да. Бара со дум вылас уси,– содтіс Клавди.

– Кадыс кө матыстчис, то өдзөстё каличав көть эн. Оз от-
сав,– ышлолаліс көзьяка да видзөдліс гөбөч вылө.

– Абу на кулысь тэ, Наталья. Со Степаныд меным шуліс, мый
өкмысдасөдз олан. Окмысдасөдз овны сійё тэныд силіс.

– Сійё өд сіdzi көнкө шуліс. Мед тэныд дөсадитны,– Сте-
панлөн карточка вылө синсё чөвтліс Наталья да веськөдчис пач-
лань. Сэсся кашкигыр да кымыныськё «ой» шуигмоз кыпөдчис
гөбөч вылө.

– Мед эз, дөсадитөм ради! – пыксис Клавди.– Олан. Шуис
кө Степаныд, мый өкмысдасөдз олан, то ковмас.

– Бара тэ, Наталья, сэтчө кавшасин? Миянлы нө мый вөчны?

– Пукалөй, сөйөй, юөй,– гатшөн водөм бөрын бара
пөтөлөкас видзөдөмөн шуис көзьяка.

– Пөтім нин да,– куражитчис өні Клавди.– Да и мунан кад
воө. Дедөлы көть юөртны колө. Верөс, көнкө, став сиктсө нин
кытшовтіс. Эг висьтав, кытчө муні да. Эз буретш гортын вөв,
кор тэ дорө чукөстысьыс воліс. Котөрөн со ковмис уськөдчыны
татчө да.

– Миянө кө Васьыд локтас, эн жө вөтлы. Мед пукалө. Га-
жаджык тьянлы.

Ирина чөв оліс. Сэсся чеччис да тшай кисьтіс. Босьтіс пы-
зан шөрсьыс роч вина дозсө да чолькнитыштис тшай пиас.

– Клавди, тэныд тшөтш кисьтны?

– Ме ачым. А то тэ уна кисьтан,– Клавди босьтіс пөдруга ки-
сьыс дозсө да кисьтыштис ыджыд паньё. Сюйліс сійёс стөканас
да сэтчө жө содтіс тшайсө.

Клавдилөн да Ириналөн тшай юигөн Наталья чөла куйліс
гөбөч вылын да мөвпаліс. Мөдысь кавшасьөм бөрын татчө
шлапкөм небыд вольпасьыс кутіс кажитчыны чорыдөн. Пөдру-
гаясыскөд важ кадсө казътыштөмыс быттьө вайис кокныдлун
да содтіс вошлөм эбөссө. Войдөрлунся вөтыс ли, вемөсыс ли өні
кутіс кажитчыны эз нин сэтшөмөн, кутшөм вөлі асывнас на. Сэки
сійё збыльысь чайтіс, мый вөтасис тайёс кулөм водзвылас. Ёні

жө мөвпясыс жуисны водзё олөм йылысь. И кайтчис гөбөч вылө выльысь кайөмысь. Но кызди нө бөрсө лэччан? Пөдругаясыс кутасны ышнясьөмөн шуны. Колө корсьны бур помка, медым бөр пуксьыны дзирья өшинь дорө, Клавдикөд да Иринакөд орччөн. Варовитыштны накөд ар йылысь нин. Кызди кутасны ветлыны вотчыны. Юрас воис сөмын өти мөвп, кызди бур ногөн бөр лэччыны гөбөч вывсьыс. Наталь юрсө бергөдіс пукалысь-яслань да юалис:

– Мый нө сэтшөмсө ті нэм чөж юанныд? Чөскыд мөй?

– Ёна чөскыдыс эськө абу да, – вочавидзис Ирина.

– Мыйла нө эськө юанныд? Абу кө чөскыд.

– Быттьө виртө вежыштө. Кыпавлан весиг, – вом тырыс сёян сюялөма да өдва сёрнитіс Клавди.

– Лок, колөкө, видлы ачыл, – корис Ирина. – Көть төдны кутан.

– Му-ун, – мода вылас куражитчис Наталья. Ачыс эськө тайөс и виччысис.

– Збыльысь өд. Лок. Юышт. Куйлөм дорсьыл, – чуксалис и Клавди.

Наталь өшөдіс кокъяссө, быттьө майшасис на. Колөкө, лэччөм радиыс оз ков тазисө вөчны да? Но кызди нө сэсса мөд ногөнсө бөр лэччан? Некутшөм мөд мөвп юрас оз во да.

– Некор эг видлы. Гашкө, кулөм водзвылын збыльысь көрсө төдмавы да?

– Збыльысь юыштны али мый көсьян? – эз эскы Клавди.

– Мый озыс? Юышт, Наталья. Гашкө, лөсялас тэныд. Кокныд-джык лоас.

– А оз лөк ло? – майшасис көзьяйка.

– Код төдас? Кодлы өд кыз, – Клавди ырскөмөн помалис вина сора тшайсө. – Меным тай неунасыд некор лөк эз вөвлы-а.

– Неунасыд оз лөк ло, – эскөдіс Ирина. – Он өд стөкан тыр клопнит.

Наталь сьөкыдапырысь быттьө лэччис гөбөч вылысь, матыстчис пызан дорө, шеныштис кинас да збоямоз шуис:

– Мый лоас лод. А то збыльысь жальөн кольө кулөм бөрад, мый некор эг видлы. Чолькнитыштөй неуна тшай пиө. А то нэм олі да эг видлы.

Ирина кисьтис көзьяйкалы тшай. Нөшта өтчыл видзөдіс Наталья вылө. Оз-ө шмонит. Босьтис дозсө да некымын войт и войтөдіс водкасө сэтчө:

– Та мындаыс тырмас?

– А оз уна ло? – майшасыштис на Наталья. – Колөкө, унджык тэ, Ирина, меным кисьтін да?

– Эз, эз уна,– сьёлём сетіс Клавди.– Ме өд сюся видзёді. Пань тырыс на оз ло. Ме таысь на унджык кисьтыштла аслым. И нинём на тай эг лолы-а.

– На. Ю,– мыччис стёкансё Натальлы Ирина.– Эн пов. Оз нинём на тэкөд таысь ло.

Көзьяйка полигыр босьтіс тшай стёкансё. Исыштіс, көрсьыліс. Сэсса вөляысь матыстіс вом дорас. Весиг синьяссё куньліс первой вом тырсё ньылыштігөн.

– Юи тай со. Гашкө, нинёмла и көрсө вөлі төдны да? Эг эськө и гөгөрво ёнасо да. Тшай, тшай и эм. Сөмын быттё курыд-кодьон кажитчис.

– Тэнад өд кывйыд на таысь весиг эз көтасьлы,– сы вылө сюся видзөдөмөн шуаліс Клавди.– Дзоньнас ю да сэки висьталан.

Наталь сьөкыда ышловзис да бара синьяссё кунис. Юис стёкансё дзоньнас.

– Юи тай со,– бара гарыштіс сійө стёкансё пызан вылас пуктөм бөрын.– Көть сэсса мый лоас. Он тай мукөддырйиыд нинём думайт. Йөйыд!

– Нинём оз ло,– сьёлём сетіс Клавди.

– Кула кө нө?– шогсис Наталья.

– Тэ өд сідз тай со кувны вөлі водөмыд,– гылыда серөктіс Ирина.

– Сідз эськө да,– эз кут нинём паньд шуны көзьяйка.– Энлөй! Балябөж сөнө быттё кочкис. Юрөй бергөдчыны күтіс и. Коддзи али мый нө?

– Та мындасьыд юр оз на бергөдчы. Эн өд стёкан ю. Быдса стёкан кө гулькнитін – сэки вермин коддзыны.

– Первойысьтө, төдтөгьд, эськө вартлө юрад да. Меным тай, помнита, ёнакодь жө юрө кайліс-а.

– Збыль өд балябөжө кочкис,– пуксис Наталья.– Лёк кө лоас, то пельшөрла кодныдлыкө котөртлыны ковмас.

– Виртө, тыдалө, сувтөмсьыс йөткыштіс да сійөн кочкис,– такөдіс Клавди.– Шуан жө тай вөлі, мый вирыд оз нин торьясо ветлөдлы. Со и вөрзис. Водкасьыс.

– Йөткыштіс? Збыльысь?– шензыштіс Наталья.– Мися, быттё лолөй кыпавны күтіс да.

– Збыль мөй? Кокняліс?– эз эскы Ирина.

– Быттё тай сьёлём вылысь из уси,– первойысь лунтырөн нюммуніс көзьяйка.– Збыль өд коддзи, тыдалө. Кыз нө сэсса ме печкынысө кута?

– Тэ нө печкыны нин көсьян?– Наталья дорө матөджык вешйис Клавди.

– Ог талун. Аски. Быттё кокнялас кө.

– Та мында водкаыд өйдө бөр петас. Нэмтө сийө вирад оз ов,– шуалис Ирина.– Он кө быттьо быд лун юны кут. Оддзан да. Зэв кө ёна кажитчыны кутас. Верман өд и юсыны.

– Ен мед видзас. Быд лун юөмысь,– пернапасасис Наталья.– Ййыд тай өни видлі көрсө-а. Сэсса ог.

– Колөкө, нөшта тшай пиад чолькнитышта,– водка дозий кутчысьөмөн шмонитіс Ирина.

– Эн. Оз ков,– кияснас водзлань шеныштис көзяйка.– Тайөс юи, и то пасибө. Быттьо өд збыльысь ловзыны куті.

– Эн и ю сэсса,– Иринались дозсө кисьыс босьтис да ылөджык пуктис Клавди.– Талун кежлө тырмас. Мөдысь коркө. Иринокөд волам да.

Ирина сувтис, ветліс залавка дорө да гурйыв восьтис сылысь өдзөссө:

– Тэнад тані вель уна чукөртөма. Кытчөдз ставсө ог ректөй – ог и кулөй.

Наталь гөрбыльтчыштөмөн матыстчыліс Ирина дорө да пөдлаліс өдзөссө залавкаыслысь:

– Эн ышмы. Ставсө өд ог жө юй. Гуасысьсыслы коть колям жө неунасө.

– Ставсө ог удитөй. Пань тырнад юигөн,– збыльысь моз эскөдіс пөдругаяссө Клавди.

– Наталья, збыль мөй кокныдджык лои?– век на эз эскы Ирина.

– Збыль,– бөр пызан сайө пуксигөн вочавидзис мөдыс.– Абу нин тай асывнас кодь лов вылын сьөкыд-а.

– Ловзис тай быттьо чужөм вылас-а,– Клавди бара кутчысыс сёянө.– Сёйышт, Наталья, а то лунтыр тшыгён на олін. Ми со Иринокөд неуна сёйыштім. Унасө эськө ог нин вермөй да.

– Бандзибөй со өзйө весиг,– Иринались висьталіс Наталья.– Көть сьывны горөд – сэтшөм кокни сьөлөм вылын лои другөн.

– А мый огыс. Сьылам и эм,– кыпыда шуалис Ирина.– Кутшөмөс нө горөдлам?

– Сьывны өд ог жө кутөй?– шензис Клавди.

– Сьылам бара-й. Ирина босьтав.

Иринались мөдысь тшөктөм оз ков. Гөлөс сьлөн лөсьыд. Нэмсө сьывлявліс кампаньеад. И кывъяссө төдө өнія и важ сьыланкывь-яслысь.

– Сөмын эн гораа,– өлөдіс көзяйка.– А то юысь мужикьяс пырасны.

Клавди да Наталья вөтчисны Ирина бөрся. Сьылісны өти, сэсса и мөд сьыланкывьйө вуджисны. Первойөн ланьтис Клавди. Мыйкө бара нормис мортыд, шлюпкины-бөрдны тай кутис-а. Лылдөдлөмөн:

– Со өд кутшөм лөсьыд, кор куимөн. А тэ, Наталь, мыйлако миянөс энэвтын лөсьөдчөмөд? Мыйла? Эн энэвт вай миянөс. Ми өд Иринакод шогысла кулам...

Наталь да Ирина лангысны жө сьылөмысь да топөдчисны Клавди дорө.

– Эн бөрлд, Клавди. Дугды, – малалис сылысь мышсө Ирина.

– Со тай бөр на неуна ловзи, – такөдіс и Наталь. – Олышта на, колөкө...

– Эн вай кув на, – водзө синвасө чышкаліс Клавди. – Зэв өд гажтөм тэтөг лоас. Степаныд со өкмысдасөдз шуліс тэныд овнытө.

– Сійө кө шуис – олас, – сьөлөм сетіс Ирина. – Эн бөрлд сөмын.

Өдва бурөдісны небыд сьөлөма морттө. Сэсся вель дыр чөла пукалісны.

– Эг жө кө гораа сьылөй-а? – мыйлако тайө бара дум вылас уси Клавдилы. – Ывла вылас йөз ветлө да. Гожөм шөрын пө куим выжив юоны да сьылөны – чайтасны.

Сійө видзөдліс өшиньө да зэв өдйө вешийс.

– Мый нө повзин? – шензис Наталь.

– Адөй, адөй! Пөльөй со тапикасьө. Талань видзөдө.

– Василейыд али мый?

– Сійө. Код сэсся? Менө корсьны петөма. Эг висьтась татчө локтөмсө да.

– Збыльысь сійө, – гусьөн кыйкнитліс өшиньө Ирина. – Корны, гашкө, да?

– Огөй нин, – өлөдіс Клавди. – Сійө кымын пөрысьмө, сьымын дурмө. Зэв вежөгтысь лои. Кор юыштас, весиг мөс лысьтыны өтнамөс оз лэдз. Гидөдз пырас да пукалө. Тэ пө друг видзны петан, а он мөс лысьтыны. Кока туис моз быдлаө сирасьө. Кодкө кө мужикьяс пөвстысь сэк миянө кежалас, то рытывбыд зынгас. Тэ дорө пө волісны. Чайтисны, мый ме абу да. Юөм бөрас дзик өд йөй кутіс лоны. Пөгиба. Мед эськө татчө оз жө пыр.

– Мый нө, пыралас кө, – шуис көзаяка. – Мед пукуыштө миянкөд.

– Дугды. Аддзас дозсө да йөймас.

– Тайөс өд саймовтам, – пызан вылысь босьтіс дозсө да бөр залавкаө нуис Ирина.

– Дзеб, дзеб, – Клавди бара гусьөн видзөдліс өшиньө. – Талань локтө. Ме бурджык паныд пета. А то зэв скөр чужөма. Кутас сэні дыдгыны. Натальлы дөсадитчыны. Пета. Косөда.

– Он жө өд косөд мортсө. Важөн нин татчө эз пыравлы да, – видліс өлөдны Наталь.

– Мөдысь коркө.

– Гортад нуодан да бара на волы.
– Ог кө нин-а. Тэныд со, видзёда да, кокнялыштёма да.
– Волы. Сідз волы.
– Аски рытйысьны кыссьыла. Пöльлы висьтасьёмөн. Пета. А то, кылö, кильчö содйöдыд нин кайö,– Клавди тэрмасигтыр петис.
– Со öд. Мунис. Эз и пыртöдлы Васьöсö. Пукыштим на эськö,– ропкöдчыны босьтчис Наталь.
– Меным, гашкö, мунны жö да,– сувтис Ирина.
– Тэ нö кытчö тэрмаян? Гортад некод жö абу-а. Пукав. Миянын, көсян кө, узан.

– Оз эськö некод виччысь да. Но öшинь увсö ытшкышти тöрыт, да вермас войнас зэрны. Куртышта, муна да.

Ирина Наталь моз жö олис дзик öтнас. Война бöрас верöс сайö и быдөн петавлис. Зэв ёна ранитчём мужичöй сайö. Во дассö öтлаынсö эз овны. Кувсьылис кадьсь водз ёна доймалöмысла. Ирина қагаос моз лелькуйтис сийöс, бöрря кадсö панысь вердис. Öнi со сылы некод вöсна тöждьсьнысö. Челядь налөн эз жö артмыв дай.

– Туруныд нинём на оз ло. Кötасьлас кө öд, бөр на косьмас,– кутис мунöмысь сийöс Наталь.

– Косьмас эськö,– видзöдлис öшиньö Ирина.– Видзöд, видзöд. Мыйкö Васьöыс Клавдисö пинялö быттьö. Кинас тай весиг öвтчö. Гогналö-пинялö, тыдалö. Час петала, дорйышта Клавдисö. А то дзикöдз пурас.

– Эн тэ быдлаö суитчы. Семья костад мыйыс оз овлы да,– көсйис öлöдны петöмысь көзьяка. Но Иринаос верман мöй кутны. Котөрөн моз петис весиг. Öдзöс дорас тай сугш кешлö сувтлис жö-а.

– Вола на, гашкö, бöрти.

– Менö нö öтнамöс колянныд.

– Шуи тай, мый вола на.

Наталь öшиньöд видзöдис, кызди Ирина мыйкö скöра висьталö Васьöыслы. Мöдыс шемöс сулалö. Эз, тыдалö, чайт Иринаос татысь да öнi кайтчö Клавди вылас уськöдчöмысь. Ириналы кө веськалан – öдийö такöдас. Клавди со мыйкö Ириналы жö нин шуалö. Тыдалö, ачыс нин Васьöсö дорйö. Сэсся куимөн видзöдлисны Натальлөн öшиньö. Ирина, кажитчö, весиг син пöвсö на куньлис мудера. Клавди кинас öвтыштитис прöшайтчиг-моз. А Васьöыс шемöс чужöма гогнитыштитис юрнас сöмын. Сэсся веськöдчисны гортланысь.

Наталь öтнасөн кольём бöрын недыр пукалис öшинь дорас. Сэсся сувтис карточкаяс водзö. Лабич вылö кавшасьёмөн вельдыр малалис зонлысь чужöмсö.

– Степукöй тэ менам, дай Степукöй. Мыйла нö эськö тэ тадзисö вöчин? Эз öд меным кокныдыс ло таысь. Мöдарö на... Оз эськö ков вöли тэныд тадзисö да... Оз. Öкмысдасöдз, шуан, овны меным коркö силін? Мыйла нö эськö вöйдөрлунсö вöтас уськөдчылін. Бытьö ас дорад корин. Со и тэрмасьны кутли ме. Мися, гашкö, кола тэныд ёна да. Адззысьны кö тэкöд бара шуöма – паныдасям. Сёрöнджык сöмын. Иринасö да Клавдисö öд абу жö на окота öтнаныссö кольны. Кыдз нö найö метöгыс? Эн дивит. Ачыл öд тай шулöмыд, мый öкмысдасöдз ола. Инас кö кывйыл, колökö, ола да. Код тöдас.

Дыр на сёрнитис Наталь карточкакöд. Сэсся бара пуксис лабич вылö. Сёйыштис, вошойöдис сёян дорас и Степанöс. Думсьыс Иринаöс на виччысис и. Но мöдыс, тыдалö, ылалис кытчökö. Эз тай лок-а. Сёр рытын нин Наталь босьтис гөбöч вывсьыс кулан паськөмсö да бөр саймовтис местаас. Мöдысьöдз. Петкöдис повсодзö, кöни ыркыдджык, öдйö тшыксян сёянсö.

– Став пензияös öд видзи. Мый вылö нö овнысö кута?– майшасьыштис недыр сйö. Сэсся аслыс жö и вочавидзис.– Ен да бур йöз отсөгөн. Аски кодлыськö удждыся. Неунатö сетыштасны. Меным öд унаыс оз нин и ков. Кампет-прениксö сусельяслөн челядьлы сетала. Мед тяпкөдчасны. А сёянсö? Инасыс и сйö. Нуа тшыксьöмысь кодьяслы кö. Шуа, мый нимлун сёйи да коли. Код нö тöдас, мый ме январын чужли. Некор ог пасйыв да. Мед чöсмасысны көвдум-шаньгаяснас.

Джоджсö весиг идрасьöм бöрас эз дышöдчы чышкыштны. Сöмын та бöрын вольсасис паськыд крöвать вылö. И вель на дыр эз вермы унмовсьынысö. Асьсö сйö ньöти эз дивит сыысь, мый шызьöдлліс Иринаöс да Клавдиös. Збыльысь öд лов вылас сьökыд вöли. Кузяөн эськö ойбырыс личкис жö. Вöтасис на и. Вöтыс тавой вöли кыпыд...

Адззис асьсö том кадсянас. Гожöмын. Бытьö паськыд луд вылö чукöртчöмаось Клавди, Ирина, Степан да сйö. Йöктöны кадрилль. Гашкö и, «Шондібан» да. Степан тай нывьясöс вежлалöмөн йöктö-а. Быдөнös сойбордйöдыс босьтлас да кытшовтыштас. Наталь таысь оз вежöгты. Сйö тöдö, мый Степаныс сыысь öтдор некод вылö оз ышты. Со и найö кыкөн йöктыны босьтчисны. Ирина да Клавди сералігтыр бокö сувтисны. А Степан да сйö шудаа нюмьялігтыр йöктöны и йöктöны...

Бөркыв пыди

Меным зэв мусаоь сиктса коми пöчьяс. Налөн авьялуныс да шаньлуныс век шензьöдліс, сьöлөм сетліс. Аддзан найöс, да кутшöмкö аслыспöлöс мелілун öзйö сьöлөмын. Окота весиг кутлыны небыдика найöс. Карса пöчьясид абу сэтшöмöсь. Татчöс олöмыс вöчöма найöс чорыдджыкөн да весиг наянджыкөн.

Мукöддырйиыс карын аддыла сиктысь воөм пöчтö и пыр жö окота лоö аслам Ыджыдвидзö ветлыны. Мукöддырйиыс сулалöны найö автобус виччысянінын. Неыджыд сумкааöсь. Буракö, пиыс либö нылыс дорö воөмаöсь. Гöснеч вайыштöны. Карсаясид мырдөн йöткасигтыр уськөдчöны автобусад. А коньöр сиктса пöч вежавидзöмысла век медбөрья пырысь лоö. Окота шошаöдыс шыблавны пырысьяссö. Ки пöлöдыс пыртны пöчöс да пуксьöдны медся небыд пуклöс вылас. Но век тай кутчыся на-а. Гашкö, коркö збылысь тадзи и вöчяс да.

Первой эг вермыв помöдз любуйтчыны авьялуннас аслам ыджыд мам кодь арлыда пöчьясөн. Найö кувсисны нин. Öні нин мамöс татшöм лыдас суйны кад воөма. Ёна жö уна сьökыдлун ковмис вуджны сы кодь арлыда нывбабаясыслы. Кодьяс война кадас том нывьясөн на вöліны, пöшти челядьöн. Мый и адзылісны бурсö найö олөмсьыс? Пöшти нинöм. Первой война, а сэся сы бöрын лобысь кадыс на кутшöм сьökыд вöлі. Неуна быттьö олөмыс пуксьыштны кутіс, но со бара дзугсис. Бара со налы медся ёна мөрччис. Чайтісны, мый пенсия вылас петöм бöрын кöть кокниа олыштасны. Эз тай артмы. Но век жö сиктса пöчьяс сьöлөмнаныс колины авьяöсь да шаньöсь, вежавидзысьöсь да бур вылö чуйдöдысьöсь. Таысь муöдзыс окота налы копытчывны. Найöс төд вылын кутöмөн и лои гижöма тайö неыджыд повестьсö.

ЧУДЬ МЫЛЪК

ПОВЕСТЬ

Васька Ёгор нем виччысьтөг сальмис. Гожся войыс вөлі шензёдана югид. Енэжас ни өти кымөр чир эз мыччась. Сійё первойсö весиг эз гөгөрво – лун нин али асьядор на. Унзіль синьясөн кытшовтис керка пытшсö. Гөлякодъ олö... Пельöсас нэмөвöйся телевизор, стен бокас батысөн на вöчöм шкапыс; шпалерлысь косясьлöминьяссö дөмлöма быд сикас кабалаяснас. Медсясö журналъясысь нетшыштöм: джынвийö пасьтöм нывьяса снимокьяс.

Бөръя каднас Васька Ёгор некытөн эз уджав. Первойсö, кор скöтникалöмсьыс тодмышкалісны, весиг йöзсьыс яндзимкодъ вөлі. А мöд удж сиктад корсьнытö он и вермы. Эз эськö торьясö юлы да. И некод сиктын сійöс эз вермы шуны дзыкöдз лэдзчысьöм мортөн ни. Нелямын вит арöсöдзыс пыр көнкö уджаліс. А вот озырлун эз көвьясьлы. Мый бать-мамысөн вөлі чукöртöма, сыён на и оліс. Батыс эськö во кызь сайын нин кувсьыліс, но та ыжда грöмадина керкасö лöсьöдöмас сылөн медтöдчана пайыс. Колысь вөлі мортыс. Воясөн чукöртис аслас позійö быдсяма шылльö-мылльöсö. Чайтис нэмсö овны, а со эз артмы сылөн. Сьöлöм висьöм топöдіс, да кувсис. Батысөн ньöбöмторьясыс ёна нин важмисны – шкапьяс вылысь краскаясыс усины, пызан пöвьяс гирсьялісны... Дозмук кындзи нинöм шогманаыс öні Васька Ёгорлөн абу, дай сійö нэмөвöйся: кыз стеклöбысь стöканьяс,

корт паньяс, топыд чугунысь латкаяс... Ӧти кывйӧн кӧ – Васька Ёгор оліс-выліс бать-мамыслӧн сылі вылас на. И нинӧм вежаланаыс сы олӧмын эз вӧв. Ачыс мыйкӧ лӧсьӧдны эз и кӧсйы. Гӧтрасыны эз гӧтрасылы-а. Кодлы сэсса овмӧстӧ чӧжан. Некодлы кольнытӧ кӧ. Асьсӧ такӧдӧмӧн ли мый ли, ас кежся олӧмсӧ подулавліс, мый ӧти мужик нэмтӧ позьӧ и гӧтыртӧг коллявны.

Водзті, удждон сеталан лунӧ, сылӧн керка пытшкыс тырліс. Дась винатӧ ырскыны радейтысьыд тырмымӧн. Нырися поньяс моз тӧдісны, мый Васька Ёгорын талун бара гаж. А сійӧ мортыс лышкыд. Винатӧ вӧлі ноп тыр ваяс да лун-мӧдӧн и чурскасны ватаганад. Сёян-юан да тшай-сакар тай вӧлі ньӧблас жӧ. Мӧд удждон сетӧдз тырмӧдчымӧн. Скӧтниксыс тодмышкалӧм бӧрын сы ордӧ кежалысьыд пӧшти эз ло. Мый ӧні сы ордыс корсян? Винаӧн чӧсмӧдлыны оз вермы-а.

Васька Ёгор таысь некод вылӧ лӧг оз кут. Гашкӧ, сы вӧсна, мый оз вермы сійӧ некод вылӧ ёна дӧзмывны, и воштӧс асьсыс уджсӧ. Скӧт дінын мырсысьсяслӧн юрнуӧдысьлы, Демид Мишлы, ковмӧма прӧст места. Асьсыс рӧднясӧ инавны. Со и пессьӧмӧн корсис, кодӧс позьӧ ӧдйӧджык бертыштны. Мукӧдыс ярӧсьджык, паныд уськӧдчасны. Либӧ, вӧтлан да, водзӧс мынтӧм могысь ыджыд лӧк на вӧчасны – керкатӧ на ӧд сотасны. Таысь повны ковмас. Васька Ёгор мортыс рам. Сійӧс позьӧ дзерӧдны. А помкаыд век сюрас. Тэ начальник – ме йӧй. Ме начальник – тэ йӧй. Татшӧм ногӧн кымын олӧмас артмӧма. Он сідз воськовт – дивитасны. Удж вылад сӧрмыштан – бон-бус пиняласны. Васька Ёгор терпитӧс-терпитӧс тайӧс да и сетӧс мунӧм йылысь шыӧдчӧм. Демид Мишыд дзикӧдз топӧдіс да. Корис ас дінас да ньӧти кытшлавтӧг и шуис, гиж пӧ шыӧдчӧмтӧ, а то вочасӧн статья серти вӧтла. Ӧлӧдӧмыс пӧ тэнад тырмымӧн нин ӧкмӧма. Васька Ёгор эз петитчы. Юралысьыдкӧд венласьӧмыд пачкӧд люкасьӧм кодъ. Кымӧстӧ вирӧдз сӧмын жугӧдан...

Бур, мый уджтӧмалысьяс лыдӧ на суйсыны сяммис, сьӧмтор сетыштӧны. А картофель муыс паськыд, порсь на гидас руксӧ и. Тшыгла оз на кув.

Со татшӧм кымын олӧм-вылӧмыс Васька Ёгорлӧн, нелямын вит арӧса ӧтка мужиклӧн, кодӧ талун асыв садьмыс да эз тӧд, вой шӧр али асядор нин ывла вылас. Куйлыштӧс, кӧсйис мырдысьӧн унмовськӧдчыны, но эз сяммы. Эновтӧс вольпасьсӧ да сӧмын сэк видзӧдліс часӧ вылӧ. Вель водз на вӧлӧма. Куим часысь муртса петыштӧма. Ёгор керкаын овны эз кӧсйы, веськӧдчис кильчӧ вылас курутчыны. Шондіыс карнан судта на и кыпӧдчӧма вӧртас весьтӧ. Мича лун вермас пуксыны. Ёгорлы эськӧ торьясӧ веськодъ, зэрас али оз. Йӧз вӧснаыс нимкодясис,

кодъяс турун пуктыны лосьдчоны. Аслас сылөн мөс ни ыж эз вөв. Турун сі оз ков заптыны. Ошинь увсыс слөймас на порсылы вольос вылас ытшкыштнысө.

Кык чигарка куритөм бөрын пырис керкаас. И муртса эз вельөпөр. Ен ув пельөслы воча сулалысь улөс вылын кодкө пукаліс. Медся рөмыдінас, кытчө некор оз волены шонділөн югөрьясыс, тытвидзө. Васька Ёгор некодлысь пырөм эз казавлы, да өні сэтшөм немкө лоис. Мыйлакө со абу жө ен ув пельөсас пуксьөма. Сэтчөдзык гөсьтьяс зильөны сатшкысьны. А тайө со мөдарө, вочамоз пукалө. И медся тыдавтөминас. Весиг видзөдлынысө сы вылө полан. Быттьө кодкө мырдысьөн вештө сы вылысь видзөдластө. Та вөсна весиг эз төд, кодөс морыс татшөм водзсө вайөдөма?

– Коді нө сэні? Эг өд и төд,– юавны весиг ковмис Васька Ёгорлы.

– Тэ менө он төд,– кыліс не то мужик, не то баба гөлөс. Сёрниыс кортөм гөсьтлөн вөлі сэтшөм, быттьө кортө кодкө троньөдө. Абу морт гөлөс кодъ весиг.

– Кыдзи нө ме ордө веськалілн? Төдтөм кө?

– Веськалі тай. Тэныд отсөг вылө вои,– вөрзъывтөг сёрнитіс пукалысь.

– Меным некутшөм отсөг оз ков. Абу на тай драглөй,– дөзымыштіскодъ юасьтөг-висьтасьтөг воысь вылө Васька Ёгор. Сэсса юрас вартөм мөвпсыс выль пөв повзис. Но гораа юаліс та йылысь:– Тэ шыш али мый? Тюрмаысь пышйин?

– Абу, абу пышьялысь. Висьталі тай, мый тэныд отсөг вылө вои.

– Төдны тэнө со некыдзи ог вермы,– майшасис на Васька Ёгор да гораа шуаліс ассыс мөвпьяссө.– Кытысь нө эськө тэ? Вылысь али улысь?

– Эстысь!– сьодас моз шуис воысь.

– Тэ висьталан кө, то бура висьтав. Кутін сэні бызгыны,– скөрмыштіс быттьө Ёгор, көть эськө пытшкөсыс тірзис.– Он кө кут морт ногөн сёрнитны, босьта да шошаөдыд петкөда.

– Он өд лысьт-а,– чөвтіс пукалысь.– Он өд? Кыла өд, мый полан. Збыль өд полан?

– Быть өд пов. Кылөм ни төдөм усин кытыськө да. Тэ ордө кө тадзи другөн воасны, видзөдлам, повзян он.

– Меным повны нинөмысь,– пыр өтмоза сёрнитіс воысь. Сылөн гөлөс горыс эз чинлы и эз содлы. Пыр өтмоза, быттьө жөстьө троньөдөны. Тайө гөлөссыс медся өна и поліс Васька Ёгор. Быттьө абу мортлөн кодъ сёрниыс да.

– Ог, мися, пов!– век на збояліс Ёгор.

- Эн сөр. Меысь нинөм дзебны он вермы,– торкис пукалысь.
- Коді нө зськө тэ?– кевмысигмоз нин артмис көзяинлөн.
- Ачыл төдмав.
- Кыдзи нө төдмала? Он висьтась да.
- Тэнад ылысса рөдняйд.
- Дугды. Менам некутшөм тэ кодь ылысса рөдня ни вөдня абу. Сөран сәні.
- Код төдас на. Юасян да, со висьтаси. Шуа тай, мый отсыштны вои. Дзикөдз со олөмсьыд торксьыны кутін да.
- Кыдзи овлі, сідзи на и ола. Тэтөг нин кызкө. Тэнад отсөгтөг, шуи тай, бергөдча.
- Одвакө. Жаляддза со вои. А тэ воча тшетшкан. Он көйсы весиг кывзынысө.
- Нем виччысьтөг пырин да...
- Ми висьтасьтөг и ветлөдлам,– ылөсас шуыштіс, дорйысис быттьө воысь.
- Юасьтөг ни висьтасьтөг...– броткыны босьтчис Ёгор.– Рөдняөн висьтасьө нөшта. Кыдз нө ме кута сэсса тэныд эскыны?
- Көть зськө и висьтасьөмөн локті – тэ өд менө эн жө төд. Некор менө эн адзыв ни... Со тай, медся сьөкыд кадас мөвпышти мыччысьлыны тэ водзө. Чайта, отсыштны тэныд колө. Отнад водзөсө он вермы овны да. Некод кө оз отсышт.
- Верма. Кыдз ог вермы. Пыр на со кызкө-мыйкө бергөдчылі да.
- Вермин кө өд, бергөдчин. Некытөн нин он уджав весиг. Кыдз нө кутан тазисө овны? Нэмтө өд он сяммы весь овнысө.
- Эг на тай тшыгла кув. Ола. Ме кодьыс уна.
- Уна,– эз кут пыксьыны воысьыд.– Но ме тэнө кута велөдны овнысө.
- Васька Ёгорлы вөлі вель окота босьтны шошаөдыс да шыбитны пукалысьөс ывла ывлө. Но мыйкө кутіс. Полис весиг. И өні, медым надурнөйөн не дөзмөдны воысьөс, весиг пуксис өшиньдорса лабичө. Недыр чөв олыштөм бөрын юалис:
- Кутшөм отсөг нө верман меным сетны? Удждон али мый верман вештыны?
- Ог. Ме верма сөмын вежны тэнсьыд олан сямтө. Виставны тэ йылысь збыльсө.
- Нелямын вит арөсаыдлысь сямтө вежны сьөкыд нин,– өвтыштчис немас сёрнисьыс Васька Ёгор.– Вай, бурджык, мун. Кытысь локтін.
- Ог мун,– чорыда көйысис пукалысь.– Эг сы могуь тэ водзө мыччысь, медым нинөм виставтөг бөр тэ водзысь вошны.

– Сідзкө, морт ногон и сёрнит. А то сям вежом йылысь кутин сәни бызгыны.

– Сы йылысь, дерт. А тодан, мыйла тэ ассыд уджтө воштін?

– Тода. Демид Миш рөднялы скөтник места ковмома да.

– А мыйла нө эськө тэ мунін?

– Дышөдіс. Кута тай быдөнлысь ас вылын тешитчөмсө видзөдны.

– А мыйла эн водзсась?

– Абу лөсьыд.

– Мыйла?

– Кутис сәни милиционер моз ставсө юасыны. Абу лөсьыд, и ставыс.

– Мыйла нө эськө мукөдыслы лөсьыд? Мыйла найө водзсасисны?

– Мед кө. Ме өд абу найөйд.

– Полан тэ, Ёгор. Вот мый ме шуа.

– Ог эськө пов да. Ош вылө на во-мөд сайын өтнам петавлі.

– Ош вылө верман, а йөзкөд вензыны он. А мыйла?

– Код тодас.

– А ме тода. Сы вөсна и шуа, мый сямтө ассыд колө вежны. Колө, мед тәнө пылди пуктисны, кызди мортөс.

– Меным тайө оз ков. Ог көсйы, медым йөзыс меысь полісны.

– А кыз нө кутан талзисө водзө овны? Татшөм сямнад? Некодлы өд тэныд отсавнысө. Батьыд да мамыд со абуось нин. Чой-вокыд эз вөвны. Дзик өтнад тэ таладорас. Он кө сямтө веж, ковмас нэм помөдзыд талзи кеньгыны.

– Ковмас кө, и кеньга.

– Дугды, Ёгор, мекөд талзи сёрнитнытө. Ме өд тэ йылысь ставсө тода.

– Мый тодан?

– Абу жө любө тэныд татшөм олөмыс. Абу тэ гортын пукалысь. Ог төд али мый тэнсьыд мөвпьястө? Окота жө бөр йөз дорө петны.

– Ковма да корасны.

– А оз кө?

– Оз кө и оз. Сэтшөма ме, сідзкө, йөзыслы и кола. Мый сәс-ся вөчан.

– А өд эн тэ татшөмөн, Ёгор, чуж. Тэ мөд ногөнджык овны чужин.

– Эн сөр. Тэ нө мыйөн тодан?

– Эг кө өд төд, эг висьтав. Тэнад мөд пөлөс сямыд. Абу өнія кодь.

– Дугды, мися, сөрнытö. Кытысь нö тэ тöдан, кутшöм сямöн ме чужли?

– Эг кө öд тöд, эг висьтав, мися.

– Колökö, мортыд кутшöмön оз чуж да,– ышловзис Васька Ёгор.– Ме татшöм, мöд эстшöм дай. Кытысь ставсö тöдны öнi.

– Мукöд йылысь сёрнитны ог кутöй. Ме тэ дорö локтi. Тэ-ныд отсавны.

– Кыдз нö отсалан? Он öд скöt видзысьясön юрнуöдны пуксы да менö ас дорад босьт.

– Ачыл аслыд отсалан. Ме сöмын инда, кызди.

– Весьшөрö эськö кадсö тэкöд лота да. Пуксьöмыд да мойдчан. Повзьöдчан и.

– Эскы кöть эн эсся. Локтi, да висьтала. Эз кө могыс вöв, то эг эськö мыччысьлы тэ водзö.

Васька Ёгор кыв шутöг сувтiс да петiс кильчö вылö. Ывлаö веськалöм бöрын вайсян мös моз сьökыда ышловзис. Эз и тöд, мый водзöсö вöчны. Суседьяс ордö котöртан висьтасыны – йöймöмön шуасны. Пернапасасыны али керка пытшкөссö тшы-нöдны каститчöмсьыс. Мынтöдчыны кортöм гösьтсьыс. Йöзöс чу-кöстны окотаыс ньöти эз вöв. Да и некод оз лок тшынöднысö отсавны. Ачыс со оз жö куж-а, кызди тайö дивöйс вöчьсö. А йöзтö коран, да збылысь шуасны, сэтчöдз пö юöма, каститчы-ны кутöма мортыдлы.

Васька Ёгор öзтiс куричансö да сьöлöмсяныс нылалiс табак тшынсö. Видзöдлiс гөгöрбок – оз-ö локтысьыс кыткö пет да мун сы ордысь. Но некод син улас эз усь. Ышловзис да бөр гортас пырис. Öдзöссö вöсьтiгөн лача кутiс, мый петалигкостыс керкаö кольлысьыс усйысис нин кытчökö. Та вöсна и тэрмасьтöг вöсьтiс öдзöссö да полiгтыр сюйис юрсö. Пукалысьыд вöлi важ местаас. Васька Ёгор выль пöv видлiс сюсьджыка синмавны сiйöс. Чужöм ни ныр-вом эз тыдав. Морт мыгöра пукалö кодкö. Оз весиг вөрзьöдчыв. Ёгор эз жö бөр пет, вöськовтiс да пуксис öшинь дорас.

– Куричтин?– юалис пукалысьыс.

– Куричти,– коса вочавидзис Ёгор. Сiйö виччысис, мый кортöм гösьт кутас öнi зыныгыны, шуас, оз пö позь куриччынысö, лөк пö тайö мортыдлы.

– Мövпыштiн мыйкö?– мыйлакö татшöмтор юалис пукалысь.

– Мортыд тай морт и эм. Пыр öтарö мый йылысь кө мövпалö.

– Окота тöдны, кутшöмön тэ чужлiн?

– Ог и тöд...

– Быдöнлы окота. Тöднысö, шуа, мый öнiöдз тöдтöм на...

Васька Ёгор эз вочавидз. Öшиньöджык видзöдлассö чövталiс.

Мый тон дзорган пукалысь вылас, кодлөн чужо́мыс со весиг оз тыдав. Но век жö недыр мысти видзöдлiс пельöсас, кытысянь кылiс повзöдчана гöлöсыс:

– Кыдзи нö тэ верман петкöдлыны, кутшöмөн ме чужли?

– Ачыл асьтö аддзан сэтшöмнас.

– Вöтөн али мый?

– Он. Чудь мыльксö тöдан?

– Сийöс нö кодi оз тöд.

– Мун сэтчö. Сувт шöрас моз и шуав кывьяс, кодьясöс öни ме тэныд висьтала.

– И мый лоас? Ог жö öд, кöнкö, му пырыс мун?

– Он. Лоас сэки тэнад сямьд дзик сэтшöм, кутшöмөн чужлин. А колö шуавны со кутшöм кывьяс: «Атö-катö, климö-лельö, руйö-райö, алим-пудим. Весь, вом, дöлк, гöлк, кись...»

– Мыйкö сэни ас ногыд гудралiн. Дзик тöдтöм кывьяс. Татшöмьяссö нö ме кыдзи юрын кутны верма?

– Верман. Найö тэнад вежөрö сатшисны нин.

– Öдвакö.

– Збыль. Вай висьтав.

Васька Ёгор аслас вежөр вылас торья ошйысьны оз вермы. Школаас велöдчигөн кывбуртö вöли вель дыр зунялас-велöдас, и то на торкалö. А öни другөн казялiс, мый вежöрас ловзöны став кывьясыс, кодьясöс шуалiс локтысьыд.

– Атö-катö, климö-лельö, руйö-райö, алим-пудим. Весь, вом, дöлк, гöлк, кись.

– А шуан вöли, мый эн гөгөрво. Тайö кывьяссö и шуав Чудь мыльк шöрас. И лоан сэтшöмөн, кутшöмөн чужлин. А öни матыстчыв ме дiнö. Нöшта мыйсюрö колö вашкöдыштöмөн висьтаваны.

– Мыйла?– повзискöдь Ёгор.

– Матыстчыв, матыстчыв. Эн пов.

– Дыш,– броткыштiс мужик, но кокьясыс быгтьö асьныс нуисны пукалысьлань. Сэсса копыртчыштiс сы весьтö. Мöдыс мыйкö вашкöдiс Ёгор пельö.

– Гөгөрвоин?

– Эг ёнасö,– бөр öшинь дорас матыстчис Васька Ёгор. Но лабич выiö эз нин пуксьыв. Лажьялыштiс да кыв шутöг петiс посводзас. Сöмын сэни кокьясыс босьтчисны сырмыны. Кильчö вылас петöмсö омöля помнитö. Ас садяс воис куритчигас нин.

– Ёгорлы тай оз жö гортас пукавсьы. Пыр на кильчö вылас тшынасис,– шыасис керка дортiс мунысь Полом Агни, суседкаыс Ёгорлөн.

– Мый?– весиг первойсö эз гөгөрво Ёгор.

– Асывсө, мися, кильчө вылад и коллялін.
– Куритча тай со... Агни, тэнö тöдысь рöдысь петöмөн мамö пыр шулис. Збыль мöй?

– Сөрöны... А код тöдас. Буракö, ыджыд айлысь мамсö на тöдысьөн вөлөм ыдждöллöны. Менö ачымöс со нэмсö вомдзалöмаöсь-а. Квайтымын арöсöдз олі, да ни öти нимкыв ог тöд. Мый нö тайöс асывсяныс юасьны кутін? Менö вöталін али мый?

– Эг эськө да,– нурбыльтіс Васька Ёгор. А сэсся мыйлакö кытшдавтöг шуис.– Агни, тэ дорö асывьяснас некод оз волывлы?

– Öтнадөн олігөн йöймин али мый? Нинөм абусö кутін юасьны. Коді нö ме дорö локтас? Пöрысь дорад. Водзтісö эз волывлыны-а. Абу öд ме комын арöса мича дöва, мед волывлісны.

Полом Агни кöсйис нин öдйöджык мунны керка дортыс, но Васька Ёгор сувтöдіс.

– Агни, энлы.

– Мый энлы,– сувтовкерыштіс нывбаба.– Нинөм абусö юасян да.

– Эн жö менö кöть йöймöмөн лыдды, но кодкö менам керкаын пукалö. Зэв водз асывнас локтіс да некызди эз кут мунны.

– Тöрыт, колöкө, кодкөдкө юин да сійö узыны кольччыліс. Сійö, кöнкö, и пукалö.

– Эг ме ю. Абу сьöмыс вина вылас. Да и эг эшты ме тöрытсö. Но эм кодкö. Мекöд быдсяма дивö йывсьыс сёрнитö.

– Каститчö нин тэныд, Ёгор. Öтнад олігад. Кымынысь шулі – гётрась, мися. Öд кымынөн нин тэ ордын патеруйтлісны. Бокысь воём нывьясыд. Некодöс мöй крукыштны эн вермы? Ставнысö бокиö верöс сайö петны лэдзин.

– Агни, збыльысь öд кодкö пукалö.

– Дугды,– öвтчыштчис Полом Агни.– Йöйталан нин весь олігад.

– Пыралам, колöкө. Ачыл аддзан.

– Кута тай пырны,– серöктыштіс весиг Агни, но нывбаба руыс тшöктіс косны. Кутшöм анылы нö абу окота тöдны, коді вермас пукавны Васька Ёгор ордын. Колöкө, бура тöдса мортлөн верöсыс. Гашкö, весиг гöтырыс. Позяс сэки гилиялысь кывтö песьштны.

– Пыралам, Агни. Пукалысьыс некызди оз пет. Пыксьö, быдсяма нинөм абусö висьталö. Пола ме сысь.

Агни кавшасис кильчö вылö да Васька Ёгор водзвылын и пыр керкаас. Кöзьяин бөрсяныс тапиктіс.

– Некод абу да,– быд пельöсö нырсö сүйлөм бöрын сьölөмсяныс броткөдчис Полом Агни. Весиг öд шебрас улас

юрсө дзедліс.– Збыльсы тай тэ, Ёгор, вөрзёмыд нин. Больничаё вай ветлы. Лекарство кётъ сэні сетыштасны.

– Ог на, мися, йойтав. Збыльсы кодкө то тані пукаліс. Ас синьясөн адзылі. Сёрнитім и.

– Кодкө кө өд пукаліс, то керкаад вөлі. Абу со некод да. Дзирья өшинёдыд кө эз чеччышт. Юёмысла. Сэки быдтор тай вөчлөны.

– Вермас лоны,– дзирья өшинь дорас матыстчис Ёгор. Но өшиньыс пытшкөссияныс жө калича вөлі.

– Лэчыв, мися, больничаад. Либө гётрась!– броткигтырйи петіс сы ордыс Полум Агни.

Васька Ёгор эз кут сы бөрся вөтчыны. Бурпөт на өтрасөн кытшлаліс керка пытшкөдыс. Гөбөчас полігтырйи весиг пыраліс и. Сарайсө кыкысь кымын видлаліс. Чайгіс, мый дурис кодкө. Гөлөссө вежомөн сёрнитіс төдсяяс пөвстысь кутшөмкө мужичөй либө зон. Чужөмас мыйкө кабалаысь вөчис да шлапкис, көнкө. Но некодөс Ёгор эз адзы. Кыдзи сэсся өтнадөн каститчана керкаас овнысө? Васька Ёгор эз лыдды асьсө полысён, но немкө ёна лоис. Быд лун кө тадзи кутасны сы водзө кодьяскө петавны, збыльсы йоймыны позьё. Мөвпаліс, кыдзи мынтөдчыны таысь, но нинөм юрас эз во. Он өд тай пырысьтөм-пыр гётрась, мед шуштөм эз вөв.

А тайө каднас Полум Агни быд паныдасысьлы висьталіс Васька Ёгорлөн кежласьөм йылысь. Йөзыс кывзисны да майшасисны. Мед пө сөмын керкасө йөй юнад оз сот-а. Кос гожөмнад кө та ыжда керкаыд пө өзьяс, сикттө кывтыдсяныс катыддөзыс биыс нюлыштас син лапнитігкостіным...



...Васька Ёгорлы тайө асыв бөрас узьөм ни олөм эз ло. Рыгыяснас дыр эз вермы унмовсьнысө и. Пыр кажитчис, мый син кунигкостыд бара төдлытөг пырас сэкса волысьыд. Весиг улөссө, код вылын сійө пукаліс, вештыштис бокөджык, мед югыдыс инмис. Водас вольпасяс, мырдысён синьяссө куньё, а унмыс оз лок. Шебрасьлас юр вывтыс, олыштас, кытчөдз жарсьыс пөдны оз кут. Сэсся другысён шыбитас шебрассө да сатшыкыяс видзөдласнас улөс вылө. И бара некод сы вылын оз пукав. Коркө кузяөн унмыс эськө личкывлө жө, но быд шыысь брөд ва сальмө. И первойөн юрас воөм мөвпьясыс кортөм гөсьт йылысь. Сувтлөмөн кытшовтас жырсө. Колөкө, мөдлаө талун пуксьөма воысьыд. Некод абу. Асывьяснас куритчыны быд петалігөн полөмпырысь пырліс гортас. Гашкө, полөмөн весиг

он шу сылысь мөвпяссө да. Асья волысьыскөд аддзысьлөм бөрын сылөн мыйкө вежис олөмас. Оти пөлөс сёян няръялөм кодь нин вөлі кад лотөмыс бөрья төлысьясас. Оти пөлөссыд тай умлан. Весиг медся чөскыд сёяныс кузяөн вомсьыд быликтө. А олөмыд, он кө вежлав, өти ногөн мунігад дөзмөдлө жө. Торйөн нин весь олигад. Скөтникалөмсьыс мунөм бөрын Васька Ёгорлы киас гортгөгөрсә уджыс некыдзи эз пыр. Дзик нинөм эз вөч, ставсө эндөдліс. Картупельсө тай вель кузя мудйис-а. Гашкө, сідзи эськө и эндөдіс, да йөзысь яналөмысь поліс. Лэдчысьөм морт вылө нин эськө мунны кутліс мукөдторьяснас да. Керка пытшө эз чышкыштлы ни.

Асья волысь бөрын Васька Ёгор первойысь дөзмыштіс ас вылас. Со весиг кодөскө морьясыс кыскылөны сылы отсөг сетөм могысь. Быттө збыльысь драглөй нин. Чич сылы нырас. Отсөг оз на ков. Скөрийвсьыс Васька Ёгор өти здукөн керка йөрсө ытшкис. Эз дышөдчы да морковсө ёгысь весалис. Сэсся уна посни удж на аддзысис. Быттө кодлыкө водзөс мынтіс. Сэтшөм азыма быд удж бердө кутчысьліс. Быттө сэсся та вөсна сайкавны нин колө сылы кортөм гөсьткөд аддзысьлөмысь. Водзөс мынтөма лои. Но оз вермы некыдзи Васька Ёгор Чудь мылькөсө вунөдны. Первойсө весиг ылітیکодь кытшовтліс, сиктянь неылын өд сійө. Висьтавлөны, мый ёна важөн чудьяс сәні асьнысө ловйөннас гуавлөмабсь. Ичөт дырйиыс Ёгор ас коддьөмьясыскөд ёна сәні ворслывліс. Муыс быттө тронякылө кок улад. Сідз тай кажитчис-а. Оти пөрысь пөль нөшта висьтавліс, мый сылөн ичөт дырйи сәні вөлөма нейджыд розь. Мужикьяс пө сэтчө кузьсыс-кузь потш суйлісны да пыдөсөдзыс эз судзлыны. Васька Ёгор тайө розьсө эз нин аддзыв. Гашкө, тырөма да. Но муыс кок улас збыльысь быттө тронякыліс. Быдмөм бөрас Ёгор Чудь мыльк вылас эзв гежөда веськавліс.

Өні Васька Ёгор быд лун думнас вель унаысь гарыштліс Чудь мылькөсө. Но ветлыны сэтчө эз уськөдчы. Мырдзысьөн асьсө мыйыськө кутіс.

Мортыд морт и эм. Йирас, йирас тай мукөддырйи кутшөмкө самасьөм мөвп, вөчнысө полан, а аслыд сэтшөма быттө колө. А сэсся медбөрын дөзман да уськөдчан вөчнысө. Юрад да лов вылад ошалөм дорысь бурджык вөчны. Артмас ли оз – мөд сёрни.

Со и Васька Ёгор мөдөдчис Чудь мыльклань. Вежөрнас эз эскы, но сьөлөмнас кыліс кутшөмкө водзті төдлытөм вежсьөм. Быттө кодьяс дорө кө гөститны мунөм кодь артмө. Кор тай водзвыв юөрттөг петан кодьясөскө видлыны да неуна майшасян. Сідзи и өні вөлі сьөлөм вылас Ёгорлөн. Кор тай мунігмозыд

мөвпалан, гортасось бара-й абу. Виччысьоны али оз. Гашкө, таса керкаыс да бөр ковмас бергөдчыны. Татшөм сяма майшасьом йөршитчөма и Васька Ёгор юрын. Колөкө, весьшөрө мунö сэтчө, Чудь мыльк вылас. Челядясьом кодь артмө. Мед эськө оз жö йöзась. А то серам выв лэптасны.

Чудь мыльк вылас воөм бөрын Васька Ёгор корсис шөрсө. Гөгөрбок видзөдліс, мед рөкыд вылө некод матын эз вөв. Сэсся бара на асьсө дивытыштис быд каститчөмыслы эскөмысь. И медбөрын шуаліс жö юрас емьяс моз сатшыксьөм кывьяссө:

– Атö-катö, климө-лельö, руйö-райö, алим-пудим, весь, вом, дөлк, гөлк, кись!

И кыномө сьөлөмөн да тіралысь пытшкөсөн виччысис мыйкө другөн лоөм. Шуөма тай со лои-а. Колөкө, му пырыс сэсся мунас. Эскан быдторйыслы да. Но здук-мөд коли, а век на öти местаын сулалө кын мыр моз. Некытчө ачыс эз вош, ни муыс кок увсыс эз мун. Кутшөмкө вежсьөм первойсö эз жö казяв. Но сэсся вочасөн юрас кутісны воавны кутшөмкө выль пөлос мөвпьяс, кодьяс йылысь водзітi весиг эз кывлы. Ачыс быттö мөд мортөн жö лоны босытчис. Кыдзкө веськалыштис Васька Ёгорлөн гөрбыльтчыштөм мышкыс. Юрсө вылынджык кутіс кутны. И друг лои телепит гораа сёрнитны аскөдыс. Весиг вомыс быттö ачыс воссис:

– Мыйсяма йөз ті!– эз весиг повззы чорзьөм гөлөссыс Васька Ёгор.– Ме вылын нө мый тадзисö тешитчанныд? Чайтанныд кывтөм пемөсөн али мый? Менам öд кывйыд эм жö. Верма сіdzi паныд шуны, мый тшөкмунанныд. Менам öд аснырыд тырмымөн жö эм!

Васька Ёгор быттö друг садьмис, эз кут водзö виччысьны шуасьөмьяссө. Зілис тэрыба лэччыны Чудь мыльк вылысь. Но эз вермы. Быттö стенö люкасьö. Вель дыр йөй моз бергалөм бөрын быттö кодкө вашкөдіс, мый колö выль пөв шуавны «атö-катөсö...» Тадзи и вөчис. И сөмын сэк мыніс синмөн тыдавтөм лэчсыс.

Сөмын на петіс видзтор вылө, кызди бара гөрбыльтчыштис, юрыс быттö дөрөм улас пырыштис. Воськовьясыс төдчымөн надзисны. Кокьясас шодз суйөма. Муныштис, бергөдчылөмөн видзөдліс Чудь мыльк вылө, и кызд вермис, тэрыба веськөдчис сиктлань. Вомгорулас броткөдчис на:

– Быдсяма дивөыс жö му вылад овлө. Мый он думыштнытö весиг вермы. Мый нө тайö мекөд лоліс? Эз ылөдлы пыралысьыд али мый? Колө жö вөлі меным тадзисö шуавны. Тешитчанныд пö ме вылын. Коді нө тешитчө? Некод оз да. Мый лоөма – ачым

мыжаыс. Нинөм йөз вылө ыстысьны. Некод менө мырдөн оз тойлав тадзисö овны.

Шуалис тайөс, а юрас майшасяна мөвпяс визьялөны. Збыль мөй оз сідзи ов, кызди шулөмаөсь чужигас? Збыль мөй сы вылын кодьяскö тешитчыны видзөдөны? Кодьяс? Демид Миш али мый? Сэсся унаөс на видліс мыжасö корсьны, мый тадзи олө. Но корсьсысьомсьыс сьөлөмыс эз бурмы. Некодос стöча эз вермы мыждыны.

Гортас воөм бöрын Васька Ёгор дыр на ловсö шедöдны эз вермы. Пуксис да вель дыр вөрзбөдчывтөг оліс. Сэсся водтөдзис немортөн вөлі. Дыр эз вермы унмовсьнысö и. Думсьыс гартліс ассьыс олөмсö. Збыльсь, мыйла нö сийö татшөм? Некодлы паныд кыв шутөг олө. Кыз вермө, сідзи и бергөдлө сийос олөмыс. Кутшөмсюрө йөз отсөгөн. А ачыс паныд водзасьны эз на вермыв, ни весиг эз көсьы. Кытысянь чужйыштчис сьлөн öнйа сямьс? Öд, воысьлөн серти кө, асьсö Ёгор Чудь мыльк вылас адзис дзик сэтшөм сьмаөн, кутшөмөн мамыс чужтыліс. Мыйла нö эськө татшөмнас эз ло? Коді чегис сылысь татшөм сямсö? Мөвпаліс, гартліс синьяс водзас олөмыслысь төдчанаджык да вежөрас колянаджык здукьяс, а воча кывсö эз адззы. Сідзсö эськө неуна босьтчыліс пöтурайтны помкасö. Но öти мөвп вежліс мөдөс, коді вевтис водзасö. И помөдз Васька Ёгор нинөм эз вермы гөгөрвоны.

Колөкө, ичөт дырйиыс тайö вежсьөмыс лоис. Кор öтнасөн моз быдмис. Мукөдыслөн чой либö вок вөлі, а сьлөн со некод абу. Сийос дорйись ни ськөд ворсьысь. Ывла вылын пырджык жö öтнасөн ворсліс. Эз сибөдны Ёгорос ас дінас ськөд тшөтшьяясыс. Код төдас, мыйла? Öнй сэсся босьт да гөгөрво. Гашкө, öтка питө бурджыка видзисны-пасьтөдісны, да сийөн. Кампет чукөрөн эськө вөлі сибөдчылас жö зонпоснияс дорө, но найö кампет сөййигас и ошкасны сийос повтөмлунысь да збойлунысь, а бырас да, и гөрбас лөсьыштасны. Колөкө, сэки медводз чегис сьлөн сямьс?

Либö сэк, кор первой классö котралігөн велөдысьыс Ёгорос класс водзас таз весьтын мысьсөдіс? Мыйлакө тай кажитчөма, мый зонка асывнас чужөмсö да кияссö абу мыськөма. Со и мөвпыштөма велөдысьыс дорын узылыны велөдыштны, медым челядь асывьяснас эз дышөдчыны мысьсынысö. И Ёгор вылө сувтіс. Эз кут мөдөс мысьсөдны. Таз тыр ва кисьтіс, юкмөсысь пыртөмаөс, йиа көдзыдөс. Петкөдіс детинкаөс класс водзас да поликайтис-мысьсөдіс. Люстикөдз көтасьөм Ёгор вылын өна и сералісны. Быдмытөдззыс сэсся казьтывлісны. Детинка сэки эз и кут петитчыны мысьсөдөмсьыс. Чөла сувтіс класс водзас да виччысис тешитчөмсö. Гашкө, тані и чегис да?

Колөкө, батыс да мамыс став төждө сылысь ас выланыс босьтисны, да сийөн. Армиядзыс өд Ёгор эз төдлы сьод уджсө. Сьөкыдапырысь, но пыр велөдчис. Дас класс бөрас весигтө некытчө мунны эз лэдзны. Вошан пө отнадөн. Гортас пукаліс. Отка питө весиг уджавны некытчө эз инавлыны. Гашкө, эз дась ло сийө овны-вывны йөз пөвстас да? А эні өд быдсяма войтырыс гартчө. Лёк йөзлы воча шуны да водзсасыны, тыдалө, ичөтсянь велөдчыны колө. Абу өд ставыс өткөдьсө. Гежөд морт оломад кутас батыд да мамыд моз тэнө гөгөрвоны да отсавны.

Код төдас, мыйсянь заводитчис мортыслөн вежсьөм-чегөмыс? Эз вермы төдмавны тайөс Васька Ёгор. Көть кызди өні эз видлы муртавын оломыслысь быд төдчана лоөмторсө. Сидзи воча кывсө адзытөг и унмовсис асьядорыс.

Асывнас мөдөдчис Микита Ладимер дорө. Сийө Ёгоркөд өтлаын быдмыліс. Ичөтсяньыс сөмын ськөд и лөсявліс медсясө. Зэв лабутнөя жө өні Ладимер оліс. Велөдчывліс учительө да коставлытөг уджаліс татчөс школаын. Торья варовөн сийөс он жө шу, пыр быттө ас пытшас мыйкө новлөдлө. Мудз чужөма, сюсь видзөдласа Ладимер доньяліс оломсө да йөзсө гора кывьястөг. Мукөд вылө лөг некор эз кутлы, көть эськө быдсямаыс жө оломас вөвлі. Гөтрасьліс, эз Ёгор моз өтнасөн ов. Пөлыс абу татчөс, карас велөдчигөн крукыштлөма. Зэв збой. Быдөн төдісны, мый Нина Петровна Ладимер вылын ыджыдыс и паськыдыс. Васька Ёгор налөн оломысь унасө төдны некор эз көсйы. Аслад вылөмысь он пыр гөгөрво, кытысь нин йөз семья костысь мыйкө верман пөтурайтны. Ладимер дінө сийө төлысьнас өтчид, но кежавліс пукуштны. Вермисны рытывбыд чөв овны. Пуксясны да кыв шутөг кадсө лөтөны. Гөз-мөд кывйөн шыбитчасны, и то бур. Нина Петровнаыс жө оз и ланьтлы. Эмсө и абусө вермас висьтавын. Сэтшөм нин сьлөн сямыс. Челядьсө лунтырьясөн велөдигөн, тыдалө, кывйыс абу на мудзөма. Оз жө, дерт, нинөм абусө бызгы. Слөяс жө сёрнитө.

Со тайө гоэзя дорас и веськөдчис Васька Ёгор. Ладимер да Нина Петровна вөліны гортаныс. Чолөмасьөм бөрын гөсьт пуксис лабич помө.

– Чайтө кисьтны абу?– шыасис көзьяйка.

– Ог көсйы. Юи нин,– эз окотит пызан сайө гөсьт.

– Ми юим жө нин,– пыркнитчигмоз шуис Нина Петровна. Сэтшөм сьлөн модаыс. Пыркьялө быттө век. Зэв тэрыб вөсьла и. Быттө чужйыштчөмөн быд вөськов вөчө.

– Ме сидз, тьянөс видзөдлыны пыри,– быттө дорйысьшыштис нем виччысьтөм локтөмсьыс Ёгор.

– Ог өд торьясö эськö эштöй да. Тэкöд пукавнысö, шуа,–
өлöдiс кöзьяка.

– Ме эг и дыр кeжлö лок. Ладимеркöд гоз-мöд кывйöн шы-
битчыны кöсья.

– Пыр быттьö тiян сёрни эм. Нинöм абуыс,– эз торья скöрыс
ропкöдчы Нина Петровна.

Ладимер нинöм на эз шулы. Чöла видзöдлiс Ёгор вылö да
довкнитiс юрнас öдзöслань. Петалам пö бурджык да сэнi варо-
витыштам.

– Аддзысьлытöдз,– ывлаö воськовтiгмоз кöзьякалы шуис асья
гöсьт.

– Эн дыр Ладимерсö кут! Кадыс сылөн абу! Оз öд тэ моз
öтнaсөн кургы-ов...

– Эм эськö на каыд да. Ог öд тай велöдöй гожöм шöрнас,–
паныд шуöмакодь лои кöзьяинлөн.

– Довъявны татшöм кадö ог на лэдз. Аддза на тэныд уджтö,–
вомалiс Нина Петровна.

Мужикъяс петiсны ывла вылö. Куритчыштiсны. Ладимер чöла
виччысис Ёгорлыс сёрни панöм, но мöдыс некыз эз вермы чуж-
тыны колана кывьяссö.

– Мыйкö, Ёгор, лоис али мый?– эз вермы сэсья виччысьны
да юалiс Ладимер.

– Лоис,– ёртыслы жугыля синмас видзöдöмөн ышловзис Вась-
ка Ёгор.

– Бара юсин али мый?

– Мый вылö? Мый вылö нö юсян?– дöзмыштiскодь мöдыс. Но
пыр жö и такöдiс асьсö.– Нинöм вылö да. Мöдтор мекöд лоис.
Каститчыны кутiс.

– Эн сөр.

– Збыль öд. Неважөн кодкö волiс ме дорö.

– Юыс ёртысясид, көнкö.

– Эн торкав. Эз найö. Дзик тöдтöм кодкö. Абу и морт кодь.

– Мойдчыны али мый нин тэ асывсяньыс кутiн. Миян дорöдз
локтöмөн?

– Мойдчыны ме мöдлаын верма... Збыль öд, Ладимер, кодкö
волiс. Эскы кöть эн. И шуис, медым ме ветлi Чудь мыльк вылö.
Ветлi öд. Он эскы? И ставыс збыльмис, мый волысьыд меным
висьталiс.

– Мый збыльмис?– эз на нинöмлы эскы ни эз гөгөрво ёртсö
Ладимер.

– Ставыс збыльмис. Шуалi ме волысьөн велöдöм кывьяссö да
дзик мöд мортөн быттьö лолi.

– Нинөм ог гөгөрво,– гораа шензис Ладимер, весиг дöz-мыштис.

– Кыз он гөгөрво? Зэв бура со висьтала да. Ставсö, кыз вöлі.

– Вöтасин али мый?– сюяджык видзöдліс ёртыс, гусьон моз видліс исыштны Ёгорос и. Но мöдыс збыльыс дзик садьон лок-тöма.

– Эг, мися, вöтась. Мыйсяма морт тэ, Ладимер? Зэв бура ставсö висьтала, а тэ некызди он эскы.

– Кыз нö тэнад сёрнилы эскыны? Нинөм абусö со сöран да?

– Тэ, Ладимер, велöдчөм морт. Вай висьтав, овлö оз татшö-мыс олöмас?

– Мый овлö оз?

– Быттьö эн кывлы. Висьталі тай нин, мый кодкö дзик тöдтöм воліс ме ордö да Чудь мыльк вылö ыстыліс. А сэнi ме шуалі кывьяс да дзик мөд морт кодьон лолі. Овлö оз, мися, кöнкö татшөм-торйыс?

– Эг на тай кывлы-а. Книгаясад эськö бидсямасö гижöны да. Став дивöыс му вылад вöлöма. Збыль мöй, Ёгор, висьталан, мый тöдтöм морт пыраліс да Чудь мыльк вылö ыстыліс?

– Збыль, дерт! Локтис водз асывнас кодкö ме дорö... Пукалис пельöсын... Чужөм ни ныр эз тöдчы. Сёрнитис кутшөмкö неморт нога гөлөсөн. А мыйö велöдіс – ставыс збыльмис.

– Мыйö нö велöдіс?

– Шуис, колö пö сувтны Чудь мыльк шөрö да шуавны кывьяс. И лоан сэтшөмөн, кутшөмөн пö коркö чужлөмыд.

– Сё дивö тай. А кутшөм кывьяс нö шуавнысö вöлі колö?

– Тайос вот некодлы эз тшөкты висьтавнысö. И ог висьтав. Эн и кор.

– Чудь мыльк шөрö, шуан, колö сувтны. Гашкö, менö аскöдыд нулан? Он кö быттьö вöттö висьтав.

– Нула эськö да. Сöмын некодлы эн висьтав. Гашкö, йöйөн менö шуны кутасны да. Нуасны на нöшта кыгчөкö ылöджык.

Ладимер гортас пыраліс, тыдалö, гөтырыслы висьтасис мунöм йывсыс. Петигас öдзöс сайсыс кыліс Нина Петровналөн гөлөсыс:

– Эн дыр шöйт. Пыр öд лыгайтны видзöдчан!

– Ог, ог,– лабутнöя эскöдіс Ладимер.

Ёртьяс веськөдчисны Чудь мыльк вылö. Ёгор водзын муніс. Первойсö вель öдйö шавксьöдіс, а матыстчыны кутисны, да быттьö полігтырйи мөдіс кокьяссö пуктавны. Ладимер кöть эськö и вöлі сыыс весьтөн кымын кузьджык да ёна паськыдджык, кый-

сыны кужтӧм пон моз тротиктӧс бӧрсяньыс. Вомгорулас мыйкӧ броткӧдчис. Тыдалӧ, дивитӧс асьсӧ сыыс, мый пӧрнӧй мужик челядь моз эскӧ быдсяма сӧрӧмыслы да со локтӧс татчӧ код тӧдас мыйла.

Чудь мыльк вылын жӧ Ладимер, позьӧ шуны, быдмылис. Тани медся ёна радейтисны ворсны челядьнас. И Ёгор моз бӧрья кадсӧ зэв геждӧа веськавлӧс татчӧ, кӧть велӧдчысысӧс вайлывлӧс жӧ мыльк вылас. Кызь во сайӧ история велӧдӧгад ставыс мунлисны Чудь мыльк вывтӧйс. Быд классӧс на вайлывлӧс. Ладимер налы сьӧлӧмсяньыс висьтавлӧс коркӧ ёна важӧн олысь чудь йылысь. А ачыс талы первойсӧ весиг омӧля эскывлис. Сӧмын нелямын арӧссӧ вуджӧм бӧрын вежӧрнас кутӧс гӧгӧрвоны, мый збыльыс коркӧ важӧн Коми муын овлӧмаӧсь збой сьӧлӧма да асныра войтыр, кодьяс ловйӧн гуалӧмаӧсь асьнысӧ. Но абу сетчӧмаӧсь. Весиг со виль Енмӧс примиттӧм вӧсна асьнысӧ бырӧдӧмаӧсь. Ладимер гораа некодлы на эз шулы, но кор босьтчисны виль пӧв бергӧдчыны Енлань, эз торья гӧгӧрво йӧзсӧ. Быдӧн кутчысисны Ен корсьны. А сылӧн чайтӧм серти кӧ, эз и ков корсьнысӧ. Сылӧн аслас Енъяс важӧн нин эмӧсь. Со тай вӧрыс кутшӧм мича сулалӧ. Сийӧ мӧй абу вичко. Кор сьӧкыд сьӧлӧм вылас лолӧ, Ладимер пыр веськӧдчывлис вӧрӧ. И век лолӧ кокныдджык. Та вӧсна Енсӧ корсьны эз и кут. Дерт, думсьыс век шыасьлис код дорӧ кӧ. Но кутшӧм сийӧ, отсӧг сетысьыс, син водзас эз вермы сувтӧдны. Колӧкӧ, вӧрса ыджыд мыр кодь да. Гашкӧ, нэмӧвӧйся пожӧмлань мунӧ. Эскӧмыс Ладимерлӧн мыйлакӧ йитчӧма вӧркӧд. А мыйла, ачыс оз тӧд. Сӧмын бура гӧгӧрвоис, мый чудьяс кодь войтырыс ӧдвакӧ сӧсся лоасны коркӧ Коми муын. На бӧрын лоины виль йӧз. Сэтшӧмӧсджык, кодьясӧс кытчӧ нуӧдасны, сэтчӧ и мунасны. Мыйӧ эскӧдасны, сэтчӧ и ӧдйӧ, пыксьытӧг, кутчысясны. Асныралӧмыс абу кольӧма ли мый ли ӧнӧя коми войтырыслӧн? Либӧ жӧ веркӧса сийӧ, сӧмын кыв вылас тӧдчӧ. А ыджыдторйӧдз оз и вудж. Ӑдйӧ певсовтчас мӧдлаӧ, сетчас збойджык, вынаджык да наянджык войтырлы. Тайӧс Ладимер кутӧс гӧгӧрвоны сӧмын нелямын арӧс бӧрын. Кор мыйкӧ сӧр нин вӧчны, виччысыны аслад олӧмын тӧдчанаджык вежсьӧм. Тайӧн тай асьсӧ такӧдлис, кор волӧсны юрас важ йӧз йылысь гаралана мӧвпясыс. Гашкӧ, сы вӧсна, мый Чудь мыльк сылӧн вӧлӧ вежа местаӧн, и ӧнӧ эз куражитчы мунны Ёгор бӧрся. Кӧнкӧ пыткас пыр вочасӧн ӧзйис чусалысь мӧвп, и збыль кӧ ӧртыслӧн висьталӧмыс? Тайӧ жӧ буретш сийӧ, мый эз тырмы сылӧн олӧмын. Вежсьӧмыс эз тырмы. Кыдз вӧлӧ кызь вит арӧсаӧн, сэтшӧмӧн и коли. А лолыс со мыйкӧ век на виччысьӧ.

– Со и воим,– нурбылыгис Васька Ёгор.
– Воим тай,– ышловзис Ладимер. – Мый нӧ кутам водзӧсӧ вӧчны?

– Тэ татчӧ кольчы, а ме мыльк шӧрас сувтла,– ёртыслы синьясас видзӧдӱгмоз шуис Ёгор. Сиктас Ладимер дзик ӱти морт, кодлы сийӧ вермӧ видзӧдны веськыда синмас. Мукӧдыскӧд видзӧдласнас кӧ вочаасыны, пыр зильӧ ӧдйӧджык вештыны синьяссӧ бокӧ. Дыр синмасыны мыйлакӧ эз вермы. Оз и тӧд, мыйысь? Гашкӧ, яндысис, гашкӧ, полӱс да. Колӧкӧ, сыысь, мый вермасыны сылысь мӧвпьяссӧ синьяссыс лыддыны да.

– Сулышта, сӱдзкӧ, тани. Он кӧ быттӧ ылӧдлы,– ёртыслӧн мунигмозыс нин чӧвтис Ладимер.

Васька Ёгор кайис мыльк шӧрӧдз. Бергӧдчис ёртыслань чужӧмӧн да вашкӧдӱгмоз кутис шуавны:

– Атӧ-катӧ, климӧ-лӧльӧ, руйӧ-райӧ, алим-пудим... Вель, вом, дӧлк, гӧлк, кись...

– Мый нӧ сӧни шуалан? Вомыд вӧрӧ, а ме нинӧм ог и кыв,– юасис Ладимер.

– Мый нӧ тайӧ мекӧд вӧчсьӧ?– вочавидзӧм пыддиыс кутшӧмкӧ чорыд гӧлӧсӧн кутис шуавны Васька Ёгор. Ладимерӧс весиг йирмӧг босьгис. Некор на эз кывлы ёртыслысь татшӧм гӧлӧссӧ да. Пыр вомгорулас нурбылтывлӧ. Гӧлӧсыс некор весиг оз кыпавлы.

– Мый нӧ лоин?– юрас первойӧн воӧм мӧвпсӧ горӧдис Ладимер.

– Некор эн лысьтӧй ме вылӧ каттысьсны!– горзӧмӧн мוז артмис Ёгорлӧн.– Ме ачымӧс дорйыны верма на. Адззысьӧмныд!

Васька Ёгор сӧсся эз кут водзӧсӧ шуавны. Мыйкӧ бара вомгорулас лыддис да тӧрыба котӧртис мыльк шӧрысь. И эз Ладимерлань сетчы, а мӧдарлань уськӧдчис. Ковмис ёртыслы весиг вӧтӧдны.

– Збыль мӧй ачыл тадзисӧ сӧрнитӱн?– ки пӧлӧдыс кутӱгмоз Ладимер юасис Васька Ёгорӧс.

– Ачым,– сайкалӧмӧн вочавидзис мӧдыс.– Сӧсся ачымысь весиг сӧтшӧма повзи, мый ӧни на со тӱрала.

– А меным сӧтчӧ оз позь кыпӧдчывны? Чудь мыльк йылас?– шӧпкӧдӱгмоз жӧ артмис Ладимерлӧн.

– Ог тӧд. Меным сӧмын тшӧктылис эсийӧйд... Ме ордӧ волысьыд.

– Колӧкӧ, и меным инасны тайӧ кывьясыс, кодьясӧс тэ вомгорулад шуалӱн?

– Ог тӧд,– ӧтарӧ долис век на шай-паймунӧм Ёгор.– Кӧсьян

кө – ветлам. А то ачымысь со повны куті. Мыйкө неморт кодь лолі да.

– Кыдзи неморт кодь?!– шензыштіс весиг Ладимер.– Тадзтө өд йөзыс сёрнитлөны жө. Он сөмын тэ.

– Йөзыд, колөкө, мыйсө оз шуавны да,– Васька Ёгор мыжа моз нумьёвтис.– Ветлам... Ёна кө көсьян...

– Гашкө, меным тшөтш инас,– польштіскодь, но век на ассьыс пєсис Ладимер.

Чудь мыльк йылө өні Васька Ёгор эз кавшась. Ёртсө ыстіс. Ачыс лөсьөдчис мыльк горулас. Кор адзис, мый Ладимер кын мыр моз сувтіс да шемөса видзөдіс сы вылө, босьтчис шуавны кывьяссө:

– Атө-катө, климө-лельө...

Помаліс нимкывсө да сюся дзоргис ёртыс вылө. Весиг поліс, мый сійө вермас му пырыс мунны. Сэкса волысьылдысь юасьтөг со ыстіс Ладимерсө да. Дөзмас, колөкө, таысь, да мыйсө оз вөч. Мый сэки Нина Петровнаыслы Ёгор кутас висьтавнысө?

Пырджык лабутнөй, быдөнысь вежавидзысь, гөтырыслы кыв некор паныд шулытөм Ладимер Ёгорлөн син водзас кутіс вежсьыны. Чужөмыс шылялыштис весиг, кутшөмкө аслыспөлөс збойлун да удаллун тыдовтчис видзөдласас. Кияснас тай вель зія шенасьөмөн босьтчис шуавны:

– Көні нө, Ёгор, вина дозйыд? Вайлы татчө. Дорсьыс и гулькнита. Сэсся пета сиктас да став потшөсьяссө разя! Менө өд некод оз төд, кутшөм ме! Төдмаланныд регыд!

– Ладимер, мый тэкөд?– ёртсө татшөмөн некор на эз адзыв да повзискодь Ёгор.

– Нинөм! Мый нө шензян?! Нинөм ме вылө шензынысө! Вот босьта да сьөлөм бурмытөдз ставсө пузвта! Төдланныд сэк Микита Ладимерсө!

– Дугды, Ладимер!

– Ог көсий дугдыны! Меным ставыс веськодь! Вай винасө! Сьөлөмөс бурмөда! Сотчөмөн сотчө сійө! Менам сьөлөмөй!

– Абу, абу менам винаыд,– шемөс гөлөсөн дорйысис Ёгор.– Лэччы сэтысь.

– И лэчча! Петкөдла пуж! Лавкаыс өд восьса на! Сэтчө ризөдла!– ыршасис Ладимер, но лэччынысө некыдзи эз сяммы. Быттьө синмөн тыдавтөм мытшөдө зурасьліс да пыксяліс.

Сөмын сэк Васька Ёгор сайкалыштис да төд вылас уськөдіс волысьылдысь вашкөдана кывьяссө. Кык тор сэк сійө шөпкөдіс. Отиыс сы йылысь, мый колө пө быттьөн бара шуавны нимкывсө. Сөмын пө сэк мортыс вермас лэччыны Чудь мыльк вывсьыс. А

мөд индөдыс? Та йылысь водз на, и некодлы на висьтавнысö. Ёгор весиг кöсийс тайö индöдсö вунöдны. Öнi сийö вашкöдис колана кывъяссö. Ладимер быттьö коллөнкö топыд сывйысь мынiс да öдздöдчөмөн ризöдис увлань. И Васька Ёгор дорö матыстчис воддза кодь ёртыс нин. Лабутнöй да рам чужöма.

– Ёгор, збыль мöй тайö мекöд вöли?

– Тэкöд, дерт.

– Сидзкö, со кутшöмөн менам коркö чужсьылöма.

– Сидз тай.

– А мыйла нö ме öнi абу татшöм?

– Код тöдас.

Ёртыяс öтырышъя бергöдчылисны Чудь мыльклань, сэсся вочаасьлисны видзöдласъянаныс, но нинöм эз шуны. Сёрнитчытöг жö и веськöдчисны сиктлань.

– Но, ме гортö муна,– сöмын и шуис торйöдчиганыс Ладимер.– А то Нина бон-бус пинялас. Дыр со кути ветлöдлыны да.

– Сöмын некодлы эн висьтав та йылысь,– корис Васька Ёгор.

– Ог и тöд, мый шуны.

– Эн висьтав, мися.

– Ог тöд...– стöчасö эз кöсийсь Ладимер да лайкъялiгтыр мöдöдчис гортланыс. Весиг эз бергöдчыв. Сэтшöма, тыдалö, вöйöма аслас мөвпьясö.

Васька Ёгор вель дыр дзоргис сылы мышкас. Весиг кöсийлис сүөдны на мыйкö висьталöм могысь. Но эз жö тай. Ёртыслөн саялöм бöрын и ачыс веськöдчис гортас.

Ладимер вель дыр пукалис кильчö вылас. Чöv олис. Быттьö эз и кыв Нина Петровналысь броткöдчöмсö, ыджыдавны кöсийöмсö. Гöтырыс кутш моз кытшлалыштiс сы гөгөр. Сэсся кинас скöрпырысь шеныштöмөн пырис гортас. Нинöм эз вермы пычкины верöсыслысь. Гашкö, öтлаын олiгас дзик на медводдзайсь.

Ладимер пукалис и мөвпалис, гоз-мöдысь весиг паськыда вашмунлис. Збыль öд сидзи и эм. Көнкö пытшкөсас унаысь чужльвлiс мөвп босытны да юсьывны. Сэсся сиктса важ мужикьяс моз сяркнитöмөн разны-нетшыштны дөрöм кизьяссö, көмтöг петны ывла вылö да потшöс сорöмьяссö разны. Но кöсийöмыс мөвпинас и кольли. Оз позь öд сылы тадзисö. Öти-кö, школасьыс сэк пырысьтöм-пыр и вöтласны. Мөд-кö, Нинаыс нэмсö йирны кутас. Сэсся уна мытшöд на эм, медым не вöчны тадзисö. Сидзкö, со мый вöсна сылы тайö мөвпьясыс юрас волöны? Чужигас татшöмөн вöвлöма. А мый нö торкис сийöс татшöмнас лонысö? Та вылö воча кывсö корсис кильчö вылын пукалiгөн Ладимер.

Бур али лёк тайё? Мый сэтшөма вежсьөма? Гөгөрвоис сөмын өтитор: колис кө сэтшөмнас, кутшөмөн чужлөма, школаад эськө не велөдны. Пырысьтөм-пыр жө эськө чужйисны татшөм велөдысьтө, эз кутны видзөдны сикт кузя көмтөг довьалөмтө. Буретш та йылысь өни медсясө мөвпаліс школаса велөдысь, төв и гожөм йөз водзын пинджакөн да галстукөн ветлөдлысь Микита Ладимер...



...Васька Ёгор оломын унатор вежсис. Эз нин өтка олом ов сийө. Гусяторйыс шонтіс морттө. Весигтө воськовьясыс сылөн лоины зумылджыкөсь. Кыдзи нө? Од сийө сэтшөмтор вермис вөчны, мый некод сиктын эз сяммы. Йөзысь-мортысь торьялөмыд тай быдөнлы лөсялө. Ладимерөс Чудь мыльк вылө нулөм бөрын сийө гөгөрвоис, мый сэтчө позьө вайөдлыны и мукөдөс. Ёна йөзасьөмысь сийө первой нырсө сөмын поліс. Ладимерысь өприч кодөскө сэсса окота лои нулыны. Но кодөс? Полом Агни вылө сувтіс. Кыйөдіс өтчид, кор олома нывбаба петалас вала. А васө сийө босьтө Васька Ёгор юкмөсысь: ваыс чөскыд, ключ петө му увсыс. Пиньыд зяткакылө, кор гожөм шөрнас вомад босьтан. Сэтшөм көдзыд.

– Агни, вала мөдөдчин?– көть эськө аддзис нывбаба кийысь ведраяссө, но мыйлакө буретш тадзи пырөдчис сёрниө Васька Ёгор.

– Вала. Оз мөй позь?

– Мыйла оз позь. Нэмсө босьтін, өни и эз кут позьны?

– Юасян тай со да,– сувтовкерыштіс Полом Агни. Сийө шуйга кисө век кусыньгыштөмөн кутө. Коркө косаөн вундылөма кутшөмкө сөн. Косьмыны эз косьмы, но тырвыйө оз веськав.

– Агни, Чудь мыльк вылө мекөд он көсий ветлыны?– другөн юаліс Ёгор.

– Бара йөймөдчин али мый? Чудь мыльк вывсьыс нө мый тэа-меа корсьны кутам? Мусукасьны али мый чуксалан?– китшнитіс серөктіс Полом Агни.

– Оти гусятор көсья тэныд петкөдлыны.

– Зарни ёкмьль сэтысь аддзин?

– Эг. Но зэв гусятор.

– Сөран жө нинөм абусө. Сэкся бөрад тэ, Ёгор, вежсис дзикөдз. Збыль мөй каститчис? Ютөгыс? Сэкинад, шуа,– наяна вашьяліс Полом Агни.

– Эз, эз каститчы. Збыльысь кодкө воліс. Сийөн и Чудь мыльк вылас ветлынысө кора. Сэкся волысьыд тшөктыліс ветлыны.

– Тэ нё, Ёгор, юин али мый?
– Эг. Мый вылө тон юан? Вайны некод оз со вай-а.
– Дзик код юра морт моз нинөм абусө бызган, да сійөн юася.
– Ветлам, Агни. Збыльсы өд зэв гусятор көсья сэтсысь пет-
көдлыны.

– Дугды вай, – эз эскы Поллом Агни да чушиктис-мунис вала.
Васька Ёгор гортас эз жө пыр. Кильчө вылас тыгвидзис, вич-
чисис суседкаыслысь бөр мунөмсө. Со сійө локтө.

– Агни, збыль өд шуа. Вай ветлам?
– Он тай тэысь мын. Тадзи кө йөймөдчыны кутөмыд, то тэ-
над йөрөд мунны регыд он кут лысьтны.

– Ог өд сөр. Көсья тэныд сэтшөм гусятор висьтавыны, а тэ
куражитчан. Ветлам, мися.

– Он тай тэысь мын. Кыдзи нө кутам кыкөннас сэтчө мун-
нысө? Мый йөзсы мөвпыштасны? Васька Ёгор да Поллом Агни
пө вөрзёмаөсь. Кытчөкө отлаын довгөны.

– Мед кө. Ветлам!

– И дум абу, – гортланьыс тапсьөдис нывбаба. Эз жө тай кут
гораа броткөдчыны-а.

Васька Ёгор бөрсяньыс вөтчөмөн кевмысьны эз жө кут. Водзө
пукалис. А Поллом Агни горт гөгөрас ноксигмоз пыр думайтис
суседыслөн корөм йылысь. Мый морсө нө сэтсысь, Чудь мыльк
вывсьыс, Ёгорыс аддзөма? Гусятор пө. Нывбабаыд тай нывба-
баөн и кольө. Көть сө арөсөдз олас, а пыр сылы окота
төдтөмторсө төдны. Поллом Агни некодысь жө оз торьяв. Пөжис,
пөжис мөвпьяссө да и чотликтис сусед дорас.

– Дыш эськө да, но ветлам, инөсь. Кутшөм гусятор нө сэт-
тысь аддзин? – көсийс пыр жө төдмавыны Агни. Мый морла сы
ылнаөсө мунны, кор позьбө горт шөрас төдмавыны. Колөкө, зэв
на ичөт гусятор и. Чудь мыльк вылас мунөм доныс оз сулав.

– Кывийөн висьтавыны тайөс он вермы. Сөмын мыльк вылас
тыдовтчас, – эз кут нинөм водзвыв висьтавыны Васька Ёгор.

– Он тай тэысь мын, – броткыштис Поллом Агни. Но сэсся
чөвтис. – Мый нө пукалан? Чукөстны чукөстин, а ачыл жмутви-
дзан... Мунам нин!

– Он өд кайтчыныгө кут. Сэтшөм ыджыд дивө төдмалан да...

– Мыйсяма дивө нин тэнад. Он өд и куж думыштныгө, – май-
шасис Поллом Агниыс. – Висьтавыны со он висьтава.

– Ветлам да аддзан, – сьөлөмсяньыс эскөдис Васька Ёгор. –
Татшөмтор йывсьыд весиг думыштнысө збыльсысь он куж.

Чудь мыльклань восьлалігчөжыс Поллом Агни зілис төдма-
выны, мый сэтшөмсө аддзөма Ёгор. Но мөдыс ылөсас вочавидзліс.

Паныд веськалысьяс тшөтш жö зилисны төдмавны, кытчö нин мөдөдчөмаось татшөм сьөлөмсяныс кык суседыс. Веськыда налы висьтавны эз жö кутны, а то бөрсяныс вөтчасны дай. Турун-тор пö көсьям ытшкыштны, да видзкөдьöс қорсьны петім. Дерт, та дырйи паньдасьысьяс шензьыштисны жö. Öд некоднанныслөн турун сёян скөт эз вөв. Агнилөн сөмын кодзөм кань, а Ёгорлөн руксысь чошö.

Мыльк дорö матыстчөм бөрын нывбаба босьтчис гөгөрбок кыйкьявны, но син улас нинөм сэтшөм шензянаыс эз усь.

– Мый морла бара тэ менö, пöрысь выжывöс, та ылнаөдзсö вайөдін-а?– ас вылас моз сьөлөмсяныс шензис Полом Агни.

– Сулав тани, а ме мыльк шöрас сувтла.

– Мыйла сэтчö, мыльк шöрассö, сувтан?

– Сэни колö меным сулавысö, а сэсся, көсьян кө, ачыл кайлан.

– Бокисянь мед тэа-меалысь йöйталөмнымöс бур йöзыс оз жö адззывны...– ышловзис ань.

– Агни, колökö, тэ первойөн кайлан?

– Ог морав! Гашкö, тэ сэтчö кутшөм нальк вөчөмыд да. Сув-та да воша кытчökö.

– Кытчö нö му вывсьыс усян?

– Чудьяс дорас, колökö, веськала. Шуöны, төштшö пö тани муыс.

– Он веськав!– эскөдис Ёгор.– Он кө көсьы, ачым ветла. Тэ татчö кольчы да видзöд.

– Мый нö видзөдны кута? Висьтавтөгьд ог и төд.

– Казялан...

Васька Ёгор кыпөдчис мыльк шөрөдз. Полом Агни вом паськөдөмөн күтис виччысьны чудеса-дивөсö. Суседыс вомгуру-лас лыддис «атö-катөсö». Сэсся шыасис нывбаба дорö:

– Агни, ме тэныд кымынысь шулі, мед эн таяв менам йöрысь эжасö!– вежөм гөлөсөн, быттö радио пыр сёрнитысь, шыасис Васька Ёгор.

– Бласлө Кростос,– пернапасасис Агни.– Тайöс висьтавны али мый та ылнаөсö вайөдін? Да нöшта сэтшөм повзьөдчана гөлөсөн. Быттö шева сетөмаось.

– Мыйла тэ, Агни, ме вылө пыр катгысян? Чайтан, ог помнит, кызди коркө ичөт дырйи тэнсьыд турунтö таялөмысь нёрнад нөйтлн? Ме тайöс эг вунөд. Менам нинөм оз вун!

– Ёгор, збыльысь али мый тэ тайöс казтылан? Али бара сөран? Ворсөдчан мекөд?

– А мыйла тэ, Агни, менö эн дорйы, кор пияныд нөйтны босьтчылисны?

– Важсö нö мый казътывны кутін? Пиянöй öд менам сэтшöм чöпöлышьясөн и быдмылісны. Со тай, мунісны кытчöкö да весиг мамсö видлыны оз мыччысьлыны. И менö ас дораныс оз корлыны и,– повзискодь нин суседыслөн вежсьöмысь нывбаба. Весиг дорыйсьны босътчис, медым дзикöдз эз скöрмöдчы сы вылö Ёгорыс.

А мöдыс эз кут мыльк вылын овны. Лылдис шуалöмсö да матыстчис Агни дорö.

– Мый нö йöйталан? Важсö öд он жö тадзи гарав. Повзöдчан сэні...

– Агни тьöt, эн дöзмы. Ме öд тэ вылö нинöмысь лөгсö ог кут. Чудь мылькыйс тадзисö мекöд вöчö. Сэкинад, кор тай тэкöд корсьысим, збыльысь кодкö ме ордын пукаліс. Сійö и чуйдöдіс татчö волынысö.

– Висьтавлін нин тайöс,– дöзмыштис Полөм Агни.

– Нöшта висътала со. Шуис, локтан пö татчö да сувтан Чудь мыльк шöрас, и лоан сэтшöмөн, кутшöмөн чужлін.

– Адöй, адöй!– кöть эськö эз на эскы, но шуалис Агни.– Татшöмөн мöй чужлöмыд? Быдтор вылö шötясьысьөн да броткысьөн. Татшöм кö öд вöлін – пöгиб. Тэкöд орччөн олöмыс адын страститчöм кодь жö эськö вöлі.

– Ог тöд. Сувта тай мыльк шöрас, и вежся. Пета, и бара со татшöм. Сувтлы, Агни, колöкö, тэ.

– Ог кö-а. Збыльысь вежся кö, то ме, гашкö, кутшöмөн ог ло да. Черö либö косаö кутчыся да юрьяс керавны босътча,– шмонитыштис на весиг Полөм Агни.

– Он жö кö сэтшöмөн ло-а.

– Дуран жö тэ нинöм абунас.

– Ог, мися, дур. Збыльысь вежсьö сэні мортыс. Микита Ладимер со тшötш мöд пöлöсөн лолі.

– Збыльысь? Кутшöм нö сійö?

– Ог вермы ме тайöс висътавны. Оз позь. Но вежсис жö сійö. И тэ, колöкö, вежсян. Кайлы, Агни, ачыд тöдны кутан, мый ог шмонит.

– Кавшасьлыны али мый нö? Сöран жö кö буди-а. Ворсöдчан мекöд,– век на майшасис Агниыс. Сэсья öвтыштис кинас да содтіс:– Та ылнаöдз кысси, да ог жö бөр кос. Колöкö, збыльысь вежся.

– Гашкö! Ме тай со дзик мöд мортөн сэні лола-а.

– Нинöм жö кö вывті лёкыс мекöд оз ло-а?– пыр на поліс нывбаба. Ачыс эськö мыльк йылöдзыс нин воöма.– Татчö али мый колö сувтнысö?

– Сэтчö. Ме час лыддя.

– Мый нө көсьян лыддыны? Кутшөмкө нимкыв али мый нө?
– Сы манераос,– эз кут стөча висьтасьны Васька Ёгор да шуыштіс вомгорулас.– Атө-катө...

Нывбаба чөв оліс. Майшасьыс суседыслы весиг юавны ковмис:

– Мый нө нинөм он шу? Агни, көть гөлөстө сетлы ли мый ли.

– Ёгор, мыйкө быттьө пытшкөй тірзьө,– первойсө ас ногыс босьтчис Агни, а сэсса кыз тай заводитіс асьыс лекциясө.– Медым пуктыны картофельлысь, пуктасьяслысь озыр урожай, колө мусө вынсьодны пөтөса органической да химической удобрениеясөн... Быд гектар вылө колө суйны картофельсө квайтымын сюрс позтыр. Ас кадө нуөдны культивируйтчан уджьяс...

Васька Ёгор первойсө шемөсмыліс, а сэсса зэв өдйө бөр лыддис колана «атө-катөсө», мед эськө олөма нывбабаыскөд нинөм жө оз ло. Йөймас өд, талзи босьтчис сёрнитны да.

Полом Агни весьөпөрөмөн лэччис сусед дорас. Эз төд, кодарө пышйыны. Но сьөлөм лекарство нөнялөм бөрын, тыдалө, сайкалыштіс. Вомсө паськөдөмөн сөмын тьпкөдчис. Сэсса мед бөрын юалис жө:

– Мый нө мекөд лолі? Мый морсө ме тэныд мылык вывсьяныыс сөри?

– Эг и гөгөрво ёнасө. Водзті тай агрономьяс татшөм сьама кымын лекцияяс вөлі лыддывлөны-а. Районсьянь воөмаясыс. Сэні, тыдалө, сюсьджыкьяссө видзөны.

– Агроном моз өд эг жө? Ме жө сьлөн уджысь дзик нинөм ог пөтурайт. Нэмсө мый тшөктылісны, сійөс и вөчлі.

– Колөкө, кутшөмкө велөдчөм, сюсь мортөн лоны тэ, Агни, чужлөмыд.

– Эн сөр,– нывбаба дыр кежлө ланьтліс. Сэсса жугыля нурбыльтіс:– Гашкө да. Школаад ме писькөс вөлі. Но эг вермы унасө велөдчыны, водз ковмис уджавны да.

– Гашкө, гашкө...– эз куж таысь өприч нинөм шуны Васька Ёгор.

– Колөкө...– жугыльтчис помөдз Полом Агни.– Збыльысь кө быттьө висьталан, мый пөрлан сэтшөмө, кутшөмөн лоны чужлөмыд.

– Сідз тай шуис сэксьяд-а... Ме ордө пыралысьыс, шуа.

– Мортыд, колөкө, кутшөмөн оз чуж да. Кыдзи нө сэсса верман ас ногыд овны, кор йөз пөвстын гартчан. Кадыс на быдсьяма пыкөдсө мортылды вермас на вөчны и. Абу на тай ставыс ас саяд. Кыз эськө абу окота овны да. Он на тай вермы. О-он! Менам со кутшөм сямөн чужсьылөма эськө да... Эг тай ло. Кадтө он бергөд... Визувтөма ставы-ыс!

Васька Ёгор нинём эз вочавидз. А Полон Агни гортаныс васьлалігчож пыр мыйкё ышлаліс. Мужик мортлы кызкё весиг эз ло лёсьыд. Гашкё, эз ков нулыны татчө Агнисө да? Со тай кутшөма майшасьө.

– Ме өд, Ёгор, ичөтсьянь төвьяснас турун кыскалі. Гожөмнад сиктса уджыд юр выв тырыд и. Эз вермыны менө бать-мам велөднысө. Ме кодыс гортын сизим вөлі. Кызди нө верман та ыджда аравасө велөдны! Он вермы. Эг кө киөс косанад дойд, то пенсияөдз эськө ковмис чизыр төв улын уджавны төвьяснад. Бур, мый батыд, тэнад, Ёгор, жалитыштіс да иналіс столөвөйө мыськасьысьөн. Сэні кокныдджыка олышті. Кынөмыд пөт, и ачыд шоныдінын, – аскөдыс моз варовитіс Полон Агни.

Тыдалө, ёна ётшкөма сылы мыльк вылас лоөмторйыс. Кызди нө сэсья өні збыльыс и кадсө, и тэно кытшалыс йөзсө бергөдан? И олөмсө ас ногыд вөчан? Некезди он.

– Мөдыс кө кутан мунны, менө чукөстлы на, – торйөдчиганыс чөвтис нывбаба.

– Он кө ветлы, бурджык, колөкө, лоө, – өлөдны босьтычыліс Васька Ёгор.

– Кытыс төдан, мый бурджыкыс таладор олөмас? Ветла. Көть пөрысьладор кута төдны, кутшөм сям меным Енмыс сетлөма. Нуөдлы на!

– Нуөдла, – көсьысис Васька Ёгор, көть эськө ачыс мөвпыштіс, мый кутас быдтор вылө ыстысьны, но оз сэсья нулы Чудь мыльк вылас Агнисө. Нинөмла мортсө дойдавыны.

Коли час-мөд. Васька Ёгор горт гөгөрас ылөсас ноксигмос мөвпаліс, кызди водзөсө овны. Паськөдны йөз пөвстын тайө дивө-чудесасө али бара лыда йөзөс нуөдлыны сөмын. Найөс, кодьяслөн аддзылөмторсьыс озджык кут сьөлөмыс доймыны. Коді эськө эз кут Агни моз татшөма майшасьны. Сэсья мөвпьясыс вочасөн быгыльтчисны со кутшөм весьөпөранаторйөдз: а вөчны кө таыс аслыс барыш? Со тай, быдөн өні зіль аслыс кызд позьө унджык курыштыны. Сөмын мед юр вемыд дзуртіс да сямыд вөлі-а. Сылы со шудыс аслыс киас быгыльтчис. Мыйла эськө оз позь тайө чудеса-дивөсө петкөдлөмысь йөзыслысь сьөм босьтыштыны? Кино вылө пыралөмысь тай нө мынтысьны колө. Быдөнлы өд телепит лоас видзөдлыны, кутшөм сям сетөма мортлыс чужигас Енмыс. Весиг нимсө лөсьөдіс Васька Ёгор – «Фирма Чудь мыльк». Дерт, оз жө кут районө ветлөмөн печать да бланокьяс лөсьөдны. Кызкө сытөг нин бергөдчас. Оз өд торья уна кут корны. Сідз, сьөд нянь вылө. А кутас кө уджыс ладмыны, и

курудтор вылө на сьомыс вермас чуктыштны. Оз ков, майбыр, скөт сит зыртны. Сьомын вомгорулад «атө-катөтө» шуав. Бөрвыв-джык юрас воис мөвп, мый горт шөрөдзид сэкса вольсыд вер-мас дөзмыны. Мыйкө керас дай. Либө олөм чөжыд страститчы-ны кутас. Но сэсса асысө жө и такөдіс Васька Ёгор: «Оз жө кө-а?» Ачыс өд сийө шуліс, мый отсөг сетөм могысь мыччысыліс. Гашкө, татшөмторсө и төд вылас кутіс да. Мед Васька Ёгор сьөмтор чук-төдыштас Чудь мыльк помысь.

Водзө мөвпалөмсө торкисны Микит Ладимер гозья. Эз өтнас со лок ёртыс, Нина Петровнаыскөд. Нывбабаыс Васька Ёгор-лысь керка пытшсө на весиг оз төд. Некор вольтөм гөсьтясө со вайөдіс Ладимер.

– Чолөм-здоровье бурлаклы!– пыригмозыс мыйлакө юмола нюммуніс Нина Петровна.

– Пырөй, шойччөй,– сьомын и вермис вочавидзны шай-пай-мунөм көзяин.

– Эг на мудзөй. Эг өд кузь туй вуджөй. Миян керкаясным абу вөлөк сайын,– мудера вашмуніс Ладимер гөтыр.

– Видза олан,– синьяссө дзөбөмөн чолөмасис Микит Ла-димер.

Кутшөм мог бара суөма гозьясө-а? Эз өд, көнкө, удждысьны локны? Корысь кодь өтка морт дорас. Васька Ёгор эз төд, мый и думайтны. Кыдзи гөститөдны локтысьясөс? Та вөсна шай-пай-мунөмөн сулаліс на водзын. Колө эськө көзяин мортлы сөрни кутны, но мый татчө шуан. Он өд поводля йывсыс юась. Мездіс Нина Петровна.

– Ёгор Васильевич,– ыдждөдлөмөн шыасис сийө.– Менам нө Ладимерыс сөрө али бара-й збыльысь?

– Мый збыльысь?– шензьыштіс мода вылас Ёгор.

– Төрыт рыт тай верөсөй прөст вомнас брөльснитіс Чудь мыльк вылад ветлөмтө, да сийөс шуа.

– Висьталі...– нурбыльтіс көзяинлы моз Ладимер.

– Шуө, мый дзик мөд морт кодь сийө сэні, Чудь мыльк вы-лас. Сөрө али бара-й збыль тадзи?

– Оз сөр.

– Ме эськө сідз жө чайта да. Менө ылөддыны сийө нэмсө эз лысьтлы. Та вөсна и эски. Зэв збыльысь висьталө да. Ёгор Васильевич, он-ө и менө сэтчө тшөтш нуөдлы?

– Нуөдлы, Ёгор,– кевмысян гөлөсөн шуис Ладимер.

– Нуөдла,– эз куражитчы көзяин.– Мыйла нө огыс. Но сө-мын дон кута ме таысь өнісянь босьтны.

– Йөймин али мый?– пыркмуніс ёртыс.

– Мый вылө кө өд меным овны колө,– эз сетчы Ёгор.– Он кө кёйөй мынтыны – энёй. Сөмын ог ну сэтчө-а.

– Асьным өд ветлам. Мунам, Ладимер,– ышнясьыштіс Нина Петровна.

– Ветлөй. Көть Чудь мыльк шөрас и овмөдчөй,– крукыштіс Ёгор.

– Со кутшөм тэ лоөмыд. Коньөр кодь вөлін, а вежсьөмыд нин. Тшапитчан!– кывьяснас чепөльтны видліс нывбаба.

– Тіян ветлөмсьыд төлк ни слөй оз ло. Ме сөмын өтнам төда, мый колө шуавны, медым мортыс сэні вежсис.

– Нина, сетыштам сьөмторсө. Збыль өд вежсьө сэні мортыс,– кевмысис гөтырыслысь Ладимер.

– Аддза нин, мый вежсьө. Со тай Ёгор другыд кутшөм лоөма.

– Ме өд мырдөн тіянөс сэтчө ог кыскы!– дорйысис көзяин.

– Уна-ө нө коран?– синьяссө Васька Ёгор вылө сувтөдіс Нина Петровна.

– Ладимер ас морт, да уна ог и босьт. Кыкылдысь тупөсь нянь дон. Сійө мөй тіяны, учительстволы, сьөм?

– Абу эськө уна да. Оні ог мынты. Бөрас. Колөкө, сөран-ныд да.

– А он кө сет?.. Бөрассө?– майшасьны кутіс Васька Ёгор. Ас-лас выль уджын сійө недөкунь кодь на. Эз торьясө төд, кызди сьөмтө пычкывлөны.

– Тэныд водзвывсө кор мынтылісны? Уджтө вөчөм бөрад на век сетыштілісны!– збоя орөдіс Нина Петровна.

– Бөрас тай эськө мынтывлісны да,– ковмис сетчыны көзяинны.

– Мыйла нө эськө водзвыв коран? Уджтө ассьыд эн на вөч да?

– Ёгор, ськөд сьөкыд вензынытө. Ме сета сьөмсө,– ваш-көдігмоз нурбыльтіс Ладимер. Но гөтырыс тай кылөма.

– Тэ эн суйсы! Ёгор, ветлам кө, то мөдөдчам. Он кө, ми гортө довгысыяс дай.

– Мунам, Ёгор. Ветлам,– тыдалө, повзискодь Ладимер. Оні кө гөтырыскөд гортас мунасны, код төдас мый дыра сійөс Нинаыс йирас.

– Меным сэтчө мунны лөсьөдчөм оз ков,– өдзөслань вось-ковтіс Васька Ёгор.– Ветлам, инөсь. Но сьөмтө збыльысь ков-мас мынтыны.

– Мынтам, мынтам,– эскөдіс ёртыс.

– Бытгө он кө сөрөй. Гашкө, ме вылын тешитчыны мөв-пыштінныд да. Кыкнанныдлы пуж петкөдла, нинөм кө Чудь мыльк вылас оз ло.

– Лоас. Ставон на сэни вежсьылісны да,– тшапа мөдөдчис кильчө вылө Васька Ёгор. Гозья вөтчисны сы бөрся.

Чудь мыльк вылө мунігчөжыс Нина Петровна кадысь кадө дивитышталіс йөйталысь ёртъясөс. Оз пө морт ногон тияны овсы. Пыр мыйкө нинөм абусө думыштаннуд. Ачыс эськө и накод жө мунө... Мыйкө кыскө жө сійөс вөтчыны на бөрся.

– Кодныд нө первой кайланныд мыльк шөрас?– матыстчигас на юалис Васька Ёгор.

– Ладимер!– артасьтөг урчитіс Нина Петровна.

– Меным ковмас. Ме сэни вөлі нин да,– эз кут пыксыны мөдыс.

Нывбаба да Васька Ёгор кольчисны, а Ладимер падъявтөг кайис мыльк шөрөдз.

– Тэныд ковмас боко вешйыштны,– Нина Петровна вылын камандуйтны видліс Ёгор.

– Ог морав! Ме татысь ог вешйы. Колөкө, ачид мун. А мыйла?

– Сідз,– нурбыльтіс мужичөй да вешйыштіс сы дорысь. Сэсы кыз позьө ньөжйөджык заводитіс лыддөдлыны.– Атө-катө, климө-лельө, руйө-райө, алим-пудим. Весь, вом, дөлк, гөлк, кысь!

– Нина!– недыр мысти весьөпөрмөн горөдіс Ладимер.

– Мый нө сюв петмөныд горзан? Кыла өд, абу ылын!– не то юалис, не то повзьөмысла тадзи артмис нывбабалөн.

– Тэ ассьыд кыз яйтө меысь видз! Верма и куделитны! Ыджыдалысь мыччысьөма!– яра шуалис верөсыс.– Вывті ёна вомтө паськөдлан. Кутөд абу!

– Тэ нө, Ладимер, мый кежласян сэн?

– Ланьт! Дыр нин ме вылын тешитчин! Час, лэчча да петкөдла пуж! Водка юышта да!– Ладимер чепөсйис лэччыны, но эз вермы. Быттьө люкасыліс кытчөкө. Йөй моз кинас и кокнас видліс писькөдчыны тыдавтөм мытшөд пыр, но эз сяммы.

– Збыль мөй татшөмөн лоис? Чудь мыльк шөрас?– юасис Ёгорлысь кельдөдөм чужөма Нина Петровна.

– Татшөм жө сэкинас вөлі. Кор кыкөнсө вөлім.

– Сө дивө тай. Мый но, оз вермы петнысө сэтысь али мый?

– Оз. Метөг оз.

– Вай лэдз сійөс өдйөджык. А то лөкысла потас гаддыс.

Васька Ёгор вешйыштіс да вомгорулас лыддис «атө-катөсө»... Ладимер котөрөн сорөн лэччис увлань. Чужөмыс польдчыштөма, гөрдөдөма.

– Нина, эн дивит шуалөмсысь. Збыльысь өд быттьө эг ачым сэни вөв.

– Сідзкө, со кутшөм тэнад модайд!– юрсө катлөдліс гөтырыс.– Төді кө, эг эськө пет тэ сайө...

– Но өд ме чунь помөн на некор тэнө эг вөрзөдды.

– Мед сөмын лысытлін!– чилөстис Ладимерлөн пөлыс.

Васька Ёгор шемөса кывзис гозьялысь тшетшкысьөмсө. Виччисис, мый водзө лоас. Эз төд, мый и вөчны. Сьөмтор таыс корны али гортланьыс уськөдчыны?

– Ылөдланьыд жө эськө, көнкө, менө да. Пөшөкенасянныд кыкнанныд,– медбөрын усьпаньвыв кутис пуксыны Нина Петровна.– Ачым кавшасьла. Ылөдланьыд кө! Ме шөрө сэк, бурджык, эн веськалөй! Ті менө кыкнанныд бура төданныд!

– Ог, ог ылөдлөй,– өта-мөдыслы вежмөн дорйысисны ёртьяс. Нина Петровна, нелямын арөса кызиник ань, тэрыба на и кайис мылк ылө. Сувтис шөрас, быттьө памятник тэчөмаөсь. Васька Ёгор и Ладимерысь бокө вешийс да сөмын сэк лыдльөдліс колана кывьяссө.

Ёртьяс чөв ланьтисны, вом паськөдөмөн дзоргисны нывбаба ылө. А сылөн сямьс, тыдалө, дыр оз вермы вежсынысө, оз тай вөрзыи весиг-а.

– Вовук, мый нө сэні сулалан? Лок, кагук, татчө. Волы ме дорө,– друг кыліс Нина Петровна лөн некор кывльгөм рам да небыдик гөлөсыс.– Сэтшөма гажөй нин бырөма тэысь. Вовук, лок, юрөдыд көть малышта!..

Ёртьяслөн син аканьясыс чуймөмнысла весиг дуглісны вөрны. Татшөм синьясөн и видзөдлісны өта-мөд ылас. Эз төдны, ко-дарлань уськөдчыны пышйынысө. Некоднанныслөн кывйыс шунысө эз сюр.

– Мый нө тэ, Вовук, он лок? Матыстчы нин. Час, ме ачым вола. А то тэныд сьөкыд татчө кайнысө,– сетчис мужикьяслань Нина Петровна, но эз жө вермы воськовтны синмөн адзыгөм кытшсыс.

– Гашкө, кайлан сы дорө да?– нем виччысьтөг юалис ёртыслысь Васька Ёгор.

– А позьө?

– Код төдас. Кайлы дай. Сэки тыдовтчас.

Ладимер ньөжмыда босьгчис матыстчыны шензөдана рам гөтыр дорас. Быттьө полис сыысь. Овлө тай, мый нэмтө видасны-пиняласны, а сэсса виччысьтөг бур кыв шуасны. Шензөмысла сэк помьис оз во. Эз-ө нин йөймы мортис, абу-ө нин юр садьсө воштөма. А Нина Петровна со паськөдіс сывьяссө да мелі синьясөн виччисис верөсыслысь матыстчөмсө.

– Кутшөма ме тэнө радейта!– сывйыштис верөссө нывбаба.

Мёдыс эз петитчы. Сетчис гётырланьыс. Васька Ёгор вом паськёдёмён сулаліс да эз тёд, мый вёчны. А гозья том мусука-сьысыс моз топёдчёмён сулалісны. Нина Петровна кагабс моз малаліс верёссё юрёдыс. Медбёрын Васька Ёгор путьмис жё шуавны «атё-катёсё»... И мый лоис!

– Мый нё ме дорё век жмитчан!– лёкысь горёдіс Ладимер да йёткыштіс гётырсё ас дорсьыс.– Винасё нё мыйла эн ньёб?! Кыз яй!

– Вовук, мый тэкёд? Бара нин ме вылө пинясян. Лок, окышта тэнсьыд пось вом дорьястё.

– Весась сэтысь! Вот юа да пета сиктё, өти дөрём кежысь! Мый тэ меным век сьылі вылө галстук пысалан? Ме өд абу ыж, мед пасйыны. И абу пон, медым дом йылын ветлыны! Пета сиктё да кыз тай кокөн зымнита! Сэк тёдланныд!

– Вовук, өвсьы. Эн дур. Кывзы, кагук, менсьым. Ме өд тэнё ок ёна радейта,– сылань сетчис Нина Петровна.

Но Ладимер скёрысь вештіс кияссё сіззи, мёдыс муртса эз усь.

Оз жё тай, вёлөм, Чудь мыльк вылын сулалысьяслөн пыр өткодь сямьс овлы. Сайкавлёны жё, вёлөм, недыр кежлө. Сідз тай өні лоис-а. Нина Петровна быттё узьёмьс палявліс. Пырьсьтөм-пыр жё шыасис Ёгор дорё да кутіс кевмысьны:

– Ёгор, сё Криста ради! Петкёд менё татысь. Виас өд. Со Ладимерлөн бугыльыс кыззи гёрдөдөма. Быттё ошлөн.

– Кык түпөсь нянь вылө кө сьөмтё сетан, сэки лэдза,– юрас другён воём мөвпсё шуис Васька Ёгор. Морт горш да ад горш пё өтпасьятабсь. Сөмын мед казялас мортыд асьсыс барышсё.

– Сета,– сөмын и слөймис шуны Нина Петровна.– Сета... Вовук, тырмас дурнытё. Тэ өд менам ок шань.

– Петкөдла ме тэныд шань!– сы дорё выныштчёмён сетчис Ладимер.

Но Васька Ёгор буретш помаліс колана кывьяссё лыддыны. Кор тай мытшасян кытчөккө, а сэсся друг мынан, сэки тутан-усян сөмын. Сідз жё и нывбаба муртса эз патурликөн лэччы мыльк горулас. Ладимер буретш вөлі ырыштчөма сылань, да гётыр бёрсяыс бауён вётчис. Кыкнанныс лёкысь гёрдөдөмабсь. Нина Петровна вель дыр ловсё шедөдіс, эз тёд, мый и шуны. Повзьёдчөмсьыс верөс вылас уськөдчыны али мыйкө мөдтор вёчны. Ладимер ваё чөвтлөм каньпи моз сулаліс, эз лысьт весиг синьяссё вывлань лэптывны.

– Со вёлөм кутшөмөн меным колө лоны?– сөмын шензыштіс ас вылас Нина Петровна.– А мыйла нё эськө ме татшөмнас эг ло?

Сылөн юалом выло мужикьяслөн воча кывйыс эз сюр. Найо асьныс эз тодны, мыйла они со татшомось, а мыльк вылас мод полосось. Астьо он гогорво, а кытысь нин йозсо.

– Гашкө, бур, мый эг татшомыс ло да?– аскөдыс моз сёрнитис нывбаба. Сэссия Васька Ёгор выло видзөдлом бёрын кыскис кыськө сьом да лыддытөг и зургис.– На! Атьё, Ёгор!..

– Мыйысь?– эз гогорво модыс.

– Ачым на ог тод. Но атьё,– лабутнөя шуис Нина Петровна да моддчис сиктлань.

– Нина, сулав!– уськөдчылис бёрсяныс верөсыс. Но модыс весиг эз бергөдчыв. Ладимер гогорвоис, мый они гөтырыслы оз ков дөсадитны. Мед отнасон ассыс думьяссө пөжыштас. И эз кут бёрсяныс мунны.

– На бөр сьөмтө,– чургөдис нывбабалысь сетөмторсө Васька Ёгор.

– Оз ков. Аслыд коль. Нажөвитин. Со тай Нина весиг атьёалис на мыйыськө.

– На, мися.

– Босьт! Сёрнитчим тай. Эн яндысь... Тэныд өд, конкө, эз ёна любө вөв миян выло видзөднысө. Таысь и сьомыс. Нервтө бонзьөдөмысь.

Ёртгяс муныштісны чөла. Ладимер зумыш чужөмөн мый йылысь кө ёна мөвпалис. Сэссия Ёгорөс соскөдыс кутөмөн сувтөдис.

– Кылан, Ёгор, ме төда, коді сэкинад тэ дорө воліс.

– Коді?

– Чудыс. Со коді. Сөмын сійө вермас тазисө вөчны!

– Мыйла?

– Аддзө миянлысь олөмнымөс да. И со, тэ пыр отсыштны мыччысис.

– Вермас лоны. Гашкө, и збылысь сійө да,– эз пыксы Ёгор.

– Сөмын сійө тазисө вермис петкөдчывны,– пыр на эскөдис ёртсө Ладимер.– Сөмын сійө, повтөм, некодлы сетчөтөм, ас вежөрөн олысь чудыс, вермас отсыштны. Сійө, тыдалө, көсйө, медым миянөс олөмыс эз веж. Мед лоим сэтшөмөн, кушөмөн чужлім. Мед лоим чудь кодыс жө збойөсь, ас выло эскысьөн да ас вежөрөн олысьсөн. Сэссия некодлы ми ог колөй.

– Колөкө, и сідзи...– дакайтис Ёгор.

– Дзик сідзи!– ыззис аслас мөвпысь Ладимер. Сэссия лэдзис ёртыслысь сойсө да бара зумыштчөмөн кутіс мөвпавны. И водзө эз нин висьтав, мый йылысь.

Васька Ёгорлөн жө аслас мөвпгьяс гартчисны. Мыйла буретш сылы петкөдчылис? Мыйөн сійө мукөдсыс торьялө? Мыйла эз

Ладимерлы либё Полом Агнилы гортӧдзыс воны? Воча кывсӧ талы Васька Ёгорлӧн вежӧрыс эз аддзы.



Эз на коль и вежон, а сиктыс дзоньнас нин тӧдіс, мый Васька Ёгор вермӧ вӧчлыны йӧзсӧ сэтшӧмӧн, кутшӧмӧн буретш чужлісны. Сьӧрсӧн-бӧрсӧн сы дорӧ кутісны люзгыны пӧрысы и том. Быдӧн корӧны збыльсӧ висьтавны. Быдӧн сэсса вӧйысыӧны ськӧд тшӧтш ветлыны сикт сайӧ. Кӧть сэсса Чудь мыльк вывсьыс Ёгорлы гортас не ветлыны. Пыралӧмсьыс донсӧ Ёгор корис морт серти. Морт серти жӧ и урчитліс петӧмсьыс донсӧ. Кодсюрӧ гоз-мӧдыс нин волісны. Вӧліны и сэтшӧмьяс, кодьяс ӧтчид мыччысьлісны. Сьӧм лотны эз кутны. Васька Ёгорлӧн удждоныс лои вель ыджид. Сійӧ мӧвпаліс нин, мый эськӧ ыджыдтор ньӧбны. И арталіс, уна-ӧ позьӧ нажӧвитны, паськӧдчыны кӧ да юӧртны Чудь мыльк вылын керсьыс дивӧ йылыс ылӧджык, район пасьта. Сэки позяс веськыда сэтчӧ чомтор вӧчны да сэні узны и овны. Кытчӧдз йӧзыслы оз дышӧд. Ӧд быдсяматорйыс овліс мыльк вылас. Кодсюрӧ Ёгорӧс бӧрнас муртса эз нӧйтны. Сӧмын вот бӧрья каднас петӧмсьыс сьӧмсӧ унджык кутісны вӧйыны пырӧм дорсьыс. Йӧзыс мыльк вылын олыштӧм да асьнысӧ тӧдмалӧм бӧрын быттьӧ зілісны мыйыськӧ ӧйдӧджык мездьсыны. Сӧрӧ-бӧрӧ сы дорӧ кежавліс и Демид Миш. Коді тай, висьтавлім нин, Ёгорӧс скӧтниксьыс тодмышкавліс.

– Ёгор,– пыригмозыс тшапа шыасис сійӧ.– Тэ пӧ Чудь мыльк вылас ыджыдыс. Ветлам!

– Ог эшты,– вӧтлӧмсьыс водзӧс кӧсйис мынтыны, да куражитчыштіс на Ёгор.

– Эн ышнясь. Ветлам. Меным окота жӧ тӧдны, кутшӧмӧн чужсьылӧма. Гашкӧ, академикӧн да. Колӧкӧ, слӧйма на ме велӧдчыны да воӧдчыны сэтчӧдзыс.

– Тэ помысь...

– Эн, мися, чепсась сэні. Вывті тай ныртӧ вылӧ кутін лэптавны. Ышты...

– Ме ӧд дон вылӧ вӧча тайӧ уджсӧ.

– Мед кӧ. Чайтан, менам сьӧмыд абу? Эм. Сэтшӧм уна, мый тэ та мындасӧ весиг вӧтнад эн аддзыв,– ошйысьыштіс Демид Миш.

– Кыгыс нин меным тэнад мында сьӧмсӧ аддзывны!– сӧдзӧдіс Васька Ёгор.– Ковмас, сідзкӧ, тэнсьыд доз вылӧ корны. Сьтӧг сӧрни оз ло Чудь мыльк вылӧ ветлӧм йылыс.

– Сета, – көсйисис мөдыс.
– Өні вай, – төдіс Демид Мишлысь ылөдчан сямсө Ёгор да ээ и думайт сетчыны.

– Бөрас сета.

– Он кө дзик өні сет, гортысь ог вөрзөдчы! – чорыда шуис Ёгор.

– Ышмөмыд жө тэ! Ме дорын уджалігад, небось, эн лысытлы татшөма чепсасыны, – пинь пырыс сөдзөдіс Демид Миш. Кыскис сьөм, лыддис да сетіс. – На, босыт...

– А то тэ ылөдлан. Дасы вылас овны велалөмыд да, – воча сөдзөдіс Ёгор. – Бөрас тэнсыд чир мында он босыт.

– Мунам нин. Кутін сэні зыныгыны...

Васька Ёгор восьлаліс водзвылас, зіліс ылөджык кольны мөдсө. Но Демид Мишлөн сылөн мында тэрыблуныд эм жө. Пыр зіліс орччөн моз тувчавны, водзвылас на петавліс и.

– Сувт мыльк шөрас! – воөмөн тшөтш крапкис Ёгор.

– Оз кө нинөм артмы, бөр босыта сьөмсө, – көсйисис Демид Миш.

– Артмас. Быдөнлөн на артмыліс... Гарантия! – төдчөдіс Ёгор. Демид Миш кайис мыльк ылө, тшапа сувтіс. Ёгор босытчис лыддьөдлыны колана кывьяссө, а ачыс сюся видзөдіс сулалысь ылө. Думсыс виччысис, мый Миш тушанас ичөтмас, йөжгыльтчас. Мыйлакө көсйис, да и чайтіс, мый Миш чужлөма коньөр кодьөн. И сёрниыс сылөн лоас дзөбыльтана, полана. Но Демид Миш весиг ээ вөрзыв. Кыдзи сулаліс, сідзи и коли.

– Ёгор, мый нө он веж менө? – босытчис чуймөмөн юасыны сійө.

– Вежи нин да. Нимкывсө со помөдз лыдди и.

– Эн сөр. Яндысьтөм син! Йөзсө сөмын ылөдлан! Час, лэчыла. Лөсьөдчы бөр сьөмсө сетны. Нинөм ылө тэнад сямыд ээ вөв и оз ло.

Васька Ёгор кутіс гөгөрвоны, мый Демид Миш лоөма дзик сэтшөмөн, кутшөмөн коркө чужлөма. Овлө жө тай, вөлөм, тадзисө. Миш зіліс лэччыны мыльк вывсьыс, но мытшасыліс. Сөмын тайө и вөлөм инө сылы.

– Мый нө йөйталан. Збылысь, ог вермы со муннысө! Лэдз татысь!

– А ог кө. Сэтчө и колян, – долыда серөктіс Васька Ёгор. – Тэ өд он эскы, мый верма ме йөзсө вежны. А тэ со аслад лөкелуныдла весиг он вежсьы.

– Дугды, колөкө! Лэдз!

– Ог. Со Полом Агни талань лөктө. Сійө кө тшөктас, лэдза.

Полом Агни збыльсы налань кежис. Эз нин эськө сійө косьы татчө волыны да. Дыр асьсө кутис. Но талун казяліс суседыслыс Демид Мишкөд мунөмсө, да бөрсянныс вөтчис.

– Мый нө Мишыскөд лоис?– матыстчигмозыс юалис сійө.– Вежөрсялыштис коть эз?

– Эз. Кутшөм вөлі, сэтшөм и сулалө.

– Ме сідзи и чайті. Миштө өд ме ичөтсянныс жө төда. Дзөляна-нас өнія кодь жө дрист вөлі.

– Лэдзөй, мися, татысь!

– Кык доз вылө кө сетан...

– На. Босьт,– суйис кисө зептас Миш.– Ог өні, а лэдзан да сэки сета.

– Босьтан сэки тэнсьыл!

– Он. Сылысь он босьт,– эскөдіс и Полом Агни.– Ёгор, вай ме ветла сы дорө да босьта.

– Ветлы.

Полом Агни кайис мыльк вылө. Ёгор бара лыддис «атө-катөсө». Буретш сэк, кор Миш эз чепсась лэччынысө, а то мына-нас.

– Вай сьөмтө,– кисө чургөдіс Агни.

– Тэныд ог сет. Ёгорлы сета.

– Сет, колөкө, а то ог лэдз.

– Эн. Ми өні Агникөд. Сійө өд оз жө вермы петнысө.

– Меным тэрмасьны некытчө. Тэнө өд корсьны кутасны-а. Оз кө адзыны, чиршөдласны. А таысь тэ ёна полан. Сямыд веськөдлынытө абу, сөмын нювсьөмөн дагырысьджык чина водзын чесьтө уськөдчөмөн и кутчысян. И йөз вылас тешитчөмөн, коді тэысь нэрджык,– збоя шуалис Агни.

– Тэ нө мый, Агни, лоөмыд? Быд паныдасигөн муртса муөдзыс он копыртчыв-а.

– Кутшөм эм. Чайтан, тэ и мортыс. Абу-у! Көсьян кө, велө да уджавнытө.

– Тэ помысь.

– Верма эськө да. Юрын уна мөвп жуө. Но тэныд висьтавынысө весиг дыш. Вай сьөмсө. Ёгорлы сета.

– Он тай тэысь мын! На...– сьөмсө му вылө чөвтис Миш.

– Киө сет!– эз копыртчыв нывбаба.

– Ачыл кыпөд...

– Сідзкө, олыштам на тани. Ёгор, эн лэдз миянөс!– збояліс Агни.

– Ог, ог. Меным тэрмасьны некытчө жө,– пуксис мыр вылө Ёгор.

– Дурмөнныд тай ті!– копыртчыліс сьомысла Демид Миш.–
На, босьт...

– Ышнясян сэні. Тэ быттьо и мортыс,– шуасис Поллом Агни.–
Ёгор, лэдз сэсыя. Дыш весиг меным такод орччөнсө сулавны.

Васька Ёгор шуалис кывьяссө. Демид Миш тшапа лэччис да
матыстчис сы дорө:

– Нырад эськө лөсыштны!

– Видлы сөмын. Аслыд кыз сизьдышта,– збоя шуис Васька
Ёгор.

– Аттө кутшөмөсь лоомныд. Чудь мыльк вөснаыс,– сапөг ныр-
нас чужийс мусө Демид Миш да мөдөдчис сиктлань.

Полом Агни сөмын сылөн мунөм бөрын матыстчис сусед до-
рас, мыччис сьомсө.

– На, босьт. Бура нажөвитін. Менам кө лишалана сьом вөлі,
то асыянь на содтышти и.

– Аслыд кольөд,– өвтыштчис Ёгор.

– Босьт. Збылысь нажөвитін да. Тэныд, мужик мортлы,
сөйөм вылад уна мунө. Сьомыд мустө оз зырт. Демид Мишлысь
дивья босьтнытө. Сылысь мыйкө нетшыштны пон вомысь лы
мырддьөм кодь жө.

Суседьяс мөдөдчисны жө сиктлань. Демид Миш ылынокдь
восьлаліс тэрыба. Налань бергөдчыломөн мыйкө шуышталіс на
и. Гөлөс горыс эз во, но позьө вөлі гөгөрвоны, мый вөчсьө өні
сылөн сьөлөмын.



Нөшта вежон коли. Васька Ёгор дорө кежалысьыд пыр на
вөлі. Вывті горшасьны сійө эз жө кут. Дивөсө петкөдлөмысь
сөмын нажөткааджык йөзлысь сьомсө босьтліс. А талун сы дорө
воисны гөсьгыяс. Быттьө водзвыв сёрнитчөмаөсь. Первойөн пы-
рис Полом Агни. Мыйкө ружгыштіс, а мыльк вылө ветлыны эз
чуксав. Мөдарө на сёрнисө паніс:

– Ёгор, гашкө, эсійө... позьө оз кызкө дугөдны мылькыйс-
лысь дурөмсө.

– Мыйла дугөдны?!– шензыштіс весиг Ёгор.

– Чайта, нинөмла сійө миянлы. Сөмын йөзсө дэльөдө. Ме-
нам со узьөм ни олөм эз ло. Пыр ассыым олөмөс юрын гөг-
льөдла. Мыйла ме эг вермы велөдчынысө? Сэтшөм кө нин
сюсьөн чужсьылөма. И окота бара видзөдлыны, төдмавны
ачымөс мыльк вылас. А сэтчө ветла да, оз кокньөд. Мөдарө, жу-
гыльдзык на сьөлөм вылын лоө.

– Эн ветлы дай.

– Кыз нӧ он ветлы? Кыскӧмӧн кыскӧ да. А эз кӧ вӧв тэнад дивӧйд...

– Эн и кор, Агни. Йӧзыслы со колӧ да... Чудь мылькыйыс, шуа. Эз на удитны найӧ ассыныс венсӧ помавны, пырисны Ладимер да Нина Петровна.

– Ёгор,– пыригмозыс чорыда шуис Нина Петровна.– Вай дугӧд ассыд дурӧмтӧ.

– Эн, Ёгор,– суйсис Ладимер.– Оз ков!

– Оз, дерт,– пыксис и кӧзяин.– Мыйла, Нина Петровна, тэныд тупкӧмыс колӧ?

– Сьӧлӧм некызди местаӧ оз пуксыы. Пыр ачым аскӧд сёрнита,– эз кут кытшлавны мӧдыс.– Мыйла ме ӧнӧ сэтшӧм? Ог гӧгӧрво! И вылысь бара кыскӧ ачымӧс видзӧдлыны. А муннысӧ ог вермы. Сьӧлӧмӧс кырлӧдлыны ог кӧсйы. Ёгор, верман кӧ, вай дугӧд...

– Оз ков,– воддза моз куражитчис Ладимер.– Мед быдӧн ассыӧ адзӧ, кутшӧмӧн чужлӧма. И бӧр зильӧ лоны сэтшӧмнас.

– Кыз нӧ тайӧс вӧчан?– пысасис Полом Агни.– Куш кӧ ӧтнадӧн олӧн, сэк гашкӧ-а...

– Он, он вермы асьтӧ вежны,– майшасис Нина Петровна.– Сӧмын сьӧлӧмтӧ дойдалан сэсся... Кор адзан, кутшӧмӧн чужлӧмыд.

– Челядьӧс кутам новлӧдлыны. Налысь сямсӧ тӧдмавны,– эз сетчы Ладимер.– Найӧ нюдзджыкӧсь на. Налы кокныдджык вежсынысӧ.

– Оз, оз ков тайӧс вӧчны...– Нина Петровна пӧшти кевмысис.

И морыс вылӧ пырис Демид Миш. Кытшовтис видзӧдласнас водзджык локтысьяссӧ да крапкис:

– Вай, Ёгор, тырмас йӧйтавнытӧ. Некызди со ас садьӧ ог во. Ставныс вежсьӧмаӧсь. А ме быгтьӧ важкоддыс и эм. Мыйла нӧ? Эг жӧ ӧд водзвыв лӧсалӧм туйӧд мун. Эг ӧд тӧд, мыйӧн лоа и.

– Ми тэ моз жӧ со гаралам, мед дугӧдчас. Быгтьӧ позьӧ кӧ на...– лабутнӧя сёрнитис Нина Петровна.

– Ме чайта, ставлы тырмымӧн нин лои тайӧ дивӧыс. Мый вӧчны, вӧчис нин мянлы Чудь мылькыйыс,– ышлолалис Полом Агни.– Тырмас, Ёгор...

– Ме тай чайта, мед олас-а. Он ӧд мылькӧ шыльӧд. Сидз ӧд, Ёгор?– ассыс долис Ладимер.– Чудьясыс со мянӧс вежсыны чуксалӧны.

– Он, мися, Володя, вермы. Вын өд колө вежсьынытө. А кытысь сійө миянлы? Видлы вай тэ лоны сэтшөмөн, кутшөмөн чужин. Быдөн тай кокньөдчыны видзөдчам. Кыдзи мунө, мед сідзи и мунас, шулам, олөмным. Бергөдчынытө быдөнлы ыджыд вын ковмас. А та ылө көсйысьыд этша. Сөмын сьөлөмясьсө йөзыслысь дойдалан!– зэв сюсь мөвпясьсөн талун сёрнитіс Нина Петровна.

– Кыдзи он вермы вежсьыны?– збояліс Ладимер.– Верман бара.

– Меным тайө мылькйыс и барышсө вайө,– дорйысис гөсьтыяс водзын Васька Ёгор.– Кыдзи нө ме уджтөгыс овны кута?

– Ме тэнө бөр скөтникнад босьта,– пыр и суйсис Демид Миш.

– Ылөдлан өд, көнкө,– эскытөг шуис Ёгор.

– Став йөз дырйиыс өд оз жө кут ылөдчыны,– шензыштіс быттьө Полом Агни.

– Ог, ог ылөдлы. Мый нө, менө и мортөн он нин лыдды али мый?– дөзмөпырысь артмис Демид Мишлөн.

– Думыштылыны ковмас,– ышловзис Васька Ёгор.

Ставөн чөв ланьтісны. Көзяин мөвпаліс. Сэсья шыасис:

– Зэв кө нин коранныд, то дугөдчам. Меным таысь ёна любөыс абу жө.

– Мый нө колө вөчны?– юаліс Нина Петровна.

– Ёгор, төдан кө, вай эн висьтав!– кевмысис Ладимер.

– Эн дөзмы, но висьтала. Сэкинад, коді со эстөн пукаліс, шуис, мый көсьян кө пө дугөдны ставсө, то колө Чудь мыльк шөрас сатшкыны пипу зор.

– Пипу зор өд он жө сатшкөй?!– өзйис Ладимер.– Чудьясыс өд абу кутшөмкө тшыкөдчысьяс!

Но сылысь эз нин кывзыны. Кыв шутөг петісны. Васька Ёгор босьтіс сьөрсьыс чер, и веськөдчисны раслань. Корсисны ёнджык пипу да керыштісны. Та бөрын пуктісны сійөс пельпомьяс ылань да мөдөдчисны Чудь мыльклань. Сөмын Ладимер эз көсйы отсавнысө. Пыр на кутіс надея дугөдны. Но кытысь! Сиктөд мунігөн вель уна отсасьысь сюри. Мыйөн төдмалісны, кыгчө артельнас пипусө нуоны, ыльөбтісны матө став сиктсаыс.

Зэв сьөлөмяньыс сатшкисны зорсө мыльк шөрас. Та бөрын Васька Ёгор быдөнөс сувтөдліс мыльк шөрас да «атө-катөасис». Но быдөн кольліны ас кодыңыс. Эз вежсьывны воддза моз. Сэсья ыджыдсьыс-ыджыд удж вөчөм бөрын моз сьөкыда ышловзылісны да разөдчисны...



Тайö рытнас Ладимер нэмнас первойысь вель топыда юис. Петис да ассыс потшöссö дзоньнас разис. Сьöлөмсяныыс сяркнитис дөрөм кизьяссö да көмтөгыс мөддчис сикт кузя.

– Рабьяс! Оз, вөлөм, ков тянлы мездлуныс!– горзис сийö. – Бөр окотитанныд рабствоö, көнi вердöны! Оз ков аслыныд мөвпавны! Сöмын уджав да мыштö лöсьöд, мед нöйтисны! Оз ков рабьяслы мездлуныс! О-о-оз!

Недыр восьлалыштис да бара горöдис:

– Öксы ме! Пама ме!

Нина Петровна öдва пыртöдис сийöс гортас. Ладимер лэдчысис гöтыр морöс бердас да кага моз сьöлөмсяныыс вель дыр бөрдис.



Чайтисны, мый та бöрын Ладимерöс велöдыссыд вöтласны. Но эз. Быдөн тай олөмас көть öтчыд, но көсийö вöчны мыйкö шензьöданаöс. Сэтшöмтор, мый йылысь мөвпыс пукалö көнкö пыдын. Но оз быдөнлөн письт, медым вöчны тайöс. Йöзсö шензьöданаторсö.



Васька Ёгор дыр на виччысис, мый öти асылö сы дорö локтас сэкся пукалысьыд. Дивитны ли, мый ли. Гашкö, мөдтор тшöктас вöчны. Но эз и мыччысьлы.



Пипу зортö Чудь мыльк шөрсьыд регыд мысти кодкö нетшыштöма. Но некод эз висьтась...

ГУДРАСЬЫСЬ КАД

ПОВЕСТЬ

– Иван, тэ нё он мун талун бөрйысь-
ныгö?– юалö верöсыслысь гöтырыс.

– Ог. Ме аски ветла.

(Йöзкостса шмонь)

Водзкыв

Во-мöд нин телепит пуксыны да гижны быдса роман. А сю-
рöсыс сылön öти грездса олöм йылысь. Юксёма сійö озыръяс
да гöльяс вылö, дышъяс да зильяс вылö. Дышъясылы дышöдас
гöля овны да ассымаласны судзянаджык олысьяслысь став эм-
бурсö, таргайтасны-видзасны, юасны да лöсьыда жыкруйтыштас-
ны. А сэсся öд эмбурыд абу помтöм. Бара чукöстасны ас дорас
зильястö да шуасны, мый налы öнисянь позьö выль пöv кутчыс-
ны уджö, сетасны му-видз, лэдзасны лöсьöдны скöt да сідз водзö.
Найö бара босьтчасны мый вынсьыс мошкоритчыны да кутшöмкö
кад мысти выль пöv озырмасны. Дышъясыд оз кутны дыр виш-
кыны, уськöдчасны бара мырдявны... Тадзи вель унаысь. Босьт-
чыны кö гижны та йылысь, то помыс романыслön оз ло.

Кутан мövпавны олöм-вылöм йывсьыс да гөгөрвоан, мыйта
лёкыс сюрлi коньөр сиктса олысьлы. Сöмын тайö нэмсö кö босьт-

ны. Комынöd вояснас лöсьыдджыка олысьяслысь мырддялісны ставсö, а асьнысö унаöс йöршитісны сугугаа потшöс сайö. Унаöн бöрсö гортас эз нин бергöдчывны. Сэсся сиктсаяслы ковмис уна во чöж дон босьттöг мырсьыны асывсъян рытöдзяс. А кор со личöдыштлісны вöжжисö, найö эз нин кутны сэтшöма сьблöмсян вöчны видз-му уджтö. Сьбд нянь вылö кö воыштліс и то бур. Абу аслад му-виддзыд да оз и торья пессьыны. Дась нянь сёйысьясөн лои вöчöма Совет власть дырйи сиктса уджач войтырöс. И медясö та вöсна найöс бөр важас, коммунизм кыпöдöм вылö, бергöдны медся кокни. Ог кут лыддьöдлыны уна лыда помкаяс, подулавны найöс. Сöмын гарышта важ коми кыв шусьöг – кулöм мöскыд пö век йöладжык. Сэсся и он на тай век веськав буретш важ местаас. Вотчигьяс дырйи тай пыр корсян вотöсadjык места. Кöть эськö сюралыштö, шуам, чöдйыд, а век мөвпалан, мый көнкö мöдлаын сійöс быттьö койыштöмаöсь. И уськöдчан корсьысьны. И оз сюр. Кутан майшасьны, мый колöма жö важ местаас кольчыны. И бара босьтчан корсьны сійöс. Унаысь он веськав. А сюрас кö, то казялан, мый и тані чöдйыс абу жö вывті уна. Татшöмкодъ жö лоö öні олöмсö бөр важас косöдöмыс. И тыдовтчö, мый та вылö ышöдöны медясö олöма войтыр. Ме гөгөрвоа налысь шог-маetasö. Но некыдзи ог гөгөрво, мыйла налы тайöс вöчнысö, кор нин весиг налөн челядьыс оз кöсйыны коснысö. Ог нин сёрнит пöльöн да пöчөн шуысьяс йывсьыс...

Да, гудрасьысь кадö ми олам. Йöзсö шыблалöны то öтилаö, то мöдлаö. Лаcта грезд, код йылысь кутас мунны сёрныыс менам повестыын – юрысь босьтöмтор. Повестыслөн жанрыс фарс. Мöд ногөн кö, öти сикт, стöчджыка кö, öти семья, вылын петкöдлыны öнйя гудрасьысь кадсö. Фарс – тайö ичөттор вылö ыджыд лупа пыр видзöдöм кодъ. Сёрныыс кö мунö öти морт либö семья йылысь, то колö босьтны паськыдджыка. Петкöдчö олöмыслөн тешкөдторьяс йылысь, коді мунö оз сöмын Коми муын, но дзоньнас Рассея пасьталаыс. Повестяс видла петкöдлыны, мыйла жö миянлы некыдзи оз позь бергöдчыны важас. Стöчджыка кö – коммунизм кыпöдöмас. Ме некыдзи ог кöсйи тешитчыны некод вылын. Фарс жанрыс сэтшöм. Шмони-тыштöмөн да нюмпырысь висьтавны олöмын лöмторьяс йылысь. А сіджö сы йылысь, кыдзи вермас лоны, гижысьлөн чайтöм серти, кежасны кö войтырыс олöмлөн кутшöмкö туйö. А Лаcта грездас вöчсьö и вöчсьыліс, а гашкö, и лоö на, со мый...



Ласта грездса олысь-вылысь Макар Чикышевлон талун асылыс бара пансис мөвпьясыянь. Мый вылө сэсса юрыс – сөмын мөвпьяс песны. Гашкө, нөшта мөдтор вылө на. Во-мөд сайын тай сійөс юр висьом ок ёна топөдліс. Чашкаыс быттьо потны кутліс. Первойыс нэмнас тапиктыліс сэк пельшөр дорө. Элясис юр висьом вылад. А мөдыс весиг сы вылө эз и видзөдлы. Юрид пө висьом вылө и выйим, – шуис дай. Бөр ковмис гортас кыссыны. Сэсса тай вирыс ли мый вежсис да эз кут сэтшөма клонгыны-луйлыны юр чашкаыс. Та вылө тай ачыс ыстысьө-а. Код төдас? Колөкө, арлыдысла ставыс дубаліс да сійөн.

Гашкө, ёна мөвпалөмсыыс сэк топөдліс? А олөм йывысыс думайттөг некыдзи жө. Быд тешкодьторйыс бөрья кадас лоны кутіс да. Во дас сайын на Макар Чикышев ставыскөд тшөтш тшөгөля восьлаліс кутшөмкө коммунизмө. Социализмас пө тай воим нин-а. Шулісны радиво пырыд. Мый сэтшөм коммунизмыс, некод эз гөгөрво. Но ватагаөн шавксьөдісны. Мыйөн сійөс, коммунизмсө, няклялөны? Няньөн али бара коснас – эз төдны. Но восьлалісны тай со. Макар эз жө, тыдалө, кольчы. Оз тай төд вылас уськөд, кодкө төдсаяс пөвстсыыс слөймыліс эз воөдчыны коммунизмд? Некод тай эз ошйысыла-а. Но сэсса тай кыз кысянькө Мөскуа-сянь равөстісны! Ог пө сэтчө мунөй! Ставөн тайө горөдөмсыыс джөм сувтісны. Абу пө сійө, коммунизмыс! Сөрөм пө вөлөма. Миф пө кутшөмкө думыштөма куш юра да тошка дядьөйд. Миф кө, и миф. Макарлы нө мый. Ставкөд тшөтш коклябөр йылас бергөдчис да өдөбөн уськөдчис кытчөкө бөрлань ли боклань ли. Отилаысь да мөдлаысь тай вөлі юасылас да некод эз куж висьтавны морт ногөн, кодарө тазисө тэрмасьоны.

Но медым муннысө эз вөв сэтшөм гажтөм, сувтлөны жө. Водзын шавксьөдысыяссө бөрйыны. Кымын водзө, сымын тшөкыд-джыка кутісны сувтлынысө. Первойсө любө вөлі. Век нин шойчөдыштасны. Но сэсса Макарлы мыйкө тайө тешкодьөн кутіс кажитчыны. Гоз-мөд воськов вөчасны, и со бара нин джөм-дөмаөсь. А водзөсө мунны окотитысыыс мыйта! Быдөн морөсас сизьдөмөн высталө, мый сөмын сійө төдө, кытчө муннысө. Кодлы и эскынысө? Макар эз төд. Быттьо ставныс бурөсь да шаньөсь.

Водзті, коммунизмд довгигөн, Макар бөрйысыліс жө. Но сэки кызкө ясыдджык вөлі. Оти морт и сөмын юравнысө вөйысыліс да. Весиг өтчыд веськавліс надурнойөн бөрйысян камиссияс. Абу вежалана удж тайө вөлөм. Көть өтиөс бөрйисны, но вөзняыс уна жө. Ставнысө шошаөдыс ковмыліс бөрйысян

куд дорас кыскавны да. Телепон пыр Макарлы кысянькө районсянь чорыд гөлөсә дядьö шуалис, медым пö став Ластаыс бөрйысис. Кодкө пö оз лок – ситö веськөдлам. Повзискодъ весиг сэк Макар. Дас кык час вой нин кутіс матыстчыны, а Ортем Вась некыдзи эз кут мыччысны. Туйсö воштöма ли мый? Уськөдчисны корсьны. Сюри öд кузяөн. Ларö Огашлөн керкаыс, лабич увсьыс. Абу, абу дзевсьöма. Коддзöма да усьöма нем виччысьтöм праздник кузяыс. Но öд стрöжитöны, мый колö, медым быдөн ас кинас кабаласö бөрйысян дозьяс чöвтіс. А Ортем Вась со некыдзи синсö оз восьт. Кысь нин кинас вөрöдны. Часыслөн дзöля беддыс дас кыкө матыстчö, а Васьöс пальöдны артельөн оз сяммыны. Сэсся кадус топöдны кутіс да кодкө повзёмвылысь со мый вöзйис. Öти пö мед босыс Васьлысь лыжалöм кисö. Мөд сюяс чунь костьясас бөрйысян кабаласö. Коймөд матыстас кудйислысь векныдик розьсö. А нельöд вартас кияс, мед кабалаыс Васьлөн чуңьяс костысыс усяс веськыда розьяс. Тадзи и вöчисны. Некод нин оз удты, мый Ортем Вась эз ас кинас чöвт.

Да. Вöвлі татшöмыс Макарлөн олöмын. Но вай бергөдчам öнйя кадас. Макар эськө эз сэтшöма талун майшась, эз кө бөрья кадас Марпа гöтырыс нинöм абунас ышмыны кут. Мöс лысьтыны колö, а сійö кутшöмкө партсобранныö вылö шутөвтö. Ёна первойсö Макар пузылис. Тиянтөг, бабаястөг пö, соборуйтасны. Но Марпаыс, тыдалö, дзикöдз нин тшыксöма. Вомалис. Тян мужикьяс помысь пö нинöм оз артмы. Ковмас пö вöжжисö ас киö босытыны. Макар тяпкөдчан и коли. Ковмис чышыянасьны да мөссö лысьтыны лэчыны. Но сійö, сюра лешакыд, абу Марпанад думьштöма да кыз тай чужйис пöдөнчаад! Бур, мый эз Макарлы веськав. Вель дыр ковмис ноксьыны. Эз кө Митрей пиыс отсав, то сотчис йöлыс, лысьтывтöгыд. Марпалы ставыс горт гөгöрад веськодъ лои. Мыйкө асьыс пыр дольö. Колö пö власьтсö керкаын вежны. Пöлино, дзикöдз вуні висьтавны. Неважөнсянь öд Макар керкаын ас юралысь жö лои. Митрей пиыс. Мыйла налы йöзысь-мортысь торьявнысö. Тшöтш жö юралысьсö бөрйисны. Быдса лун та вылö видзисны. Ок ёна зыксис нин сэк Марпа. Ачыс вöлі сойсьö веськөдлысьнас да. Но Макар, мужик мортыд, пи дорыс сувтис. Таыс ковмис дзонь тöлысь джоджын узлыны. Марпаыс крöватяс эз лэдз да. Но лун-мөд сайын гöтырыс öти собранныö бöрын локтис, быттьö вежа ваөн мысьсöма. Зэв рам да шань. Быд ногыс кутіс верөссö ошкыны да Митрейсö лөкөдны. А рытнас весиг йөткыштöмөн Макарöс ас дорас водтöліс. Со и гөгөрво найöс, бабаястö.

Со и öні Макар небыд вольпасын куйлö да асьыс мөвпьяссö гартлö. Югдыштöм бöрын ковмис чеччыны. Марпа öд мөстö

лысьтыны скөнъ чөвтис. Ме пö öнi сöмын политикаон кута овны. Ковмö верöсыслы рыт и асыв лысьтысьны. Бур, мый мöскыс сы дорö велалис. Марпасö нин, колökö, тöдтöмтö.

Макар сувтис, кунь-каньон пасьтасис, мед политикаалöмсьыс шуй моз мудзöм Марпаос не садьмöдны. Петалис да мöссö лысьтис. Нöшта на кутшöмскюрö гортгөгöрсa удж слöймис вöчны гöтыр садьмытöдзыс. Сэсся грездас на петавны мог сулис.

Гортас воис лун шöр кадö. Пырис керкаас да эз тöд гортсö. Стен пасьталаыс Марпаыс кутшöмкö плакатьяс öшлöма. Пöрысьысла омöльтчыштöм синьяснас Макар видлис лыддыны гижöдьяссö, но олöмсьыс кольöм мортыд нинöм эз гөгöрво. Сöмын пöтурайыштис, мый плакатьясыс бара чуксалöны öтувийон мунны коммунизмaд. Кыськö тай Марпаыслы скюрöма? Дзик на выльöсь. Абу нэмöвöйсяссö öшлöма. Шензьöмөн сэсся видзöдлис гöтыр да пи вылас. Мама-пия мыйкö зэв сьölöмсяныыс пуксьöмаöсь да зуньясьоны-гижöны. Пырысь вылö синьяссö весиг эз чөвтлыны. Зэв скөр чужöмаöсь. Торйон нин Марпа. Макар эз кут найос торкны, пыралис гөбöчö картофелыла. Тöдис, мый гöтырыс эз жö пусы-а. Сэтысь кайигмоз век жö шусис:

– Слабог, төвсö тай кызкö вуджим жö. Картофель сорнад да мый да.

Тöдис кö эськö, мый лоас тайö кывъяс бöрас, Макар эськö некор вомсö эз востылы. Муртса на слöймис сийö помавны шуöмсö, кызд Марпаыс камöбтис кос коль кодь кабырнас пызан помö.

– Тырмас!– лёкгоршөн горöдис сийö да лөгпырысь кодзнитис Митрей пи вылас.– Аски жö бöрйысьны кутам! Этайö зырымбедьсыс тусь ни пызь эз ло!

– Ачыл тай нö сэкся бöрйысигад ...помланьыс... зэв ёна Митрейсö ошкыны босьтчылин,– шензьыштис Макар.

– Да, да,– пыр жö и сюйсис пиыс да кыкис зепсыыс каба-ла.– Со сэкся бöрйысьöмьясыдлөн каба-лаыс. Тэнад, мамö, тани кырымпасыл эм жö. И айöлөн тшöтш. Менö сэки керкаса юрaлысьнад кыкнанныд бöрйинныд.

– Йийсь вöлим да сийон,– пызан сайсыыс жбыркнитис быттьö Марпа. Эз öд весьшöрö Ласта грездаяс сийос Макардон Чикышев ов кузя Чикыш Марпаон нимтыны. Со тай и öнi сы моз жö лэбзис. Сэтшöма лöсялö нимыс да.– Тöдiм кö эськö, мый помась-лыгöм кослунья олöм лоö, эг жö эськö тэнö, мөмөтöс, бöрйи да. Макар! Шу жö мыйкö! Мый нö ланьтин?!

Макар збыльысь шöйöвошöмөн сулалис джодж шöрын. Öти здукон нинöм абусыыс зыкыс пансис, да некызд ас садяс оз во. Мый нин кыв шуом йылыыс сёрнитны. Но гöтырыс, Чикыш Мар-

паыс, сы гөгөр со лэбавны босьтчис. Өтар боксянныс и мөдарсянныс матыстчылас, синсө сувтөдөмөн кыв шуом сысянь виччысьө. Мед водзөсө лёкджык эз ло, Макар вомсө паськөдіс жө, скойс жө ассыс кывсө:

– Меным нө мый? Ме съод пемыд морт. Нэмсө мый тшөктылісны вөчлі. Ті тай со вежөраось лоинныд. Асьныд жө морөсад сизьдөмөн горзылінныд, мый олөмсө здукөн бурмөданныд. А ті со пыр зыксянныд да. Кор нө сэсся бурмөднысө слөймыланныд, пыр пинясигад.

Марпа татшөм кывъястө верөссянныс некидзи эз виччысь. Войнас шоныд вольпасын узтьөдөмсыйд сійө чайтис, мый Макар пырысьтөм-пыр сы дор лоас. Но со тай эз. Таыс Марпалөн весиг кыв-ворыс недыр кежлө вошлі. Митрейыс, мөдарө дай, кутіс айсө пельпомас тапкөдны. Ог төд мыйысь. Быттьө Макар эз жө сійөс тайө кывьяснас ошкы да.

– Айө, айө,– муртса эз кутлы Макарөс Митрей.– Эг өд ме лёк юралысьөн вөв? Шу вай. Эн дзеб стөч кывъястө. Нинөм таыс повнысө. Ми на, мужикьяс, олөм тэчысьясыс. Сідз өд, айө?

– Ни өтчидысь тай эн вөйтлы-а. И сійө бур,– нурбыльтис айыс.– Асьтө мамыкөд быд ногыс видлім. Но кабыртө миян вылө эн кыпөдлы. Эн.

– Нөшта мый?!– дзикөдз пузис Чикыш Марпа. Весиг ырыштчыліс мыйлакө первой верөсыс вылө, но сэсся кабырсө чургөдіс пилааныс.– Нөшта нөйтны кө босьтчас! Ай-мам вылө ки кыпөдны лысьтлас! Менам өд аслам кабырыд эм! Со! Көть и кос коль кодь, но зутшнита кө – ёсьысла ордлыөдзыд пыралас! Төдлан сэки!

– Марпа, дугды. Эн ыззы,– видліс өлөдны Макар. Но Чикыш Марпалы тайө вөлі дон пывсян гор вылө ва койыштөм кодь.

– Лысьтлас мед миянөс вөрзьөдны!– зырөдіс писө гөтырыс.

– Шуа тай, мый чунь помнас весиг эз чутнитлы,– писө босьтчис дорйыны Макар. Төдіс пөлыслысь сямсө да. Вермас өд и сизьдыштны пөсьйывсьыс.

– Дышысла, гашкө. Эз чутнитлы!– помкасө өдийө аддзис Чикыш Марпа.

– Дышнад дыш, но абу миян Митрейным кокни киа. Абу,– гогийөдлыны босьтчис юрнас Макар.

– Мый нө тиянлы – дышыс лёк али мый?– кузяөн письтис гөлөсыс мамыслөн ыршасьөмысь весьөпөрөм Митрейлөн.– Пасибө сылы, дышыслы, зэв кокниа видзө да.

– Кокнинад – кокниа. Сөмын тай чөскыдтөма вердө-а,– усьпаньвыв лёкалөмсыс кутіс пуксьыны Марпа.– Чөскыдтөма ды-

шyd, шуа, вердö мянöс. Тырмас! Ог аски, а талун жö выльысь бöрйысям!

– Ог жö öд талун?– шöйöвошис Макар.– Гоз-мöд лунтö öд кызкö олам на. Мед Митрей юрнуöдö. Оз тай, шуа, кокни киась. Мый сэсся мянлы колö. Мукöдыслөн челядыс ок кокни киаöсь. Ай-мамыслы горш вылас тальччöмөн пыр мыйкö дзайгöны. Миян Митрей абу сэтшöм. Мед юралö на.

– Сидз, сидз, айö,– пыр жö и сы ногөн босътчис сёрнитны Митрей. Макарлы мелиа вашмунöм бöрын пыр жö и нюмыс сыли, кор бергöдис юрсö мамланыс.– Эталысь тай мыйкö муссö зыртö! Менö вежны ыршасьö! А мыйысь вежнысö? Узыны тшыг кынöмөн эз на водлы. Пыр на мыйкö да мыйкö вомад няклявны вöли.

– Тырмас!– сизьдыштис пызан пöвьяс Чикыш Марпа.– Шуи кö, мый бöрйысьны кутам, сидзкö, кутам! Öни жö!

– Öни öд ог жö?– век на чайтис такöдны пузьöм гöтырсö Макар.

– Со,– эз и видзöдлы сы вылö да пызан помö шлапкис кыз тетрадьсö Марпа. Тайö тетрадьтöгыс сийö бöрья кадсö весиг закодö эз петавлы. Сöбöруйтнысö грездас сийөн жö ветлис. Пыр тай мыйкö пасьялö сэтчö-а. Кутшöмкö пактыяс пö, шуö. Лёк войтырöс эрдöдöм могысь.– Со менам бöрйысьöмводзвывса кöсйысьöмьясöй! И тані жö Митрейлы паныд чукöртöм пактыяс. Мый сийö гусьөн слöймылис лёксö мянлы вöчны!

– Кутшöм пакöсть нö сийö вöчис?– шензьыштис Макар.– Зэв бура олö со да.

– Вöчис. Менам пасьялöма!– вомалис Чикыш Марпа.– Мапиози сийö, Макар. Мапиози!

– Кöни узис?– эз гөгөрво виль кывсö Макар.– Матын узис?

– Эз узь! Некөн эз узь!– чилöстис Чикыш Марпа.– Узис кö мед нин. Мапиози сийö! Миянлысь ставсö шышнитис-гусялис.

– Нинöм тай гортысь эз вош-а?– век на нинöм эз гөгөрво Макар.

– Сöмын ас йывсьыс мövпалö. Крöватьсö нö коді ассьыс пач бердас сувтöдис, мед шоныдджык вöли? Эз Митрей?

– Пачсö айö омöля ломтыны кутис да,– дорйысис Митрей.– Кынма öд.

– Пескыд этша да,– вомалис татшöм дорйысьöмсьыд Макар.– Эн запты да.

– Эг удит. Мукöд уджъяс вöлины,– воча шуис Митрей.

– А шоныд эшкынсö коді ас вылас пуктис,– кыз тетрадьсö видзöдлöм бöрын водзö кутис писö топöдны Чикыш Марпа.– Эн тэ?!

- Ме,– эз соссы Митрей.
 - Сідзкө, мапиози!– зырөдіс сылань Марпа.
 - Дивө тай,– шлапкис бекьясас Макар.– Мапиози? Менам пи мапиози. А мый нө, Марпа, тайө мапиозиыс лоө?
 - Шуа тай, мый лёк вөчысь. Миянлысь ставсө шышнитысь. Нөшта на сійө... кор... кор...– эз аддзы юрсыс кутшөмкө кыв да бара кыз тетрадыс видзөдліс Чикыш Марпа.– Нөшта сійө коррумпированной морт! Вот!
 - Сөмын эн матькы,– өлөдіс Макар.– А тайө нин мый лоө?
 - Сөтанаыс төдө. Лёк морт жө пө тай, шуоны-а. Миянлысь вирнымөс юысь.
 - Колантор,– мамыслөн эрдөдөмьясысь дыр кежлө шай-пай-мунөмысь кузяөн паляліс жө Митрей.– Колантор, шуа, тиянлысь вир юны.
 - Со, со?– места вылас нимкодя чеччыштліс Чикыш Марпа.– Весиг паныдсө шуны нинөм оз вермы.
 - Збыль мөй, Митрей, тэ сэтшөм?– эз на эскы Макар.– Миянлы пакөсть вөчан?
 - Тэ, айө, он гөгөрво али мый нө?– синмас сылы видзөдліс пиыс.– Мамө со бөрйысьны лөсьөдчө. Со и няйтсө ме вылө коялө. Мед тэ ме вылө дөзмин да сійөс бөрйин. Сылы өні медтыкө ёнджыка суклявны менө.
 - Нинөм кө эз вөв – эг шу!– скөрмис ёна Чикыш Марпа.– Чипан гөна перинаыс код улын? Абу тэ улын? Аслад крөватьө тай на шлапкин.
 - Тян өд гөна перина жө,– дорйысис Митрей.
 - Но и мый? Миянлы, колөкө, айыдкөд кык перина вылын окота узылыны.
 - Дугды, Марпа,– шыасис Макар,– кык вылад вөян, вывті небыдыл лёк жө.
 - Мед абу лёк!– горөдіс сы вылө Марпа.– Небыд кө, то бара джоджад узыны кутан!
 - Со, айө, сійө кутшөм,– Макарлань сетчис пиыс.– Он кө сы ногөн шуав, то пыр жө и джоджын узылөмөн ыршасьө. Тэнө повзөдлө, мед тэ сы дор сувтан. Менө суклялө и. Тэ водзын няйтөсьтө.
- Макар мыйкө дзик нинөм эз кут гөгөрвоны. Көсийс сьөвзыны да ывла вылө петны. Но Чикыш Марпа кыз тай шашаритчис сылы сояс.
- Кыгчө мунан? Сулав. Бөрйысьны кутам! Öні жө,– гөтырыс бара кутчысис аслас кыз тетрадьө.– Со тани менам бөрйысьөм-водзвывса став көсийсьөмьясөй.

– Аддзёмыд мыйён ошйысьны,– тетрадяс видзёдлём бёрын шапмис Митрей.– Оти лист выло и парсалёмыд да. А ме тэныд гижигкості куйм лист слёйми сарпавны.

– Но и олём пуксис,– чомрөдліс шензёмысла синьяссё Макар.– Весь овны оз путьмыны. Бара од өні менё пуксьодасны да тшөктасны нинём абу сёрнисё кывзыны.

– Кыззи нинём абу!– оэйис Чикыш Марпа.– Тэён мапиози, мися, веськөдлө! Нэмтө мекөд олїгад мөй эн на казьяв, мый менам юрөй тэ дорысь дзуртө на. А со Митрейлы менам вежөрөй войт мында абу вуджөма. Тэ рөдө, Макар, мунөма сійө. Мапиози. Мустөм ёкмыль!

– Мый нө менө омөльтан?– лөгасис Макар.– Сап вежөртөмөн али мый нин менө кутін лыддыны?

– Да, айө, омөльтө мамным тэнө,– чепөсйис Макарлань Митрей.– А ме тэнө, зөлөта айукөс, нэм ошкывлі. Менө выльысь бөйры керкаса юралысьнас. Ме од век тэ дор. Абу мамө кодь. Сійө тай тэнө нэмсө кедзөвтліс-а. Нинём абусысь пыр видліс.

– Тэ эськө... эсійө... корр... мапиози... ланьт!– чорыда шуис Чикыш Марпа.

– Эз жө эськө торьясө өтдортлы да,– ассыс кутіс дольны Макар.– Сөмын тай мукөддырйиис лөк вома овлө. Быдся мисьтөм кывьяснас шуасьө.

Чикыш Марпа мыйкө чөв ланьтіс, быттё кывсө недыр кезлө нылыштіс. Сюсь чужөмөн сулаліс да мыйкө ыджыдтор йылысь мөвпаліс. Сэсса шлапкис плешкас ки пыдөснас да ышловзигмоз броткөдчыштіс:

– Пёрысьмыны, тыдалө, куті. Нырисөс воштыны татшөм кадө! Бөйрысьсөм водзвылын, йөйыд, бөсьгчи верөсөс дивитны. Арлыдөй али мый нин таявны кутіс.

– Лэчкө тай, мамук, шедін!– гөрдлыштіс Митрей.

– Эг на,– өвтчыштіс номйысь моз писысь Чикыш Марпа да кок чунь йылас моз матыстчис Макар дорө,– Макар, менам нинём абусө өнтай шуис. Тэнад вежөрыд эм. Тайө менам абу. Менам вежөрөй Митрей пинымлы вуджөма.

– Нинём ог гөгөрво,– гөтырыслөн лебезитчөм выло шензигмоз петіс вомсысь Макарлөн.– Кызз нө, Марпа, абутөм вежөрыс вуджны вермас.

– Тэ тай, мамө, дзик нин выжыв. Ачыл со керкаса юралысьөн вөйысян. А вежөрөй пө сап абу. Кызз нө вежөртөгыд юравнысө миян вылын кутан?

– Дугдөй!– эз вермы сэсса асьсө кутны да горөдсис Чикыш Марпалөн.– Ме на тайө керкасө отсалі кыпөднысө. Нитшсө дзик

отнам перйынысö ягас ветлі. Сэссия... ме на тані ыджыдыс и паськыдыс!

– Лоан, айö кө ыджыднас бөръяс. Öні ме на юралысьыс. Асьныд менö бөрйылінныд.

– Йййöсь вöлім да сійөн,– ропкис Марпа.

– Ме эськö ачымöс стенö кавшасьысь йййөн шуны ог на көсьы да,– эз сы моз мөвпав Макар.

– Тэнад нянь сёян вежөр сöмын...– вомсьыс брöльснитчис Чикыш Марпалөн. Но öдийö тай кыкнан кинас вомсö топöдіс, мед нинöм нин сэссия водзöсö эз чепöсьы.– Менам аслам нянь сёян вежöрыс, шуа.

– Тэ тай, мамö, дзикöдз дзугсин,– бара жерйöдлыны пиньсö күтіс Митрей.– Тэ, айö, тані медся вежöраыс. Бөрйы менö.

– Оз морав,– вомаліс Марпа.– Макар, эн тэ сылөн лебезитчöм вылö видзöд. Мапиози сійö.

– Эн нимтысь,– гораджыка нин мам вылас уськöдчис пиыс.

– Öнтай на, Макар, сійö тэнö быд ногыс видіс,– эз и видзöдлы Митрей вылö Чикыш Марпа.– Öні со бөрйысьöм йывсьыд кывліс да со кызди тэ водзын куснясьö.

– Ме айö йылысь некор на омöль кыв эг шулы. Абу тэ кодь.

– Ме мөй шулі?– пыксьыны жö күтіс Чикыш Марпа.– Ме, Макарушко, тэнö век ошкывлі.

– Кыкнанныд эськö ті меным любöсь да,– сійöс вылö донъялöмысь сёлöмыс небзис Макалөн.– Но он тай со бөрйысигад ордчы.

– Ковмас öтинымöс кодöскö бөрйыны,– зумыш чужöм вöчис Чикыш Марпа.– Вай ог кутöй кадсö лотны. Пуксялöй.

– Мыйла пуксям?– шензьыштіс Митрей.

– Бөрйысьны кутам,– чорыда шуис Марпа.

– Гашкö, неуна сёрöнджык да,– век на асьыс дольны видліс Макар.– Ме көть коляс картупельсö вузавны ветла. Локта да сэк бөрйысям. Көть войбыд. Сöмын мөс лысьтыны ветла.

– Эн некытчö öні мунны лысьт. Бöрас ветлан да вузалан.

Ставөн пукисны лабич вылö, видзöдлісны öта-мөд вылас. Эз быттьö тöдны, мый и водзöсö вöчны колö. Медводза сюсь мөвгыс век жö Митрейлы юрас вачкис:

– Вай пудьясям. Гашкö, меным мам водзвылын сёрнитнысö пудйыс усьö.

– Тэныд вермас и везитны. Мапиозилы,– эз жö кут пыксьыны пудьясьöмсьыс Чикыш Марпа.

Митрей сюйліс кисö гач зеггас да кыскис истöг. Чегис öти тув:

– Дженьыдсö кө, мам, кыскан, то тэ первойөн сёрнитан. Кузьсö кө, то ме заводита.

– Тыпу!– дультөг съөзис Марпа.– Дзикөдз тай тшыкөмид. Меным колө век первойөн сёрнитны. Менам гөлөсөй тэ дорыс сё пөв гора.

– Тайё водзгэ вөлі,– эз сетчы пиыс.– А өнісянь пудьясьны ку-там. Тэнад гора гөлөссыд өприч нинөм жө абу-а.

– Аснырасян. Сөмын вөжжитө личөдлы тиянлысь!– кисө истөг тувьяслань нюжөдігмоз нин броткис Чикиш Марпа.– Нинөм. Час, менө айыд бөрьяс да сэк казялан, мапиози. Пыр жө и дзескыдінө йөршита.

– Ойдөжык нин коть пудьясьёй,– дөзмыштискодь Макар.– Кутінныд сәні нимтысьны.

– Сөтана пызь! Бара эз везит!– лёкысь равөстис кузь истөг тувсө кыскөм бөрын Чикиш Марпа.– Бара муллуйтін мыйкө.

– Мед эг. Айө, тэ жө видзөдін. Эг өд мулуйт.

– Эн кө-а.

– Эг, дерт. Но пуксялөй.– Ай-мамыслөн лабич вылө сатшыкысьөм бөрын Митрей ветліс пельса дорө вала. Вайис көш тыр. Горша нылыштис да көшсө пунктис орччөн. Кыпөдіс кабалаяссө да вежыштөм гөлөсөн босытчис сёрнитны.– Дона бөрйысьысь-яс! Лоа кө ме керкаса юралысьөн, то көйыся и водзө лөсьөдны тиянлы бур олөм.

– Тэ эн на лөсьөдлы да,– пыр жө и вомалис Чикиш Марпа.– Пыр на сөмын кисытін.

– Эз жө кө-а,– босытчис артасьны Макар.– Керка пөтшвасө со вежис. Вевтыс эськө виялө да. Но өд кыис со эз на судзлы сэтчө. Коркө өд вөчас жө.

– Вөча, айө, вөча,– эз пыксы лойсь уджысь Митрей. Видзөдліс кабала вылас да водзө нуөдіс ассыс сёрнисө,– көйыся и водзө тиянөс чөскыда вердны.

– Кор нө тэ миянөс чөскыдасө вердлін? Кор?!– звирк сувтис Чикиш Марпа.– Кос тшака шыдтө али мый чөскыд сёяннас пыд-дян? Сійөс коть кынөм дундытөдз сёй! Горзьөдас да бара тшыгөсь!

– Миянлы, пөрысьясыдлы, уна эськө оз нин и ков да. Сідз, тшыгла кулөмысь кө сёйыштны и,– бара пи дорыс сетчыны кутис Макар.

– Мамө, тэ тшакнас он пөт?!– Марпалы синмас видзөдөмөн кутис төдмавны Митрей.

– Ог! Меным мармелад колө, ме чөскыда сёйны нэм радейтлі,– ассыс көсийөмсө эз дзеб Марпа.– Кор ме лоа керкаса веськөдлысьнас, то мармелад вылын овны кутанныд.

– Кытысь сійөс босытан? Мый вылө ньөбан?– эз эскы Митрей.

– Аддза, мый вылө. Сөмын мед веськала юралысьнас-а. Ме өд мортыс сөстөм. Абу тэ кодь мапиози.

– А сідзкө ме со мый көсйыся,– шемөсмуныштрлөм бөрын артмис пиыслөн.– Ме көсйыся мөснымөс начкыны да яя шыдөн кыкнаннхтө быд лун вердны.

Сэсся Митрей джөм ланьтис. Казяліс айыслысь кельдөдөм чужөмсө да. Гөгөрвоис, мый пөсьйывсьыс лёк мөвп шуис, но сёр нин. Макар пукаліс да вель дыр колана кывсө шуны эз аддзы. Мөс дорас сэтшөма нин велаліс Марпалөн лытайтигас, мый синваыс жалысла весиг чепөсйис. Вашкөдігмоз первой шуөмьясыс артмисны:

– Митрей, мөснымөс өд он жө начкы? Ог. Мөс начкыны ме тэныд ог сет.

– Со, Макар, кутшөм пи ми быдтїм,– нимкодя лэбыштїс джодж шөрөдзыс Чыкыш Марпа.– Бөрьян кө өні тэ сійөс керкаса юралысьнад, то сійө пыр жө и пурт босьтас да мөскылдысь голясө вундас. А ме ог. Менө бөрйы.

– Мөстөгьд нө кыз олам?– водзө майшасис Макар.– Ва вылад өд рокьд ок чөскьдтөм лоө.

Митрей пиыс аслас паськьд вом вөсна налькїө шедөм бөрын кыв-ворсө дзикөдз воштїс. Синьясыс тай весиг чусьмыштїсны. Сулаліс ай-мам водзас, быттө школаысь воөм бөрын, кор тай медя омөль өтметкасө вөлі босьтлас. Чыкыш Марпалөн, мөдарө, вомыс кутїс зїля вөрны. Вашсө оз вермы дзевны. Сэтшөм нимкодь, мый пиыс тадзи асьсө кокорнитїс. Макар жө другөн шапкьсөм шогсьыс эз казав гөтырыслысь явө нимкодясьмөсө.

– Со, Макар, кутшөм сійө. Киыс лёктор вөчнхтө лудө. Ме бара абу сэтшөм.

– Сө лешак!– көш тыр васө быттө өти вом тырөн нылыштөм бөрын артмис Митрейлөн.– Кыз нө татшөмыс менам вомысь чеччыштїс? Мөс начкөм йывсьыс?

– Со и ылалін! Со и ылалін!– босьтчис сы водзын йөктыны Чыкыш Марпа.

– Мөс начкыны ог сет!– чорыда сөдзөдіс пинь пырыс Макар.– Быд лун тшак ва кута ырскыны, а мөс начкыны ог лэдз. Тайө ачымөс начкөм кодь жө.

– Айө, ме өд эг шу, мый талун начкам. Куканяяс да куканьсө мөд төв кежлө тотшка. Тайөс өд ме шуи. Кор лёк сөян вылад элясьны кутїнныд.

– Эн айтө дзик йөйөн лыдды,– пи вылас уськөдчис Чыкыш Марпа.– Абу өд сійө пельтөм. Гора гөлөсөн көсйысин да. Мөстө тотшкыны да менө яя шыдөн пөттөдз вердны.

– Збыльсь, Митрей, тэ сідзи шуин,– мам дорланьыс сувтіс Макар.– Начка пö мөскөс да яя шьдөн верда.

– Да эг, мися, эг,– водзö видліс пыксьыны Митрей. Но сэсся кинас шеныштис да бара видзöдліс кабала вылас.– Час, ме водзö ассьым кöсьысьöмьясöс лыддя.

– Оні тэ кöть айыдлы шондісö судзöдны кöсьысь,– китш-китшөн серöктіс Чикыш Марпа.– Оз сэсся айыд нинөм вылö тэ-ныд эскы.

– Муса айö,– мамыслөн сьмекайтчөм вылö эз видзöд да водзö нуöдіс сёрнисö пиыс.– Кöсьыся тэнö быд сөйигөн паньöдлыны. А кор став пиньясыд гылаласны, то коджык няньсö да чорыджык яйсö кута нятшкөмөн сетны.

– Начкөм мөс яйсö али мый нятшкөмөн кöсьян сетны?– ассьыс долис Макар.

– Тыпу!– сьөвзис Митрей.– Крукасис сэтчö! Мөска! Ог, мися, начкы. Ог. Мед олас. Весиг кöсьыся ачым сійөс вердны да лысьтыны.

– Он морав!– шеваыс вөрзис Чикыш Марпалөн да весиг мөд гөлөсөн чилөстис тайö кывьяссö.– Тэ мөс вөра пыддиыс бөжсö сылысь нетшкыны кутан! Весигтö он тöд, кытысь мөскыслөн йöлыс визувтö да!

– Мөс дорö матыстчыны некодöс ог лэдз,– бөрья кыв моз артмис Макарлөн.– Йöз кияссьыд вермас йöлыс вошны...

– Кöсьыся муса айöлы ньöбны выль картуз,– водзö кабала-ссьыс лыддис Митрей.

– Той кучик вылад али мый?!– пыр жö и крукасис Чикыш Марпа.– Некутөн он уджав да! Миян пензія вылын олан да! Гусялан али мый миянлысь сьöмсö? Мапиози! Мустөм чужөм!

– Тэ, Митрей, эн бара гусясь,– повзис Макар.– Лешак мед лыяс выль картузсö. Важнас на менö тöдасны. Сійөс на новла. Эн бара ме вöсна гусясь. Дзескыліно йөртасны.

– Тэ, мамö, быдлаö эн суйсы,– вомаліс Марпаөс Митрей.– Уджавны öд пыра. Сьöмсö најöвита да ньöба картузсö.

– Тэ первой уджавнытö пыр, а сэсся и кöсьысь,– бара вомаліс Чикыш Марпа.

– Кöсьыся зарни айöс ки вылын катöдны да лэччöдны паччөр сэрöгысь,– эз весиг кывзы мамыслысь торкалөмсö Митрей да водзö лыддис кабала вылас пасьялөм кöсьысьöмьяссö.

– Сэтчö öд ме ачым кавшасьнысö верма на,– мыйлакö эз любö ло татшөм кöсьысьöмсьыс айыслы.– Ки вылын кыпöдөм оз ков. Абу на öд седун. Кор ог кут вермыны – сэки, гашкö, ковмас катöднытö да. А öні водз на.

– Тэныд тай, айö, нинөм оз лөсъяв? Мый нö эськö колö? Ачыл

висьтав, ме каба́лаас пасья,– дузгѳдчис Митрей. Вель дыр ѳд жугліс юрсѳ кѳсйысьѳмьяссѳ гижигѳн. А со мый оз шу, сйѳ и абу айыслы сьѳлѳм сертиыс. Маѳн чуньѳдлыны али мый сѳсса кѳсйысьны? Но кытысь сйѳс босьтан?

– Меным нинѳм сѳтшѳмторйыс оз и ков,– вѳськыда шуис Макар.– Сѳмын эн косясь да мѳстѳ, сѳ криста ради, эн начкы. Мѳстѳгыд ми кыснымѳс нюжѳдам.

– Сйѳ бара начкас,– крука́сис медся слаб местаас Чикыш Марпа. Сѳсса ассяныс на содтыштис, медым нѳшта лѳдсыштны.– Ме, Макар, ѳнтай казявлі, кызди Митрейным пурт лѳчтѳ вѳлі. Мися, мый морла бара? А со вѳлѳм мыйла. Мѳскыдлысь голясѳ чиснитны вѳлѳм кѳсйѳ.

– Мѳс начкыны ѳг лѳдз!– кымынѳдысь нин шуис Макар.– Бурджык менсьым сьылѳс вунды.

– Мамѳ, тѳ жѳ ачыд тшѳктылі́н пуртсѳ лѳчтыны. Айыдлы пѳ ныж пуртнас картупельсѳ весавны сьѳкыд да. Сйѳн и неуна кеслышті. А эг мѳс начкѳм могысь.

– Мися жѳ синмѳй талун асывсяныс лудѳ вѳлі. Бѳрдѳм водзын, вѳлѳмкѳ,– кос син дорьяссѳ зыртны босьтчис Чикыш Марпа, медым нѳшта на паськѳдыштны Макар сьѳлѳмысь дойсѳ.– Тѳысь да мѳысь, Макар, гусьѳн мѳстѳ начкыны нин лѳсьѳдчѳ. Мапиозид!

– Дзикѳдз тай менам сѳрнийѳ гудыртчис. Быдторйѳ крука́снныд да,– дзикѳдз нин шѳйѳвоши Митрей.– Менам ѳд, айѳ, со на мыйта гижѳма тѳныд бурсѳ вѳчѳм йылысь. Лыддыны?

– Оз ков! Сідз ѳд, Макарушко?– асладорланыс мудера синіс Чикыш Марпа.

– Збыльысь, Митрей, дѳзмы тѳ кѳть эн, а меным нинѳм оз ков. Тѳ, колѳкѳ, мѳс бѳрсяыс ыжтѳ начкыны кѳсьян да? Эн нин сѳсса менсьым сьѳлѳмѳс кырлѳдлы.

– Сѳ лешакыд! Шусис жѳ! Мѳс начкѳм йывсьыд!– бара кѳш тыр вала пельса дорѳ ветліс Митрей. Ичѳтик вом тырьясѳн нин юис да жугыля пуксис лабич вылѳ.

Чикыш Марпа быттьѳ выльысь чужѳм морт кодь лои. Сѳтшѳм ѳна сяммис сконйыштны Митрейѳс да. Синья ѳзйѳны, муртса оз лѳззы. Тшапа чеччис лабич вылысь да сувтис гортсаыс водзас. Тѳрмасьтѳг вѳсытис кыз тетрадьсѳ, тшѳкнитыштѳмѳн лѳсьѳдыштис гѳлѳссѳ. Сѳсса босьтчис водзѳ шензьѳдны верѳссѳ да писѳ:

– Каммунист Марпа Чикышевѳлѳн кѳсйысьѳмья!

Пукалысьясѳс быттьѳ паралич вартис. Измисны тай-а. Митрейлѳн чужѳмыс первойсѳ гугѳдѳм пув туис кодь гѳрд лои. Сѳсся быгаліс. Макар жѳ видзѳдіс гѳтыр вылас, быттьѳ нѳмнас первойысь на сйѳс аддзѳма.

– Мы-ый?!– сөмын и вермис петны Митрей вомысь здук-мөд мысти.

– Вый!– вомалис Чикыш Марпа.– Мый кывлін. Каммунист Марпа Чикышевалон косьысьомьяс, мися.

– Мый нө тэ водзтісө та йылысь эн висьтавлы? Дзеблін мыйла, мися?

– Ме некор нинөм ог дзеб!– кутш моз видзөдліс пи вылас мамыс.– Ме нэм каммунист вөлі! Каммунистөн и коля! Ми на ставыслы бур олөмсө вөчлім. Миян веськөдлігөн на ставон лөсьыда кургылісны-овлісны. Сідз өд, Макар?

– Мый? Мый тэ шуин?– вочавидзөм пыдди юасис нинөм на пөтурайттөм Макар.

– Мися, водзті бурджыка овлім. Кор ми власьт бердас вөвлім.

– Том дырйиыд, дерт, бурджык вөлі, водзтітө,– ас ногыс сылысь шуөмсө гөгөрвоома Макар.– Сэки эз некыті вись, ки-кокыд эз юкав таззи и...

– Ёна тай бұра овлінный!– чепөлтны видзөдіс Митрей.– Кыдзи ме тіянөс помнита, пыр сьөкыд уджсыс гөрбыльтчөмөн ветлөдлінный.

– Но и мый?– эз косьы сетчыны Чикыш Марпа.– Зато пөтөсь сэкнад вөлім.

– Да. Сэки, том дырйиыд, ставыс быттө чөскыдджык вөлі,– век на ас ногыс гөгөрвоис гөтырыслысь важ олөм йылысь гаралөмсө Макар Чикышев.– Гашкө, вытьыд вөлі на да, чөскыдтөмыс весиг чөскыдөн кажитчыліс.

– Со, Митрей, айыдлысь кывзы,– нөшта збоймис мамыс.– Дзик стөча, Макар, сёрнитан. Дзик миян моз. Онія каммунистьяс моз. Сэки ми ставыслы зэв бур олөм лөсьөдлывлім. Сөмын тай ставсө Митрей кодь зырымбедьясыс дзугисны-а.

– Эн менө кызсыс-кыза матькөдөй!– сувтліс весиг Митрей.– Мый оні сёям, сійөс жө и сэки няклявлім. Ме тай ог помнит, мед ті менө чөскыд сёян вылын быдтінный!

– Сідз эськө да,– важсө бурджыка төд вылас уськөдөм бөрын пи дорыс сетчыштис Макар.– Ёна бур сёян тэныд, Митрей, эз вичмывлы. Но сэки збылысь бурджык вөлі.

– Мыйөн? Пактыяс вайөдөй!– топөдіс айсө да мамсө Митрей.

– Ставнас!– татшөм факт вайөдіс Чикыш Марпа пиыслөн юасьөм вылө.

– Быттө тай ошкөны сійө кадсө-а,– нурбыльтис Макар.– Мыйысь – вот ог жө нин ёнасө помнит. Мый бурыс сэк вөлі? Вот ог помнит стөчасө да.

– Кыдзи нө он помнит,– вуззысис верөс вылас Чикыш Мар-

па.– Тэ өд сэкинад эн тадзи майшасьлы. Картопельтө эн жө видзөд вузавны и!

– Эз ньоблыны да. Сэки быдөнлөн вөвлі да,– вочавидзис гөтырыслөн топөдөм вылө Макар.

– Мый нө тэ, мамө, эськө бурсө көсйысян вөчны?– дышөдіс, тыдалө, важсө казътывлөмсө кывзыны Митрейлы. Сылы окота вөлі водзын ловысь олөмсө ассыс төдны. Быттьө мамыс кө вермас сійөс.

– Кыдзи каммунист көсйыся вайөдны айтө важ олөмас. А тэнө, мапиозиөс, топөда сідз, мый дзөран кокөн нэмтө ветлөдлыны кутан.

– Бөр томмөдны менө көсьян али мый?– шензыштис гөтырыслөн көсйысьөм вылө Макар.

– Макар!– верөс дорөдзыс весиг матыстчыліс Чикиш Марпа.– Тэнад тай бурыс өдіө вунөма! Он мөй помнит сэкса бур олөмсө?

– Ог. Збыльысь ог,– көк моз вом паськөдөмөн век на шензис аслас паметь вылө Макар.

– Ме ог жө,– айыс дор сувтис Митрей.

– Тэ, Митрей, өні, дерт, пыр меным паныд мунны кутан. Мед бара юралысьнад кольчыны,– өвтыштис кинас Чикиш Марпа да бара видзөдліс кыз тетрадяс.– Көсйыся бергөдны миян керкаын олөмсө важас.

– Нинөм ог гөгөрво,– эз дугды шензыны гөтыр вылас Макар.– Эсійө пызаныс во дас сайын өшинь дорас сулаліс да сэтчө бөр вештыны көсьян али мый?

– Дзик тай тэ нинөм пөтурайттөм,– верөс вылас сьөлөмсяныс шензис Марпа.– Шуа тай, мый важас вайөда. Бур олөмас.

Чикиш Марпа ланьтыштис. Видзөдліс пукалысьяс вылө. Думсьяс кекеначасьөм виччысис тайө шуөм бөрас. Кор тай соборуйтнысө ас кодъ войтыр дорас вөлі ветлө, то татшөм кывьяс бөрас, кор кодкө важ кадас бергөдчөм йылысь вөлі шуас, то ставөн азыма час джын кымын сизьдісны кияснас. Сэтшөм любө ставныслы вөлі кывны та йылысь. А гортсаясыс со чөв ланьтисны. Нинөм оз шуны. Кутшөм нин кекеначасьөм, весиг со оз ошкыштны тайө бур көсйысьөмсьяс. Макар вель дыр видзөдіс джоджас. Көнкө, важ кадсө син водзас гартліс. Сэсса, юр пыдөссө гыжйыштөм бөрын, чөвтис:

– Тэ, Марпа, вид көть менө, көть бара куш джоджад узынытө водтөд, но ме збыльысь ог гөгөрво. Кыдз нө тэ шугимозыд кутан важ кадас миянөс нуны?

– Вайөда!– эз майшась Чикиш Марпа.– Ми төв йилө ассыным кывьяс ог шыблалөй! Шуи, вайөда, сідзкө, вайөда. Тэ нө,

Макар, көсьян, мед Митрей бара юралысьён коли да мөстө начкис?

– Мөс начкыны ог лэдз!– паныд талы пыр жө лои Макар.– Вайөд бурджык важас. Ки пөлөд босыт да нуөд. И менө, йөйөс, зурөд либө исөд кытчөкө да инды – со пө сйө, важыс. А то збыльысь ог гөгөрво, мыйөн сэкнад бурджык вөлі?

– Айө, мамө тэнө бөбйөдлө,– зйля сйюсис Митрей.– Ог көсйы ме мөстө начкыны. Ачым йөвтө радейта. Сідз, надурнөйөн во-мысь петіс.

– Мед эз!– орөдіс Чикыш Марпа.– Ставсө гортын дзугин, а сесся со мөстө нин тотшыкыны видзөдчан!

– Ойя да ойя жө эськө да,– вайсян мөс моз ышловзис Макар.– Мый и меным вөчнысө? Важысьс бурсө ог помнит и. Төд вылө кө эськө мыйкө ёна бурөс уськөді, то котөрөн эськө бөрлань ризөді... И мөскыд жаль и...

– Водзө колө мунны. Бөрө косөм дорсыд. Ог өд кутөй йөйяс моз отарө-мөдарө довьавны,– аслас видзөдласө эскөдны видліс Митрей.

– Тэ бөрся али мый водзө муннысө? Мапиози бөрся?!– тшөкөлдывайтис Чикыш Марпа. Сэссия пыр жө и верөс дорас шыясис.– Макарушко, збыльысь өд бурджык бөрө косны. Тэ өд сэки пензятө ок ыджыдөс босытлін!

– Ёна ыджыд пензйя эськө менам эз вөв,– пыксис Макар.– Колхозад кызсө уджалігөн нинөм эз чуктыв.

– Век жө бурджык сэк вөлі,– ассыс долис Марпа.– Пензятө кор вөлі ваясны – ловзылан быдсөн. Позьө, майбыр, вөлі сы вылө жыкруйтны да трайгыны.

– Ог тай помнит-а,– майшасис на век верөсыс.– Медым пензйя вылө трайгылі. Мөд пензйя воан кадсө тай пыр виччысьлім-а. Сьөмыс пыр кадысь водз бырліс да.

– А ме помнита трайгөмсө. Бура, бура сэкинад овлім. Эг өнйя моз,– водзө ассыс гызмаліс гөтырыс.

– Кутіс сэн дольны – бура да бура,– сйюсис Митрей.– Висьтав көть, мый сэки бурыс вөлі?

– Висьталөм оз ков!– букыштчыліс пи вылас Чикыш Марпа.– Шуа тай – бура, сідзкө, бура. Вай өвсям сэссия бызгөмсыс. Колө өдйөджык бөрйысьны. Кытчөдз тэ ставсө эн пузувт. Мөстө начкыны эн удит.

– Мөс начкыны, шуа тай, ог сет,– бара жугыльтчис Макар.– Сэки збыльысь сө пөгибө воам.

– Айө, тэ нин көть эн йөйтав,– кевмысис Митрей.– Збыль өд шуа – мөстө ме чунь помөн ог вөрзьөд.

– Тянлы, том йӱзлы, нинӱм оз ков,– броткӱдчыны босытчис Макар.– Ставсӱ дасьсӱ бырӱдны.

Ая-пиалӱн сӱрни кості Чикыш Марпа жалпырысь нетшыштіс кыз тетрадьсыс кабала лист. Орӱдіс сійӱс шӱрипӱв да кыкнан тор вылас мыйкӱ парсалыштіс. Сӱсся матыстчис гортсаяс дорас да чургӱдіс налы видзӱдлыны кабалаас гижӱмтор вылӱ:

– Кык морт пиысь колӱ бӱрйыны ӱтиӱс. Тані ме пасйи Митрейӱс да ачымӱс. Кык лист вылӱ.

– Ми жӱ куимӱнӱс!– векуштчис Митрей.– Мутлутны кӱсьян?

– Збыль тай,– весиг шензыштіс Марпа.– Ковмас, сідзкӱ, куим кабалатор вылӱ пасьявны.

Сійӱ эз пыксы да нетшыштіс тетрадьсыс лист, бара пасйис мыйкӱ сӱтчӱ.

– Зӱв ӱд асланыс мудер,– айыслы элясис Митрей.– Кӱсйӱ миянӱс кӱкӱдны.

– Тӱнӱ бара-й он кӱкӱд. Ачыл водзджык на миянӱс пӱрьялан. Мапиози!– броткӱдчис Чикыш Марпа.– На, босыталӱй морт ӱтиӱн.

– Энлы, энлы,– юрас воӱм мӱвпсыс дзӱрӱдыштіс чужӱмсӱ Митрей.– Колӱкӱ, айӱ тшӱтш жӱ кӱсйӱ юралысыс нырьясыны?

– Вай дугды,– шеныштчис Макар.– Ме помысь. Нӱмсӱ, мый шулісны, вӱчлі да. Кутшӱм нӱ ме юралысь? Асьныд нин. Коді нӱ кутас мӱстӱ лыстыны, пусыны – ставным кӱ юралысьӱ жмитчыны босытчам? Сӱмын, Марпа, со мый нӱшта висьтав. Кыз нӱ вермас лоны, мый вошӱм морт мунас-мунас да сӱсся коклябӱр йылас бергӱдчӱмӱн бӱрлань котӱртас. А оз кӱ аддзы местасӱ, кысянь вошліс?

– Аддзас. Ме аддза,– эз весиг майшась таысь Чикыш Марпа.– Ми, каммунистьяс, зӱв нырисаӱсь, ставсӱ аддзам.

– Ті бара аддзанныд. Ис сертиыс. Зӱв нин иска вӱлі местасыс, кытисянь вошим да,– серӱктыштіс Митрей.

– Сӱсся мый?– эз быттӱ кыв пиыслысь сьмекайтчӱмсӱ Макар да водзӱ гӱтырыскӱд сӱрнитіс.– Шуам, воам бӱр важ местаас, а водзӱсӱ кытчӱ? Нӱшта бӱрланьӱ сетчыны колӱ али мый?

– Тайӱяс бара касасны. Дасьсӱ му сувтӱмсяныс овны босытчыны,– тшетшикс Митрей.

– Тӱ первой, Макар, менӱ бӱрйы-а. Сӱсся тыдовтчас, кыззи ме важас, бур олӱмас вайӱда. Ачыл на нимкодясны сӱк кутан,– Чикыш Марпа збодера воськовтис верӱсланыс.– На кабалаыс. Кириг сӱтысь Митрейсӱ. А тайӱ тӱныд, Митрей. Тӱ, тӱдӱмысь, асьтӱ колян жӱ-а. Менӱ мый вынсыд черкнитан.

– Ог и тӱд, коднытӱ киритны?– век на майшасис Макар.–

Быттьо кыкнанныд бурось да. Но некоднаннытö бура ог и гөгөрво. Тэ, Марпа, важас бергөдны көсийсян. Öдзөдчөмвыв-сыйд верман война кадся тшыгьялөмөдзыс косөдны. Митрей со кытчөкө гөгөрвотөм водзө жö кыскө?

– Мөстө начкыны көсий, – небыд местасө аддзөм бөрын эз нин кут лэдзчысьны Чыкыш Марпа. – Яйөн тэнö вердны көсий. Нятшкас да. Окота кө мөс яйтö сөйны – сы бөрся и вөтчы.

– Айö, эн кывзы сийөс! – видлис өлөдны бара Митрей.

– Кыдз нө он эскы? – жугыля шуис Макар. – Тэ бара верман. Мукөддырйиыс тай мыйкө сөтвөрритан да вом паськөдөмөн өна шензэывны ковмылө.

– На, Макар, кирит Митрейсө, – весиг ручкасө чунь костас верөсыслы суйис Чыкыш Марпа.

– Асьсө кирит, – тшөтш жö кыськө аддзөма да ручкасө асьсыс чургөдис Митрей.

– Ог и төд, – кыкнан ручкасө босьтөм бөрын ышлолалис Макар.

Сийө мөвпалігтыр кутис ветлөдлыны джоджөд. Гөтырыс да пиыс кока туйсыяс моз сы бөрся. Быдөн асьсыс дольө.

– Мөстө начкас! – повзөдлө Марпа.

– Ог. Ог начкы, – дорйысьө Митрей.

– Дугдылөй! – весиг ковмис горөдны на вылө Макарлы. – Пельөй нинөм нин эз кут кывны. Горзанныд өтар-мөдарсянныс да! Эн вөтлысьөй, мися. Сулыштөй көть. Ме, час, посводзас пөтала да сэні коднытөкө кирита.

Петтөдзыс Макар сюся, вель дыр видзөдис то гөтыр, то пи вылас, мыйкө мурталис-арталис. А найө кинас и кокнас индалисны өта-мөд вылас, думсьыс петкөдлісны, кодөс колө кыза киритны кабала вывсьыс. Макар ышловзис да петис посводзө. Керкаын талун первойыс на пуксис та кузя чөв-лөньыс. Марпа да Митрей эз видзөдлывны өта-мөд вылас. Торйөн пукалөмөн виччысисны Макарлысь пырөмсө. А сийө со быттьо дэльөдчө, оз некыдзи мыччысь өдзөс сайсянныс. Кажитчө, мый кабаланас сикт помөдзыс мунөма. Виччысигад кадыд ок кузь. Торйөн нин сэк, кор Макарлөн пыригмозыс вермас здукөн ставыс вежсьыны либө жö важ мозыс кольны. Коркө сэссия өдзөсыс воссис жö. Пырысьлөн чужөмыс вөлі мыйлакө жугыль. Абу торья кокни олөмтө тэчны. Кор нөшта тэ сайын медсясө тайө. Кыдзи ачыл шуан, кутшөм туй бөрьян – сэтi и ковмас бөрас тапиктынытө. Каитчы көть эн сэссия – ачыл бөрийн да. Чыкыш Марпа пыр жö и тивкнитис-уськөдчис верөс дорас:

– Вай кабалатө! Кодөс нө киритін?!

– Коднымөс? – окота төдны и Митрейлы.

– Видзодланныд да адзанныд,– нурбыльгіс Макар.– Кытчө нө кабаласө чөвтны?

Чикыш Марпа саймовтчыліс да вайис верөсыслысь важ пеля шапкасө:

– Татчө чөвт дай.

Макар пуктіс шапка пыдөсө куснялөм кабаласө да шлапкысис лабич вылө. Мама-пия дыр мөвпавтөг визьйөдлісны ручка-нас өта-мөдныслысь мустөм нимьяссө да өтшөтш шыбитісны гижөдьяссө шапкаас.

– Кыкнанныдлы бур вөчны он вермы,– ышлолаліс Макар.

Чикыш Марпа да Митрей веськөдлісны куснялөм кабалаяссө да сюся видзөдісны гижөдьяссө. Марпа юбрьяс паськөдөмсө босьгіс ас вылас да гораа висьтавліс:

– Марпаөс, менө, киритөма, Митрейөс кольөма. Тайө, Митрей, дерт, тэнад уджыд. Колөкө, Макарлөн да,– сюся видзөдліс верөс вылас, но мөдыс синьяссө лэггытөг пукаліс лабич вылын. Быттьө ыджыдсыс-ыджыд мыж вөчөм морт.– Вермас өд лоны. Час, мөдөд кабаласө видзөдлам. Марпаөс кольөма, Митрейөс киритөма.

– Абу кө айөлөн, то тайө нин тэнад ки туйыд,– майшасиг-моз шуаліс Митрей.– Восьт нин коймөдсө. Кутін сэні сювйөс менсьым каттыны.

Водзөсө мый лоис, сьөкыд кывйөн висьтавны. Оз сюрны найө да. Но век жө видлам көть нин ылөсас пасьялыштны. Кор Чикыш Марпа разис коймөд кабаласө, то вөчис тайөс зэв ньөжйө, быттьө олөмыс мортыслөн помасьө. Первойсө синьяссө куньліс, медым не адзыны, мый жө парсалөма кабала вылас. Сэсся өд нэмтө син куньөмөн он сулав. Марпа минут-мөд восьтіс первой өти синсө, та бөрын – мөдсө. Отинас, тыдалө, эз нин адззы гижөдсө да. Лыддис, немөймыліс. Сэсся лоис сэтшөм чужөма мортөн, кодлы тай юр ыджда зарни ёкмыль муысь сюрлө. Нимкодъысла сырмисны льөбьясыс. Минут вит мысти сөмын лэбыштис верөсланыс да чупниіс-окыштіс лөзөдыштөм парьяссө.

– Макар, оз тусьөй тэ менам!– сөмын и чепөсйис сылөн вомысь. Макарөс нэмсө Марпаыс тадзисө эз сывьявлы. Весиг том дырйиыс, мусукасигас. Мыйсяма баба сйө. Збыль мөй өнія лөөмторйис сылы донаджык радейтчөмысь, өта-мөдөс пыдди пуктөмысь?..

Митрей став тайө каднас дзикөдз нин гөгөрвоис, кодөс бөрийөма айыс керкаса юралысьнас. Нинөм шуны оз вермы. Забеднөысла. Оз позь шуны, мый олөмыс та вылын сылөн помасяс. Оз. Но сьөлөмсө чепөльтіс кутшөмкө водзті төдлытөм шөг. Быттьө сьөлөмыс кыліс локтысь луньясыслысь гудыртчөмсө.

Кодос эськө сийо ачыс некор эз воч. Ай-мамыслысь пошеке-
нясьомсо помодз видзодом борын век жо матыстчис налань.

– Вайлой татчо кабалаяссө,– шашаритчис сийо. Дыркодь
исалис, видзодалис найос. Сомын сэк, кор юрас дзикодз довгис,
мый лоома, шензяна голосон юасис Макарлысь.– Збыль мой,
айо, мено киритин? Збыль мой, айо, тадзисо вочин?

– Вочи тай,– нурбыльтис модыс.– Кык пельо од ог ородчы
сэсса.

– Онисянь керкаын юрнуодны кутас каммунист Марпа!– тшапа
кывкорталис чукортчыломлысь помсо Чикыш Марпа.

– Но и олом заводитчас!– лэдзис юрсо Митрей.

– Мыйон лек? Важыс?! Тэно ко колим, то кистин-жугодин
эськө ставсо, а ме...

– Сомын посъывысьыд косьо эн воий,– татшомторсьыс мед-
са ена они шогсис Макар.

– Колантор! Быд выжывыскөд косясьны,– овтыштчис пиыс.

– Ланьт!– лекгоршон равостис сы выло Чикыш Марпа.– Эн
меню, юралысьос, лысыт дивитны! Видзодто кутшом лоомыд?!
Личавлом борад.

– Марпа, ланьт, Митрейыд дозмас. Сийо од тэысь томджык.
Вермас лосыштны!– майшасис Макар.

– Колантор! Дозмыны дай. Быд йойталысь вылас,– пыркнит-
чис Митрей да косийс петны керкасьыс ыркөдчыштны.

– Ланьт! Эн тшетšky юралыськөд!– чилостис Чикыш Марпа.–
Тэкөд, мапиозикөд, лек сёрниыс водзын на лоас. Чайтан, ставсо
вунөди?! Кыдзи тэ небыд вольпасыто босытин?! Эг. Ми нинөм ог
вунөдой. Ставсьыс водзос перьям!

– Ти бара, каммунистьяс, сэтшөмось. Сомын водзос мынтөм
йылысь и мөвпаланнды. Мөдтор выло сэсса вежорныд абу-а,–
дэльөдчыштитис Митрей.

– Пет, петав!– сомын и вермис паныдсо шуны Чикыш Марпа.

Пиыс эз и бергөдчыв, крапкис одзөссө да веськөдчис ывла
выло. Недыр мысти сы борся жо довгис Макар. Сийо кутис
гөгөрвоны нин, мый налон керка пытшкын онисянь оломыс гу-
дыртчас. Төдис Марпалысь асныра сямсо да. Но со тай та выло
видзодтог сы дор жо сувтис. Митрейыс со мөс начкыны жо косий
вөли да. Тайон асьсө сомын такөдис Макар. Но сьолөмыс эз бу-
рась, кылис кутшөмкө вөвлытөм майшасьом.

Чикыш Марпа горт шорас отнасон кольом борын лэбыштитис
чеччыштитис сёян пызан вылодз и кутис нимкодысла вежнясьомон
йоктыны. Онисянь сийо тани паськыдыс да ыджыдыс. Мый косяс,
сийос и вочас. Коди сийо водзти вөли! Веськыда ко, некод. Кытчөдз
собоуритнысо эз кут ветлодлыны. Сэни, ас коддьомьясыскөд па-

ныдасьом бӱрын, недыр мысти и гӱгӱрвоис, мый налы медсясӱ колӱ – ыджыдалӱм, йӱзыс вылын веськӱдлӱм. Чыкыш Марпа наысь эз кут торъявны. Вочасӱн сылӱн вежӱрын чужис сӱтшӱм жӱ ыджыд кӱсийӱм. Лӱбачлы пӱ тай вомас кӱ вир войт веськалас, то сийӱ дзикӱдз дурмӱ. Сидзи жӱ и асныра, асьсӱ вывтӱ радейтись мортыд. Сӱмын сетлы сылы кутшӱмкӱ власьт, мед неуна вӱлӱ мукӱдсьыс вылынджык. Татшӱм мортыд сӱсся оз нин вермы водзӱсӱ овны йӱз вылын ыджыдавтӱгыд. Татшӱмьяс лыдас позис повтӱг суйны и Чыкыш Марпаӱс. Сылы колӱ вӱлӱ лоны керкаса юралысьӱн. Кӱть кутшӱм ногӱн! Веськодь! Сийӱ тӱдӱс, мый Макар вермас эскыны быд кӱсийсьӱмлы, поэза сийӱс и повзӱбдлыны Митрейлӱн оласногӱн. Мыйкӱ и думыштны, солдыштны абутӱмсӱ. А со талун и мӱвпыштны эз ков. Митрей ачыс сконйыштчис мӱссӱ начкыны кӱсийсьӱмнас. А мый кутас вӱчны водзӱсӱ Чыкыш Марпа – збыльсь эз тӱд. Ыджыдавнысӱ пуксьыны сылы колӱ вӱлӱ ас окотасӱ тешитӱм могысь. Некутшӱм подув мортыслӱн эз вӱв. Но ӱнӱ сийӱ та йылысь эз на и думыштлы. Йӱктӱс да чеччалӱс нимкодъысла.

Митрей кытчӱкӱ ылӱдз ыркӱдчынысӱ ветлӱма. Вель дыр тай керка дорас эз мыччысь-а. Макарилӱн уджыс помасьлытӱм. Кор гӱтырыс дзикӱдз сетчис политикаӱн мошкоритчыны – сылы ковмис и нывбабалысь уджсӱ вӱчны. И аслас на могъясыс юр выв тырыс. Вомас няньӱн и уджалӱс – кадыс пуксьыштнысӱ бӱрря каднас эз вӱв да. ӱнӱ карта сайын ноксигмоз нӱшта на мӱвпалӱс, мыйӱн кутас гортсаяссӱ вердны, кодъяс со сылӱн олӱм вӱсна юр вемнас уджалӱны.

Макар веськӱдыштӱс коссӱ. Мир туй ылӱ синьяссӱ чӱвтлӱм бӱрын казялӱс ас сиктса Пашляк Микулӱс. Воймӱм конда кодъ лӱзь юрсиа кӱкъямысдас арӱса пӱльӱс. Выжывалӱ нин во-мӱд сийӱ. Став Ластасӱ лунтырнад кытшовтӱ. ӱнӱ со на дорӱ кежӱ. Потшӱссӱ вуджӱм бӱрын кавшасис кильчӱ вылас. Сӱсся выжив мортыд джӱм сувтӱс. Унаысь тадзи вӱчлӱ, да Макар эз нин сы ылӱ шензы. Воськовтӱмыс мортыдлы оз кажитчы, да сувтас. Сӱсся Пашляк Микул бӱр косавлӱс потшӱс дорӱ да ылысьсӱ воськовтӱс кильчӱлань. Бара джӱмдӱс. Бара абу сидз, кыззи колӱ вӱсъялӱма. Нӱшта на некымынысь видлӱс кильчӱ ылӱдзис кайны, но сидзи и эз вермы керкаӱдзис пырны выжив пӱль. Мунӱс кытчӱкӱ мӱдлаӱ.

– Айӱ,– шыасис Макар дорӱ гортас бергӱдчӱм пиыс.– Мамылӱн ӱнӱ тадзи жӱ лоас. Отарӱ-мӱдарӱ довялӱны сӱмын выживьяс. Бӱрӱ косавлӱмӱн кӱсийӱны олӱмсӱ тӱчны. Водзӱ колӱ мунны, нинӱм бергавны.

Макар нинӱм сылы вочасӱ эз шу. Гӱгӱрвоис жӱ мыйкӱ Паш-

ляк Микуллөн отаро-модаро ветлөдлігас да. Ассьыс мыжсö казяліс, но, тыдалö, сёрон нин.

Ая-пиа пырисны керкаö. Чыкыш Марпа пукаліс пызан сайын сусь чужом вöчөмөн, быттьö муыслөн гөггыс сійö. Эз и видзöдлы тай некоднанныс выло-а. Быттьö зэв нин ыджыдтор вылын юрсö жугліс. Макар босьтіс картофель тыра ведрасö, кодöс соборуйтöм водзвылас на дасьтыліс нуны вузавны. Гораа шуис:

– Бөрйысим тай со. Öнi ветла да картофельсö вузала. Век нин водзö выло овны сьöмтор чуктыштас.

Тайö кывъяссьыс Чыкыш Марпалөн льöб дорьясыс дзöран кисель моз босьтчисны сырмыны. Сэсся тай кызд звыркнитіс чеччыштис верöсланьыс, шашаритчис ведраас да лёкыс нетшыштис Макарлөн кыыс. Муртса сойыс чашкасыс эз чеччышт.

– Тэ нö, Макар, мый?!– равöстис Марпа.

– Мый нö нетшысян?!– эз нин гораа лысыт шуны Макар.– Вай бөр. Вузавны öд öнтай мөдöдчылi. Ачыл тай бөрйысьöм-над сувтöдін-а.

– Тэ нö, Макар, мый?!– эз сет ведрасö гөтырыс.– Сыпекулянтавны көсьян?!

– Со, со. Заводитчис тай нин важыс,– не то радліс, не то скöраліс Митрейыс.– Тэ, айö, мый корсин, сійö и сюри. Мед эн йöйтав дай.

– Паньт!– горöдіс пи вылас Чыкыш Марпа.– Эн тшöкөлдывайт! Öдйö ме тэнсьыд вомтö вурышта! Ышты кушöм лоöмыд! Юралысьлы паныд тшетшкö!

– Марпа, йöймин али мый?!– дзикöдз шензьöм босьтіс Макарос.– Зэв лөнъ вöлін, а со – дурмöмыд быттьö.

– Ас пиас став лёксö сійö кутіс,– көсйис думсьыс восьтны айыслыс синьяссö пиыс.– Со и пысьтіс. Юралысьнад бөрйин да. Менö кө колин, то эг эськö кут картофельтö вузалöмсьыд.

– Менам керкаын сыпекулянтъяс оз лоны!– водзö кравзіс Чыкыш Марпа.– Веляммисны! Вузасьöны сэнi!

– А мый выло нö овны кутан?!– вензис Макар.– Картофельсö эськö вузалi да чöскыдтор лавкаыс вайи.

– Горшад сатшас! Сыпекулянтдылөн чöскыдторйыд! Ме тэнö вузасыны ог лэдз!– орöдіс быттьö керкасыс неважөнся олан ладсö Марпа. Кос кабырнас пи вылас индöм бöрын содтіс.– Ме абу этйö кодь!

– Дзикöдз тай тэ, мамö, лыбзин!– дöзмыны, тыдалö, кутіс Митрей.– Айö, колөккö, öлöдыштны сійöс да?

– Митрей, кинад эн во,– сувтіс на костö Макар.– Көть йöй, но мам öд.

– Ланьтöй,– чепсасис Чикиш Марпа.– Кыв мед сэсса тiянсянь эг кывлы!

– Абу öд кывтöм пемöсьяс,– ай сайсяньыс мамыслы паныд шуасис Митрей.– Сёрниттöг овны ог на кутöй!

– Ог, дерт,– пи дорас сетчис айыс.

– Тэ, Макар, тшöтш жö ышмöмыд?! Сöмын личöдыштлы вöжжисö. Пыр жö и лыбзянныд,– верöс вылас уськöдчис Марпа.

Макар татшöм шуасьöмтö кывзыны эз нин кут. Абу öд тай дзик неморт. Аслас ныр тшöтш жö эм. Лёкысь нетшыштіс гöтыр кысыс картопель тыра ведрасö.

– Тэ, Марпа, кызд кужан, а ме картопель ведрасö вузалысь лоа на. Кампет ньöба да нёняла.

– Он лысыт,– бара ведраас кутчысис Марпа.– Ме тані ыджыдыс! Кызд шуа, сідзи и лоас!

– Дерт нин,– паныд тшетшкис Митрей.– Вомтö паськöдöмөн виччысь. Час, босьтам да айöкöд тэ серти овны кутам! Ог моралöй!

– Збылысь öд, Марпа, вай вузала. Мыйöн нö тшайтö эськö юны кутам,– бара небзьöдіс гөлөссö рам сьölöма Макар.

– Сакарөн.

– А сійö бырас да?– эз öвсы верöсыс.

– Терпительны сэсса ковмас. Юмовсыд пö бурыс абу жö. Сакара висьöм вермас көвьясьны. Сэсса важас косам да ставыс сэкса кадал моз лоö. Тшай и сакар. Вый да яй.

– Мыйкö ме нинöм тiянлысь ог гөгөрво,– дзикöдз шензьöм босьтіс Макарöс.– Митрей пыр вöлі кайтö: «Айö пö, терпитель. Регид пö кокнялас». Тэ, Марпа, ыджыднас лоин да сійöс жö долян.

– Менö тэ Митрейкöд эн öткодяв,– пузис Марпа.– Сійö сöмын кывьяснас шыблассны востер. А ме, кызди каммунист, кывьясөн шыблассны ог кут.

Митрей эз кут паныд тшöтiясьны. Сійö мöд ногөн босьтчис Чикиш Марпаöс дэльöдны:

– Мамö, корсянь нö бөрöсö косны тэ босьтчан? Көть вай сёйыштам да сэк нин. Нинöм няклявтöгызд тшыгйыдла туйкостас жуньгас. Эбöсыд муннытö сёйтöгызд оз ло да.

– Миян, каммунистьяслөн, эбöсным помтöм-дортöм. Терпительтöй. Ми ас вылын тiянöс бөр бур олөмөдзсыс вайöдам. Ог бара кутöй няргыны сьökыдсыс.

– Тэ помысь!– эз мыйлакö эскы гöтырыслы Макар.– Ас вылын кыскалысьыс адзсысьöма! Кильчö содтö кавшасигөн нин век лолыд тырöма да. Кашкан сöмын.

– Айё, тэ кызд косьян, а ме тай мамё вылө вожасьны косья-а. Мышкас өшөдча да кута лыгайтны. Мед нуё, эбёсыс кө помтөм-дортөм,– серөктис Митрей да эз кут и дыр виччысьны. Өшөдчис мамыслы мышладорсянныс, шымыртис сылысь сьылисё.

– Чайтан, ог вермы тэнё нуны али мый?– тшапа шуасис Чикыш Марпа.

– Дугды, Митрей, мамыдлөн гөйгыс вөрзяс,– видлис өлөдны писё дурёмысь Макар.

– Оз, оз вөрзья,– ошйысис Чикыш Марпа.– Миян гөгъясным топыдось.

– Дугды, Марпа, тэнад мышкуыд нин абу кольёма да,– кыскыштіс мамыслөн мыш вылысь писё Макар. Но мөдыс топыда кутчысьёма. Эз лэдз кияссё.

– Мед нуё,– сералис Митрей.– Мыш вылад важас косны и ме кута. Оз бара некыті мудз мунёмсьыс.

– Чайтан, ог вермы?– ыззьёма Чикыш Марпа. Весиг босьтчыліс нуыштны писё, но воськов бөрын и уси пидзёс вылас.

– Мый нё, мамё, мудзин нин?– ваксис Митрей.– Он тай вермы. Ошйысян-а. Эбёсныд тай тиян, каммунистьяслөн, ни өти абу. Сөмын воськов и вөчин. Кыв выланнды ті сөмын и востерось.

– Дугды бызгынытё!– сувтіс бөр кокьяс вылас Чикыш Марпа.– Крукасис со кытчөкө кокөй, да сійөн, буракө, уси.

– Шылыд джоджыс да. Некутчө крукасьнысё,– шензис Макар.– Кор тай эбёсыд бырө, сөмын помка корсьны и видзөдчан.

– Пуксы, өшөдчы мыш вылө. Нуа!– корис писё Чикыш Марпа. Митрей эз кут куражитчыны, сывйыштіс бөрласайсянныс мамсё. Марпа выль пөв видлис нуыштны, но эбёсыс збыльысь эз вөв. Бара тай пидзёсыс кусыньгчис да уси-а.

– Эн йөйталөй!– кытшлаліс на гөгөр айыс.– Митрей, дугды. Мамыд өд пөрысь нин.

– Мый нё эськө миянөс важас кыскөмөн ыршасьё. Аслыс со дыр овны абу нин кольёма. Кыскас мырдысьөн важас да эновтас миянөс сэтчө. Чунясян колям.

– Менө эн на дзик излетөн лыдды!– дөзмис пөрысьён шуөмсьыс Чикыш Марпа.

– Менам тай кампет вылө веж петө, да картупельсё вузала-а,– вежис сёрнисё Макар. Көсйис кутчысьны ведраас.– Ньоба кампет да чурскөмөн кута тшай юны.

– Лысьтлы,– пыркнитіс писё мыш вывсьыс Чикыш Марпа.– Эн вөрөд ведрасё!

Макар эз кывзыйсь. Босьтис да петис ведранас керкасьыс.
– Оз тай, мамук, айыд кывзыйсь,– жерьялис Митрей.
– Макар, сулав! Кытчö?!– чепöсьиис верöс бöрсяныис Марпа.
– Ачыл öд юмовсö радейтан жö,– посводзсянь нин кылис
гөлöсыс айыслөн.– Ньöба кампетсö, да первойөн на дзайгыны
кутан.

– Ог! Сидзи ола. Терпита,– вöтчис верöс бöрсяыс Марпа.
– Тэ, көсян кө, терпит. Ёна кө окота. Ме тай ог көсьы-а,–
кильчö вылöд лэччигөн нин не то броткöдчис, не то эльтчис
Макар.

– Видлы, мамö, öнi миянөн веськöдлыны! Видлы!– васьялис
Митрей.

– Ме тиянлысь ситö öдийö бөр веськöдла,– пыр на тшاپитчис
Чикыш Марпа.– Адзыйсьöмныд! Сöмын дом йывсьыд лэдзлы
тиянöс! Макар! Лысьтлы сöмын мунны!

– Мамö, сулав!– сы бөрся вöтчис пиыс.– Ме öд тшöтш жö
ывла вылас петавны көся. Колöкö, сэнi тэнад важ олöмыд! Ми-
янöс виччысьö. Нуышт. Ме ас кокөн сэтчö мунны ог көсьы! Ко-
лантор. Важас ас кокөн бергöдчыны.

Митрей суöдис мамсö да öшöдчис сыйлас. Чикыш Марпалөн
скöрийывсьыд кытыськö эбöс мыччысис. Вель тай ылöдз кыкис
мыш вылас писö-а. Но Макарöс суны эз нин вермы.

Рыгнас, дерт, Макарлы вель ёна сюри. Коньöрлы ковмис вод-
ны бара джоджö. Кывзыйсьтöмсьыс мыждисны. Чикыш Марпа лун-
тырнад уна тешкöдтор на слöймис вöчны. Медсясö Митрейöс
кыскалгөн. Унаысь пидзöсчанысьлис, но асныра мортыд век
зилис кыскавны писö, кодi дзикöдз ышмис да некызди эз öвсьы
мам вылас тешитчöмысь. Та вöсна Марпа сы ни садь унмовсис.
А Макарлы эз узьсьы. Куйлис чорыд джоджын да ассьыс
мöвпяссö гартлис. Другөн юрас воём мöвпсьыс тэрыба сувтис
кок йылас. Сылы кажитчис, мый Марпасö кодкö вомдзалöма.
Эз кө öд тшыкöдны – эз тазди мортыс вежсьы. Код сötанаыс
сийöс вермис тазисö тшыкöдны?!

Макар петис ывла вылö. Босьтис ведра, сулалыштис. Думсьыс
арталö, кутшöм трубаясьыс босьтны васö, медым мысьöдыштны
Марпаöс тшыкöдмсьыс. Коркö важөн мамыс на велöдлывлис
сийöс бурдöдны керöм мортöс. Öнi со сöмын згöдитчис велö-
дöмыс, кор гöтырыс йöйтавны быттьö босьтчис. Колö пö васö
босьтны куим трубаысь, а сэсся öтлаöдöм ванас и мысьöдны
висьысьöс. Макар гусьөн моз ветлöдлис грездöд. А то казялас
кодкö да ёна шензяс, мый нö пö тайö Макарыс юкмöссянь
юкмöсö довялö. Куимлаысь чукöртöм васö сийö вайис гортас.
Лöсьöдис ыджыд таз, пуктис крöвать дорас, көнi нистис-узис

гöтырыс. Вайом ванас куимысь мысьсöдiс Чикыш Марпаос. Вомгорулас рочасыштiс. Эз тöд, кызи тайос коминас шуавны да. «Во имя отца, сына и святого дука. Аминь». Куимнаннысьсö чужомöдыс вежа ванас ниртыштiгмозыс шуис Макар. Гöтырыс сэтшöма жаялöма, мый эз весиг вөрзьев. А ваис Макарлөн кисянь визувтiс лöсьодом тазйö. Кор помалис мыськöмсö, сийö босьтiс тазсö да петiс ывла вылö. Гөгöрбок видзöдлiс, мед некод жö оз казьяв сылысь ноксьомсö. Оз тай некод кыйöдчы-а. «Пустойсянь кө – пустойö. Тöv йывсянь кө – төв йылö. Морт помсянь кө – бөр аслыс», – шуис Макар да койыштiс тазсыс васö шуйга пельпом вомöныс. Сэсся сёлöмсянныс на куимысь сьöвзис. Та бöрын пырис гортас да дыр на эз вермы унмовсьнысö. Лöсялiс эз бара нимкывйыс Марпалы-а.

Но тышкöдчысьыс вөлöма нимкывсьыс вынаджыкөн. Колöкö, ылын олö да сьöдз эз на во Макарлөн бөр аслыс сетом кевмöмыс. Эз тай Чикыш Марпалы лöсяв-а. Век важкодъыс. Командуйтö, бөр важас нуöдö Макарос да Митрейос. Найö мый вынсьыс эськö петитчöны жö да. Но мый нö верман вöчны асныра, дурмöm бабакöд. Нöшта на, кор сийос ачыс Макар бöрийс. Йöйыл.

Талун асыв Чикыш Марпа кытчöкö водзсьыс-водз мунiс. Макар да Митрей пукалiсны асья удж вöчöм бöрын да юисны тшай. Кампетөн, кодос ньöбисны вузалöm картупель сьом вылö. Эз торья öта-мöдыскöд варовитны бөрья кадсö. Митрей век на лöгалыштö быттö айыс вылö мамсö юралысьөн бöрийöмысь. Пöсводз джоджыс заводитiс дзуртны – пырысь кодкö сюри. Öдзöс воссис, да мыччысис Чикыш Марпалөн вашьялысь чужöмыс. Синьясыс долыда югьялöны, тöдöмысь шавксьöдöма-воöма нин важ, югыд кадöдзыс.

– Мый нö вомыд пельöдзыд?– юалис Макар.– Зарни ёкмыль сюри али мый?

– Öни ми олöмсö öдийö бергöдам!– тшапа шуис Марпа.– Став грездсö кытшовтi. И быд керкаын бöрийсьöмаось. И быдлаын юрнуöдысьяснас лöмаось каммунистьяс.

– Эн сөр!– эз эскы Митрей да весиг тайö юöрсьыс звиркнитiс пызан сайсьыс.– Эз öд Ластаса став йöзыс öттиштi дурмыны. Абу öд ставныс менам ай кодьось.

– Ланьт!– чорыда öлöдiс Чикыш Марпа.– Öни миян кийн ставыс! Бытöн ковмас тэ кодьясыслы миянлысь кывзысьны!

– Лок пуксьы,– эз и чöвтлы синьяссö пырысь вылö Макар. Сылы быттö ставыс нин веськодь лöма.– Юмовтöm тшайтö ассьыд ырскы.

– Юмовтөмөс өні сійө оз кут юны,– чепөльтіс кывъяснас Митрей.– Мырддявны миянлысь кампетнымөс босьтчас. Вомсьыд на гудйыштас и. Өдйөджык, айө, кампеттө нылышт.

– Өні ми сэсся чукля олөмсө веськөдам,– тшапа пызан сайө пуксис Чикыш Марпа.– Умтөдзныд ставнытө вердам и юктөдам, көмөдам и пасьтөдам.

– Куш киён локтін да?– окота тшөтш лои тешитчыштны керөм гөтыр вылас Макарлы.– Мыйөн нө көсьян миянөс пөттөдзным вердну да юктавнысө? Аскөдыд со нинөм жө эн вай да.

– Шуа тай, мый тэнсьыд да менсьым вомсьыным мырддяс да бөр сетас. Ас нимсяньыс,– тшетшкис Митрей.

– Эн гөвчит!– орөдіс мамыс. Да босьтис пызан вывсьыс кампетсө. Сүйис вомас да кутіс азыма нөнявны.– Оз пырысьтөмпыр олөм веськөдөмыд артмы. Митрейным сэтшөма ставсө дзугис, вежыньтис да.

– Марпа, ме дзик нинөм тэнсьыд эг кут гөгөрвоны,– шензис Макар.– Тэ жө ачыд миянкөд олін. Мый нө питө олөм дзугөмсьыс эн кут.

– Сійөс өлөд көть эн да,– воча кывйыс сюри Чикыш Марпалөн. Сэсся сувтис да вель дыр видзөдіс пиыслөн пинджак вылө. И кызд тай равөстас.– Пөрччы пинджактө!

– Мыйла?– вомсө калькнитіс горөдөмсьыс весьөпөрөм Митрей.– Ме жө пинджаксө ачым нөблі. Ас сьөм вылө.

– Мед кө!– чорыда артмис Марпалөн.– Өні ме сійөс новлыны кута. Менам ковтаөй ёна нин важмис. Юралысьлы абу лөсьыд киссьөм гырлдзаа паськөмөн ветлөддыны.

– Айө, тэ көть мыйкө шу,– кевмысьыштис Макарлысь пиыс.– А то ог төд мый вөчнысө. Пинджакөс пөрччыны али бара мамөс шошаөдыс вывтиссьөмсьыс пыркнитны.

– Кинад, пиук, эн во,– өлөдіс Макар.

– Лысытглас мед!– пузис Марпа.

– На босьт,– пөрччис пинджаксө Митрей да шыбитіс мамыс-лы коқ улас.– Ёна кө нин сійө тэныд кажитчис.

– Өні со выль морт кодь лои,– майшасьтөг пасьталіс пинджаксө Чикыш Марпа.– А то важ паськөмөн тапикася. Абу мича юралысьыдлы талзисө.

– Гашкө, сапөгөс тшөтш пөрччыны,– пуксис да кутіс кульны көмкөтсө Митрей.

– Тэнад кокыд ыджыд. Да и көмкөтыс менам шогмана на. Тэнад оз ков,– пыксис таысь мамыс.

– Эн, пиук, көмкөттө пөрччы,– өлөдіс айыс.– Кокыд кынмас. Став висьөмыс өд коксяньыд заводитчө. Чөрту пинджакнас и ставнас. Ме ассьым тэныд сета.

Чикыш Марпалы пиыслөн пинджакыс пальтоысь кузьджыкөн лои. Но та вылө видзөдтөг тай эз кут пөрчыны бөрсө. Рөмпөштан дорө на матыстчылөмөн видзөдчыштис весиг. Ачыс асылс, тыдалө, вель кажитчис. Здөвольпырысь тай тьяккөдыштис парьяснас. Коклябөр йылас тшапа бергөдчис да веськөдчис өдзөслань.

– Кыгчө нө мөдөдчин?– окота лои төдны Макарлы.

– Удж пестыны! Олөмсө бурмөдны!– тшапа петігмозыс чөвтис Чикыш Марпа.

Сылөн мунөм бөрын ая-пия чөв олыштисны. Эз төдны, мый йылысь и варовитнысө. Сідзсө эськө кыкнанныслөн өти пөлөс мөвпгьяс юрас гартчисны да. Мый тайө вөчсьө? Мый выйөдз воасны Чикыш Марпакөд?

– Сө дивө тай!– эз вермы сэсся ас пиас кутны да чөвтис Митрей.– Тадзи сэсся тэа-меа и кутам сылысь йөйталөмсө видзөдны?

– Дурыштас да вежөрсялас на өд,– надеятөг зілис эскөдны писө Макар.

– Одвакө. Абу өд челядь. Найө тай быдмөны да вежөрсялөны. А пөрысьыд кымын водзө – сымын матынджык выживалөмланьыс,– падгьявтөг кывкөрталіс пиыс.

Макар эз вочавидз. Сійө идралыштис пызан вылысь кослунья сөянсө, чышкыштис джоджсьыс кыз өгсө. Та дырйи өна жө, тыдалө, мөвпалөма. Сьөкыдапырысь лолыштөм бөрын тай сөрнисө водзө нүөдіс-а:

– Ог төд, ог төд. Мый и водзөсө лоас? Сьөлөм мыйкө өна майшасьө. Пыр тай мыйкө мамыд ваяс бергөдчөм йылысь бызгө. Вошлім пө туйсьыс да.

– Мед өтнас и бергөдчө. Менө со вылас кыскыны оз нин вермы-а. Муртса и нуыштис сэкнад.

– Ме том дырйиыд өна вотчывлі да төда вошлөмьястө,– ассьыс песөм мөвпгьяссө, тыдалө, көсийс пиыслы висьтавыны Макар.– Ылавлан вөлі жө мукөддырйиыс. Мунан артельөн вотөса местаө. Водзвылад век медся писькөсыс шавксьөдө. И овлө, мый и сэтшөмыс кымөра луньясад вошпывлө. Ковмө бөр бергөдчывны. Но кор бергөдчам, медым вөрас пыран местасө корсьны, то водзвылад медся бөрьяыс веськалө. А бөрья восьлалысьыд, пиук, либө кык пу костө нин ылалысь морт, либө вывті ньөжмьид. Кыдз нө татшөмыс водзын мунігад бөрсө петкөдас? Некор оз. Кутас ас бөрсяыс кыскавыны мукөдсө, кытчөдз дзикөдз оз вошны. Ми та вөсна вөрсьыс петігөн вөлі век сувтыштлам, медым водзас мунны бара веськаліс медся писькөс мортыс.

– Колө вөлі, айө, сідзкө, менө кольны.
– Тэ мөс начкыны ыршасин да,– сэкса сёрнисө бара на дөжньштис Макар.
– Сідз тай вомысь чеччыштис. Ог эськө думөн вөлі көсий да,– пыр на дорйысис пиыс.
Көсийс на Митрей водзө мыйкө висьтавыны мамыслөн дурөм йылысь, но эз слөймы. Керка өдзөс гурйив воссис да мыччысис Чикыш Марпалөн мыгөрыс. Кыкысь и воськовтис джоджсө, синьяссө сувтөдіс гортсаяс вылас:
– Ті нө век на тани шлапвидзанныд?! Ме тай сэтшөм ыджыд удж нин бергөдны удити-а!
– Мый нө нин сэтшөм сьөкыдсө вөчин?– төдны көсийс верөс-сыс.– Абу со весиг пөсялөмыд да.
– Мөстө нуи. Отувья картаө,– тшапа юөртис Марпа.
Ая-пиа некоднанныс дыр эз вермыны нинөм шунысө. Восьөпөрөмөн видзөдісны зиль юралысь вылө.
– Мөснымөс өд эн жө ну?– кыв-ворыс воссис жө Макарлөн.
– Нуи,– водзө вылын юрөн сулаліс Чикыш Марпа, быттьө код төдас, кутшөм ыджыд удж вөчөм морт.– Миянөс мөскыс сөмын падмөдіс.
– Йөй кө тэ-а?– уськөдчис мамыс вылө Митрей.– Начким кө, то көть нин яясь вөлім.
– Мөснымөс өд эн жө ну?– век на эз эскы Макар. Эз вермы водзө тани овны да котөрөн петіс ас синьяснас видзөдлыны гидсө. Век на, тыдалө, чайтис, мый сөрө гөтырыс.
Чикыш Марпа китш-китшөн долыда серөктіс. Синьясыс жө колины скөрөсь. Лапниттөг дзоргис пиыс вылө:
– Тэныд, Митрей, талунсянь ковмас состө пуджөмөн муркөдчыны-уджавны!
– Ог морав!– петитчис пиыс.– Тэ первой меным удждон пукты. Ыджыдөс. Ичөт вылад пө өні весиг мыйль оз чеччышт.
– Уджалышт да сэки!– вомаліс мамыс.
– Тэ первой удждон сет, а сэсса видзөдлам,– эз сетчы Митрей.– А ыджыд удждоннад нө кутшөм йөй кутас мырсыны. Сідз тай водзті вөлі-а.
– Эн менө матькөд! Марш уджавны!
– Ог весиг вөрзөдчы!– жерьяліс пиыс.– Тэ менө первой пөттөдз верд, а сы бөрын и кесйөдлы.
– Мыйнө ме тэнө верда?!– шенззыштис Чикыш Марпа.– Нинөм эг пулы да.
– Меным веськодь,– өвтыштис кинас пиыс.– Тэ юралысь, тэ и мөвпав, мыйнө менө пөттөдз вердан.
Чикыш Марпа көсийс кузьсыс-кузя сөткыштны, но эз слөймы.

Пырис быгалом чужома Макар. Весиг синваыс мортыслон доршасис.

– Збыль тай нуома,– пиыслы моз юөртис сийө.– Кыдз нө ми өнi мөстөгыс? Мый вылын нө роктө пуны кутам?

– Лавкаыс ньобам. Йөвсө,– петан туй индiс Чикыш Марпа.

– Лавкаас нө кытыс лоө?– суйсис Митрей.– Оз өд көнкө талунсянь йөлөн кут зэрны.

– Тэ тай, Марпа, пöрысладорыд дзикөдз кejasьны кутiн?– уськөдчис гөтыр вылас Макар.– Кыдз нө водзөсө овны мөвпалан? Тадзи йөйталигад.

– Менам ставсө нин арталөма,– киняувсыс кыз тетрадьсө восьтiс гөтырыс.– Со татчө пасьялөма важас бергөдчөм кузя сюсь индөдьяс. Шуа тай, мый мөскыс миянөс сөмын падмөдны кутас. Сылы колө кöрым заптыны, лысьтыны бытьөн ковмас и. Мыйта кад та вылө век мунлө. А тайө кадсө кö мөдтор вылө, бурджыктор вылө, видзны... Мыйта удж позьö бергөдны.

– Мый нө грездас сэсся мөдторсө вöчан?– окота лои тöдны Митрейлы. Но ачыс жö и вочавидзис.– Скöt видзөмысь да му вөдитөмысь öприч дзик нинөм. Тайөс и гортын позьö вöчны. Оз öтувийөн петны да лытайтны сөмын видзөдчыны.

– Думыштам кутшөмкө мөд сикас удж,– эз бара здук кöть майшасьышт Чикыш Марпа.

– Пока тэ думайтан, тшыгла кулам,– век на нор гөлөсөн сёрнитiс Макар.– Мөстөгид. Шогыд со кутшөм. Бур вöля вылысь мөстө нуома. Кöть сэсся өнi гезтор корсь да öшөдчы.

– Ме тэныд öшөдча,– морөсөдыс босьтiс весиг верөссө Чикыш Марпа.– Адзöмыд мыйысь шогсыны? Мөскысь.

– Збыль өд, мамө, мый нө сөйнысö кутам?– мыйлакө тайөс окота лоөма тöдны Митрейлы.– Йөв вылас и олим да.

– Лавкаын ставыс тыр лоас,– бара гарыштiс Марпа.

– Мый вылө нө ньобам? Зепным куш да,– пиньяс пырыс сөдзөдiс Макар.

– Ставыс лоас,– чорыд гөлөсөн эскөдiс нинөм пöтурайттөм гортсаяссö Чикыш Марпа.

– Кор?– тöдны көсйис Митрей.

– Коркө,– урчитiс кадсө мамыс.

– Менам өнi кынөмөй сямалө да,– эз кут коркөсөс виччысьны Макар.– Абу жö колөма тэнö, йөйөс, юралысьнас бöрйыны. Митрей кöть эз жö ёна сюся веськөдлы, но мөс видзны вежöрыс тырмис на.

– Митрей сюсь?!– пузис Чикыш Марпа.– Дугды! Сийөс кö колим юравнысö, то өнi дзикөдз нин пикö воим ставным.

– А тэкөд эгө,– вомалис Митрей.– Сэки көть пызан вылад йөлыд вөлі.

– Ог төд, ог төд, мый водзөсө лоас?– ышлолалис Макар.– Оні тай сьөлөмпы татшөм олөмсыйд абу нимкодъ-а. Көть лавкаөдз довгыла. Бөрья сьөм вылас сёянтор ньөба.

– Сулав, кытчө мөдөдчин?– сувтөдіс верөсө Чикыш Марпа.

– Пельтөммин али мый?– эз гөгөрво Митрей.– Шуис жө айө, мый лавкаөдз пө ветла.

Мамыс кутіс айсө сос пөлөдыс. Мөд кинас мыйкө лукйысис – корсис зепсыс. Сэсса кузяөн сюри жө. Кыскис кабалатор да чургөдіс Макарлы:

– На. Татөг тэныд талунсянь нинөм оз сетны.

– Тайө нө мый меным сетін?– сингяс дорас посни кабалаторсө матыстлөмөн видзөдаліс Макар.– Виль пөлөс сьөм али мый удитін лөсьөдны?

– Тайө талон,– юөртіс Чикыш Марпа.– Тшай да сакар вылө. Сытөг лавкасыс оз сетны. А то ті горшныдла здукөн став лавкасө куштаннды.

– Мый вылө куштам?– шензис Макар.– Сьөмыс абу да.

– Курыдтор вылас тшөтш жө талон лөсьөдін?– мыйлакө тайөс окота лои төдны Митрейлы.

– А курыдторсө ми ставсө жуглім,– серөктіс Марпа.– Ни өти доз эг кольөй. Мед юр вежөрыс йөзыслөн оз гудыртчы.

– Эн жө жуглы?– вомсө калькнитіс татшөм юөрсыйс и верөсыс.– Мый вылө нө сэсса пестө ваясны.

– Винатөг некод нинөм оз вөч,– чорыда эскөдіс Митрей.– Ме тай ог көйсы-а. Он кө юктөдыштөй – пестө ог и вай.

– Кытчө воштысян!– синсө сувтөдіс Чикыш Марпа.– Тшөкта кө тэныд на-а.

– Тшөкты көть эн,– лабич вылө жмутнитчис-пуксис Митрей.– Ог весиг вөрзөдчы. А пестөгыд, мамө, төвнад гегдан.

– Збыль мөй став дозсө жуглін?– век на эз эскы Макар.

– Жуглі. Нинөмла йөзсө водзө тшыкөдны. Колө ставлы пальөдчыны да уджавны босытчыны,– крапкис Чикыш Марпа.

– Кутшөм уджө?– чиктыліс Митрей.– Көрым заптыны со оз нин ков. Мөстө нуөмыд да.

– Совхозас нө уджыс этша!– орөдіс Марпа.

– Көні нө совхозыд? Киссис да,– кияссө шевкнитіс пиыс.

– Вильысь ловзьөдам,– эз шогсы мамыс.

– Мун да ловзьөд дай,– сюйсис скөрпырысь Макар.– А то лунтырьясөн бызган сөмын.

– Ме ас пайысь сэтчө ог мун-а,– Марпаөс дэльөдіс Митрей.–

Ыджыдсыс-ыджыд уждон кө сетан. Сэк, гашкө, мөвпыштла на. Директорнас пуксьом йылысь.

– А съод уджсө нө коді вöчас?– шемöсмис Макар.– Ме али мый соскөс пуджа?

– Тэныд ковмас,– эз весиг жалитышт верöссö Марпа.

– Тэныд, айö, велалöм мортлы нин ковмас съöкыд уджсö песны,– тапкöдыштіс пельпомас пиыс.

– Менам öд пöрысысла ки-кокöй нин тіралö,– видліс ыстысьны Макар.

Чикыш Марпа весьшөрö бызгöмсö водзö нуöдны эз кут. Сылөн со шуöма. Мед олөмö пöртасны сюсь индöдсö дай. Оні сылөн мöдтор юрас. Гөгöрбок гоннялөмөн мыйкө синьяснас пызан вылысь корсис:

– Мый нö, сөйнысö нинөм абу али мый?

– Абу,– веськодья моз шуис Макар.– Асья йөвсö ми Митрейкөд бырöдiм-а.

– Мөстö со нуöмыд!– азыма серöктіс Митрей.– Сідзкө, рытья йöлыс оз ло. Ва юыштам польдытöдз да и водалам. Узигад тшыгыялöмыс озджык кыв.

– Ветлы, Макар, лавкаас да ньöб көть мыйкө,– кесйöдлыштіс Чикыш Марпа.

– Тайöясöс босьтны жö?– петкөдліс кабалаторьяссö верöсыс.

– Босьт. Сытöг нинөм оз сетны.

– Ветла инöсь,– эз кут пыксыны Макар.– Тшыгйөн öд ог олöй. Сэсся вичкөө кежала. Медым тэнсьыд, Марпа, гректö вештыны.

– Кутшөм вичкө!– долыда серöктіс Чикыш Марпа.– Ме сійöс кисьті да!

– Вичкосö öд эн жö кисьт,– шемöсмис Макар.

– Кисьті,– водзö сералис Чикыш Марпа.

– Киыд тай тэнад быдтор вылö лудö,– лөгпырысь шуис Митрей.– Вичкоыс нö мыйөн тэ водзын мыжмис?

– Нинөм йöзыслысь юрсö гудыртны,– подулалис Марпа.– Мый вичкө, мый вина – дзик öтитор. Йöзыслысь юр вежöрсö гудыртöм вылö лөсьöдөмаөсь.

– Кытөн нө ме сэсся юрбитнысö да кевмысьнысö кута,– век на шензис Макар.

– Некытөн,– петан туйсö кокниа адлзис гöтырыс.

– Господьöй дай Енмöй! Марпа, тэныд сэсся висьтасыны кута али мый нö? Кодлысь нө ме отсөгсö съöкыд кадас корны кута?

– Мамöлысь ковмас,– сөдзöдіс пинь пырыс Митрей.– Эстчö, Ен ув пельöсас, сійöс талунсянь пуксьöдам да сы водзын юрбитны кутам.

– Юрбитны ме тэнö лэдза!– чилöстис шева морт моз Чикыш Марпа.– Мед сэсса пернапас весиг эз вöв чöвтöма!

– Тайöс кө тöдi...– баялбöжсö чашиёмөн босьтчис гыжъявны Макар.– Митрейыд бурджык на вөлöма. Көть нинём жö быттьö бурсö эз вöч, но талзи эз вывтiась. Господьöй дай Енмöй! Вай отсышт!

– Мамöльсы öнi кевмысь. Сийö мян Ен пыддиыс,– велöдiс Митрей.

– Ог морав!– дöзмис дзикöдз Макар.– Нöшта босьта да сылысь кевмысьны кута!

– Тэ, Митрей, кывнад эн вывтiась!– скöрысь öлöдiс Чикыш Марпа.– Зэв тай сёрниа лоин!

– Мый нö сэсса меным вöчнысö?

– Пет да уджав,– кесйöдлiс мамыс.

– Дзикöдз тай лыбзис!– öвтыштiс кинас гöтырланьыс Макар.– Сямыс нинём вылö абу-а.

Сийö көсийс петны, но бергöдчылöмөн кодзнитлiс синьяснас гöтыр вылас. Мöдыс быттьö эз и казав тайöс, водзö кесйöдлiс:

– Мед сёянсö вайöма вöли! Тшыг кынёмөн тiянөн юрнуöдны ог кут!

Макар шеныштчис да скöра петiс.

– Пöт кань моз жö овны көсьян,– öтнанысөн кольём бöрын тешитчис мамыс вылын Митрей.

– А тэ пет! Пет!– зырöдны кутiс Митрейöс Чикыш Марпа.

– Мый нö вöчны колö?– петитчигмоз юасис пыис.

– Ог тöд! Пет!– йöткыштiс Митрейöс öдзöсöдыс мамыс.

– Эн кинад во!– сералiгтыр петiс ывла вылö Митрей.

Öтнасөн кольём бöрын Чикыш Марпа ветлöдлыштiс джодж шöрöдыс, мыйкö ыджыдöс мөвпалiс. Сэсса выживалысь моз ачыс аскöдыс варовитны босьтчис:

– Збылысь öд кутшöмкö удж колö Митрейыслы сетны! Но кутшöмöс, час, юала,– сийö босьтiс телепонсö да кутiс бергöдлыны гöгыльсö. Тыдалö, кодкö босьтiс мöдар помсянныс да öтьведайтчис.– Тайö Марпа. Кутшöм индöдьяс лööны? Некутшöм?! Кадыс воас да юёртанныд?! А öнi мый вöчнысö? Виччысьны индöдьяс.

Трубкасö пель дорас пуктöмөн сийö дыр на виччысис, мый тшöктасны вöчны. Но мöдарсянныс кузя сёрнитны эз кутны, пуктiсны телепонсö. Бытён Чикиш Марпалы ковмис и аслыс шыбитны телефон трубкасö. Рöкыд вылö нöшта на и Митрей юрсö öдзöсöд сюис. Жерьялöмөн юасьö:

– Мый нö, мамö, вöчны колö? Тöв чужьявны али мый? Чужьяла. Сöмын ыджыдджык удждон пукты таысь.

– Нинөм на оз ков вөчны. Индөдыс абу,– өвадысь моз өвтыштчис письсыс Чикыш Марпа.

– Мыйла нө эськө менө ывла вылас йөткыштін?– шензис Митрей.

– Лешакыс төдө,– ачыс шензис Марпа.

Митрейөс бокө вештыштөмөн керкаө пырис лавкаө ветлысь Макар. Сумкаыс куш, довялө ки вылас. Марпа чуймөмөн видзөдіс кушөн воом верөс вылас. Весиг юавны эз лысьт.

– Везьшөрө ветлөм лои,– ышловзёмөн чуткысис лабич вылө Макар.

– Лавкаыс пөдса али мый?– юасис Чикыш Марпа.

– Восьса.

– Йөзыс уна али мый?– окота жө төдны кушөн воомыслысь помкасө Митрейлы.

– Некод абу,– юрсө өшөдөмөн пукаліс Макар.– И лавка джаджьясыс кушөсь и... Весиг няньыс абу.

– Кыдзи нянь абу?– вомсө паськөдіс Чикыш Марпа.

– Абу. Ставсө ньөбөмаөсь. Этшаник и вайлөмаөсь да.

– Мый нө эськө сөйнысө кутам?– окота төдны Чикыш Марпалы.

– Тэ юралысь, тэ и мөвпав!– горш вылас быттьө тальччөмөн тшөктіс пиыс.

– Оз ков вөлі миянлы бөрйысьнысө,– ассыс пысьтөм каитчөмсө шуаліс Макар.– Оз ков вөлі Митрейсө чөвтны. Мед юраліс. Кыдзкө-мыйкө тай овлім.

– Бура али мый? Мапиози сійө да!– водзасис Чикыш Марпа.

– Вывті бурасө, дерт, эг жө олөй,– эз кут пыксыны Макар.– Но йөлыд пызан вылад век вөлі. Лавкаад на позис котөртлыны.

– Сідз, айө, сідз. Öні каитчы көть эн сэсся. Водзті колө вөлі бурджыка мөвпыштлыны. Мамөлысь өд сямсө тэ бура төдін. А со бөрйин.

– На босьт!– шыбитіс талонөн шусысь кабалаторьяссө Макар гөтырыслы кок улас.– Мый нө öні ме сійөн вөча.

– Öні сэсся няргы көть эн,– водзө шуаліс ассыс Митрейыс.– Водзөсө колө вөлі, мися, гөгөрбок муртыштлыны.

– Повзёдіс да. Мөс начкөмнас,– дорйысис айыс.

Чикыш Марпа нинөм эз шу. Но каитчөм сылөн синьясын войт мында эз жө тыдав. Мөдарө на, сөмын кодзлаліс син аканьяснас. Быттьө ставныс татшөм лоөмторсыс мыжаөсь, но абу сійө. Та вөсна лөкысь горөдіс:

– Макар! Сөйны мыйкө вай!

- Кыгысь? Нинём эз коль да.
- Айё, юкмөсас ваыс көть эм на?– Макарлысь юалис пиыс. Но воча кывсё эз виччысь, бергөдчис мамыслань.– Эн өд көть васё сзтысь кояв?
- Юкмөс бердас ме эг на кутчысьлы.– Вочавидзис зэв збыльыся Чикыш Марпа да содтис.– Индөдыс эз вөв.
- Тайё бур,– дуригмоз ышловзис пиыс.– Тшай пузёдам да юам.
- Ва потшөстө көть век потш!– татшөм сёян йывсьыс юөртөм бёрын шеваыс вөрзис Чикыш Марпалөн.– Меным пөтөса вөлөгa вайой!
- Кыгысь вая,– син еджыднас видзөдліс гөтыр вылас Макар.– Ог өд чужты. Сёянсө.
- Мамө, тэ юралысь. Тэ и сёянсө чуктөд,– велөдіс Марпаөс Митрей.
- Кыгысь?– көк моз босьтчис юрсө бергөдлыны нывбаба.– Петкөдлы. Ме вая.
- Вай,– корис Митрей.
- Кыгысь?– көсийс стөча төдны, кытөн куйлө чөскыд сёян-юаныс, керкаса юралысь.
- Ме нө мыйён төда?– лэптыштліс пельпомьяссө Митрей.– Тэныд, кызди юралысьлы, колө ставсө төдны. Меным нө мый? Мый тшөктан, сійөс и вөча. Он кө тшөкты – ог и вөч. Сөмын ыджыдджык удждон шняпкы таысь.
- Юр вежөр дзикөдз путкыльтчыны кутіс – другөн чеччис лабич вылысь Макар.– Көсийи өд талун морков көдзны. И тайё нинём абунас ноксигөн юрысь петіс.
- Сійө воськовтіс шкаплань да кутіс корсьны морков көйдыс-сө.
- Мый нө, Макар, корсян?– төдмавны уськөдчис Чикыш Марпа.– Сёян?
- Сёяныс, корсь көть эн – абу,– сөдзөдіс верөсыс.– Морков көйдыс со корся.
- Көдзны али мый көсян?– бара другөн чорзёдіс гөлөссө Марпа.
- Көдзны,– мешайтөмысь вештыштіс гөтырсө Макар.– Со сюри жө кузяөн.
- Сійө дыр мөвпавтөг көсийс пыр жө петны ывла вылө. Но он на тай босьт. Марпа шашаритчис сылы соскас:
- Сулав! Кытчө?!
- Тэ тай, мамө, дзикөдз пельтөммин,– на дорө матыстчис Митрей.– Морков көдзны со петө.

– Энлөй!– весьөпөрмөн повзёдіс мужикьясөс аслас горө-
дөмөн Марпа.– А индөдыс вөлі?!

– Кутшөм индөд?– эз кут нинөм гөгөрвоны гөтырыслысь Ма-
кар.

– Морков көдзнысө, мися, индөдыс вөлі?!

– Йөймин али мый?– врач моз син аканьясас видзөдны кутіс
Митрей.

– Тайө тэ йөймылін,– йөткыштіс весиг писө Марпа.– Индөдъ-
ястөг вөлі юралан. Сійөн и олөмыс киссьыны кутліс.

– Но ме петала,– ассьыс водзө долис Макар.

– Сувт,– туйсө тупкис Чикыш Марпа. Сійө босьтіс верөссө
сойбордйөдыс да бөр пуксьөдіс лабич вылө.– Пукав тані. Ме,
час, юася.

Митрейлөн юр вежөрыс томджык на, но весиг сійө өні эз
гөгөрво, мый вөчсьө гортас. Быттьө вөтын ставыс.

– Дыр пукавны кад абу,– эз лысьт весиг вөрззыны скөрмөм
гөтырсьыс повзём Макар.

Чикыш Марпа бергөдліс телепон гөгыльсө да кутіс кодлыськө
юасьны:

– Тані верөс көсйө морков көдзны. Индөдыс сы вылө эм?
Абу! Кор лоас? Он төдөй! Кор лоас, сэки и юөртанныд! Вич-
чысям,– Марпа тшапа пуктіс трубкасө да тшөктіс верөсыслы.–
Дзөб көйдыстө. Абу индөдыс.

– Кутшөм нө индөд тэныд ковмис,– эз на гөгөрво Макар,
кытчөдз воисны.– Век на тайө каднас көдзлывлім морковсө да.

– Индөдтөг оз позь. Оз быдмы,– ставсө төдысь мортлөн
гөлөсөн эз лэдз Чикыш Марпа.

– Мамө, ме ывла вылө көсья петавны да индөдыс эм абу?–
кутіс восьсөн тешитчыны мамыс вылын Митрей.

– Ог төд. Час, юала,– збыльысь шуалис мамыс да бара кутчы-
сис телепонө.– Тані Митрей пийө көсйө ывлаөдз котөртлыны.
Мыйла? Мыйла нө, Митрей, петан?

– Кыдзи мыйла?– синьяссө сувтөдіс пиыс.– Асмогасьны.

– Асмогасьны пө!– бара телепонө юөртіс Чикыш Марпа.–
Мый? Оз позь. Оз пө, Митрей, позь да.

– Кыдзи оз позь?

– Менам юрөй луддзис, да гыжйыштны позьө?– эз вермы да
гөтыр вылас первойысь нэмнас явө босьтчис тешитчыны Макар.

– Ог төд,– вочавидзис, буракө, юрнас дзикөдз торксьөм Мар-
па. И бара телепонө шашаритчис.– Макарлөн юрыс луддзөма
да гыжйыштны позьө? Позьө пө. Гыжйышт.

– Слабог,– быттьө зөв нимкодъ лои Макарлы.– Көть тайөс
позьө вөчны.

– Нинём ог гөгөрво,– ййи улö лэччысис Митрей.– Юр гыж-йыштны позьö, а ывлаöдз котöртлыны оз лэдзны?

– Оз.

– Кывзы, Марпа, талун кө морковсö ог көдз, то оз слöймы быдмынысö,– долис ассыс Макар.

– Он гөгөрво али мый? Оз пö позь талун,– вуззысис верöс вылас Чикыш Марпа.

– Ме ас пайысь индöд ог кут виччысьны-а,– тивкнитис мам бокöдыс Митрей да уйкнитис ывла вылö.

– Митрей, сулав!– уськöдчылис бöрсяныс мамыс, но том-джык морттö сувтöдны сямыс эз нин вöв.– Лысытлы индöдтöг петны! Петис öд! Эз кывзысь! Со öд кутшöмөсь лоины! Ми ас кадö тадзи эг лысытлöй. Сидз öд, Макар?

– Ог тöд,– ылöсас моз шуис мöдыс.– Кывзы, Марпа. Тэ со кайтн, мый важас бергöдны мянöс кутан.

– Кöсйыси кө – вöча.

– Тайö мöй и важыс?– тöдны окота Макарлы.

– Абу на.

– Мый?!– повзис весиг верöсыс.– Нöшта на лёкджык лоас мянлы али мый?

– Мыйла лёк?!– дözмис Чикыш Марпа.– Бурыс тай тiян öдйö вунö. Эз быгтьö и вöв!

– Вöли жö,– эз кут дзикöдзсö пыксыны Макар.– Эз кө öд вöв, то важөн нин эг ловьяöсь вöлöй.

Митрей ассыс уджсö вöчöм бöрын долыда пырис. Салдат моз кокьяссö пукталöмөн матыстчис мамыс дорö:

– Юралысь ёрт! Нöшта кутшöм индöдьяс лоасны?

– Лоасны кө, то пырысьтöм-пыр жö и звöнитласны,– эскöдис Чикыш Марпа.– А тэнö, Митрей, кывзысьтöмсьыд вермасны дзескыдинö йöртны.

– Энлöй!– öлöдис найöс прöста бызгöмысь Макар. Сылы окота унджык тöдны.– Ме со важсö көсья тöд вылö уськöдны. Збыль мöй сэкнад татшöм вöли? Мый нö эськö ошкöны? Татшöм кө?

– Эз жö эськö дзик татшöм вöв да,– плешсö чуқыртлöм бöрын ассыс кывкөртöд вöчис Митрей.– Мамö, тэ мыйкö көть думайтан он? Кыдз нö верман важас бергöдчыны? Ме ас пайысь тэкöд сэтчö ог мун-а.

– Ковмас муннытö. Мырдөн öд нуöдам,– бара чорыд гөлöса лои Чикыш Марпа.

– Видлы,– эльтчис Митрей,– ме öд мый вынысь чужьясьны кута.

– Тайö кö важыс, то и ме ог жö бергöдчыны кöсйы,– орöдiс быттьö пытшкöсса майшасян гөрöдсö Макар.

– Зэв тай полысöсь!– серöктыштiгмоз дивитiс гортсаяссö Чикыш Марпа.– Сьöкылдуньясыс тiрзьöны! Нинöм: талун сьöкыд, а аски кокнялас.

– Мыйöн нö кокнялас?– гöтыр вылас неморт вылö моз видзöдлöм бöрын шуис Макар.– Арнас морковыд весиг оз ло. Он лэдз кöдзнысö да. Мöстö со нуин и...

– Начким кö – бурджык вöли,– стрöка кост аддзис да ассьыс сьöйыштiс Митрей.

– Тiянылы, юртöмьяслы, мед сöмын начкыны. Бырöдны,– вензис Чикыш Марпа.

– Тэ нö мый вöчин?– топöдiс бара Митрей.– Нуин мöстö кытчöкö да эз быр али мый?

– Зато прöстджыкöсь лоинныд,– кыз тетрадьö видзöдлöм бöрын сöмын воча кывйыс сюри мамыслы.– Позьö сос пуджöмөн виль олöм тэчны уськöдчыны.

– Виль али важ?– зэв öдйö юалiс Макар.– Он и гөгөрво тэнö. Ачыл шуан, мый важас бергöда. Öнi кутшöмкö виль олöм тэчöм йылыс гаралан.

– Сöтанаыс тöдö,– нем виччысьтöг вомсьыс чепöсйис Чикыш Марпалөн. Но недыр мысти нин скöрыс вувзысис.– Эн тшетшкöй! Тiян ызгöмсьыд аслам нин юрöй путкыльтчис.

– Аддзам нин, мый неладнö тэкöд,– пыр жö и мамыс дор сувтiс тайö пöрйö Митрей.

– Дыр на весь овны кутам?!– код тöдас кодлыс юасис Макар.– Көть петам да куйöдсö разöдыштам.

– Эн лысьт! Индöдтöг!

– Мун сэтыс!– кокниа босьтiс да бокö вештыштiс мамсö Митрей.– Ме ас пайыс пета-а.

Пиыслөн кывзысьтöг петöмыс дöзмöдiс коньөр Чикыш Марпаös. Чушиктiс сы бöрся, но öвтыштiс кияснас да косiс.

– Индöдтöг петiс. Оз тай пов!– шензис быттьö сийö.– Со öд йöзыс! Дзикöдз веляммисны!

– Марпа, збыль öд мыйкö неладнö тайö,– кутчысис не то юасьны, не то жалитыштны гöтырсö небыд сьöлöма Макар.

– Абу кö-а,– раммыштiс и гöтырыс.– Тадз кымын тай вöли сэкнад-а.

– Бурсö мöй нинöм он помнит? Вöли öд жö,– видлiс отсыштны кольмöм юра Чикыш Марпалы верöсыс.

– Вöли. Но гудыртiсны да. Бурсö, шуа. Кытыс сэсся сийöс öнi бөр аддан?

– Тэ он корсь да,– велөдөм моз артмис Макавлөн.– Пыр на сомын йөйталін.

– Мед эг!– скөрысь пыксыны босьтчис Чикыш Марпа.– Тэ сэтшөм жө лоөмыд! Юралысьлы паныд лыстан шуасыны!

– Шуася, дерт. Сөйнытө кор керкаын нинөм эз ло.

– Збыль мөй сөйнысө нинөм эз коль,– здукөн сайкаліс скөра-лөмсыс гөтырыс.

– Абу.

– Кытчө нө эськө воши?– окота төдмавлны юралысьлы.

– Йөв вөлі, да тэ со ачыл мөстө нуин. Лавкаад со нинөм жө эз коль. Ог төд, ог төд, мый водзө лоас?

– Кыззи мый?– бара лыззыны видліс Чикыш Марпа.– Бур олөм!

– Көні сійө? Бур олөмыс? Висьтавл?!– төдны окота Макавлны.

– Лешакыс төдө,– вочавидзис Чикыш Марпа.

– Сійө и выйим. Ачыл он төд, а мянөс кытчөкө ныртө пошнитөмөн нуөдан,– дивитны кутис Макавл. Но дугліс, видзөдліс өшиньө да мөдлаө сөрнисө бергөдіс.– Петала да Митрейлы көть отсышта. Морковсө со он жө лэдз көдзнысө-а. Сідзкө, арнас весиг морковыл мян оз ло.

– Лоас,– эскөдіс Чикыш Марпа.

– Кытысь? Оз өд зэр морковнас!– петігмозыс нин шыбитіс Макавл.

Өтнасөн кольөм бөрын Чикыш Марпа пуксис лабич вылө ассыс мөвпяссө пөжны. Но варов мортыд чөв овны эз вермы. Аскөдыс моз босьтчис сөрнитны:

– Мый и вөчны? Оз со кывзысьны да. Петісны, асныраөсь лоөмаөсь. Кынөмөй сюмалө и. Сөйыштны кө эськө... Сэк юрөй бурджыка дзуртны кутас.

Сійө сувтис да кутис быд пельөсысь лукйыны-корсьны нурья-сянтор. Но абутөмыд нө кытысь сюрас. Тайө дзикөдз личкис Чикыш Марпаөс.

– Збыль тай нинөм абу,– ропкөдчис сійө.– И аски оз ло. Мөстө нуи да. Лавкаыс пө куш лоөма и. Тадзи овны ме ог вермы. Тшыгйөнтө. Кула өд.

Сійө видзөдліс өшиньө, пуксис пызан сайө да дыр листаліс ассыс кыз тетрадьсө. Но, тыдалө, сэтчө нинөм абу пасйөма, мый вөчны татшөм кадас. Көрис плешсө да аслас юр вылө надеяөн олыштис. Буракө, мыйкө кузяөн мөвпыштис жө. Аддзис петан туйсө. Зэв өдіө нетшыштис тетрадьсыс өти лист, кыкис Митрейлөн пинджак зептысь ручка да босьтчис мыйкө сарпавны. Сэсся, ээв ыджыл да колана удж вөчөм бөрын моз, личөдыштис кияссө, пидзөс йылас пуктөмөн. Тадзи олыштис да пычиктис:

– Пасйōма тай лои-а. Мед оз корсьысьны.

Та бōрын чукōртис асьыс кōлуй-паськōмсō, суйис юрлōс жōдō. Видзōдласнас кыпшовтис керка пытшсō, ышловзис да петис.

Мужикъяс эз казьявны Чикиш Марпалысь карта сайтыс гусьōн мунōмсō. Сьōлōмсяньыс мошкоритчисны град йōрын. И пырисны шойччыштны керкаō. Нуōлисны куйōд разōдигōн на панōм сёрнисō.

– Шуа тай, мый бара тэнō колō бōрйыны,– кымынōдысь нин гарыштіс Макар.

– Водзтісō нō кōні вōлин?– эз жō нин отчюд янōд айсō Митрей.– Ачюд од тай мамōс бōрйин.

– Повзьōдис да,– дорйысис Макар.

– А тэ быд сōрōмлы эскан.

– Мый сесся оні, бōрыннад вōчан...– сьōкыда ышловзис айыс.– Тэнō оні бōрья, да бара на кызкō-мыйкō овмōдчам.

– Дугды,– ойтчыштчис Митрей.– Оні нō кызд овмōдчан? Мамō ставсō дзугис да. Кōні нō эськō сійō ачыс?

– Татчō тай кольлис-а,– гōгōрбок видзōдаліс Макар, но гōтырсō эз казьяв.– Марпа! Марпа! Кытчō нō дзесбин?!

– Оз тай нō шыась,– шензис пыис.– Гашкō, кутшōмкō индōд телефон пырыс сетисны да петис.

– Миян дорō тай нō эз кежав.

Митрей кōсийс нин петны мамсō корсьны, но синьясыс зурасисны пызан вылын куйлысь кабалаō.

– Кутшōмкō виль кōсийсысōмьяс али мый гижōма?– ропкōдчыны босьтчис Митрей. Но кабаласō лыддьōм бōрын зэв гораа сōткыштіс.– Сē лешак тай!

– Мый нō лоис!– сылань сетчис Макар.

– Со тай гижōма. Лыддя, колōкō?

– Лыдды.

– Олōй пō кызд кужанныд асьныд. А ме тшыгьялōмтō терпитны-пыкны ог нин пō вермы. Муні пō индомō. Сэні кōть вердōны.

– Кытчō?– немōймылōм бōрын петис Макарлōн вомысь.– Индомō?!

– Индомō пō. Сэні пō кōть вердōны.

– Ме сылы индом петкōдла,– кабырсō вывлань кыпōдис скōрмōм Макар.

– Зэв тай мудер!– ропкōдчис и Митрей.– Ставсō нуис, кисьтіс, а ачыс индомō дась сєян-юан дорō уйкнитіс. Час, суōдам! Эз жō од вōрōдыс котōрōн индомас ризōд?!

– Менō эн коль,– пи бōрсяыс вōтчис Макар.– Ме сылы, час, индом петкōдла. Ме нō отнам пōрысьō-нэмō мый кута вōчны!

Ая-пиа тірликтісны грезд кузя. Юаласны өтильсь-мөдльсь. Ээ-ө Марпаыс налы син улас усьлы. Некод абу аддзылөма. Лапта сайысь мортыд сюри. Суодысьяссө аддзис да вель тэрыба пуяс сайө видліс дзебсьыны. Мир туй кузя вөлі индомө шавксьөдө. Макар да Митрей муртса эз лайкйөн бөр вайөдны сійөс гортө-дзыс. Чыкыш Марпа порсьпи моз чилзис, эз көсйи тыгыявнытө да. Вердны кө пө көсйысянныд, то ас кокөн тапикта. Ковмис көсйысьны, мед көть нин грезд кузяыс чөла муніс. Шөракогаста босьтөмөн и вайөдісны Чыкыш Марпаөс бөр ас керкаас, көні сійө неважөн на вөлі ыджыдыс да паськыдыс.

– Вайөй сёйнысө,– өдзөссө вуджигмозыс кутіс корны сійө.

– Нинөм абу.

– Мый нө аськө вөтлысянныд? Он кө вермөй нинөмөн верднысө. Индомас мунөмысь кутанныд.

– Менө нө кытчө эновтан?– юасис Макар.

– Тэно Митрейыд вердас.

– Верда эськө да,– эз кут пыксьыны таысь Митрей.– Но өд тэныд колө кыкнаннымөс верднысө. Тэ өд керкаса юралысьыс.

– Чөвтөй бөр,– петан туйсө өдйө индіс Чыкыш Марпа.– Сэсса лэдзөй индомас муннысө.

– Зэв тай тэ мудер,– серөктыштіс пиыс.– Бөрийсны кө, то юрав. Ачыл тай ставсө бурмөдны көсйысин. Сэсса ставсө гөгөрбок дзугин. И индомө котөрөн уськөдчин.

– Менө эновтіс и,– асьыс шогсө сюйыштіс Макар.

– Кынөмөй өд сямалө,– помкасө дзебтөг висьталіс Чыкыш Марпа.

– Терпит. Ачыл тай нө шулін, мый терпитыштыны ковмас,– крукаис пиыс.

– Пуксьы өні миян водзө да мөвпышт, кызди тэ миянөс вердны кутан,– личкис лабич вылө гөтырсө Макар да пиыскөд тшөтш кутіс виччысьны.

– Мый нө синьястө ме вылө сувтөдінныд?– шемөса нин юасис Марпа.

– Виччысям.

– Мый? Мый виччысянныд?

– Кор миянөс вердны босьтчан.

– Мыйөн?– синьяссө чомрөдліс Чыкыш Марпа.

– Выя рокөн да яя шыдөн.

– Асьныд корсьөй выйсө да яйсө. Сэсса и пуөй,– тшөктіс бөрийөм юралысь.

– Ми нө мыйла кутам?– эз гөгөрво быттьө Митрей.– Тэ өд керкаса юралысьыс. Верд. Көсйысьнысө тай зэв мастер вөлін.

– Ковмас, Марпа, тэныд вердны да юктавны,– ассыс кыв шуис Макар.– Ми жель ог бергөдй-а.

– Вай коть висьталй, кытысь выйсö босьтны,– отсög корис Чикыш Марпа.

– Мös йöлысь,– индiс Митрей.

– Яйсö мöсным жö вöли сетö,– содтiс Макар.– Куканяяс да.

– Кöни нö мöскыс,– йöй улö лэччысис Чикыш Марпа да азы-ма гыжйыштiс юрсö.

– Тэ вай эн мянöс йöйясөн лыдды. Ачылд мөссö кытчöкö нуин,– муртса эз киcö кыпöд мамыс вылö Митрей.

– Кор?– тайö юöрсьыс сьöлөмсянныс шензыыштiс мамыс.

– Сизьдышта кö ныр костад – öдйö дум вылад усьö,– ырышт-чис Макар.

– Нöйтны менö оз позь,– эльтчис быттö Чикыш Марпа.– Юралысьтö вöрзёдöмысь öдйö чижовкаö тюрöдасны.

– Тэ эн дорйысь, а думайт, кыззи мянöс вердны кутан?– тöдмавны бара окота лöма пиыслы.

– Позьö юавны?– вочавидзöм пыдди шуис Марпа.

– Кодлысь?

– Эсилысь,– индiс Чикыш Марпа телепон вылас.

– Юав,– лэдзис Митрей.

– Танi менсьым юасьöны, кыззи ме найöс вердны кута?– звöнитöм бöрын босьтчис тöдмавны Марпа.– Он висьталй? Кыззи кужа? Ме некыззи ог куж. Лешак машинаяс! Асьныс оз тöдны!..

Чикыш Марпа скöрысь шыбитiс телепонсö да ланьтiс. Но Макар со эз кöсйы чöv олöмөн пукавны:

– Миянлы веськодь. Тэ мянöс, Марпа, вердысьыс. Кызз ку-жан...

– Ачылд со тойласьöмөн юралысьö вöзйысин. Верд, сiдзкö,– скöралiс и Митрей.

– Асьныд мöй он кужöй корсьнысö?!– шензыны кутiс Марпа.

– Ог.

– Ме ог жö,– пыксис Митрей.– Кута нöшта ачым корсьысь-ны! Кор юралысь сы вылö эм.

– А ывла вылö позьö петавны?– друг юалис Чикыш Марпа.

– Мый нö мянлысь юасян?– сöдзöдiс пиыс да индiс телепон вылö.– Эсилысь юав.

– Ог морав! Ме сэсся налысь нинöм юасьны ог кут!– пычиктiс Чикыш Марпа.

– Митрей, мед петалö,– жаль лои гöтырыс Макарылы.

– Пышгяс кӧ.
– Ог, ог пышйы,– пуктіс весиг кӧлуй ёкмыльсӧ Марпа.– Со тайӧс татчӧ коля. Сытӧг нӧ ме кызди пышгья?
– Петав, сідзкӧ,– лэдзис Митрей.
– Ме ог дыр кежлӧ, бӧра-водза,– петигас сӧлӧмсяныыс кӧсйысис мамыс.
– Мый нӧ водзӧсӧ кутам вӧчны?– гӧтыр петӧм бӧрас юасис Макар.
– Ог тӧд. Мед мамӧ думайтӧ.
– Сы помысь.
– Мыйла нӧ эськӧ юравнысӧ вӧзйысис,– пыр на шензис Митрей.
– Сӧтанаыс тӧдӧ. Пӧрысь выживӧс,– эз жӧ тӧд Макар.
– Мыйкӧ тай нӧ дыр оз лок?– кутіс педзны пиыс.
– Колӧкӧ, кизьӧрмис да,– эз на шогсыыс Макар.
– Вермас лоны,– шуис Митрей, но век жӧ матыстчис ӧшинь дорас. Да лӧкгоршӧн горӧдіс.– Айӧ, видзӧд! Эстӧн мамӧлӧн мышкуыс тыдовтчыліс! Котӧрӧн пышйӧ! Со! Со!
– Гашкӧ, абу сійӧ,– эз эскы, но сувтіс жӧ Макар.
– Сійӧ. Мамӧс ӧд тӧда на жӧ!
– Сійӧ и выйим!– ӧшиньӧ видзӧдлӧм бӧрын горӧдіс и Макар.– Но морӧ Марпа! Бара ӧд ылӧдліс.
– Оз пышйы,– эскӧдіс Митрей.– Суӧдам, вайӧдам. Бӧр пуксьӧдам. Мед миянӧн веськӧдлӧ.
– Суам кӧ ӧні быттьӧ сійӧс,– шогсыыны кутіс айыс.– Со кутшӧм ӧдій ризӧдӧ да. Коклябӧрьясыс сӧмын и дзирдалӧны!
– Суам!– петигмозыс чӧвтис Митрей.
– Митрей! Митрей! Эн коль!– кашкигтыр вӧтчис пиыс бӧрся Макар.
Найӧ мый вынсыс котӧртисны Чикиш Марпа бӧрся. Став грездсӧ кытшовтісны, вӧрсӧ бӧрас артельӧн сыналісны. Но эз адззыны. Чикиш Марпа быттьӧ му пырыс мунӧма. Гашкӧ, пӧсьвывсыд да тшыгла кулӧмысь повзьӧмысла сувтлытӧг Мӧскаудз ризӧдӧма да...

ВОДЗӖС

ПОВЕСТЬ

Ӧнӧпрей Гриша, ветымын арӧс квайт во сайын вуджӧм, водз дзормӧм юрсия, сӧнӧд сой вечика мужик, талун асывбыд на шемела песис. Босытчылас эськӧ ботан кыны, но чӧрсыс синмас оз пыр, ки-кокыс сырмыны кутас бара да сӧлӧмсяньыс ышловзӧм бӧрын брут шыбитас панассӧ лабич пельӧсӧ. Регыд ва воссяс, а сылӧн дас нӧльӧд ботаныс некыдзи эз кут артмыны. Кольӧм восянь эз мӧд вермӧдчыны совхоз отделениеын сӧд удж тӧльны – косьмытӧм керъясӧн нӧйкӧдчыны ни карысь ыстӧм ӧтруб мешӧкьясӧн вӧдитчыны. Врачьяс шуисны, мый дырджык кӧ таdzi мошкоритчан, то желудок язваыд пысьтас дзыкӧдз. Во дас сайын кӧвьясьлис сийӧ Ӧнӧпрей Гришлы. Больницаас кодкӧ шуис, мый ӧна нервничайтӧмысь лоӧ тайӧ ковтӧм добраыс. Со и ковмис медасыны госпромхозӧ. Арнас да тӧвнас рос ваялис, гожӧм кежлас лӧсьӧдчис чери кыйны. Сидзӧ сиктса олысьыдлы тайӧ уджыд абу выльгор. Черитӧ кыйлис и ростӧ вӧчавлис аслыс вылӧ медсясӧ. Ӧна нин виччысис тулысӧ. Кыдзи шуласны – ва воссяс и сӧян вежсяс.

Сийӧ жалпырысь чӧвтлис видзӧдлассӧ панӧм ботан вылас, а сӧсся кымынӧдысь нин кыскис зепсыс кабалатор, кодӧс тӧрыт рыт пыртис сельсӧветса стӧрӧж. Сийӧ жӧ сэтчӧс джодж чышкысь да мыськалысь нывбаба. Бара ӧни лыддис бумага вылӧ сарпалӧм шыпасьясӧ. «Александра Михайловна да Григорий

Ануфриевич Ширяевъяслы. Апрель көкъямысод лунё, вит час рыт кежлө колё локны сельсөветё, участковёй милиционер динё». Өнөпрей Гриш төдiс, мый татшөм сяма гижөд пыртiсны и туй вомөн воча керкаын олысь Сава Сандралы. Куимнансö корисны. Гөтырыс төрыт кузь рытивбыд лөвтiс: «Со өд, мый артмис. Нэм чөж судё эг волы, сьвидительён эг вөв ни. Тэ вöсна өд!» Лөксö песiс верөс вылас, кодi чөв олис паччөр сэрöгын, кыв эз лысыт чөвтны.

Өнөпрей Гриш бара на весь олөм дорысь көсийс пуксыны ботан кыны. Витөдзяс час на коли, а сельсөветөдздыд дас минутөн воан. Но муртса босьтiс чөрссö, кьдзи ывласянь кывны кутiсны нывбабаяслөн видчан гөлөсьяс. Сийö кокниа на чеччис лабич вылысь, өдийö матыстчис өшинь дорö, видзөдлiс ывла вылө да тэрыба саймовтчис. Сэсся эз вермы кутчысьны да выль пөв гонөвтiс. Эз дыр кыйкъяв, вешийс, муртса эз чеччыштлөмөн пуксы бөра улөс вылө да мый вынсьыс сизьдыштiс пызан помö.

– Сё мокасьт тай! Но морö, бабаяс! Милицияөдз нин воисны, и со бара на усмиритчыны оз көсийны. Өта-мөд вылас чеччалöны. Сё мокасьт тай!

Сылөн шуалөмыс, дерт, эз кыв ывла вылын горзысь бабаяслы. Но гөлөсьяс өтарö гораджыка кывны кутiсны. Өнөпрей Гриш удитлiс нин, гашкө, ветымынысь кыйкнитлыны өшиньö, а налөн ланьтөм абу. Колөкө, пинясигад оз и төдлыны, мый вит час нин воö. Стенын өшалысь кывъя часi петкөдлiс, мый дас вит минут мысти налы куимнанныслы колö нин пукавны, гашкө, сулавны Көсьта Ким водзын.

Өнөпрей Гриш пасьталiс уна вояс сайын ньöблөм коска пась: ывлаыс рытнад ыркыд на, юрас пуктiс выль шапкасö да петiс. Кильчö өдзөс дзуртыштöмысь бабаяс ланьтlсны, а сэсся бара өддзисны. Өнөпрей Гриш кытшовтөмөн мунiс дiнтiныс да воськов кыз бөрын сөмын бергөдчылiс:

– Ме тай судитчыны нин мөдөдчи-а.

Бабаяс бара ланьтiсны, чуймөмөн видзөдлiсны мужик вылө.

– Вит час мөй нин?– горзөмсьыс чирөм гөлөсөн юалiс Сава Сандра.

– Адöй, адöй,– шемөсмис и мөдыс, Миш Сандра, Гришлөн гөтырыс.– Менам ва на вайтөм. Колөкө, мый дыра видзасны.

– Тэнö пуксьөдны колö, мисьтөм чужөмөс,– бара көсийс өдззыны Сава Сандра, но топөдысь кадыс, буракö, эз лэдз öзйынысö.

Өнөпрей Гриш сельсөветö воис первойөн. Тапикасьыштiс на кильчö вылас, лыддiс уджалан кад йылысь пасйөдсö. Мед ветлысь-мунысьяс думайтiсны, мый Өнөпрей Гриш сельсөветса юра-

лысьяс дінö мөгөн воöма. Сэссия ышловзис да пырис. Кöсьта Ким, налөн участковöйыс, виччысис нин найöс. Погона паськöма пукаліс пызан сайын. Водзас кабалаяс паськöдöма. Сійö абу Мырью сиктса. Кыськö Эжва кывтчöсысь неважөн воис. Кор сиктö шуисны лöсьöдны милиционерöс, то татысь морт мыйлакö эз сюр. Вель эськö унакöд сёрнитчöмаöсь да. Кодьяскö ытысисны паськыд рöд вылö, он пö сяммы найöс чирыштны ни нинöм. Мöдьяс öвтыштчисны, мый асьным на пö неунатö вина юыштлам да ог шогмöй. Со и Кöсьта Кимöс вайисны. Сідзсö оз торья ыджыдав Мырьюса олысьяс водзал. Нинöм абусьыс оз чиршöдлы жö.

– Видза олан, Ким Константинович,– нурбыльтöм моз чолöмасис Öнöпрей Гриш. Сиктад найö унаыс паныдасьльвлöны. Сёрнитышттöг оз янсапны. Но сэкса адззысьлөмьясыд тай мөдджыкöсь вөлөмаöсь. Öнi со льöбйыс мыйлакö тiравны кутис Гришлөн. Эз повзьöмысла, а вежавидзöмла, мыжа морт моз чөвтліс синсö Кöсьта Ким вылö, сэссия видзöдыштiс погонсö, кодлөн кузьята ногыс куйліс паськыдiник гөрд дөра. Старшина – Кöсьта Кимыс.

– Пыр, пыр, Григорий Ануфриевич,– тшöтш жö тыр ним-ов-нас ыджыдаліс участковöй, но водзöсö сёрнитіс эз кодзыд гөлөсөн, а паныдасьлігьяс мозыс жö.– Матыстчы татчö да пуксьы. Көнөсь нö нывбабаясыс? Локтасны öд жö?

– Локтасны,– чөвтiс Öнöпрей Гриш да пуксис.

Кöсьта Ким мыйкö кöсйис на шуны, но воссис öдзöс. Бабаяс эз Öнöпрей Гриш моз полiгтырйи пырны. Гурйыв öдзöссö востіс Миш Сандра да порогсö воськовтiгмоз бергöдчыліс:

– Пыр. Мый нö он пыр,– збоя шуаліс сійö, тыдалö, бөрсянныс локтысь Сава Сандралы.– Войдөрлун тай зэв збоя пыралін. Сöмын коскад кутчысьмөн тай петiн-а. Эн пов, милиция дырйиыс ог киöс лэпты.

Сава Сандралөн сы кодь збойлуныд эм жö. Тiркнитіс Öнöпрей Гришлөн гөтыр дортыс да водзджык на пызан дорö сувтöдöм улöс вылас сатшкысис:

– Пыра. Тэнсьыд ог юась. Вот пуксьöдасны тэнö да сэки тöдлан.

– Пуксьöдасны. Асьтö водзджык на гири-люкиөн нуасны,– нерыштiс Миш Сандра.– Ышгы кутшöм?

– Ланьтöй,– чорыдакодь заводитіс Кöсьта Ким, а сэссия Öнöпрей Гриш вылö видзöдлөм бöрын нюмыс петіс.– Мый нö шемöс усин? Тайöяс, видзöда да, шемöсмöдасны.

Миш Сандра лөкысь моз бугжыльтчыліс верöс вылас:

– Сылы нö мый? Оз тай сійöс горт шөрөдзыс волөмөн эльтны.

– Вот адзылан. Ме ногөн на ставыс лоо. Ме ногөн.
Косьта Ким эз лэдз зыксö панны. Гораа кызöктис да кутчы-
сис ручкаö:

– Но мый, кутам протокол гижны. Кыдзи-мый артмис тиян
скандалныд?

– Лөзсö, колöкө, петкөдла,– сы дорö матыстчис Сава Сандра
да кöсийс нин лэптыны ковтасö.

– Оз ков. Петкөдлин нин тöрыт дасысь кымын,– öлөдис
участковöй.

– Адзылин, мый пасьта. Сийö öд ачыс эз мыччысь. Со эсийö
мыжаыс.

– Ачыл öд корсин,– мыйлакö небзьöдис гөлөссö Öнөпрей
Гриш гöтыр.

– Александра Михайловна мед кольччас, а ти петавлöй. Ко-
ридорас сулыштöй. А тэ, Александра Саввична, сы бöрын пы-
рав. Для уточнения фактов, рочыштны кö,– кабалаяс ныр улас
пукталис Косьта Ким.

– Ме кольчча? Мыйла?– повзыштискодь Миш Сандра.

– Для дачи показаний. Гөгөрвоан?– участковöй чöвтлис ви-
дзöдлассö пыр на пукалысь Öнөпрей Гриш вылö.– Петав Сандра-
раыскöд. А то öтувнад галдитны сöмын кутанныд.

Сава Сандра чеччигас слöймылис весиг мигнитны суседкаыс-
лы:

– Гриш кö петас, ме пета жö. Гришук, эн коль.

– Сё мокасьт тай,– петигмосыс нин шуыштис Öнөпрей Гриш.–
Саня, öвсьыв.

– Сийö Саня, а ме нэмсö Сандра,– лөгысь чöвтис жырйö ко-
льысь нывбаба да видзöдлис Косьта Ким вылö.– Но мый, юась.

Мöдыс босьтчис юасыны...

– Терпенньö мешöкыл тай тырлö жö. Со и менам чукйөн
нин,– ышловзис Миш Сандра.

– Меным протокол колö гижны. Сэни ставсö лючки-бура колö
пасьявны. Мыйсянь заводитчис скандалыс?

Миш Сандра дзебыштис чышьян улас дзормыштöм юрсисö,
кыкыштис чангыль нырнас, чышьян помнас чышкыштис вом дорь-
яссö:

– Мыйсянь заводитчис? Сидзкö, ковмас му сувтöм дырсясö
казьтыштны.

– Тэ, Александра Михайловна, тайö конкретнöй деласö вись-
тав. Войдөрлунсясö,– весиг кок веськөдлыштны моз чеччылис
Косьта Ким.

– Войдөрлунсясö? Гиж, сидзкö. Пырис войдөрлун рыт, тайö

жө кад гөгөрыс, миянө Сава Сандра. Ме вөлі вала петны лосьодча. И кутіс ыджыд гөлөсөн эльтчыны.

– Нецензурнөя шуасис?

– Мый? Кызди?

– Лёк, мисьтөм кывьясөн, мися. Эльтчис сійө?

– Быдсямаыс вөлі.

– Мыйла эльтчис? Кызди?– заводитіс гижавны Косьта Ким.

– Быгтьө он төд?– бара босьтчис чышкавны чышьян помнас вом дорсө нывбаба.

– Ме өд тиян сиктад неважөн на. Пель сэрөгөн эськө мый-сюрө кывлі нин да. Но сійө тайө делөас оз инмы. Водзө.

– Эльтчис тай, мися,– ышловзис Миш Сандра.

– Мый тэ – эльтчис да эльтчис,– дөзымытис участковй.– Кызди эльтчис?

Нывбабалөн письтіс синваыс. Шлюпкыны-бөрдны кутіс. Сэсся зэв жө өдйө лөнис:

– Кызди? Шуавны тай кутіс, мый Гришыд пө бара нин мекөд узылө.

– Збыль мөй?

– Эг тай казаявлы-а. Пыр тай быгтьө гортын-а. Төвбыд на ботаньяс кыис да рос вөчис. Мыйөн төдан, колөкө и... Ме өд лунтыр абу гортын. Турун ваявны ветлывла, совхозлы.

– Но, водзө мый?– юрсө гижигмозыс лэптыліс Косьта Ким.

– Шуа тай, мый терпеннө бырис. Со и карнанөн ойкниті. Скөрйывсьыд.

– Оз ков вөлі кыидлы вөля сетны.

Миш Сандра тайө шумсьыс весиг кыпөдчыліс:

– Оз ков?! Мый ме сэсся, кывтөм пемөс моз кута сылысь эльтчөмсө кывзыны?

– Ме дорө мед шыасин. Необоснованнөй шуалөмысь тшөтш жө мераяс примитны позьө.

– Мөдысь тэ дорө котөрта. Öні мый лоөма, лои нин.

– Думайтан, меным окота тиянлысь ямзөмнытө кывзыны? Суседьяс, а тадзи оланнды?

– Суседьяс, дерт! Нэмсө суседьяс. Сійөн өд и лои татшөмыс,– гөлөс лэптис Миш Сандра.

Косьта Ким дугдіс водзө гижнысө:

– Оз ков вөлі тадзисө. Öні со Сава Сандраыс ме дорө шыасис. Лөзсө петкөдліс, мый меным вөчнысө? Мыждыны тэнө. Со мый.

– Мыжа кө, и мыжа,– нурбыльтис нывбаба.

– Мыжа дерт,– участковй чеччис. Матыстчис өдзөслань, восьтіс.–

Александра Саввична, пыр. Для уточнения фактов. А тэ, Александра Михайловна, петав. Сэсса верөстө на корлыны колө и.

– Сійөс нө мыйла нин кыскалан татчө?– петігмозыс нин шуалис Миш Сандра.– Сійөс нө мыйысь.

– Колө,– бура кывмөн шуис Косьта Ким да видзөдіс тшапа пырысь Сава Сандра вылө.

А Сава Сандра бара на эз чөв ов, слөймис на шуны петысь суседкаыслы:

– Висьталін, кызди вөлі? Ылөдлін кө...

Участковөй бөр пуксис, недыр сюся видзөдіс ар нелямына нывбаба вылө. Авья чужөма, гөрдөв бандзибьяса на, весиг ба-ситчыштөма, читкыль юрсисө мыччөдөма чышьян увсыс. Сава Сандра эз вермы кутны ас вылас сылысь видзөдлассө да шуис:

– Вай уточняйт,– водзынджык гижөм кабаласө босьтис киас.

– Со мый висьталіс обвиняемөй. Войдөрлун рыт тэ пырөмыд сы ордө да кутөмыд эльтчыны.

– Пыралі. Но эг эльтчы.

– Сідзкө, нинөм эн шу.

– Шутөг өд эг ов. Пыри да өд эг жө кут немөй моз сулавны. Сы вылад нө мый пыран.

– Сійөс и висьталө Александра Михайловна. Пырөмыд да кутөмыд шуавны, мый Гришыс тэкөд узылө.

– Тайөс шуи. Мый шуи – шуи.

– Збыль али мый?– бара сюся видзөдліс сы вылө Косьта Ким.

– Абу эськө сідз да.

– Сідзкө, мыйла шуалін?– чорзөдіс гөлөссө участковөй.

– Завидьла,– нурбыльтис Сава Сандра.– Видзөда өшиньянь, кызди Гришаыс керка дорас быд лун ноксьө, да завидь. И ас вылө лөгала, мыйла сійөс сэк эг кут.

– Мыйысь кутны көсйин?

– Куті кө, өні ме красуйтчи,– эз кывзы сылысь юалөмсө да ассыс шуалис нывбаба.

– Нинөм ог гөгөрво.

– Кыгысь гөгөрвоан. Ассыд олөмтө он гөгөрво-а, кыгысь нин йөз олөмтө.

Косьта Ким век жө кутчысис ручкаө:

– Сідзкө, завидьдыла эльтчин?

– Дзик сы вөсна. Эг со терпит. Аслым жө эськө и сюри да. Карнанөн вөтлісны. А сэсса лөкөйла төрыт тэ дорө котөрті. Абу колөма. Оні ставыс пыркаліс да гөгөрвои. Мый абу колөма йөзасыны. Ме кө Сандра местаас, тадзи шуалөмсыд лөзсьө нетшки.

– Он гөгөрво тiянöс, бабаясöс. То норасянный, то каитчан-
ныйд. Менö торканныд асланыд зыкөн.

– Верман кö – эн лöгась,– чеччис Сава Сандра.– Абу колö-
ма тэ дорö локны. Öнi мый лоö? Сандраыскöд?

– Видзöдлам. Колö кызкö мыждыны. Тэ жö ачид корин.
Протокол со вöча и.

– Эн жö ёнасö мыжды.

– Со мый, Александра Саввична, тэ тшöтш жö мыжа. Колö
кыкнантö привлекитны. Вот сиктса скод чукöртам да сэнi вид-
лавны тiянлысь делöсö кутам.

Тайö шуёмсьыс Сава Сандра кельдöдiс. Вомыс эськö воссис,
но тяпкöдчöм кодь артмис, кывйыс эз артмы. Вель дыр чуймöмөн
видзöдiс участковöй вылö, кытчöдз гөлöсыс эз шед:

– Штрапуйт, тюрьмаö пуксьöд, но скодтö бара эн жö вöч.
Сiдз нин йöзыс сералöны. Да и Гришаыслөн сьөлöмыс слаб.
Желудокнас со кымынысь нин больничанын куйлiс и.

Кöсьта Ким öвтыштiс кинас:

– Вай чукöст Гришасö. Сiйö кö нöшта тiян моз кутас сёрнит-
ны, то...

– Кöть Сибирö ысты, скодтö бара эн жö вöч,– öдзöс дорас
нин бергöдчылiс Сава Сандра.– Он öд?

Öнöпрей Гриш брöд пöсялöма нин виччысигас. Пырис, пук-
сис, пöсьсö чышкыштiс пась соснас, но кучикис сöмын нильс-
мунiс васöд чужöм кузяыс. Видзöдiс участковöй вылö да чöв
олiс.

– Кывзы, Гриш, мыйкö эг кут гөгөрвоны. Öтисö корлi – ас
вылас мыжсö босьтö. Мöдыс сiдз жö.

– Ме мыжаыс, а абу найö. Ме вöсна ставыс лои,– чуймöдiс
воча кывнас участковöйöс Öнöпрей Гриш.

– Тэ нö мыйысь мыжа? Абу со весиг гортад вөлöмыд да.

– Мыжа тай со. Сё мокасьтöй! Мый сэсся вöчан.

– Сава Сандра со шуöма гöтырылды, мый тэ ськöд... Гөгөрво-
ин, мый кöсийи шуны?

– Гөгөрвои. Абу öд челядь. Квайтымын ар со нель во мысти
гöгыльтчас,– шога видзöдлiс участковöй вылö мужик.– Эз вöв
сэтшöмыс. Водзтi вöвлi. А öнi эз.

– Кор водзтiсö? Тöлысь сайын?

Öнöпрей Гриш весиг кыпöдчылiс:

– Кутшöм тöлысь. Во кызь нин тырö.

– Сiдзкö, сэк вöлi тiян костын каньялöмыс,– артмис Кöсьта
Кимлөн.

– Тэныд, гашкö, каньялöм. А меным абу. Сё мокасьт. Эг жö

эськө чайтлы тадзи овны да. Быть ковмас. Сьёлөмад эськө, сё мокасът, дойыс тыр да.

– А век жö меным окота тöдны помкасö. Мый вöсна Сандраясыс оз лöсаявны. Абу öд первойысь, пинясьлöны пö зэв тшöкыда.

– Пинясьлöны. Овлö и пинясьлöны. Ме мыжаыс.

– Тэ кö мыжа, то мыйысь? Меным öд колö протокол гижны. Воис кö шыöдчöм, то быть колö разберитчыны. Висьтав: гашкö, следствие нуöдöмыслы отсалан. Мед вöчны правильной вывод. Гөгөрвоан?

Öнöпрей Гриш вель дыр видзöдис сы вылö, синьясыс мыйлакö нöшта жугыльмисны. Сэсся кыпöдчис:

– Ким Константинович, Кимö. Зэв эськö окота кодлыкö ассым сьёлöм дойöс висьтавны. Мый ас пиын матö кызь во нин кута. И висьталi эськö тэныд, но протокол нуöдöм вылö ог кут. Лэдзан кö, гортö довга.

– Но да мун. Кыдзкö-мыйкö öд вöчам,– гөгөрвоана синмөн друг кутiс видзöдны Кöсьта Ким. Быттьö здукөн вушйис сы вылысь милиционерлөн чиныс. Сиктса мужикөн лои.– Кыдзкö-мыйкö öд... Мун. Сандраясыслы висьтав, мед мунасны жö. Сöмын мед оз сэсся... эсiйö... Но, гөгөрвоан?

Öнöпрей Гриш довкнитiс юрнас да петiс. Кöсьта Ким чукöртiс кабалаяссö, суйис пызан йөрö да вель на дыр пукалiс.



Öнöпрей Гриш эз вöтчы бабаяс бöрся, кодьяс нейджыд коластөн, но чöла мөдöдчисны быдөн аслас гортö. Мужик жö дзыштiс мир туй вылын, а сэсся веськöдчис лавкалань. Ньöбис еджыд доз, небыд кампет да веськöдчис мамыс дорö. Сiйö век гортас. Матö кöкьямысдас арöса, пöчид оз нин торьясö некытчö петав. Öнöпрей Гриш эськö ас ордас корö сiйöс овны да, но мöдыс оз убöлит гортсö эновтны. Танi пö нэм чöж олi, татысянь и нуöй гуавнысö. Со и коvmö мужиклы быд лун öтчид, мукöд-дырйиис и кыкысь на кежавлыны сы дорö. То ва вайны, то пес пыртны. Пачсö ачыс на, мамыс, ломтö. Сiйö коть бур.

Сылөн пырöм вылö мамыс эз и шензыы. Сöмын водкасö пызан вылö лэптöм бöрын шуыштiс:

– Тэ, кагук, эн бара ставсö ю. Коддзан да усян. Сандрайд видас и.

– На, небыд кампет тшайтö юны вайи,– мыччис гöснечсö сылы Öнöпрей Гриш. Ачыс корсис сёянсö, пуксис, восьтiс дозсö.

Стөкән джын юом бөрүн пытшкыс небзьыштіс быттьо. Чөв олыштіс, бара юис. Мамыс этша сёрниа жö. Паччөр вылас ка-йöма, водöма. А Öнөпрей Гриш пукаліс и пукаліс. Син водзас, юрас новлөдліс бөрö кольöм кадсö. Уна вонад быдсямаыс вöлі. Но кадыс тай унатор пожналöма. Кольöма сёлöмас да вежö-рас медся мөрччанаыс, дойданаыс, донаыс.

Война вылö сійöс босьтісны. Öзйöм бöрас регыд мысти. Таодз на удитліс служитны и. Куим восö окопьясын куйліс, көдзыд да шоныд му кузя кыскасис, сійöс лыйлісны и ачыс лыйліс. Но весиг öд эз ранитчыв. Сэтшöм нин шудыс вöлöма. Быттьо эскö эз жö дзебсясь ни нинöм, но командирьяс сійöс эз жö казавны. Йöз муö нин воисны, а сылы непöштö орден, весиг медаль эз вичмыв. Дыр кадтö командирьяс син водзад уна-ысь усylan. Бөрьявылыс дивизияса командир босьтіс сійöс ас дорас, пусыны сылы да нöшта гоз-мөд понгон вылас ыджыд звез-даяс новлысь войтырлы. Öтчыд сьöкыд кось бөрүн командирья-сыд, буракö, ёнакодь празднуйтöмаöсь. А Öнөпрей Гриш бу-ретш первойысь на думыштіс вöчны налы пуöм капуста. Мед-сясö эскö аслас вежыс петіс да сійөн. Пуис, сэтөр ньөр пунктіс и. Көдзалöм капустасö сетіс видлыны командирьясыдлы. Налы тöрыгыя бöрас зэв кажитчис. И капустааыс, и ваыс. Код төдас, гашкö, пуöм капустааысь, а гашкö мөдторйысь, но регыд Öнөпрей Гришлөн морöс вылас öшйис первой медальыс. Война кустö-дзыс нöшта на кыкöс вичмөдлісны.

Воис гортас гожöмнас. Казеннöй, бур сёян вылад чужöмыс шыльыд. Подөн вуджис бөрья сиктсянь налөн Мырьюөдз вöлөксö. Комын верст öдйöпырысь шавксьöдіс, мулд эз төдлы. Гөтырыслы эз юөрт. Көсйис другөн мыччысьны. И муртса ныв-бабаöс эз весьöпөрт.

– Öльöксан, пиук, батыд локтіс, – кутіс горзыны Миш Сандра да ускөдчис сывъявны верöссö. Синваыс тюрöмөн-тюрö. Пиыс, Öльöксаныс, война вылö мунігөн куим арöса кольлі. Öні со нюжалöма, быдмöма нель вонад. Кутліс, окаліс гөтырсö и писö Öнөпрей Гриш пöтмöныс. Сандраыс, колхоз кутігөн да омөлик сёянсьыд пöрысьмöма чужöм вылас, чуқырыс сярвидзö. Мужикыс сы дінын жöник кодь. Мый нö комын арöснад. Видзөдлас вöлі первойяссö Миш Сандра вылö да сёлöмсö жалысла чеплөдлö. Нинöм, кутчыся удж бердö, нажöвита да бара ёнмас, – такöдіс асьсö Öнөпрей Гриш. Вочасөн эскö яйтор лыштіс гөтыр лы вылас, но чуқырьясыс таысь эз шылявны. Мыйкö неладнö кутіс муткырмунны сёлöмыс мужиклөн. Нель во салдаталіс, пуля улын лажикасис, а со пöрысьмөм гөтыр и шеді. Весиг пиыс эз разөд тайö думьяссö.

Рөкыд ыло нөшта воча керкаас олысь ныв быттьо дэльөдiс аслас томлуннас да мичлуннас. Сандраөн жö шуоны, гөтырсö моз. Сöмын Сандранас шуны татшöм оз тусьсö кывйид оз бертчы. Саня, Санюкөн окота. Война бöрад Мырьюад зоньясыд лыда колины. А суседкаыслы нин кызь арöс, оз нин кут детинкаяскöд дзебсясьöмысь ворсны. Воча олысь том мужиккöд бурджык мелiа да мудера синмасьны. Сiдз, мед асьсö такöдны. Аснас любуйтчыны, мый сы ыло тыр синмөн Гришыс дзоргö. Öнöпрей Гришлы эськö жалитны гөтырсö, ки вылас новлöдлыны Öльöксансö кок йылас сувтöдöмысь, бөръя нянь торсö асьыс пайкöмысь. А сiйö войяс оз узь. Син водзас Сава Санялөн вильыш видзöдласыс. Помнитö Öнöпрей Гриш, кызди ськöд первойысь окыштчисны. Другөн ставыс артмис. Саняыс корис сiйöс кильчö пос лöсьöдыштны. Вöчис, сёйышгiс на сы ордын. Сэсся посводзас, кор ныв петiс колльöдны, топыда кутлiс да азыма окышгiс. Мöдыс эз йötкыштчы, мöдарö на, жмитчис. Вом дорьясыс доймытöдз окасисны. Саняыс сöмын вашкöдiс:

– Вöч, кöть мый кöсьян. Но тэтöг олöм абу. Юр яндзим эськö быттьо гөтыра мужикöс радейтны, но нинöм аскöд вöчны ог вермы.

Сэсся гуся аддзысьлöмьяс, гөтырсö быд ногыс ылöдлöмьяс, мед сöмын Санякöд аддзöдчывны. Сэсся öд öтчид ылöдлöм каттьö-кыскö мöдöс, кытчöдз он гандайтчы. Да и йöзыд абу жö дзик синтöмось. Во джын мысти сёрнияс кутiсны паськавны, сё мокасьтыд.

– Олан кö, морт ног ов,– Öльöксанöс водтöдöм бöрын öтчид панiс сёрнисö Миш Сандра.– Пиид öд ыджид нин, ставсö гөгөрвöө. Да и ме морт жö. Дугды нывсö ылöдлöмьясь.

– Ог ме ылöдлы сiйöс, радейта,– тазикөн моз вочавидзис Öнöпрей Гриш. Тыдалö, голя помас вотöдз нин жö лöма гуся олöмыс.

– Дугдыны ковмас.

– А ог кö?

Миш Сандра эз вочавидз. Чукöртiс верöсыслысь этшаник кöлуйсö. Гартышгiс важ чышьянөн да пунктiс öдзöс дорас. Ачыс пуксис лабичö да шытöг бөрддзис. Öнöпрей Гриш пиньсö мурч курччöмөн вель дыр пукалiс. Думайтiс, гөтырыс водас да сэк на ставсö мурталас-арталас. Кöть эськö Саня дорас петöм йылысь мөвпьясыс быд лун юрас, но воис кадыс со петнысö да не сiдз жö лои. А гөтырыс эз вод узынысö. Югдытöдзыс гозья чöv пукалiсны. Öнöпрей Гриш босьтiс тубрассö да яндзимысла синсö дзебöмөн петiс. Эз тай бара думышт сы йылысь, кызди ас керкаыслы воча овны кутас.

Петом бѳрас Миш Сандраыс эськѳ кыв эз шу аддзысьлігас, но ѳд и пиыс чѳв олїс. Паныдалас вѳлі Ѳнѳпрей Гриш нарошнѳ, мыйкѳ чѳскыдѳс сетны, а сїйѳ кияссѳ дзебѳ, синкым пырыс видзѳдѳ, скѳра. Таысь медся нин ѳна доймис сьѳлѳмысь батлѳн. Унаысь кыйліс ас вылас тайѳ кѳдзыд видзѳдлассѳ. Ѳтчид Саннякѳд ѳшинь улас дурны босьтчисны, зѳв гылыда сералѳны. Ѳнѳпрей Гриш друг лѳнис, джѳм сувтїс. Саняыс водзѳ ворсѳ, бѳрсяныс гильѳдѳ. А сылы веськодь, оз кыв. Видзѳдѳ и видзѳдѳ Ѳльѳксан вылас, кодї потшѳс бердѳ жмитчѳмѳн сулалїс да лѳк синмѳн сѳйѳмѳн сѳйис найѳс. Миш Сандраыс ѳшиньсяныс гусьѳн моз дзоргѳ и.

Пуксис зѳв кѳдзыд тѳв. Гыѳрсялісны ѳшиньяс. Петїсны ѳтчид Миш Сандра пиыскѳд пѳсла. Ѳнѳпрей Гриш на заптыліс. Мамыс пукталѳ Ѳльѳксанлы моздорас пѳссѳ. Видзѳдлїс, кымынѳс нин сѳвтїс, а сѳсся бѳр кык плака босьтїс. Ичѳтик моздорѳн и пыртїсны. Ѳнѳпрей Гриш мѳд луннас корис колхозлысь вѳв, кайліс вѳрѳ, пѳрѳліс кондаяс, пилитїс, вайис да ректїс Миш Сандралѳн йѳрѳ. Сьѳлѳмыс быттѳѳ местаѳ пуксис. Сѳмын тай асылѳдзыс майшасьѳмыс сывлі. Петїс югдѳм бѳрын ывлаѳ, а Сава Саннялѳн йѳр пасьталаыс конда чуркаяс. Шыблалѳмаѳсь войнас. Ѳнѳпрей Гришлы лои нѳшта сьѳкыдджык, весиг Санясѳ радейтѳмыс эз кут шонтыны. Сѳ мокасът тай! Татшѳм мужикыд и мѳдыслысь сьѳлѳмсѳ дойдѳ.

– Видзѳда да, оз артмы мяян олѳмыс, оз,– ѳти лунѳ панїс сѳрнисѳ Саня.– Гашкѳ, гѳтырыд бѳр сибѳдас. Ме вѳсна эн шогсы. Ассым пай олыштї тѳкѳд, шудсѳ тѳдлі. И тырмас. Вийсьѳмнад абу жѳ тѳныд олѳм.

Кѳть кыз синваѳн бѳрддзы Ѳнѳпрей Гришлы. Йирѳмѳн йирѳны думьясыс. Ѳтчид Саняыс дыр эз лок гортас. Пукалїс, пукалїс Ѳнѳпрей Гриш да кын сьѳлѳмѳн петїс важ гортас. Примит бѳр, верман кѳ, Сандра, ог вермы тадзи овнысѳ. Код тѳдас, мый вѳсна, но мѳдыс эз кут куражитчыны. Тѳнад пѳ юрид, кызд кѳсьян, сїдзи и вѳч. Сѳмын мед вѳча керкаас сѳсся кокыд эз инмыв. И бара Ѳнѳпрей Гриш тубрасторїѳн войнас вуджис Миш Сандра да пи ордас. Олѳмыс эськѳ сѳсся бурасѳ эз и ладмыв да. Сїдз, сьѳлѳмьяснаныс ѳта-мѳд дорас матыстчывтѳг и вуджисны тайѳ вояссѳ. Но мыйла Саняыс мунїгас нинѳм эз шу. Вѳлѳмкѳ, кынѳма ветлѳдлѳ. Пи чужис, Петяѳн нимтѳма. Сѳ мокасът тайѳ олѳмыс! Вежавны некодлы. Сїдзи ѳд и эз сѳсся пыравлы Саня дорас Ѳнѳпрей Гриш. Некор эз. Тѳдїс, мый ѳнї и сїйѳ, Саняыс, сылысь ѳтсѳгсѳ оз босьт. Вѳзйысь кѳть ѳн, мыйкѳ бурѳс вѳчыштны. Сылы, Петяыслы. Оз примит. Тѳдїс тайѳс Ѳнѳпрей Гриш да некор и оз вѳзйысь. Мыйла мортсѳ нѳшта дойдавнысѳ?

Тадзи и вояс лэбисны. Өти Сандраыслөн и мөдыслөн пияныс бидмисны. Кор таыс нывбабаясыслы, пияныслы водзөссө вештыны? Мыйөн вештынысө? Да и кодлы? Аслас Сандралы? Саниялы? Петялы, гашкө? Либө Ольөксанлы? Рад душой эськө мынтас, сөмын мыйөн, кызди?

Катгис тайө казытылөмяссө-думьяссө Өнөпрей Гриш мамыс ордын. Водка бердас сэсса эз нин и кутчысылы. Джыньяён коли. Вой шөрөдз оліс да мөдөдчис гортланьыс. Мамыс эз на унмовсылы жө дай, ышлолаліс паччөр вылын. Пиыслөн өдзөссө востыгөн небыдика шуис:

– Бура мун, кагук, эн некытчө усь.



Тайө кадас Миш Сандра, Гришлөн гөтырыс, эз на жө узь. Вольсасис эськө водз. Думайтис, мый водас да пыр и сурмунасуновсяс. Но өд эз. Первой думсыс верөссө да Ольөксан писө виччысис. Но пиыс водз воис гуляитанінсыс. Клопөдчигтыр пырис, букуша видзөдліс бать-мамыслөн крөвать вылө. Нөшта на өд крукыштис:

– Көні нө жөникыс? Коймөд гөтыр корсьө?

– Тэ эськө ланьт да!– өлөдіс мамыс.

– Колөкө, Сава Сандра дорас петіс? Югьд на тай өшиньыс вөлі-а. Тшай юөны көнкө.

– Эн, мися, тшөкөлдывайт,– весиг чеччис вольпась вылысь Миш Сандра.

– Йөзыслысь серамсө петкөдланьыд сэні. Став сиктыс гизгьө тьян вылын,– сөдзөдіс Ольөксан да пырис мөд жырьйө, көні сийө узыліс. Өдзөссө топыда тупкөмөн...

Миш Сандра эз кут сы бөрся вөтчаны да дорйысыны. Сийө и сідз төдіс, мый татшөм добра юөрыд өдийө паськалас. Сийө пузьөдіс чай, юис. Гришыс век на абу. Кадыс дас өтиөд час нин катовтчөма-а. Көн бара ветлөдлө. Омөлиник здоровьенад нөшта юас нервничайтөмысла да локтігас кынмас көнкө. Локтіс нин мед эськө өдийөджык. Нөшта со сы вөсна майшась сэні.

Пукаліс сийө лабичын, пызанысь бокинджык. Эз торья лөкысь, но век жө дивитис ассыс оломсө. Эз жө эськө тадзи думайт овны, да мый сэсса вөчан. Со кызди ставыс гартчис. Сөтана войнаыс ставсыс мыжа. Эз кө сийө вөв, то олісны эськө Гришыскөд. Эз эськө ветлы сийө некытчө, пыр оліс ас дінын. Миш Сандра өнітө гөгөрвоис, кызди эськө кутіс верөссө ас дінас. Кызди вөчис, медым Гришыс Сава Сандра вылө весиг синсө эз чөвтлы. Кутшөм нин сөрни ыштылөм йылысь. Пукаліс

өні сійө да весиг аддзис ассыныс оломсө. Лючки оломсө. Бергөдіс ассыс мөвпяссө война өзьян воөдз. Киритіс сэсса тайө злыдни кодь курыд кадсө. Быттьө эз и вөв сійө, пыр Гришаыс ськөд вөлі. Весиг Сава Сандралы верөс корсис. Зуд Васьлысь Петырсө, коді тайө война вылас уси. Медся мича зонмыс сиктас вөлі. Миш Сандра весиг сійөс козьналіс думнас верөс вылө Сава Сандралы, мед сөмын Гришыс вылө эз весиг видзөдлы. Петыр дорад өд Гришаыс недөкунь кодь. Олісны эськө воча керкаясын. Колөкө, празникьяс дырйи волысисны на и. Пуксисны пызан сайө кык гозья, юыштисны. Челядь выланис любуйтчисны. Ок-ок-ок жө эськө да?.. Думьясад ставыс артмө, гөгөр шыльыд да мольыд. Абу бара-й оломад кодь.

Посводз өдзөслөн кольчаа каличыс гольсмуніс. Сэсса пемыдас вель дыр маласигтыр верөсыс корсис керкаө пыран өдзөссө. Восьтіс. Чөла видзөдліс лабич вылын пукалысь гөтыр вылас.

– Пөдлав нин өдзөссө. Абу өд Петыр луна-Илья луна кост.

Мөдыс воськовтіс, пөдлаліс. Кыв шутөг пөрчысис.

– Көні нө сы дыра ветлан?

– Мам дорө кежавлі,– лабичө жө пуксис Өнөпрей Гриш.

– Пыралөмыд тай. Юыштөмыд весиг.

– Эг торья уна. Стөкан сайө сөмын.

– Мыйта нө сайыс? Гашкө, быдса доз да.

Өнөпрей Гриш эз вочавидз.

– Тэнсьыд нө мый юасис?

– Коді?

– Эн йөй улө лэччысь. Көсьта Кимыс, мися?

– Нинөм торьясө эз.

– Йөй ме, дзик йөй. Мыйла бара төрытсө кучки-а.

– Олюксаныд нө гортын нин?– көсийс вежны сёрни визьсө верөсыс.

– Эг тай терпит,– эз сетчы сёрни вежомө Миш Сандра.– Милицияөдз со вои.

Өнөпрей Гриш винасыс небзыштөм сьөлөма өні. Весиг эз вермы кутчысыны да көсийс малыштны гөтырсө юрөдыс.

– Эн дур,– вештыштіс кисө мөдыс.

– Эн сідзи вийсы, мися. Оз эськө ков вөлі вартнытө да.

– Оз ков, дерт,– ырсмуніс Миш Сандра.– Тэныд лөсьыд. Эз тэнсьыд пельтө сьөдмөдны да. Оз тай тэныд гортад локтөмөн дольны, мый ме мөд мужиккөд узыла. Тэн кө тайөс шуисны, сэк эськө казялін, кутшөм кывзынысө.

Өнөпрей Гриш сьөкыда ышловзис, вешйис гөтыр дорсыс. Узьөм вылө пөрчысыны босьтчис. Крөвать вылө пуксьөм бөрын век жө шуис:

- Быд шуаломлы мый эскан? Мый, колөкө, оз шуны да.
- Тэныд лөсьыд,– чышкыштис весиг син дорьяссө Сандра.
- Ти нө дыр на кутанныд сэни ызгыны?– кылис мөд жырьянь
 Öльөксанлөн гөлөсыс.– Кутисны нургыны, узыны оз сетны. Рад-
 лы, мам, мый тэ дорө со узынысө воис. Ме кө тэ местаын, ним-
 кодьойла кыв эг шу.
- Тэ эн бызгы сэни,– өлөдис мамыс.– Узьсьө кө, узь. Ми тай
 ог тэ моз керка тырнас авзөй.
- Пиыс эз кут водзө катгысыны. Недыр кежлө чөв-лөнъ пук-
 сьылис. Гриш шебрасис, виччысис, кытчө Сандраыс водас.
 Колөкө, паччөрө каяс. Синнас сийөс видзөдны эз вермы өни, да
 мөдыс эз на и думайт водны.
- Но мыжа ме, мыжа, Сандра! Мый сэссия, кувны али мый
 меным?
- Водзти коліс думайтны,– вашкөдчигмоз вочавидзис гөты-
 рыс.– Сэкнас.
- Мый сэссия сийөс кыскалан? Важсө,– тшөтш жө гораа
 шөпкөдіс верөсыс да весиг шебрассө шыбитіс. Пуксис крөватъ
 помө.
- Мыйла ог казътыв. Казътыла бара. Думайтан, любө вөлі
 меным тьянөс видзөднысө? Эз ёна любө вөв.
- Но-о. Бара заводитчис,– чеччис Öнөпрей Гриш да вось-
 ковтіс ва пельсаланъ.
- Эз кө челядь вөвны, эг жө эськө матө берегө тэнө примит,
 челядь жаль лоины да сийөн жө-а.
- Быдмисны тай со,– көш тыр ва гумовтіс верөсыс да горша
 босьтчис юны.
- Быдмисны. Верман бөр Сандра дорад петны.
- Тайө шуөмсьыс Гриш муртса ванас эз виньды. Öдва вермис
 нылыштнысө. Воча кыв пыддиыс сөмын вермис шуны:
- Йөз дырйи тайөс эн шу. Сідз серам выв ола.
- Тэнад делө. Көсьян – пет, көсьян – мянкөд ов. Кыдз га-
 жьыд,– чеччис лабич вылысь Миш Сандра да кутіс кавшасыны
 гөбөч вылө.
- Вай дугды. Некуйтчө ог көсийи мунны. Вот йөюкыд,– весиг
 мырдысьөн серөктыштис Öнөпрей Гриш, но гөтырыслы паччөрө
 кайөм кузя паныд нинөм шуны эз лысьт. Мед нө кайө да сэни
 узьө. Зывөктө кө нин сідзи.
- Нинөм абу вылас быдса рыг лотөма лои,– паччөр вывсянь
 нин нурбыльтіс Миш Сандра.– Порсь вольөс кө сарайө пыртлі,
 и то бурджык вөлі та дорысь.
- Аски пыртла,– чөвтис верөсыс. Но гөтырыс нинөм нин сэссия
 эз шу. Сөмын кузяя ышловзис.

Өнөпрей Гриш кусөдіс бисө. Вольпасьянь мунігөн чөвтліс синсө өшиньө. Туй мөдарбокса керкаын биа на вөлі. Сава Сандраын, тыдалө, войпукисны жө, эз на узыны. Гриш сувтовкерыштіс, видзөдіс өзйысь өшиньө. И мыйкө сьөлөмыс муткырмунліс. Нён пом чибуклөн кодь вежорыс эськө важөн нин пыркаліс. А со Санюкыс век на сьөлөмас. Мый сэсся вөчан. Он тай нетшышт да гөбөчө шыбит тайөс. Сійө чөла вешйис өшинь дорысь да водіс. Кунис синьяссө и дыр на аддзис Сава Сандралысь өзйысь өшиньсө. Асьсө Санясө. Кытчөдз тайөс эз вештыштны гөтырсө жалитана думьяс. Мөрччис сылы, коньөрлы, оломас. Ёна мөрччис. Коркө өд водзөс таысь кутас жө перйыны сылысь, Гришлысь. Мед кө перьяс. Мынтысяс. Но кызди да мыйөн, ачыс аслыс бара вочавидзны эз вермы...

...Сава Сандра өнтай надурнө вылө моз видзөдліс өшиньө да казяліс Гришлысь локтөмсө. Йөжгыльтчөма мортыд. Абу-ө юөма? Мыйкө здоровьенас омөльөн висьталөны да эз жө өд дөбельки ю-а. Занавессө муртса вештыштөмөн сійө сюся видзөдіс мужик бөрся. Оз шатлав. Таысь нывбабалы лои кокныдджык. Видзөдіс кильчө вылөд кайөмсө да вешйис өшинь дорысь.

Петя пиыс узьө нин. Сійө төрыт воис карсянь. Велөдчө сәні. Техникумын. Лун-мөд кежлө пө. Со и локтөма мамсө видлыны. Өти жырья керкаыс налөн, мама-пиалөн. Та вөсна занавес сайө вөчөма сайөд, кытчө сувтөдөмаөсь крөватьсө. Кор пиыс абу гортын, сәні Сандра узьлө. Асьыс пу крөватьсө сійө сарайө катөдіс, кор Петяыс велөдчынысө муніс. Сылөн волігьясө жө ачыс узьліс паччөр вылын, а корсюрө и гөбөч вылө вольсасьөмөн дай. Төвьяснад сәні, майбыр, ун пөтыд шедөджык.

Сава Сандра восьтыштліс занавессө, видзөдліс чөскыда узысь писө. Дзик быгтьө Өнөпрей Гришлысь кусө льяскөмаөсь. Сы кодь жө чангыль ныра, юрсиыс читкыльтчөма жө. Сандралөн нинөм абу. Гашкө, сөмын сьөд синкымьясыс да водзлянь чошмунөм пельясыс. Ок өд олөмыд со кутшөм! Оліс кө эськө Гришаыс өні накөд, кутшөм любө вөлі писө со татшөмөн, узысьсөн, аддзыны. Нимкодясис, колөкө. Но эз тай удайтчы. Весиг пузчужөмнас эз аддзыв-а. Сәки Сандра посводз помас весиг Гришсө эськө эз лэдз. Эз, эз сы вөсна, мый важ гортас бөр вуджис, а лючки сы понда, медым эз велап волынысө. Өтчыд кө лэдзан, то телепит лоө. Кутас пыр вөзйысьны. Йөзасьнытө абу дыр. Бара шум-зыкыс лыбас Миш Сандра да Гриш костын, сылөн да Миш Сандраыскөд тшөтш жө и. Кодлы тайө сәк вөлі колө? Муніс кө и муніс, нинөмла сэсся өти дорысь мөдлаө ризьявны. Чорыд

та кузя вöли Сава Сандра. Эз сибöдлы сэсся некор Гришöс, кöть ачыс некутшöм мужиккöд эз овлы ни узылы. Колöкö, радейтис вывтi ёна Гришсö. Гашкö, öниöдз на тайö муслуннас олö.

«Колö жö вöли меным на дорö да эльтчыны,– дивитiс асьсö öни Сава Сандра.– Быттьö öд омöльясыс ки пöлöд босьтiсны да мырдöн петкöдiсны. Со милицияöдз воим. Ойя да ойя эськö да».

Сава Сандра чай на вой улас юис. Асьсыс думьяссö каттис. Гриша да Миш Сандра гөгöр найö гартчисны. Ас йывсьыс тшöтш жö и. Куим пратя гезйö элалöма налön олöмыс. Джаггөрöдön элалöма, водзтi эз вермыны разьны и öни он сяммы. Челядь со быдмисны нин. Мый нин юкан. А со бара на йöз серам вылас сöтвöритöма лои.

Сйö видзöдлiс öшиньö, туй сайын сулалысь керкалань. Сэни бияссö кусöдöмась. «Кыз бара öни найö узьöны-а?– мыйлакö юрас воис татшöм мöвп Сава Сандралön.– Öтлаын али бара торйön». И мыйлакö пузис пытшкöсыс. Дзик важ моз, уна во сайын кызди вöли. Сэк сйö тадзи жö унаысь кыйкьявлiс öшиньö. Аддзас вöли кусöдöм бияссö да пыр жö лёк вежöгтöм öзьяс сьölöмас. Син водзас сувтöдас, кызди Гришаыс да Миш Сандра буретш тайö здукас мусукасьöны, и окота лолö горзёмön уськöдчыны на орлö, мырддьыны Гришсö Миш Сандра сывьясыс. Öтчид öд вежöгтöмысла эз кутчысь. Петалис весигтö. Эз жö гортöдзыс пырав. А, йöйид, керка стен бокас жмитчöмön кывзысис. Вель дыр, но нинöм эз кыв керка пытшсянь. Тайö такöдiс сэк том нывбабаöс, бөр локтiс гортас. Сэктö позьö на вöли вежöгтыны, том дырйид. «Öни нö мыйла нин?– мöвпыштiс Сава Сандра.– Олёмсö пöшти олöма нин да». Но асьсö тайön такöдны эз вермы. Вель дыр видзöдчис öшиньö. Коркö кад сэсся кусöдiс жö бисö да кайис паччөр вылö. Но дыр на эз вермы унмовсьнысö...

...Асывьяснас Öнöпрей Гриш чеччö водз. Пöрысьладор катвöтчöм бöрын сйö рыгья уна лои. Телевизор видзöдны пуксяс да мый кöть эз петкöдлыны, пыр жö и вугравны кутас. Сэсся вольсасяс да водö. Окмыс час рытын век нин узьö. Но чеччö зэв водз, нёлъ час гөгöрын тотшикасьö нин. Пач ломтыны сылы урчитöма, шыд суйны и. Миш Сандра мöдарö дай. Сьöd войöдз олö. Кытчöдз телевизорыс оз дугды уджавнысö, пыр видзöдас. Кöть мый петкöдласны. Зато асья уна, дыр оз чеччы. Верöсыс шыд пуöма, порсьсö вердöма. Водзтi мөссö вöли сёодас и лыс-тас. Во-мöд сайын энöвтчисны сйöс видзöмысь. Йöз бöрся вöтчисны.

Сиджö и талун. Сандра узьö, Гриша горт пытшкын ноксьö. Пусьöм бöрын пуксис ботан кыны. Тувсовлань катвöтчöм лунь-

ясыс водзджык нин югдӧмны. Битӧг нин кыис, кор Сандраыс паччӧр вывсыс лэччис. Бура дыр кышасис, коскыс ёнтӧ да. Быдгорйыс жӧ сылы сюрлі олӧмас. Кынмалӧмыс медся нин ёна.

Сейыштӧм бӧрын Гриша босытчис порсь вольӧс пыртлыны. Ӧльӧксан удж вылас тапсьӧдис. Гоз-мӧд кывйӧн батьсӧ да мамсӧ дӧсадитьштӧм бӧрын. Мыйсяма морт быдмис, век прекӧ шуны видзӧдчӧ. Миш Сандралӧн тшӧтш могъяс вӧліны. Сиктӧ петіс.

Порсь вольӧс пыртлӧм бӧрын Ӧнӧпрей Гриш бара пуксис ботан кыны. Друг быттьӧ кодкӧ тшӧктіс ӧшиньӧ кыйкнитлыны. Видзӧдӧ да воча керкасыс Петя пиыс петӧ, кытчӧкӧ мӧдӧдчӧма. Ӧнӧпрей Гриш шыбитіс рӧжсӧ да усыкӧдчис ӧтпӧлӧсӧн посводзӧ, сэсся кильчӧ вылӧ.

– Петя! Петя!– горӧдис сійӧ.– Кежав мяняӧ!

– Мыйла?– сувтовкерис зон.

– Пырав здук кежлӧ. Пырав.

Мӧдыс кежис налань. Ӧнӧпрей Гриш эз кут виччысьны кильчӧ вылӧдз кайӧмсӧ да водзджык пырис керкаас. Сӧмын посводзас юрас довгис, мыйла нӧ сійӧ писӧ гортӧдзыс корис. Пӧсьйивсыс ставыс другӧн лои. Эз та йылысь весиг думыштлы. «Со ӧд олӧмыс. Ассыд питӧ нин эг кут лысьтны гортӧ чукӧстлыны,– мӧвпаліс Ӧнӧпрей Гриш.– Сӧмын кор ӧтнаным паныдасьлам, сэки стрӧка кост сюрлӧ варовитьштны. Мед эськӧ гӧтыр оз жӧ кывлы, пыралӧм йывсыс. Бара кутас пуӧ увлань юрӧн кавшасьны. Сӧ мокасьт олӧм!»

– Мый нӧ, батьӧ, лоис?– пыригмозыс юаліс Петя. Сувтіс ӧдзӧс дорӧ.

– Мый нӧ Визябӧжса ямшик моз порог дорас сувтін,– зліс шмонитьштны Гриша, а ачыс любӧпырысь видзӧдліс пи вылас. Ёна нюжалӧма карса сӧян вылад.– Кывлі, мый тӧ техникумӧ ныртчӧмыд?

– Ачым тэныд дасысь нин висытавлі да.

– Но-о,– быттьӧ шензыштіс батьыс.– Эн на кӧ буди-а. Воськовт, воськовт.

– Висытавлі,– гоз-мӧд воськов вӧчӧм бӧрын шуис Петя.– Горт олан?

– Сандра тьӧткаыд сиктӧ мыйлакӧ петіс, а Ӧльӧксаныд уджалӧ дай. Велӧдчан, сідзкӧ, молодеч.

– Но ме муна сідзкӧ,– бӧрлань сетчис зон.

– Энлы, пукышт,– кутіс киӧдыс Ӧнӧпрей Гриш.– Ӧд мый дыра нин эг адзысьлӧй. Гажӧй ок ёна быри.

– Менам тшӧтш... Муна сідзкӧ,– бара ассыс дӧжналіс Петя.

– Мый тӧ муна да муна. Лок, пукыштам мекӧд,– мырдысьӧн сорӧн пуксьӧдис писӧ ас дорас лабич вылӧ Ӧнӧпрей Гриш.– Но,

висьтав, кызди карас олөмыс, велөдчөмыс? Молодеч! Велөдчы, сямьид кө эм. Меным тай эз удайтчы да со висьмыгтөдз лоис кын пу йирны-а. Кор нө бөрсө мунан?

– Аски көсья,– зилис кыпөдчыны Петя.– Лун-мөд кезлө прөстмылі. Гортө со мамөс видлыны волі.

– Мамтө видлыны век колө. Сьөм кузягид нө кызди олан? Мамьдлөн удждон вылө, көнкө, ёна он вермы паськөдчыны?

– Меным тырмө. Сёян вылад.

– Пасьтасьны өд колө и,– чеччис Өнөпрей Гриш.– Бур, мый пурин. Ме со тэныд сьөмтор чөжышти жө.

Сійө воськовтіс стенин өшалыс карточкаяслань, кисө сүйліс пөв сайө да кыкис гартыштөм кабала. Разис сійөс да долыд-пырысь мыччис Петялы сьөмсө.

– Абу эськө торья уна да, но мый эм. Сідз өд?

– Сідзи. Но оз ков меным. Ме ачим најөвита. Вагон ректыны со ёртьяскөд ветывлам. Оз ков.

– Мыйла оз ков?– долыда вашмуніс батыс.– Ковмылас на. Мустө оз зырт. Вагон ректөм дорсьыд бурджык велөдчы.

– Нинөм, ён нин. Верма ящик да мешөктө петкөдлыны. Ог торья мудз и.

– На босьт, мися,– Өнөпрей Гриш мырдөн сорөн сүйис сьөмсө Петялы зептас.– Этша эськө да, но да мөдысь кезлө унджык чөжа. Регьид ва воссяс. Чери кыйны кута. Колөкө, төньяс кутшөм сьөкыд лоө. Со тэныд и сьөм.

Петя тай эз жө бөр кыскы зепсьыс сьөмсө-а. Но кывнас век на пыкис:

– Оз ков, батьө. Мама мыйтакө мөдөдыштавлө. Сэссия стипендия на сетышглөны и.

– Эн шогсьы, пока ме ловья, мыйсюрөнад отсышта,– топөдыштіс писө Өнөпрей Гриш.– Регьид ва воссяс. Чери мөда кыйны. Волы сэки гортад. Сола чери лэчөдан. Свежөйсө тшөтш и. Век нин сёянтор. Тшыг кынөмөн эн ов.

– Но, ме муна сэссия,– бара өдзөслань воськовтіс Петя.

Өнөпрей Гриш бара мырдысьөн пуксьөдіс писө. Орччөн лабич вылө ачыс сатшкысис. Сьөлөмыслы волі любө, мый казяліс пиыслысь петөмсө да со корис, сьөм на вермис сетыштны и.

– Кыгчө тэрмасян? Пукышт. Эн на висьтав, кызди олан да?

– Мый висьтавнысө?– нурбыльтіс пиыс.– Ола, велөдча.

– Велөдчы, пиук, бура велөдчы. Мамтө эн жө вунөд. Тэнад сійө медся на шань.

– Ог, батьө, ог вунөд,– чеччис Петя, а Өнөпрей Гриш өні эз нин кут сійөс кольөдны.– Муна ме.

– Муньсь мортӧс кутны сьӧкыд,– мыйлакӧ тайӧс сӧмын шуыштіс жугыльмыштӧм батыс.– Ок эськӧ, пукалыштін на кӧ мекӧд. Варовытыштін...

Посводзын кутісны кывны кок шыяс. Ӗдзӧс воссис да пырис Ӗльӧксан. Та каднад пажнайтны сійӧ оз волывлы, а со рӧкыд вылӧ, буракӧ, кутшӧмкӧ мог суӧма. Сійӧ пырис, скӧрысь кодзнитліс синьяснас батысӧ да Петяӧс.

– Тайӧ нӧ кытысь татчӧ усис?– скӧрысь моз сӧмын и юалис.

Петя кӧсйис петны, но мӧдыс воча сувтіс, эз лӧдз. Весиг ӧд зырӧдыштіс.

– Менӧ со батыд чукӧстіс.

– Бать вылӧ менам тайӧ здукас претензия абу. А со тэ дінӧ эм. Нӧшта кӧ ӧтчыл Оляыскӧд синмасьӧмтӧ аддза, ныр-вомтӧ разя. Ӑн на вунӧд менсьым чорыд кабырьясӧс. Ӑн кӧ, то тӧдан, кутшӧм пув ваыд тюрӧбтас.

– Ме эськӧ ог да. Сійӧ ачыс,– полігтыр нурбыльтіс Петя да бара кӧсйис петны. Ӗльӧксан соскӧдыс ӧні кутіс.

– Дерт нин ачыс. Колан тэ сылы ӧна.

Ӑнӧпрей Гриш эз сӧсся вермы чӧла видзӧдны. Чеччис, нетшыштіс Ӗльӧксанлысь кисӧ Петя соскысь, скӧрысь видзӧдліс сы вылӧ. Мӧдыд эз бара дзѐб синьяссӧ. Кодзлалісны найӧ кутшӧмкӧ пытшкӧсса ыджыд лӧклунӧн. Код рӧдӧ бара мунӧма-а. Гриш абу татшӧм, Сандраыс тшӧтш жӧ дыр оз пузьыв.

– Но-но. Тырмас тьяны,– вештыштіс жыр пыпшлань сійӧ Ӗльӧксанӧс.– Тэ ыджыдджык, вежӧраджык нин. Ӑвсы.

– Но-о. Ассьыд курас-карастӧ дорйыны уськӧдчин,– сӧдзӧдіс пинь пырыс Ӗльӧксан.– Дорйы, дорйы. Гашкӧ, ӧна пӧрысьман да сы ордӧ на и овмӧдчан.

– Ӑн сӧр нинӧм абусӧ.

Та кості Петя уйкнитіс посводзӧ. Ӗльӧксан эз кут вӧтӧдны. Сӧмын керка тырнас бӧрсянныс горӧдіс:

– Менам тӧныд висьталӧма! Мед сӧсся ме дінӧ бӧрас некутшӧм претензия эз вӧв!

Батя-пия чӧв олісны. Дузгӧдчисны ӧта-мӧд вылас, Ӗльӧксан петаліс сарайӧ, мыйкӧ вель дыр сӧтысь корсис. Ӑнӧпрей Гриш пуксьыліс ботан кыны, но эз вермы. Рӧжыс некыдзи синьясас эз веськав, киясыс сырмыны кутісны да. Мыйсяма морт быдмис пийс? Быттьӧ эз жӧ татшӧмӧн быдтыны-а. Пыр зілісны бурӧ велӧдны, нинӧмӧн эз ӧддортны. Ни мамыс, ни ачыс. А со тай во-мӧд сайын дзик вежсис. Зӧв чорыд лои. Пыр видзӧдӧ паньд сувтны, мыйкӧ дойданаӧс шуны. Колӧкӧ, ичӧтсьяныс нин татшӧмӧн вӧлі, но эз сӧк петкӧдлы. Поліс на ньӧрьялӧмысь. Ӑні со письтіс. Оз нин пов. Он ӧд гачсӧ пӧрччы да ньӧрйӧн шлячӧд.

Бурлак зонто. Школа бѳрас совхозѳ пырис, стрѳитчыны. Велѳдчыны эськѳ Сандраыскѳд ѳна мѳдѳдїсны да, но эз сяммыны бертыштны. Кѳтъ нин трактористѳ велѳдчис. Век нин надейнѳй удж. Эз – и ставыс. Мед эськѳ стрѳитчас да. Сѳмын мед эз татшѳмѳн вѳв-а.

Ѳльѳксан бѳр пырис керкаѳ. Гур кыкис пачысь шыд чугун, чѳвтїс тасьтїѳ. Пуктїс сїѳѳ пызан помѳ, нянь шѳралїс да азыма босьтчїс изны-сѳйны. Кыв оз шу. Ѳнѳпрей Гришлѳн пытшкѳсыс дзикѳдз пузис. Пиѳс жѳ быдтїс! Со кызди дузьялѳ. Он кѳ паныд нинѳм шу, то вельмас дзикѳдз. Лючки та вѳсна и торкис чѳв-лѳньсѳ Ѳнѳпрей Гриш:

– И абу яндзим тадзисѳ. Петя вылас шуа каттысьны. Сїѳѳ ѳд тѳ дорын челядь на.

Ѳльѳксан ньылыштїс сѳянсѳ, бугжыльтчылїс син еджыднас батыс вылѳ.

– Мед, сїдзкѳ, челядькѳд и ворсѳ. А оз клубѳ юрсѳ суй,– шпыньмунїс мырдысьѳн моз сїѳѳ.

– Оляыскѳд ѳд сїѳѳ ѳти классын велѳдчылїс. Мыйла не синмасьны.

– Кыдз на ѳд синмасьны. Да и абу таын делѳыс. Ѳти кывїѳн кѳ, менам кѳ претензия чужис, то бурѳн он мын. И эн ѳна тѳ менѳ велѳд. Асьтѳ тѳд.

– Код рѳдѳ бара тѳ мунѳмыд-а?– ышловзис Ѳнѳпрей Гриш.

– Код рѳдѳ? Абу, дерт, тѳ рѳдѳ. Мам рѳдѳ кыскѳма.

Чужѳм вылас сїдз эськѳ и эм да. Дзик мамыс кодь. Гырыс черлыяса, топыд, вѳсни парьяса вома. И тушаыс кѳтъ латшкѳс, но бур тѳчаса. Мамыс тай турун нѳбтѳ сѳтшѳмѳс вѳлї мыш вылас пуктас, мый кыкигас бѳрсяныс ачыс оз тыдав. Сѳмын тажъялѳ-кыскѳ, шойччытѳг горт дорѳдзис ваяс. Ѳнѳпрей Гриш нѳбсѳ муртса лѳптыштны вермѳ, сѳтшѳм ыджыд.

– Гашкѳ, и сы рѳдѳ да,– чѳвтїс Ѳнѳпрей Гриш.– Сылѳн ѳд Мишѳ вокыс, кодї тай война вылад уси, поводнѳй бурлак жѳ вѳлї. Юсьылас да сиктса медся скѳр поньясыс сысы пос улѳ вѳлї дзебсьѳны.

– Вот-вот, на рѳдѳ и мунсьѳма,– шыдсѳ сѳйны помалїс Ѳльѳксан, вештыштїс няит тасьтїсѳ пызан шѳрѳ. Идралѳм мода абу сылѳн. Со тадзи сѳяс да ставсѳ сѳсся пызан шѳрас и кольѳ.– Сїдзкѳ, налы тѳ и висьтав ассьыд претензиятѳ.

Ѳнѳпрей Гриш эз кут водзѳ каттысьны. Оз кѳсїы гѳгѳрвоны пыис нинѳм да. Гашкѳ, гѳгѳрвоѳ да мѳдарѳ синѳ, прекѳ шуалѳ, мед дѳсадитны. Ѳнї сїѳѳ он нин велѳд. Крѳвать пасьталаыс на кор мортыд тѳрѳ куйлыны, сѳк колѳ велѳдны-а. Кор тай кузьтаыс нин оз кут тѳрны, быдмас да, ѳтша нин мыйѳкѳ

велодан. Та вöсна сöмын, мед не чöв овны, Öнöпрей Гриш ве-
жис сёрнисö:

– Тэ тай талун мыйкö водз? Пажнайтнысö, шуа, воин?

– Бöра-водз кежалі,– небзьыштöм гөлөсөн нин шуис Öльöк-
сан. Сэсся чеччис да, вель дыр кежлö сатшкыліс видзöдлассö
батыс вылö. Сингьясыс сьлөн мамыслөн кодь жö мугöмөсь, пы-
дын син кöтшасыс и. Но видзöдласыс дзик мöд. Кутшöмкö вывті
нин ёсь. Сатшкас, да он мын. Быттьö ныр пырыс видзöдчö. Öнö-
прей Гриш весиг мыжа морт моз куткыртчыштіс öнیا видзöдлас-
сьыс. Öльöксан нинöм сэсся эз шу. Чöла пасьтасис да петіс. Öнö-
прей Гриш вель дыр на пукаліс лабич вылын. Сьölöм вылас вöлі
деливö. Сэсся чеччис, пыркнитчис, быттьö шыбитіс ас вывсьыс
пыислысь видзöдлассö. Пажнайтыштны эськö кад нин да. Но
ötнас эз кут. Оз, гашкö, Сандраыс дыр ветлы. Локтас да ötла-
ын нин нурьясыны.

«Мыйла и воліс татшöм водзсö Öльöксаныс?– самасис да не-
кыз эз мын сьлөн юрысь тайö мөвпыс.– Петяыслысь пырöмсö,
колöкö, кысянькö казяліс. Мамыслы кö удтас? Оз эськö пинясь-
ны кут да, но дузгöдчыны дузгöдчас. Ас пиас новлöдлыны ку-
тас. Забеднö, дерт, сылы лöö».

Öнöпрей Гришлы бара талун некутшöм удж киас эз пыр.
Сідзи прöста олігмоз и ковмис лотны кадсö. Гöтыр локтöдзс.
Öшинь дорын весь пукалöмөн. Гöтыр пыддиыс пырис, мыйлакö,
Сава Сандра. Восьтіс öдзөссö да юаліс:

– Öтнад гортад?

– Öтнам,– весиг лабичас жмитчис да öдва пычиктіс Öнöпрей
Гриш.

– Ме эськö Сандрайдысь асывнас мунöмсö адззылі жö да.
Сэсся видзöда да Петя пыраліс. Тэ тай мыйлакö ötпölöснад
сійöс чукöстін. Сэсся Öльöксаныд воліс.

– Öшинь дорад али мый лунгыр пукалін?

– Кöсйим талун турунла ветлыны. Но тракторыс жугаліс.
Бөр косны ковмис. Со и лэдзисны гортын лунйыны. Öшинь
дорас сідз, шойччыштны пуксьылі. Мöслы турун пыртыштöм
бöрын.

Сава Сандра недыр сулыштіс на öдзös дорын. А сэсся мыйкö
кутіс корсьны плюш зепсьыс. Сэсся кыскис сэтысь сьöм да кисö
чургöдöмөн и матыстчис Гришлань.

– Петяös топöдлі, мыйла тэ корлін сійöс, да висьтасис, мый
сьöм сетöмыд. На, бөр босьт. Оз ков. Ачым на уджала.

– Мыйла оз ков?– Öнöпрей Гриш весиг чеччис.– Оз öд сөй-
ны кор, мед олас. Сет Петяыдлы.

– Оз ков и ставыс.

– Мыйла?

Сава Сандра чöv олыштіс. Сэсся нурбыльтіс:

– Ог көсйи, мед тэныд таысь сюри. Сандрайд видчыны ку-
тас, он кө дзоньнас кут удждонтö сетны.

Öнöпрей Гриш талун первойысь на нюмдіс. Йöйöсь жö ба-
баяс. Быттö оз вермыны мужикьясыд сьöмтö кольöдыштны ас-
лыныс, быттö көсьясны кө. А Сава Сандралы шуис:

– Оз увгы. Мый видчис, видчис нин. Ме нель удждонысь
неунаон кольöдышти. Неуна юышта вöлі, а локта да висьтала
сылы, мый уна сьöм видзи. Видас вöлі семдытöдзыс. Меным
веськодь. Дзебасö дзумга кольöдом могысь. Петялы вылö.

– Мукöддырийиыс ёна жö жаль тэ меным, Гриша. Мыйта укö-
райтöмсö ковмыліс кывзыны быдөнсянь. Сандрасяньид медся
нин уна. Помнитан, кызди Петялы öтчыд ичöt дырийиыс на кам-
пет кулёк сетлін. Казяліс Сандрайд да ёна и видіс тэнö. Миянöдз
кылö вöлі. Көсйи эськө петны да чужöмас шыбитны кулёксö. Да
тэ жаль лоин.

– Нинöм. Видöмыд нинöм,– вештіс сьöм тыра кисö Сава Сан-
дралысь Гриша.– А тайöс тэ босьт, мед Петя мыйкө ньöбас. Том
йöзыдлы öд пасьтасьны колö.

Сава Сандра мырдысьөн петитчыны кутіс:

– Ог, Гриша, ог.

Öнöпрей Гриш небыдика топöдіс сылысь кисö да эз лэдз сет-
ны сьöмсö. Тадзи вель дыр паныдөн сулалісны. Видзöдласьяс-
нас паныдасьны полісны. Быттö кыкнанныс тöдісны, мый па-
ныдасясны да письтас кыткө, ырзöмөн бөрлдзасны кыкнанныс.
Сьöлөмьясыс öні эськө гусьон кыкнанныслөн бөрдісны нин да.

Сötанаыс тöдö, кода кості удитöма кайны кильчöөд Миш
Сандра. Гын сапöгнад шыыд эз кыв. Посводзöд восьлалöмсö эз
жö кывны дай. Öдзöс тай кызд воссис, пырис Миш Сандра. Öдва
слöймис Сава Сандра, коді мышкөн вöлі öдзöслань сулалö,
нетшыштны Гриша кабырысь сьöм тыра кисö. Гöтырыс вель дыр
шемöс сулаліс восьтöм öдзöс дорын. Гриша гөрлөдіс, абу на
вунöма тайö добраыс. Сава Сандра, мөдарö, кельдöдыштіс дай.
Другөн суёмсьыс. Тадзи воча сулалөмсьыс.

– Со öд. Гортсыд он на удит петны, а тані гөсьтгяс нин,–
медбöрын аддзис жö шуанторсö Миш Сандра.– Сёрнитчöмаöсь
быттö.

Öнöпрей Гриш мыйлакö крута бергöдчис да öдйö вешийс
öшинь дорö, ывлаö видзöдөмөн босьтчис дорйысьны:

– Совла тай локтіс. Сандра, миян нö сов дозйыс көні?

Миш Сандра воськовтіс гөсьтя дорті да кутіс пөрчысьны:

– Но-о, сов дозтö нин эз кут тöдны, кöнi сулалö.

Сiйö бергöдчис паськöм тувьяслань да мыйлакö вель дыр кутiс пöрччыны пальтосö. Öнöпрей Гриш тыр синмөн видзöдiс Сава Сандра вылö. Синьяснас кевмысис, медым сiйö эз босыт да пышйы.

– Час, сетыштны лоö,– воськовтiс залавкалань Гриша.– Öнтай дзикöдз вунi, кытчö асывнас пуктылi. Дум вылö сöмын öнi уси.

Сiйö кыкис сов тuis, дзаж косялiс газет тор да дзöран киöн кисьтiс сы вылö. Лёк ногөн моз гартыштiс да мыччис Сава Сандралы.

– Тырмас?

– Тырмас, тырмас. Аттьö зэв ыджыда. А то дзик совтöм кольсöма. Дарьясö кежалi да некод гортас абу. Мунöмаöсь кытчöкö,– сизьдiс-дорйысис суседкаыс. Гриш радиыс ставсö жö эськö тайöс вöчис да. Мед зык эз лыб. А Миш Сандра пыр на сулалiс бөрөн, век на öшöдiс пальтосö. Сава Сандра тэрмасьтöг восьтiс öдзöссö да петiс.

Гöтырыс сöмын та бöрын пöрччис шоньд чышьянсö, ветлiс пачводз дорö, мыйкö клёнöдчыштiс. Öнöпрей Гриш шемöс пукалiс. Эз тöд, мый вöчны да шуны, быттьö томдырсяыс моз суисны сiйöс кутчысьлiгөн.

– Тэ нö пажнайтiн нин?– пачысь шыд чугун кыскöм бöрын гөлöс сетiс Миш Сандра.

– Эг на. Тэнö виччыси.

– Шыдыс татшöма пакталöма али мый? Чугуныс джынья да.

– Öльöксан волiс да сiйö нурьясис.

Миш Сандра чöвтiс тасьтiö руалысь шыд, вайис пызан вылö. Вöсньыдик пуртөн шöралiс нянь, гöбöч вылысь гöрд лук лэччöдiс да кышсьыс весалiс.

– Пуксы, сёй,– йötкыштiс верöсланьыс паньсö, сэсся чöv олыштöм бöрын век жö чепöльтiс кывьяснас.– Эг пö сёй, шуан, менö виччысин? Виччысян тай ёна, видзöда да. Сава Сандракöд.

– Дугды вай,– паньö кутчысис Öнöпрей Гриш.

– Дугда, дерт,– ырситöмөн паньыштiс Сандра. Пöсь шыдыс, буракö, сотiс вом пытшкöссö да скöрысь летйыштiс юрнас.– Йöй туйö менö видзанныд. Быттьö эска, мый сылөн гортас чепöль сов сэсся абу кольöма. Миянöдз быттьөн колö локны.

Öнöпрей Гриш век кос паня пукалiс, эз на дзумгыв сiйöс шыд тасьтiö. Сiдзи и бөр пуктiс пызан помö да вешйис лабич кузя исковтыштöмөн мöд öшинь дорöдз. Сэсянь нин дорйысьны кутчысис. Öнi сiйö дорйис эз сöмын асьсö, но и Сава Сандраöс медсясö. Мед сы вылö бара оз нин гöтырыс нинöм абусыс усълась.

– Гашкө, и эз вөв мортыслөн да. Оз вермы али мый татшөм-торйыс лоны? Вот бырас и ставыс. Солыд, мися. Миян тай мый-скөрө дзикөдз бырлывлө жө да. Он и төдлы.

– Сов эз на бырлыв. Ме тай ас нэмөн ог помнит-а,– броткөдчис водзө гөтырыс, а сэсся ярскөба содтис:– Но и мый, бырис кө сылөн солыс. Сэсся буретш миянө колө локны. Сиктыс тай вель паськыд.

– Китыр сов вөсна эн вай сэсся вомтө косявтөдз горзы!– скөрмис Онөпрей Гриш, век тай коть дорйысь, век дорын колян. Он кө ачид паньд горөдлы, то кокалас дзикөдз талун Сандраыс. Мөдыс тайө гөлөс лэптыштөмсьыс эз өвсы, а мөдарө на. Кыдз тай шыбитис паньсө шыд тасьтйө. Пызан дөраыс ойдис:

– Солыд абу жаль! Коть дзоньнас, туйснас сет! Но оз ков менө йөй туйө видзны!

– Коді нө тэнө йөй туйө видзө? Дивө тай! Сэсся мед некоднин миянө эз пырав.

Миш Сандра эз кут лэптыны шьд тасьтысь паньсө. Босьтис пызан ветьок да чышкис дөрасө. Нуис тасьтисө да бузнитис шьдсө порсь ведрө.

– Мый сылы, Сандраыслы, татысь корсьнысө? Дзик нинөм. Ме тай сы дорө кок помөн эг на тувчыв. Керка пытшкөсыс кутшөм, ог төд.

Гөтырыс босьтчис пасьтавны идрасян паськөм, паччөрысь лэччөдис дөмаса гын сапөг, сюйис кокьясас. Скөрйылысь весиг тэрыбмис. Кок юкалөмыс оз кыв нин. Чужйыштчөмөн воськовтө. Шков пөдлаліс өдзөссө, петіс сарайө, кутшөмкө удж аслыс корсьны.

Онөпрей Гриш өгнас бара горт шөрө коли. Аслас думьясөн. Пельөсын дэльөдчигмоз куйліс панөм ботаныс. Эштылас оз коркө сійөс кыөмыс татшөм оломнад-а? Вельшөрө пукавны верстьө мужик гортын он кут. Колө жө кутшөмкө удж корсьны, мед пытшсьыд став лөкыс разалас. Сійө босьтчис кеслыны нянь шөралан да картофель весалан пуртьяссө. Сэсся уськөдчис нырны порсьлы вылө пуөм картофель. Тадзи матө кык час аслыс удж корсяліс. Сөмын ботанас эз кутчысьлы. Төдіс, мый оз артмы кыөмыс татшөм юрнад. Миш Сандра век на жө ывла вылын. Код төдас, мый вөчө. Оз тай пыр-а. Лөксө жө уджнас көнкө разөдө. Медбөрын пырис жө. Гөрдөлыштөма уджсьыс, чышьян вылас турун сияс өшйөмаөсь. Лөньыштөма весиг мортгид. Дерт, ассьыс думьяс жө уджалігмозыс каттис. Көсийс гөгөрвоны, мыйла тадзи гартчөма налөн оломьыс. Коді таысь мыжаыс? Кыдзи разьны джаггөрөдсө? Он өд тай босьт да Сава Сандрасө ви. А ловья кө сійө, то тадзи пыр и лоас. Быть терпит. Нывбаба асьсө тайөн

и такöдiс. Ковмас нин тадзи овны. Сöмын мед водзö не паськöдны сьöлöм дойсö да майшасьöмсö. Мый кöть и Сава Сандраыс волiс? Мед эз кö совла. Мыйла вöли тадзисö сылы дöзмынысö? Öд нэм суседьяс, кызди нö дзик вольтöгöгыс. Мед кö ачыс эз на петавлы сы ордö. Тадзи такöдiс асьсö, и кутшöмакö кок-ньöдыштiс. Но ачыс первойöн верöсыскöд сёрни эз жö пан дай. Öнöпрей Гриш видзöдлас гöтыр вылас, мыйкö гусьöн моз ышловзяс. Кöсйылас мыйкö шуны, но кывсö, тыдалö, оз аддзы. Вомсö эськö весиг восьтылас, но виньдас кывнас ли мый – тяпкöдчан кольö. Тадзи пöшти час джын коли. Медбöрын верöсыс пуксис Сандракöд орччöн, весиг сывйыштны босьтчис пельпомöдыс веськыд кинас.

– Эн дур, – эз скöрысь вешты кисö гöтырыс.

– Ог жö дур, – збоймыштiс небыда шуöмсыс Öнöпрей Гриш да бара кутiс кисö. – Сандра, вай дугды вежöгтынытö. Кыкнаным со нитшсявны нин кутiм. Öд кымын во нин колис.

– Сiдз эськö да, – шемöс гöлöсөн вочавидзис мöдыс.

– Сiдзи, дерт. Мый лоис сэкнад, лöма. Он öд тай сэсся бергöд.

– Сьöлöмöй сэтшöм да, – весиг жмитчыштны видлiс верöс дорас Сандра. – Вежөрöй эськö ставсö гөгөрвоö, а со сьöлöмöй некызди оз.

Öдзöс дзурк воссис. Пырис Öльöксаныс. Тöдлытöг жö öни кайöма кильчö вывтiыс. Либö вывтi нин вöли вöйöмаöсь гозья асланыс майшасьöмö да эз кывлыны. Посводз джоджыс налөн топыд жö, кыз плакаясысь Гриша ачыс вöчлiс. Оз весиг дзуртышт. Öльöксан вашьялiс. Кызкö эз торья бура. Быгтьö скöрмöм вöv шпыньмунöма.

– Тiянлысь кутчысьöмнытö ме нэм эг аддзыв. Думайтi, мый он и кужöй. А со буретш суй, мися, кокьяс мыйлакö асьныс гортö нуöны.

Мамыс чепöсйöмөн чеччис, весиг горöдiс. Батыс зумыштчис, сьöлöмсö парскис. Аслас быдтасыс эськö да. Быдтор сылысь нинöмла казавны. Мöдарö на, аслад пиыдлөн гөгөрбок лючкиладнö батыдылы. Но Гриша бөрья кадас ёнджыка кутiс казавны Öльöксаныслысь кутшöмкö пытшкöсса лёклун, кöдзыдлун. Тайö ёна майшöдлiс сiйöс. Весиг сьöлöмыс кылiс кутшöмкö шог буретш писяныс. Но вежөрнас эз на куж öни гөгөрвоны, мый вермас вöчны лёксö гозьялы асланыс пиыс, пöрысьладор вердысьыс.

– Ми сiдз варовитiм, – пачысь шыд чугун кыскигмоз мыйлакö босьтчис дорйысьны мамыс. – Сёян кö, чöвта шыдсö? Пачыс абу на кöдзалöма, пöсь сёяныс.

– Чөвт, кынём гурьялө,– пызан сайё пуксис Ольёксан да водзё кыв песны кутис.– Тэ, мам, дзик том ныв моз о́йин.

– Вёвлі коркө и томөн. Эг татшөмөн чуж,– сёян вайигмос шуис Миш Сандра.

– А выныд, мам, тэнад кольёма на,– быттё пычиктөмөн серөктис Ольёксан.– Талун кодкөд ог паныдась, сійө и висьталө, кызди тэ Сава Сандраос карнанөн куделитөмьд.

– Коді висьталіс?– зумыша пуксис лабичө мамыс.

– Ставыс нин, мися, төдөны. Татшөмторйыд тай өдйө паськалө.

– Тэ омөльджыка кывзы дай. Йёзыслысь, шуа,– гөлөс сетіс и Онөпрей Гриш. Аслыс бара лои деливө. Кызди сэсся йёз дінас петан? Кутасны кыв песны. Син саяд шпынняявны. И өд ставсыс ачыс мыжаыс? Эз кө сійө том дырйиыс дурлы, то йёз серам туйө эськө эз өні воны.

– Кыз нө, бать, он кывзы. Меным өд зэв любө, кор кыла, кызди бать вөсна кык нывбаба нэм чөжыс пурсьөны. Некодз тэнө юкны оз вермыны. Меным кө эськө тэ моз во-мөд олыштны. Дивъя тадзитө. А меным со өтиыс некодзи оз чукты. Кытысь нин кык бабасө адзыны да.

Миш Сандра скөрысь видзөдліс пи вылас. Мөдыс весиг йөжгылтчыліс первойсө таысь. Мамсыс сійө бать дорсыс ёнджыка мыйлакө полис. Гашкө, эз полөм тайө вөв, а мыйкө мөдтор.

– Ланьт, Ольёксан! Тэныд миянөдз мед некутшөм делө эз вөв. Адзысьсөма кыв песысь.

– Кодлы нө делөыс, абу кө меным,– бөр збоймыштіс шыд панялысь пиыс.– Молодеч, мам, и водзө карнаннад косясь. Эн сетчы. Он жө кут татшөм мужикөс кутшөмкө Сава Сандралы сетны. Да өд, батьө? Тэ кодсьө сэсся кытысь аддзан.

Өні нин Онөпрей Гриш дзикөдз пузис. Другөн письтіс став чукөрмөм лёкыс.

– Тупкы вомтө, сё мокасьт! Зырымбедь на мамтө укөрайтны! Ассыд олөмтө первой бур ногөн олышт, а сэсся и йөзсө велөдны кутчысь!

– Со, со,– дэльөдчыны лёкысла босьтчис пиыс.– Видзөдлы, мам, кутшөм батыным. Йөрш кодь. Татшөм удал зон вөснаыд нө кызди он пурсы. Видзөдлы, кутшөм.

– Дугды, колөкө, Ольёксан!– юрас кутчысис Миш Сандра.– Эн грекө вөйт миянос.

Онөпрей Гриш казяліс гөтырыслысь татшөм майшасьөмсө. Этшсө воштис. Лёкысь нетшыштис Ольёксан кисыс паньсө, босьтіс пельпомөдыс да кыз тай тракнитис. Мөдыс оз төд, мый

и вöчны. Ки лэптыны öд бать вылö он кут. Öнöпрей Гриш нетшыштис писö лабичысь.

– Весась син водзысь. Пет да ыркöдчышт. Сё мокасьт! Видзöд, мамтö мый выйöдз вайöдин!

– Эг ме, а тэ, – юрас шапка пуктигмоз сöздöдис пиыс. – Тэ ставсыс мыжа! Тэ! Тэ вöсна и ме öни татшöм! Олöмнымöс ставнымлысь гудыртин!

– Тэтöг тöда!

Öльöксан петис, но регыд мысти бөр юрсö суйлис керкаö.

– Нинöм! Вынтö öни позьö на петкöдлыны. Воас и менам кад! Ставсыс водзöс мынта! Кылан?! Дзик ставсыс! Водзöса делö прöст!

Гозья шемöс пукалан колисны. Öнöпрей Гриш эз тöд, кытчö воштысьны. Мый вöчны? Сандраыс со кельдöдис дзикöдз. Аслашуйга бокыс ёнтыны жö кутис и. Сё мокасьт, олöм! Мыйöн бара сийö помасяс-а?



А олöм мунис водзö, корсюрö овлис, мый и шывгис, крукасьлис быдсяма пöлöс лöмторьясö. Но тулыс бөрся век мыччысьлис гожöм. Сийöс тöдлытöг сүдлис ар. Сы бөрся нырсö суйлис тöv. Ставыс вöвли, мый шуöма лоны ловья ловьяслы. Ставыс жö вöли и йöз олöмын. Чужьясигтыр, корсюрö лöня мунис лун бөрся лун, во бөрся во. Вежсис и сикт. Асфальтöн сылысь туйсö эжисны. Оз нин гожöмнас öшиньяс пыр бус ло. Но таысь сиктса войтырлөн олöмыс эз торья вежсыс. Кодсюрö жалитисны на важ кадсö, кор буса туйяс вöлины. Öни пö асфальтыс оз сэтшöма синтö гажöд. Сиктыслөн пö аслыспöлöслуныс вошö. Сылөн чужöмбаныс вежсис дзикöдз, карса нога лои. Но сөрöм тайö. Эз жö налы эськö вöv окота арся кадö джуджыд гөленя сапөгөн туй шөрöдыд келавны да. Асфальтнад бурджык на, дерт. А карса нога олöмыс збыльысь нырсö суйис сиктö. Ог нин кутöй баитны сы йылысь, мый мöс баксöмыс асывьяснас оз кыв. Либö жö сиктса уджалысь служакьяс моз лун шöрын сöмын мувидз вылад ноксыны кутис. Мортыс медясö вежсис да сийö-а. Бурланьö кө, мед нин, а öд лёкланьö. Пöрысь войтырлы тайö медся ёна синмад сатшö, сьöдöмтö парскö.

Кызь во лэбыштіс бөрö. Öнöпрей Гриш гозья дзикöдз рушмисны. Керкаыс пöлынтьчыны босьтчылис да Öльöксаныскöд пöтшвасö вежлісны, бара во кызьтö стоквидзас. А мортыдлысь пöтшватö бара он веж! Воястö он сувтöд да киад чабыртöмөн кут. Мунöны тай найö, лэбöны!

Ольоксан важон нин готрасис. Сикт шорланьо керка кыподис. Сэни о́ни и семьяыскөд оло. Петя тшөтш жө техникум бөрас гортас уджавны локтис. Вель дыр мамыскөд олис. Нывьяс дорө сибөдчыны сямьс абу вөлөма. Вель дыр бурлачитис. Первойсө клубө на вөли рытыысьны довгылас, а сэсса дугдис. Томджык улөв пөрысьтыны, буракө, кутисны да. Колөкө, сідзи и пойгис гөтыртөг мамыскөд, но вөлөма на шудыс. Ветлис өтчид велөдчыны, сямлунсө содтыны да сюрөма пөлыс. Зэв ярскөб том нывбаба, синсьыс би петө. Сійө көнкө и гөтралис ас вылас. Татчө жө локтис. Стрөйтчисны жө, мамсьыс, Сава Сандраысь, бокрын олоны, быдтысьоны. Сава Сандралы кага видзыны сюрыштлі жө. Пыр тай вөли моньыс ваяс ныла-пиасө да пөчылыс йөткыштас. Ачыс оз и пырав, потшөс дорөдзыс челядьсө сөмын колльөдас. Абу, буракө, вирныс лөсялөма энъкаа-монялөн.

Мый нөшта и лои сиктын? Перестройкалөн гыс татчө эз торъя инмы. Колөкө, гы йылыс инмыштіс жө. Ольоксаныс асьсө демократөн нимтө-а. Ме пө демократ, став важсө вуж вийөныс берта. Дзик жө ыджыд батыс кодь. Сандралөн батыс сійө. Колхоз котыртлөма коркө сиктын. О́ни на чунясьоны. Ольоксан кодь демократьясыд. Сөмын гөлөсыс. Колө и оз, быдлаө суйсьө. О́нопрей Гришлы тай воас юөрыс сылөн кутшөмкө йөйталөм йылысь, да кильчө вылас көть оз петав, йөзсьыс яндзим. Миш Сандра эськө шуасьө жө пи вылас да. Тэ пө кывнад печласьөм дорсьыд бурджык мөс лөсьөд, а эн сельпоөс вид яй да йөв абутөмысь. Сельпо предыс пө өд абу мөс, мед тайө сөянсө сетны.

Мый сэсса и вежсис? Пөлинө, Көсьта Кимтө важон нин сельсөветса предө бөрийсны. Сэсса, буди, нинөм кө сэтшөмыс эз ло-а. Дерт, быд керкаө кө пырасны, то поэьө уна вежсьөм на лыддьөдлыны. Но мый могьсь? Мед олоны, кызди олоны. О́нопрей Гриш тай во-мөд нин некытчө эз петав да век на оло-а. Сідзсө, эськө, вермөдчө на кокъяснас. Но сьөлөмыс слабитлывлө. Во дас вит нин. Дзуртысь пуыд тай дыр сулалө, сідзи жө и О́нопрей Гриш. Нөрпалө, но таладор югыдінсө эновтны оз на көйы. Миш Сандракөд паччөр вылын пукалігөн өна на варовитлөны, кызди кутас гуавны, быттьө гөтырыс кө водзджык кулө. Мөдыс таысь ок өна дөзмылас. Көсья на пө тэнө гуалөм бөрын во-мөд өтнам красуйтчыштны. Дзикөдз нин пө мудзи тэысь, став олом бонзьөдін коркө да. Оз, дерт, лөгьсь шуав. Висьмылас Гриш да, ок на тэрыба пельшар дорө пыриктылас.

Гожөм талун ывла вылас нылалө. Шоный да авья. Керка пытшкас ыркыдджык, да О́нопрей Гриш гозья сэни куткыр-видзөны. Гожөмтө, майбыр, кокни вуджны. Көдздөдас да шогыс унджык. Пес пыртлыны сөмын нин сямныс гозьялөн. Пот-

кӱдлыны оз нин вермыны. Кыз бана черсӱ юрсыыс вылӱ лӱптыштны эбӱсыс абу-а. Кытысь нин пинӱв чуркаяс поткӱдны. Слабог, Ӗльӱксаныс век на пессӱ вӱчлис тӱвбыд кезлӱ. Таво тулыс со, мыйлакӱ, эз вай. Ачыс эз жӱ висьтась, юавны эз жӱ кутны дай. Дӱзмӱдӱмысь полисны. Зӱв асныра да. Гашкӱ, гожӱмнас ваяс на. Пестӱг бать-мамсӱ оз коль. А пес кӱ эм, и тӱвйыны на позьӱ. Мый сӱсся пӱрысыяслы и колӱ.

Пукалӱны гозья, кад лотӱны. Миш Сандра ӱшиньӱд кыйкьялӱ. Мунысь мортӱс кӱ аддзас, то саӱвтӱдзыс видзӱдласнас колльӱдас. Первой тӱдмалас мунысьсӱ, сӱсся воськовьяссӱ видзӱдӱ, ки шеньштӱмсӱ тшӱтш и. Вошас керка сайӱ мунысьыд, сы бӱрся мӱд нин локтӱ. Ветлысьыд век эм. Кӱть и гожӱм.

Ӗнӱпрей Гриш пызан сайӱ сатшкысьӱма. Кутш моз. Видзӱдӱ газет лист вылӱ, ӱчкиасьӱма да мыйкӱ лыдлӱ вомсӱ вӱрӱдигтырйи. Плешсӱ кӱрлас весигтӱ, мыйкӱ оз кажитчы да. Сӱсся сьӱкыда ышловзис да пуксьӱм чӱв-лӱньсӱ торкис гора гӱлӱснас. Сийӱ сьӱкыд пеля лоис. И кутис ыджыд гӱлӱсӱн сӱрнитны. Чайтӱ, мый ставныс сы кодьӱс: он кӱ гӱлӱстӱ кыпӱд, нинӱм оз кывны. Миш Сандра сюсь пеля на. Та вӱсна друг горӱдӱмсыыс весиг ӱшинь дорысь песовтчыштис.

– Сандра! Мый нӱ тайӱ олӱмас вӱчсьӱ!

– Кымынысь шулӱ, эн мися, татшӱма горзы. Йӱймӱдан коркӱ менӱ.

– Мый, мися, олӱмас вӱчсьӱ?!– ассыыс долис верӱсыс.– Лыддян газеттӱ да ловгӱныд сувтлӱ.

– Сӱсся некытӱ оз?– видлис шмонитны Сандра.

Мӱдыс татшӱм негораа шуӱмтӱ оз нин кыв. Висьтав кӱть быдтор, шмонит сы вылын. Сӱмын видзӱдны кутас да нюмьялан кӱ, то ачыс на вашьявны гӱгӱрвотӱгыд босьтчас.

– Лыддян, мися, газеттӱ да ловгӱныд сувтлӱ,– ассыыс водзӱ нырис Гриш.– Мый сӱмын таладор паськыдинас оз вӱчсьы! Со кодьяскӱ ӱта-мӱдсӱ лыйлӱны. Быдсяма пӱлӱс висьӱмыс йӱзыслы шашаритчӱма. А озырьяс йывсыыс кызд гижӱны! Ошкӱны быд ногыс. Оз тай кулачитӱмысь повны.

– Суседьяс пӱвстад мукӱддырйиыс быдторйыс овлӱ-а. Уна йӱз пиад, дерт, нин,– пысасис жӱ верӱсылӱн сӱрнийӱ Миш Сандра.– Унаысь нинӱм абусыыс пиньясьӱны.

Ӗнӱпрей Гриш бара ӱчкиасис, мыйкӱ корсис газетсыыс. Миш Сандра водзӱ ассыыс уджсӱ нуӱдис – ӱшиньӱд кыйкьялис.

– Со кодӱскӱ кузь киясьӱмысь дзескыдинӱ йӱртӱмаось!– бокӱ газетсӱ шлапкис-пуктис Ӗнӱпрей Гриш.

Пӱгиб пӱрысьыдкӱд. Висьтав кӱть эн. Бара лӱкысь горӱдӱмсыыс коркӱ Миш Сандраӱс немортӱдз вайӱдас. Восьӱпӱртас.

– Ме тай нэм олі да ас пайысь нинөм юасьтөг эг вөрзьөдлы!– юрالیс керка пыпшкын Гришлөн гөлөсыс.– Сідзи и колө татшөмь-ясыдлы! Мед тюрьма пельөс сісьтыштасны.

Отитор сёрнитыштөма нин. Пока адзан мөдтор йылысь сёрнитан сюрөссө, вель дыр кад кольө. Та дыра өтлаын олігөн став йывсыс нин лои варовитөма. Гозья чөв олісны. Верөсыс быгалөм синьяснас видзөдіс джоджө, быгтьө увьяссө лыддис. Сандралы ывла вылад видзөдчыны дышөдіс жө, пачводз дорө чушиктіс. Сэні налөн чайникыс. Луннас, гашкө, сёсыс чуткыласны. Пөсь ва дуньгоны да олоны. Ёна уна сёян жар дырйиыд оз пыр. Кутөд вылас тяпкөдчыштасны асыв-рытсө, и тырмас. Сьөкыд удж оз бертны, эбөс воштытөгьд тайө сёяныс кокьяссө кө новлөдлө и. Челядь моз чөскыдтор эськө кыйөдоны. Но кытысь! Лавкаын кө абу.

– Сандра!– воштис, тыдалө, гөтырсө Өнөпрей Гриш.

– Мый нө бара лоин?

– Кылан, Сандра, кымын көпейка нө водзті вөлі обрат литраыс сулалө? Он помнит?

– Обрат? Мый нө обратыс друг дум вылад воис. Выжив ру нин кватлалө али мый?

– Ачыд выживыс,– өдйө пузис Гриш.– Сідз, дум вылө воис. Сө мокасьт тай! Пыр өд и крукасяс.

– Мыйкө тай друг юалін-а. Кылөм ни төдөм! Важ ногыс али бара-й выль ногыс?

– Вильнас, дерт.

– Өнітө ог төд. Ёна содөмөн ставсө висьталөны да,– пачводз дорсянь сёрнитіс гөтырыс.

– Өніятө нө ми петавтөгьс кытысь төдам. Важөнсө, шуа, кор тай ми порсыдлы ньөблам вөлі.

Миш Сандра ланьтыштис, көсйис, тыдалө, төд вылас уськөдны. Төрыгтьясө омөля помнитан-а, кытысь нин сэксясө. Но век жө шуис:

– Куим көпейка вөлі сэкнад сулалө.

Өні нин Өнөпрей Гриш ёнакодь думыштчис. Сійө өд обратыдла ветлывліс жө. Мыйкө катлөдлыны юрсө кутіс, тяпкөдчыштис парьяснас да юөртис:

– Мед эз куим көпейка вөв! Нель вөлі сэкинад! Нель! Кылан? Нель көпейкаөвн вөлі литрасө маслөзаводысь ньөблам.

Сійө долыдмис. Выживөн ыдждөдлө гөтырыс, а со тай помнитө на, кымын көпейка вөлі сулалө обратыс. Сідзкө, ёсь на вежөрыс сьлөн. Миш Сандра видзөдліс сьлөн кыпыд чужөм вылө. Весиг өд вирадзык лоөма верөсыс. Уна и колө мортыдлы. Но венны асьсө оз на лэдз. Сійө өд бур юра на жө. Өдйө тай вомалис:

– Нэль дорысь өд донтөмджык жö вöли. Куим көпейка су-
лаліс.

– Нэль вöли,– збоймыштіс Öнөпрей Гриш да водзлань чургөдіс
косьмөм морөссө, быттьö дорйысьны лöсьöдчис.

– Мед эз нэль,– нерсьыны босьтчис Сандра. Сылы мый.
Сöмын на öни кык тшай стöкан гулькнитіс. Позьö и тшöкөлды-
вайтыштны.– Куим вöли да. Дзик тай, Гриша, вошласьны мөдін!

– Ачыл вошласян,– збоя на зілис кыпөдчыны Öнөпрей Гриш,
но эз нин öдйöсö вермы. Кияснас ковмис отсыштны лабичсьыс
пукаланінсö торйөдны.– Нэмсö нэль көпейка вöли. Ог өд вер-
мы чечынысö. А то эськө нинөм абусö тöдтöтыд шуөмсьыд пе-
ляд шашаритчылі жö да.

Кузяөн сійö чеччис жö, коксö кыскигтыр матыстчис
гöтырыслань. Мөдыс сылысь воөмсö эз кут виччысьны, тірликтіс
өдзöслань матөджык. Дзик тай Гришыс йөймис. Он вермы öни
бурөднысö. Но сы дор сувтны эз жö көсйы. Öдзöсөд петігөн
бергөдчыліс да эльтыштіс на весиг:

– Куим жö, куим!

– Лысьтлы сöмын керка помö пырны, кывтö орöда!– тшай
кысьтігмоз горзіс Öнөпрей Гриш.

– Дзикөдз тай выжывмин,– юрсö керкаö сюйліс Миш Сандра.

– Выжывман өд тэкөд. Он төд да вензян,– көсийс матыстчы-
ны өдзöслань, но мөдыс öдйö пөдлаліс.– Со өд ёмаыл. Оз төд,
а ассьыс дольö.

Сійö бөр локтіс пачводз дорö да сьөлөмсяньыс босьтчис горш
веськөдны. Нинөм абусьыс жö эськө зыксö паніс да. Но оз жö
ков сэсса гöтырыслы век прекö шуны. Быттьö оз төд, мыйта су-
лалö вöли обратыс. Вензьö сәні.

Öдзöсö тотшкөдчисны.

– Пыр, эн дур сәні!– горөдіс өдзöслань видзөдөмөн Öнөпрей
Гриш.– Нöшта өд тотшкөдчö! Челядясьö сәні!

Öдзөс воссис да пырис некор прамöя волывльгөм гөсьт –
Косьта Ким. Бөрсяньыс видзөдчис Миш Сандра. Неуна пов-
зыштөмкодь чужөма весигтö. Öнөпрей Гриш сырмунліс жö
пытшкөснас. Сельсөветса юралысьсөс мыйлакө мог суөма на дінö
локны. Некор эз волывлы да. Эз өд, көнкө, олөм-вйлөм йылысь
юасьны лок. Кутшөмкө мөд могөн жö кө-а. А кутшөмөн? Бурөн
али лөкөн?

Косьта Кимлы воясыд мөрччөмаөсь жö нин. Абу важ кодыс
косньөд, ёнмөма, гөгрөсмөма. Чужөмыс чуқырьясөн тыр, көть
эськө тшөкаясыс вель шыльыдөсь. Синьяссö мыйкө дзебö.
Сідзкө, абу бур могөн кежөма на ордö. Косьта Ким пырис, эз

пуксы пызан дорё, а бокөджык. Дженъид соска дөрөма, киас сумкатор йигрөдлө, ыджид томаньяса сійө, кодөс тай том йөз дипломатөн ыджөдлөны. Миш Сандра өдзөс дорё коли. Полө пырнысө век на Гришысь, либө жө Көсьта Кимлөн друг пырөмыс повзёдөма. Гашкө, петалис да сійө и чукөстис сельсөветса предсө. Керка дортис мунө вөлі да. Норасис, көнкө, мый верөсыс дурмөма. Тайө мөвпнас өні зилис кутчысыны Öнөпрей Гриш. Мед эськө сідзи жө вөлі. Сөмын мед мөд мөгөн эз лок-а. Кызкө-мыйкө дорйыяс. Шуас, мый дурыштисны. Көсьта Ким сюся видзөдіс вежсьыштөм чужөма көзяин вылө. Буракө, эз төд, кызди босьтчыны сёрниса. Медбөрын, мырдысьөн моз быттьө нюммунөмөн, гөлөс сетис:

– Мый нө Гриш дядыс скөралө?! Сандра тьöt со лэчкыс мынөм сьөла моз жө меным паныд петис и!

«Сідзкө, Сандраыс и чукөстөма. Петөм бөрас казялөма да», – вирдыштис Öнөпрей Гриш юрын. А горасө шуис:

– Шойччы-шонтысь, Ким Константинович. Ывлаыс эськө абу көдзыд да. Мөдарө, пөжө. Сідзкө, шойччы да ыркөдчы. А эсійө сө мокасьтлөн мед кокыс керка пытшкын эз вөв!

– Мый нө лоиннды?! – төдө, мый көзяиныс өмөля кылө да го-раа юалис Көсьта Ким.

Сандра век жө пырис. Төдө, мый гөсьт дырйи верөсыс өдйө сайкалас. Но пуксис сельсөветса юралысь дорө матөджык. Сэсса сылы жө и босьтчис висьтасыны:

– Эн дивит, Ким Константинович. Миянлы, пөрысьясыдлы, сөмын тадзи, гашкө, и нэм помтө каттыны ковмас. Луныд кузь. Ставсө нин сёрнитөма. Со тай Гришалы юрас воөма, мыйта пө литра обратыс водзти вөлі сулалө. Со и венө воим. Тэ нө кутшөм мөгөн пырин?

Öнөпрей Гриш эз кыв гөтырыслысь негораа шуалөмсө. Сюся жө эськө вом вылас видзөдіс, но эз ставсө гөгөрво. Норасис, буди, сы вылө вель ёна. Он кө дорйысь, асьтө неуна дивитышт, то чиршөдлас, колөкө, Кимыд. Пөрысь-нэмө сельсөветө корас.

– Пөрысь нин өд ме! Пузя нинөм абусыс. Пөрысьлөн да пө челядлөн вежөрыс өткодь! Сөмын өтиясыс вочасөн пыр сюсь-масны! А ми вежөрнаным пыр чусам!

Сійө висьгалікостыс видзөдлас то гөтыр вылас, то Көсьта Ким вылө. Сандраыс мед эськө оз дурмөдчы да нөшта нинөм абусө содтав. Кимыс со кутшөм сюся гөтырсө кывзис, а сылөн сёрнитігкості син водзас жугыльтчис. Мыйкө мурталө. Гашкө, думайтө, кызд мыждыны сійөс гөтыр вылас усьласьөмысь.

– Сідзи, Öнөпреевич, сідзи! – сөгласа гогийөдліс юрнас гөсьт. – Кыз-мый тэ, Гриш дядь, олан-вылан?

Тайо юаломсыыс кӧзьяинӧс йирмӧг сывйыштӧс. Локтӧс кӧ Сандраыслӧн чукӧстӧм серти, то эз эськӧ тайӧс юав. Сэсся и кабаласӧ эз кыскы, медым кыкнанныслысь висьталӧмсӧ пасьявны. Сӧдзкӧ, дзик мӧд могӧн воӧма. Сандраыскӧд надурнӧ вылӧ нин пышйигас паныдасьӧма. Та вӧсна тӧралан гӧлӧсӧн юалис:

– Кутшӧм мог нин миянӧ суис?!

Кӧсьта Ким эз вочавидз. Пуктӧс пидзӧс вылас дипломатсӧ да вӧсьтӧс сийӧс. Кыскис кутшӧмкӧ кабалатор. Миш Сандра да Ӧнӧпрей Гриш син лапниттӧг видзӧдӧсны бумага вылас.

– Мыйыськӧ эг мынтысьӧй али мый?– юалис Сандра.

– Кутшӧм гижӧд нӧ тайӧ?!– тӧралан гӧлӧсӧн ӧтведайтчис и кӧзьяин.– Мый нин сэтшӧмыс лоис?!

– Лоис тай. Но первой висьтыштӧй, кыз оланныд?

– Ачыл тай адззылӧн миянлысь олӧмсӧ. Зэв гажаа,– сельсӧветса пред дорӧ матӧджык пуксис Миш Сандра.

Ӧнӧпрей Гриш тшӧтш жӧ матыстчис:

– Мый нӧ сэтчӧ гижӧма?! Кимӧ-ӧ!

Кӧсьта Ким куснялис кабаласӧ, но дипломатас бӧр эз дзумы, киас кутӧс.

– Та йылысь бӧрынджык. Кыз ни Гриша дядьлӧн здоровьыс?– юасис сийӧ кӧзьяйкалы кывмӧн.

Мӧдыс жалитӧмпырысь видзӧдӧлис верӧс вылас.

– Кутшӧм нин дзоньвидзалун. Война вылас кынмылӧмыс тай мӧрччис ӧнӧ. Письтӧс. Кокыс омӧля нин новлӧдлӧ. Сьӧлӧм бытшкӧм вылӧ тшӧкыда норасьлӧ дай. Лекарство вылын и кутчысьӧ.

Ӧнӧпрей Гриш гӧгӧрвоис пӧрысьлысь висьтасьӧмсӧ. Вом сертыс медясӧ. Та вӧсна и суйсис зэв ӧдйӧ сӧрнийӧ:

– Эн жӧ сэтшӧма, сӧ мокасьт, омӧльт. Джоджсӧ вуджны верма на. Асмогасьны ачым на жӧ петала и.

– Сы вылӧ тай удачаыл и коли...– водзӧ жалитыштӧс верӧссӧ Миш Сандра.– Мый нӧ, Кимӧ, кабалаас гижӧма? Кодкӧ норасис миян вылӧ али мый?

Кӧсьта Ким ышловзис, бӧр веськӧдӧлис куснявлӧм бумагасӧ. Бара ышловзис. Буракӧ, абу нимкодъ юӧрӧн пырӧма пӧрысь гозья дорӧ. Но ӧд сэсся, локтӧс кӧ, век кӧть ышлолав. Быть ковмас висьтавнысӧ. Сийӧ гозьяысь синсӧ дзевбӧмӧн кыкнанныслы кывмӧн висьталӧс:

– Но, локтӧ да ог кут кыскыны. Висьтала могӧс. Ӧльӧксаныд со сельсӧветӧ шыӧдчӧм гижӧма.

Миш Сандра первой видзӧдӧлис верӧс вылас. Сэсся Кӧсьта Ким вылӧ видзӧдлассӧ сатшкис. Ӧнӧпрей Гриш немӧймис, ӧдйӧкодъ пуксис лабичӧ да тшӧтш жӧ босьтчис дзоргыны могӧн воӧм гӧсть вылӧ.

– Мыйся шыёдчөм? Гётырыскөд, чурки-будиөн, оз вөлі лёка овны да,– кежыштис весиг Косьта Ким дорысь пөч. Сійө некызд эз гөгөрво, кутшөм шог юөрөн локтис предыс. Мыйкө ачыс прамой ногөн оз жө висьтав-а. Горшас тальчөмөн юасьны абу жө лөсьыд. Да и полыштө. Юалан мырдысьөн да кызд друг крап-кас-шуас Олюксаныслөн гётырыскөд олөм йылысь сэтшөмтор, мый пласьт усян. А Косьта Ким со бара чөв уси. Быттьө век на думайтө, арталө, висьтавны абу.

– Мөдтор кузя шыёдчөмыс. Но локтi кө нин, мый кытшлав-нысө,– кабала вылө бара видзөдлiс гөсьт да вөляысь шуис.– Корө со, мед Гриш дядьос мөдөдасны индомө.

– Мый?!– чөпөсйис Миш Сандра вомысь, а ачыс зэв өдийө видзөдлiс верөс вылас. Матын сийө пукалө да, тыдалө, кывлө-ма. Со тай еджөдiс кызди. Весиг чеччыны көсийис, но бөр шлаг-кысис-пуксис.

Сандра чеччис, мыйкө зия кутiс корсьны быттьө, ветлөдлө джодж шөрөд. Сэсся ыджыд чуман тыр лекарство пачводз дорысь вайис. Верөс вылас видзөдө, думайтө, кутшөмөс удитны вомас сюйны сылы. Некод кыв ни джын оз шу. Чөв-лөньсө тор-кис Косьта Ким:

– Корө со тай.

– Эз жө өд садь юра вөв!– бөрья лачаас самасис Миш Сандра.– Кабаласө вайигас, мися, кок йылас сулалө на жө вөлі?

– Дзик садь,– чөвтiс Косьта Ким.– Ме первойсө гажа юраөн жө чайтi, кор зургис кабаласө да лыдди. Видзөда да садь. Сөмын синьясыс кутшөмкө көдзидөсь. Быттьө вины кодөскө видзөдчө.

– Вины и көсийө батьсө,– Миш Сандра бара чеччис, ветлiс шкаф дорө, кысис ассьыс лыддысян өчкисө.– Ноко, вайлы, ас синмөн видзөдла.

Сийө босьтiс гижөдторсө, өчкисө пысалiс. Онөпрей Гриш пукалiс вөрзьевтөг, быттьө кынмис лабич вылас. Косьта Ким син пөвнас видзөдавлис сы вылө, медым удитны кутны. Быттьө джоджас кө кутас пөрны. Татшөм юөрсыйд дзоньвидза мортыс пласьт усьө, а мый нин пөрысь да висьысь йылысь сёрнитны. Көзяин весиг эз видзөд, кызди вель дыр лыддьө гётырыс кабаласө. Сылы быттьө ставыс веськодь лоөма. Сөмын льбыйис тiралө да син аканьыс быттьө нөшта ёнджика быгалiс.

– Збыль тай!– шлагнитiс бокьясас Миш Сандра. Кабалаыс мынiс кысыс, да эз и копыртчыв лэптынысө. Сийөс сэсся Косьта Ким кыпөдiс да киас йигрөдлыны кутiс.

– Ме эськө топөдлi жө сийөс да. Мый, мися, дуран. А сийө ассьыс дольө: вайи пө шыёдчөм, бать дiнө претензия эм. Мөдөдөй и ставыс.

– Кор нӧ мӧдӧдчынысӧ?– друг гӧлӧс сетис пыр на ӧти мес-
таӧ дзоргысь Ӧнӧпрей Гриш.

Юалис сийӧ быттьӧ веськодпырысь. Быттьӧ мортыс нэмсӧ нин
виччысьӧма тайӧ юӧрсӧ. Пыр полӧма. А ӧнӧ, кор воӧма кадыс,
то ставыс другӧн веськодъ лоӧма. Полӧмыс сылӧма.

– Тэ нин кӧть эн йӧйтав,– матыстчис сы динӧ Миш Сандра,
лекарство чумансӧ бара киняулас топӧдӧмӧн.– Тэ нин кӧть эн
йӧйтав. Кытчӧ мӧдӧдчан?

– Быть ӧд мӧдӧдчы. Пестӧ со эз нин вай. Тӧлыд шабур кодъ
кузь,– кын гӧлӧсӧн шуалис Ӧнӧпрей Гриш да жугыля чӧвтліс
видзӧдлассӧ гӧтыр вылас. Сэсся мыжа морт моз видзӧдліс Кӧсьта
Ким вылӧ. Со пӧ бара маета вайи тэныд. Виль нок кӧвьялі.
Мӧдыс сылысь тайӧ видзӧдлассӧ гӧгӧрвоис ас ногыс да гораа
заводитис виставны ӧнтай юрас воӧм мӧвпяссӧ:

– Пестӧ эськӧ сельсӧвет отсалас вӧчны. Челядь поткӧдлас-
ны. Олӧй, он кынмӧй. Ковмас кӧ, и мукӧдторйӧн на отсалам.
Йӧзыс тшӧтш и. Ломтынысӧ найӧ жӧ кутасны?– юалис нисьӧ
прӧста сідз шуис кӧзьяин.

– Ме на ӧд вермӧдча. Дась пестӧ пырта на.– Ловзыштис
Миш Сандра. Весиг лекарство чумансӧ энӧвтис, пызан вылӧ пуктис.

Ӧнӧпрей Гриш скӧрмис таысь. Весиг ӧд мортыдлӧн чуқыръ-
ясыс шылялыштисны. Збылысь быттьӧ нэм чӧжыс тайӧ здуксӧ
виччысьӧма да думнас дасьтысьӧма. Кос кабырнас тай кыз
сӧтшнитас пызан пӧвийӧ. Сэни сулалысь стӧканьяс нимкодя
йӧктыштисны, ворсӧдчыштисны зельӧдчигтыр.

– А яндзимтӧ кытчӧ саймовтан? Юрид усьӧ. Ловья дырйи
на кӧ кутасны йӧз отсавны. Ме, бурджык, индомад и муна. Мед
тайӧс ас синмӧн ог адзыв. Ӧнӧ жӧ пасьтасы и мӧдӧдча. Ким,
мый колӧ сьӧрысь босьтны?

– Некытчӧ он мун,– чорыда шуис Кӧсьта Ким да скӧрысь жӧ
шлапкис кисӧ пидзӧс вылас.– Кыдзи ме тӧда – абу сэтшӧм за-
коныс, медым ловья челядь дырйи кодӧскӧ индомӧ нуисны. Абу.
Оз босьтны татшӧмьястӧ сэтчӧ.

Сийӧ весиг чеччис, воськовтис стенлань, кытчӧ вӧлі ӧшӧдӧма
карточкаяс. Сэни и Сандралӧн да Гришлӧн бать-мамныс, асьныс
том дырйиыс, кӧзьяиныс война воясӧ, Ӧльӧксан накӧд ичӧт
дырйиыс... Ким вель дыр видзӧдіс буретш ичӧтдырся пи вылас,
кӧсийс гӧгӧрвоны.

– Со ӧд, олім, олім и кытчӧдз воим,– гораа нюрччис Миш
Сандра, кодӧ эз тӧд, кытчӧ асьсӧ инавны. То лабич помӧ пук-
сылас, то улӧс вылӧ, то лекарство чумансӧ топӧдӧмӧн джодждӧ
ветлӧдлыштас. Ӧнӧпрей Гриш пызан пӧвсӧ малаліс, быттьӧ
шыльӧдіс меліа.

– Менö нö тшöтш жö ыстыны көсйö?– сöмын öнi юрас воис да юалис Миш Сандра. Аслас льöбйыс тiравны босьтчис. Син водзас весиг пачыс сьöдöдыштiс.

– Тэнö оз. Ас дiнö пö мамöс босьта. Сы дорö пö менам некүтшöм претензия абу,– вочавидзис Кöсьта Ким карточкаяс дорьыс вешйигмоз.

Öнöпрей Гриш кыпöдчис да чушиктiс Кöсьта Ким дорö. Босьтiс сы кийыс кабаласö, корсис ассьыс öчкисö да бура дыр жö лыддис. Зiлис мыйкö корсьны гижöдсьыс. Асьсö такöдöм могыс. Но, буракö, нинöм эз аддзы. Бөр сетiс кабаласö Кимлы да чорыдмöм гөлöсөн шуис, быттьö керыштiс ассьыс бөрья лачасö:

– Муна! Вай öдйöджык нин нуöй. Ылöджык тасянь мöдöдöй. Мед эг кывлы ни эг аддзыв некодöс. Нуöй йöз яндзимсьыс ылöджык.

Миш Сандра öнi нин уськöдчис Кöсьта Ким ылö. Быттьö сийö мыжа тайö юöрсьыс:

– Мый сэсся тэ, эн вермы прамöя сийöс видны ни? Öльöксансö шуа. Босьтiн мед да кабаланас и быдөн шошаöдыс шыбитiн. Мед оз кыскась сэсся!

– Күтшöм нöшта видöм колö. Сельсöветас öд эг ме сöмын пукав. Нывбабаясыс ставныс вöлины,– босьтчис дорйысьны мöдыс.– Аддзылiнныд кө, кызди найö Öльöксан ылад вувзысьылисны. Быдсяма ногыс шуасисны. Меным весиг эз ло лöсьыд. Сельсöветас татшöм лёк кывьясыс нэмсö эз юргывны.

Öнöпрей Гриш матыстчис лекарство чуман дорö. Кышöд рöм сертиыс нин тöдö, кодi мыйыс. Эз күт ёна лүкйысьны. Аддзис, буракö, да öдйö шыбитiс вомас. Миш Сандра казаялис, мый сьöлөмсьыс лекарствосö суйис. Медся посни кизясö. Кор нин ёна топöдлывлö, сийöс век юö.

– Сё мокасът тай!– крöвать ылö пуксис Гриша.

– Эн сэтшöма нерничайт. Быд йöйталөмсьыс,– сы дорö матыстчис гöтырыс, но эз тöд, мый вöдзсö вöчны. Друг кө верöсыслы вывтi сьöкыд лöö. Сöмын такöдiс:– Век на тöвйылим, да олан на и водзö.

– Йöз водзас нö öнi кызд петкöдчан? Кильчö помö петны весиг он күт лысьтны.– Юрлöс ылö öшöдчигмоз шуалис Öнöпрей Гриш.

Кöсьта Кимлы эськö важөн нин мунны. Вайин ассьыд шог юöртö да и кывт бөр кантораад. Мед сэсся асьныс кызд кужасны гөрöдсö разьöны. Но оз нуны кокьясыс. Петан да мыйкö кө лоас. Сандра оз вермы отсавны, а сийö, мужик мортыд, колöкö, сяммас. Та вöсна и эз мун. Сийö пуксис жö крöвать пельöсö.

Син пöвнас видзöдлывліс кöзяин вылас да ассьыс мöвпьяссö гораа шуаліс:

– Йöзыд öд абу йöйöсь. Гөгөрвоасны ставсö. Öльöксаныдлысь сямсö тöдöны. Эн майшасьöй. Пестö ваям, поткöдлам. Олöй сöмын.

Гозья нинöм эз удитны воча шуны. Посводзöд кодкö гораа восьлаліс. Сэсья öдзöс гурйыв воссис. Пырис Öльöксаныс. Керкаö воськовтігмоз уськöдчис мыйлакö кывьяснас Кöсьта Ким вылö:

– Тэ тани нин? Öйдö тай котöртöмьд. Ме вылö элясян? Бур. Оз нин ков аслым висьтасьны.

Миш Сандра чеччис, бок ногөн матыстчис пи дінас.

– Сьöлыштны эськö тэныд яндысьтöм бугылад, да дулльöй жаль!

– Тэ нö мый чепсасян. Мам, ме öд тэла локті. Босьт аслыд мыйсюрö, коді первой кадас ковмас. Мунам мянö овны.

– Яндысьтöм бугыль! Тадзи асьтö янöдан?– лөгпырысь шуаліс пиыслы Миш Сандра.

– Ме янöда? Ачымöс?– весиг öд шензыштис мöдыс. Синнас кытшовтіс керка пытшкын мукöд вöлысьяссö. Быттьö насян дорйöм виччысис. Сылөн чужöм серти эз тöдчы ни майшасьöм, ни каитчöм. Быттьö вöчöма важөн нин думыштöмтор. Öнi со кадыс воöма да позьö сос пуджöмөн босьтчыны вöчнысö. Сійö конкиа вуджис джоджсö. Пелька босьтчис мыйкö корсьны.

– Мам, мый нö сьöрсьыд босьтан?

– Ог ме некытчö мун! Эн и думайт! Йöйталан сэні. Видзöдлы батыд вылö,– нетшыштис пиыслөн кийсь ассьыс платтьöсö Миш Сандра.– Кельдöдöма кызди. Ловсö босьтны кöсьян али мый?

– Йöйталан и эм, Öльöксан Григорьевич,– содтіс и Кöсьта Ким.

– Тэныд нö кутшöм мог мянöдз?– сы вылö бузгыльтчыліс Öльöксан.– Ме вайи шыöдчöм. Видлалöй. Кызди шуласны, пöртöй олөмö бöрйисьысьыллысь корөмсö. А тэ татчö нин локтöмьд. Ог тай косясьöй ни пинясьöй. И ог ме батыс öтнассö татчö кольны кöсий. Со кöсья индомö ыстыны. Чайта, ме динö некодлөн претензия оз ло. И батылөн тшöтш. Сідз öд, бать?

– Дыш весигтö тэкöд сёрнитнысö. Йöз водзас янöдан,– нурбыльтіс сöмын Öнөпрей Гриш.

– Янöда?– шензыштис быттьö пиыс.– Ме янöда? Тэ ачыл асьтö важөн нин янöдин! Али вуніс нин важьяыс?

– Мыйсяма лёклун тэнад?– скöра сöдзöдіс мамыс.– Эг жö эськö та вылö тэно батыдкөд велөдлөй да?

Ольоксан скора нюммуни. Быттьо дзик сёлөмтөм морт өни сулаліс на водзын. Синьясыс көдзидөсь, черлыясыс скөрыйс вет-лөдлөны.

– Тэ динө некутшөм претензия, мам, абу. Тэнө нэм жалиті, и кута на жалитны. Ки вылын, көсьян кө, кувтөдзыд новлөдла. И бать вылө ыджыд лөг абу жө. Сөмын вот важыс оз вун.

– Мый тэ век важас кутчысян?– бара суйсис Косьта Ким.– Олөмад мыйыс оз овлы да.

– Нинөм менам оз вун. Ставыс син водзын...– джодж шөрө моз сувтөмөн шуаліс Ольоксан.– А мамөлөн бөрдөмысла пыкталөм син дорьясыс... Тшыгыялөмыс тшөтш и.

– Тэ эськө тшыгсө ёна эн төдлы да. Гашкө, сөмын война ка-дад. Но өд тэ сэк доза ичөт на вөлін. Мусьыс өдва потөмыд. Он помнит немторсө.

Ольоксан эз усьмиритчы. Пырөма кө нин юрас мөвп. Босьт-чөма мыйкө вөчны, өдзөдчөма, то өд оз туй шөрас джөм сувт. Сылөн ставсө нин важөн артыштөма. Сөмын кад виччысьны кольлі. Со сійө воис. И босьтчис кө нин, то оз өвсьы. Туй шөрө сувтөм вылө лачаөн кө, то нинөм сёрнисө панны. Та вөсна мед-водз бара босьтчис венны мамсө.

– Тэ эн ёнасө дорйысь. Вуніс али мый ставыс,– өлөдіс мамсө, а батыслань бергөдчөм бөрын содтіс:– Кыдзи тай яндысьысыс Сава Сандра дорө овны вуджис.

– Кывзы, Ольоксан, мый тэ баба моз гудрасян?!– гөлөс кыпөдіс өни нин Косьта Ким.

– Збыльысь, Ольоксан, мый тэ он вермы важсө вунөдны,– меліа моз шуаліс Миш Сандра.– Ме тай ни ог кыскав таысь батьтө. Эз, дерт, ёна сэк лөсьыд вөв. Нинөм и шунысө. Но өд кольөма ставыс. Нэм пом со матыстчө.

Ольоксан ставнысө кытшовтіс видзөдласнас, быттьо дзик на первойысь адзис да шензьөмөн пычиктіс:

– И ті думайтанныд, мый сылы таысь оз ков водзөс мын-тыны?

– Кутшөм водзөс? Мыйла?– шензис Косьта Ким.

– Водзөс?– тшөтш жө чуймис мамыс.

– Водзөс! Мый ме, тіян думысь, век кежлө сійөс көсья индо-мас мөдөдны. Ог, сөмын во кежлө. Мед олыштас. Сэссия ас динө босьта. Мед сэні көйгыштас өтнасөн. Мед ассьыс олөмсө гуг и бан видзөдлас. А то думайтө, мый пакөститчис сэкнад и чөла позьө нэм помөдз кургыны. Оз!

– Весиг лун кежлө ог мөдөдөй,– чорыда артмис Косьта Кимлөн.– Тэ сылөн пи. Босьтан и видзан. Абу законыс, медым лөвья челядь дырйи кодөскө индомө ыстыны.

– Менам аслам закон эм. Ог босыт ас динö и ставыс. Ог кө босыт, то мый кутанныд вöчны? Мырдөн ме динö овмодны? Оз артмы. Мед ветлас. Индомас. Мед казгытшгö, кызди сийö война бöрас мусукасис Сава Сандраыскöд. Весиг мукöддырийиыс миянысь эз яндысь. Кутчысьöмөн вöли кильчö вылас петавласны. Помнита öд.

– Вот тайöс и эн висытав. Вот тайöс и сöран,– тиралан гөлöсөн дорйысис Öнöпрей Гриш.– Весиг öтлаын петалöмысь яндзим. Кытчöкö кө колö вöли öтлаын ветлыны, то Сандраыс вöли перовой мунас, а сэссия нин ме. А тэ нинöм абусö лöсьöдлан.

Öльöксанöс тайөн он бергышт. Аснырыс ассыыс водз чужöма да. Пыр водзö дольö:

– Сийö мусукасис. А миян тані мамököд пес плаканым лыда вöли. Унджык пыртны эг убöлитлöй. Керканым тöвнас эз шонавлы. Медым сöмын картофельным гөбöчас кынмöмысла эз бöрдды, сы вöсна и ломгыштлывлім пачсö. Пасьөн узылывлім. Ачыс сийö пес ни палич эз вайывлы. Вот ставсыыс таысь и водзöсыс.

Миш Сандра шлагнитіс бокьясас кияснас. Шензьöмөн шензис. Яндзим лои тайö висытасьöмсыысь сылы Кöсьта Кимысь. Сылы вылö и шуис:

– Кöсийö эськö вöли вайны пестö да, но ме эг лэдз. Вайліс нин весиг быдөн. Но эг босытöй. Бөр шыблалім. Мися, мунін кө, миян йылысь вунöд. Олам кызкö.

Кöсьта Ким эз тöд, мый шуны. Час-мөд нин со тані гартчö, а тöлк ни слöй абу. Помыс оз тыдав, кодарö мый олöмыс мунас. Колö кызкö Öльöксансö йöйталöмсыыс öлöдны, бергыштны сы юрысь тайö лөк думьяссö да кöсийöмсö. Сийö матыстчис Öльöксан дорö, кöсийс бурөн ладмöдчыны:

– Кывзы. Мый олөмад оз овлы да. Бытис тай нö тэнö. Со кутшöм лоöмыд. Пöрысьладорыд жö нин регыд катовтчан. Тэа-ме асьным нитшсявны во-мөд мысти кутам. Мыйла öнi важсö кыскавны?

– Ме шуи, мый сийöс во кежлö мөдöдла индомö. Мед ветлö,– ассыыс пыр бертис мөдыс. Төдчис, мый мөдарö чегны сийöс он вермы, кöть став сиктсö татчö чукöст.– Либö öтнас тані мед кургö. Мам, лöсьöдчы. Мунам миянö.

– Некытчö ме ог вöрзы. Татшöм думьяснад сэссия миянö эн мыччысь. Мед маті берегын эн вöv, керка помысь мед эг аддзыв,– скöра шуалис Миш Сандра. Ачыс сийö öнi эз тöд, горöдöмөн горöдны али бара лөкысь ырöстöмөн бöрддыны. Сэтшöма дойыс ёдіс пытшкас да. Төрöшитö веськыда. Оз пысьт мыйлакö, а пыр чукөрмö и чукөрмö вочасөн, пысылөн быд шуöм бöрын.

– Со օд тэ кызди, мам, ме вылօ уськօдчин. Быттьօ тэнօ индомас мօдօда,– эз кօсйы казавны бать-мамыслысь чукйօн тырысь дойсօ да шогсօ օльօксан.– Да օд ме ог тэнօ, а батьօс ыста. Сысысь, мый тэныд сйօ сэтшօм ыджыд омօльтор вօчліс. Бать, мый тэ думайтін, мый тадзи и колвօ тэнад нёнъ пом чибук моз ризьялօмыд? Пакօститчин и ставыс. Вунօдам? Ог! Ме ас пайысь тэ вылօ зэв ыджыд претензия кута.

– Дивօ тай,– шензьօмօн օвтыштис кияснас Кօсьта Ким. Сйօ эз тօд, мый и вօчны. Кызди петан туйсօ корсыны. օд сельсօветса юралысь сйօ. Сылысь бօрас кутасны юасыны. Тайօ удж кузя жօ. А морт ногօн кօ? Кызди морт ногнас օні верман тайօ гօрօдсօ разьны? Джаггօрօдсօ, коді кօртасьօма уна во сайын. Воясыс абу разьօмаօсь, а кызд нин օні, здукօн сямман.

– Мед ветлас. Ассыс олօмсօ казьтыштас!– юраліс гօлօсыс օльօксанлօн.

– Дивօ тай!– мօд пօв шуис Кօсьта Ким.– օльօксан, кывйыд эз на гадьясь օти пօлօссօ долъօмысь? Вай косявлам шыօдчօмсօ да вунօдам.

– Видлы косявны! Видлы!– вом кօтшнас нюмліс мօдыс.– Ме нам сօвет властьлы вайօма шыօдчօм. Тян мог – пօртны сйօс олօмօ. Мый вылօ нօ сэні лунтырьяснас жмутвидзанныд? Вот и удж вайи. Косявны оз позь. Сօмын видлы. Мый сэк лоас.

– Гашкօ, пиук, бурօн кызкօ ладмօдчам,– бօрдан гօлօсօн нин корис мамыс.– Бурօн вай кызкօ-мыйкօ...

– Тэ вай мекօд мунны лօсьօдчы. Менам шуօма кօ шуօма. Ассым дум ог веж,– ставнысօ видзօдласнас выль пօв кытшовтис օльօксан да кокниа восьлалօмօн петіс.

Мукօдыс шуны нинօм эз слօймыны, ни кутны мунօмсысыс эз удитны. Вель дыр чօла олісны. Гозья крօвать вылын пукалісны. Кօсьта Ким лабич вылын ассыс дум пօжис дай. Гозья шай-пай-мунօмаօсь. Но лекарство киллыны оз думайтны. Буракօ, лючки ставыс. Кօсьта Ким век на поліс, мый налы другօн лօк лоօ да отсыштысь абу. Коді пельшօрысла котօртлас. Оз тай нёрпавны-а. Он օд лунтыр сэсса на дінын пукав. Кօсьта Ким чеччис лабич вылысь да матыстчис гозья дінօ. Первой шыасис օнօпрей Гриш дорօ:

– Тэ эн ёна асьтօ таысь ви. Ставыс ладмас. Корлам օльօксантօ сельсօветօ. Тօдан օд нывбабаястօ. Найօ артельօн уськօдчасны, не сы кодльօмօс на бертыштасны. Адзօма мыйысь водзօссօ мынтыны. Эн шогсы. Дерт, тօда, абу торья нимкодъ таысь.

Гозья нинօм эз вочавидзны, чօла пукалісны, быттьօ лов петօм виччысисны. Кօсьта Кимлысь кодкօ сэтшօма шамыртіс сьлօлмсօ, мый кօть нюкыртчы дойысла. Сйօ օдйօ вештіс синь-

яссө. Өдзөс дорө воём бөрын казяліс, мый абу на ставсө шуө-
ма лои. Бергөдчыліс да содтіс:

– Тэ, Сандра тьот, эн торьясө пес сьолөмтө. Ставыс на бур
лоас. Төвсө вуджанныд на. И он өтиөс...

Косьта Ким тэрмасьтөг восьтіс өдзөссө. Бытьө думайтіс на,
мунны али косны. Но воськовтіс посводзө, топыда пөдлаліс
өдзөссө. Регыд мысти сылөн кок шыясыс кылыштісны кильчө вы-
лын.

– Кыз нө он майшась та бөрын,– мунөм бөрас дыр мысти
бытьө Косьта Кимлы вочавидзис Миш Сандра.

Вель дыр, гашкө, час кык, гозья пукалісны чөла. Эз нинөм
йылысь сёрнитны. Олыштасны, олыштасны, а сөсся кодныскө
сьөкыда ышловзясны.

– Гашкө, меным тадзи и колө да. Воздөсыс,– юрас новлөдлөм
мөвпьяссө медбөрын гораа шуис Өнөпрей Гриш.– Кылан, Сандра.
Гашкө, збыльсь меным грек вештөм ради индомас мөдөд-
чыны?

– Тэ нин көть дугды,– өлөдіс негораа гөтырыс.

Мөдыс сьөкыд пельнад, дерт, эз кыв тайөс. Оз жө вөлі вом
вылас видзөд дай. Сандра гөгөрвоис тайөс да гораа нин содтіс:

– Сөран сәні нинөм абусө!

– Мый сөраыс? Збыль өд мыжыс ыджыд. Пельпомьясөс нэм
чөж личкис. Сьөкыд нопйөс моз сы мында во со новлөдла. И
некызди оз кокняв. Гашкө, кулөм водзын кокнялас. Индомас,
шуа.

– Дугды!– видзөдліс верөс вылас Сандра.– Вай водыштлы.
Кельдөдөмыд зэв өна. Лекарствотө ю.

– Юи нин эськө да,– кинас өвтыштіс Өнөпрей Гриш.– Тайө-
торсьыд өдвакө кутшөмкө лекарство отсалас.

Но век жө водіс. Миш Сандра вешыштіс коккладорас, мед
мөдыс вермис лөсьыдджыка нюжөдчыны. Гриш куткыртчис
крөвать вылө, бытьө быри, ичөтджык на нөшта лои куйлігас.

– Куйлышт, куйлышт,– небыдика шуис гөтырыс.– Куйлыштан
да лөсьыдджык лоас.

– Кылан, Сандра, ме өна нин мөвпавлі Өльөксан йывсьыд.
Мыйла сійө татшөм. Мыжаыс таысь ме,– недыр куйлыштөм
бөрын паніс Өнөпрей Гриш.

– Кутшөм мыж?– зілис шебрөдыштны кокьяссө Миш Сандра.
– Быдтім со тай. Ачыс нин пөль лоө регыд. Миян вылын сылы
нинөмысь ыджыдавысө. Тшыгйөн эз водлы.

– Сыысь, мый татшөмөн лои, сөмын ме мыжаыс,– ассыс до-
лис верөсыс.– Чорыд сьөлөмаөн вөчи. Ичөтсыныс татшөмнас
лоис. Гөгөрвоан?

– Код төдас, кутшом рөдө мунөма. Менам ни тэнад рөдын татшөмыс быттьо эз вөвлы-а.

– Ме вөчи татшөмнас,– лөсьыдджыка зілис водны Өнөпрей Гриш.– Аслам йөйлунөн вөчи. Со тай ставсө помнитө, нинөм абу вунөдөма. Лөксө помнитө. Пес абутөмтө со весиг.

– Менам тай нинөм жө эз вун да. Ог тай гарав. Эн вай ассыд мыж корсь.

Миш Сандра ичөт кагалысь моз малыштіс верөсыслысь кокъяссө. Мөдыс бергөдчис стенлань да чөв ланьтіс. Думайтис аслас өнія шуөмтор йывсьыс. Көть эськө тайө мөвпясыс век визьялөны юрас да. Сійө мыжаыс. Чорзөдіс сэк детинкасө. Пыр кө гортын, дінас вөлі, некытчө кө эз ветлы, эз бара татшөмөн быдмы. Сылөн өд син водзын оліс Сава Сандраыскөд. Воча керкаын, эз тай ылын, сикт мөдар помын. Төдөмысь, дойдіс сылысь сэк сьөлөмсө. Ёна дойдіс. Сылы бать вөлі колө, а Гриш, йөйыд, сэк эз куж та йылысь думыштыны. Мый лөксө пиыслы медводз вөчө. Локтіс война вывсьыд да сійөс кок йылө сувтөдөм пыдди том ныв бөрся уськөдчис...

Өнөпрей Гриш бөр бергөдчис да Сандраыслы нин гораа шуис:

– Эн тэ, Сандра, дорйы менө. Мыжа ме. Гашкө, збылысь водзөс меным мынтыны кад воис, Өльөксаныслы. Мед көть тадзи, индомас мунөмөн и.

– Дугды, Гриша,– чеччис весиг крөвать вылысь гөтырыс.– Тэ нин көть мед менө жалитыштін. Сьөлөм сетөм пыдди ачыд тадзи лөвтны босьтчин.

– Мыйсяма морт тэ, Сандра. Вуніс али мый ставыс. Он весиг бөрря кадө казтьыштлы. Сэксятө шуа.

– Мый казтьылөмсьыс. Тусь ни пызь. Кадтө он бергөд. Кыскалөмсьыс ни тэныд, ни меным кокныдджык оз ло.

– Сідз эськө да. Но өд вөлі сэк тайө ставыс. Збылысь вөлі. Өльөксан тай нө со абу вунөдөма. Век зильө гарыштны. А тэ мыйла татшөм?

– Дугды, мися, Гриша. Эн, колөкө, дөзмөд. Тэ нин көть эн сьөлөмөс менсьым өні йир.

Өдзөсө кодкө тотшкөдчыштис.

– Пыр! Код нин сәні локтө?– шуис өдзөслань бергөдчылөмөн Миш Сандра.

– У-уп! Жарыс!– пөсьсө чышкыштіс сійө да воськовтіс керкаө.

Сава Сандра лунсө каттис өшинь дорын жө. Адззыліс, кызди суседьясас кежис Косьта Ким. Вель дыр эз кут петны. Сэссия Өльөксаныс воліс. Сійө эз торья дыр бать-мам дорас ов. Петіс

да шавксьодіс сикт шөрлань. Сэсся коркө Көсьта Ким мыччысис. Мыйкө зэв жугыль. Сава Сандралөн весиг сьолөмыс ёнтыштис. Мыйкө суседьясыскөд лоёма али мый. Петавны эськө да, но өд нэмсө нин эз ветлы да кызд петан? Сійө воськовтис ывлаө. Вель дыр потшөс бердас сулаліс. Виччысис, оз-ө кильчө вылас пет Миш Сандраыс либө Гришаыс, мед кызкө төдмавны. Но найө эз мыччысьны. Ковмис сиктө петавны. Лавкаө мөгөн. Нянь босьтны быттьө. Сэні йөзыд ставсө төдөны. И висьталісны өд. Ольөксан пө сельсөветө вайөма шыөдчөм, мед батьсө, Онөпрей Гришөс, индомө ыстасны. Ог пө сійөс кут видзны, а мамөс пө ас дінө босьта дай. Тайө юөрыс шемөсмөдіс Сава Сандраөс. Кызд нө вермас тадзи лоны? Гришөс индомө мөлдөны. Пөрыс мортсө гортсьыс, ас сиктысь янсөдны. Да тайө жө мортсө ловья дырйи гуалөм кодь артмө. Сава Сандра весиг няньсө эз ньөб, бөр гортас воис. Пырис да сэтшөм забеднө друг Гриш вөснаыс доис, мый уськөдчис крөвать вылө да сыркьялөмөн бөрдіс. Онтай, лавкаас, йөзыс сы дырйи эз шуасьны, мыйла Ольөксаныс тайөс вөчө. Висьталөм оз ков, Сандра ачыс гөгөрвоө. Важсьыс, сы дорө вуджавлөмсьыс. Быд код юрөн Ольөксаныс, сійөс кө паныдалас, быд ногыс изгаляйтчас кывьяснас. Кыскалө ставсө. Кызд пө менам батьыс сэк тэкөд овліс. Ёна-ө пө лөсьыд войяснас вөлі? Со өд пеж вомыд. Адзөма, мый юасьны. Бөрдіс-бөрдіс Сава Сандра, сэсся чеччис, пыркнитчис. Синвасө кисьтгөн на юрас өти сюсь мөвп воис. Оз, сійө оз лэдз, медым Гришаөс пөрысь-нэмө сиктысь нуисны. Медым мортсө тадзи виисны! Косөдыштис нин син дорьяссө, жөдзыштис керка пытшкын да петіс со суседьясас.

– У-уп! Жарыс, мися, кутшөм пуксис,– мөд пөв шуис Сава Сандра лабич вылө кортөг ни тшөктытөг пуксьөм бөрын.– Лоө, мися, тиянөс видлыны петавны. Гашкө, мися, тиянын ыркыдджык да? Гриша нө узьө? Лунся унма лоёма али мый?

– Ог эськө да,– лэптыліс юрсө Онөпрей Гриш.– Сандра тай вөлөма. Ог нин и дум вылө вермы уськөдны, кор бөрьяыссьө миян керкаө пыралін.

– Ме ог жө,– нурбыльгис мөдыс.– Буди, зэв нин важөн. Тэ тай, Гриша, ёна омөльтчөмыд бөрья кадас.

– Тайөс висьтавны и локтін?– чушсө нюжөдіс Миш Сандра.

– Эг эськө тайөс да. Ыркөдчыны мися, кежи. Гортын зэв жар, шондыс буретш өшиньясө инмө. Пөжсьөма сынөдыс, дзик өдья пач пытшкын быттьө.

Миш Сандра сюся видзөдліс суседка вылас, пуксис крөвать помө, верөс дорас. Быттьө мырдльөмысь видзны лөсьөдчис. Сэсся крапкис-юаліс:

- Кывлін нин?
- Мый кывлі,– йой улө көсйис лэччысьны суседкаыс, но өвсис.– Кывлі, дерт. Йёзыс төдөны нин да.
- Татшөм юёрыд бара крукасьлытөг төвзяс,– киргыштіс Өнөпрей Гриш.
- Но и мый? Кывлін кө,– нерсигмоз шусис Миш Сандралөн.
- Локті тай со. Гашкө, мися, мыйөнкө отсышта.
- Тэ отсавлін нин,– көдзыда водзө сёрнитіс көзьяйка.– Өні тэнад отсөгтөг нин кызкө-мыйкө.
- Верма өд, колөкө, мыйөнкө,– быттьө эз кыв суседкаыслысь прекө шуалөмсө да лабутнөя артмис Сава Сандралөн.
- Өнөпрей Гриш чеччис, пуксис. Кинас судзөдчис улөс вылө пуктөм лекарство чуманлань да перйис өтиөс. Миш Сандра ветліс пачводз дорө, вайис көшын ва. Мөдыс ньылыштіс кизьсө да кылөдіс. Ловсө шелөдіс да нурбыльтіс:
- Оз ков некутшөм отсөг, Саня. Оз ков.
- Мыйла оз ков?– шензис мөдыс.– Со Өльөксаныд тай индомө грөзитчө ыстыны.
- Тэнад нө таысь кыті ёнтө!– чорзьөдіс гөлөссө көзьяйка.– Ветлөдлө сэні, шойччыштны оз лэдз.
- Мыйла оз ёнты?– збоймыштіс Сава Сандра.– Көть нин сы вөсна, мый суседьяс.
- Суседьясыд тай гөгөрбок. Керка водзад, божьясад и стын саяд. Эз на тай тэысь өприч некод нырсө мыччыв. Тэ на медводз кашкин-локтін.
- Энө нин көть ті тшетшкөй,– бөр водігмоз видліс өлөдны Өнөпрей Гриш.
- Ме тай сійөс жө шуа,– ладмөдчөм могысь век на лабутнөя сёрнитіс суседкаыс.– Нэм өти сиктын олім. И нэм пинясьлім. Вай көть өні, талун өвсылам.
- Вөлі мыйысь да. Пинясьнысө,– некызди эз усмиритчы көзьяйка.
- Ме тай ог и дорйысь. Вөлі мыйысь да.
- Мыйла век жө локтін? Нэмсө эн пырав нин да.
- Вай, Сандра, көдзөдчылам важсө казьтылөмысь да бур ногөн артыштам.
- Мый нө тэкөд кутам артавны?
- Но өд ог жө Гришасө индомө мөдөдөй. Көть нин ныв дорад. Карас.
- Виччысьөны сійөс сэні. Медся нин зятьным.
- Зятьыд эськө абу кулитана морт да,– гөлөс сетіс юрсө кыпөдомөн Өнөпрей Гриш. Быттьөкө сёрниыс муніс гөститны

бөра-водза ветлөм йылысь. Сійö сёрнитіс кызкө ясыда, быттьö тайö дзугсыс кыз поэö кокныдджыка петан туй корсис.

– Ланьт нин,– вомаліс верөссö Миш Сандра.– Волам тай гөститнысö вöлі да пыр дузгöдчöма. Гортад петны лөсьöдчигөн и варовмылө. Нимкодлысла, мый мунам.

– Көть кутшөм, а зять,– съодас моз шуыштіс верөсыс.– Нинөм сійөс лөкөдны.

– Мун, сідзкө, на дінö. Мун. Мед ме тані нерничайтöмысла лолөс лэдза,– ас костаныс босьтчисны бара вензыны гозья.

– Мыйла муна? Ог на тай на ордö вөрзöдчыны лөсьöдчы-а.

– Мый нö сэсся ошкан?– броткыштіс гөтырыс да быттьö сөмын öні вылысь казяліс суседкасö. Сы вылө вузвысис.– Тэ тані эн индав, кодлы кытчö мунны. Локтін да нинөм абу сёрнисö панін.

– Ме эськө эг лөкысь да,– дорйысьыштіс Сава Сандра.– Но öд ог жö индомö лэдзöй нуны.

– А коді сійөс индомас нуö? Ме ас пайысь ог-а. Ми на олөмсö кутысьясыс.

– Тэ, Сандра, эн дөзмы, но ачыл нин со омöлиник. Вын-эбөстö кадыс нённыштöма,– ышловзис суседкаыс.

– Кутшөм эм. Абу тай нин дас квайт арөса. Арлыдыс ёна нин таляліс да.

– Сійөс тай и шуа,– надея гөлөсөн сюртчис водзö сёрнитны та гөгөр Сава Сандра.– Ме тэысь томджык на. Верма на керка шöрын көть град йöрын бергöдчыны.

– Эн ошйысь. Дас сайö арөснад томджыка да. Коркө ачыл мян кадöдз воан. Ми ог бергöдчöй-а тэ кодöдзис. Тэныд вот мян арлыдыс воас. Вот видзöдлан.

– Да мый ме сэні кытшлала,– весиг чеччис лабич вылысь Сава Сандра.– Дивитöй көть эн, а ме пыри со кутшөм могөн. Гашкө, Гришатö ме босьта. Ас дорö. Ме öд сы бөрся видзöднысö тэ дорысь, Сандра, верма на.

– Мый? Гришаөс?– шай-паймуніс татшөм юөрсьыс Миш Сандра. Чеччис, матыстчис суседкаыс дорö да чургöдіс кабырсö.– А тайö тэныд оз ков?! Мисьтөм чужөмлы! Яндысин нин көть мед. Тайөс шуөмсьыд.

Сава Сандра весиг бөрвыс сетчыштіс, но эз бара уськөдчы пышйыны. Ассьыс водзö дольö:

– Но öд тэ он нин вермы сы бөрся ёна видзöднысö. Быттьö дзик öтнанныд кө колянныд. Быттьö Öльöксаныд кө пес ни ва оз кут вайны.

– Дугдöй вай!– бара лекарство чуманö кутчысис Öнөпрей Гриш.– Дугдöй.

– Ю нёшта өти кизь, ю,– бара вала муніс гётырыс.

– Мый олём ме, сё мокасът, бара олі-а? И мыйла олі? Сёмын лёксё ставныдлы вёчи. И тэныд, Сандра. И тэнсьыд, Саня, став олёмтё дзуги. Эг кө ме вёв, верёс сайё на код сайё кө петін. Красуйтчин-олін. Мый ме вёчи? Видзёда да, ставныдлысь олёмнытё өтнамён дзуги,– весиг киргыны босътчис Онопрей Гриш.

– Дугды вай. Эн ассьыд мыжтё корсь. Меным тэ некутшём лёк нэм чёжыд эн вёчлы,– уськөдчис көзяин дорё Сава Сандра. Казяліс, мый мөдыслы вывті лёк лоис да.

– Дерт нин эг,– водзё киргыштіс Гриш.

– Ю лекарстотё. Сьёлёмсьыд,– ва тыра көш вайис Миш Сандра. Юктөдіс верөссё. Мөдыс лөньыштіс. Сёмын та бёрын кодзныліс синьяснас суседка вылас.– Локтін сэні, омөльясыс сой пөлөдыд бара вайисны миян дорё. Мортсё со мый выйөдз вайөдін.

– Эг жё эськө лёк думьясён лок да,–ышловзис Сава Сандра.

– Эн тай. Видзөд мый выйөдз воис.

– Колөкө, эсйө... пельшөрла кодөскө ыстылан?

– Колө эськө да,– верёс вылас видзөдлём бёрын лөня нин артмис Миш Сандралөн. Татшём висьысь морт дінын өд он кут пурсыны-пинясыны.– Кодөс нө?

– Час, ме петавла ывла вылас да кодөскө мөдөдла,– Сава Сандра тэрыба петіс. Недыр мысти бөр пырис.– Ысті, Микулайлөн пиыс буретш вөласипедөн вөлі ветлөдлө. Зэв өдіө тюрис. Места вылас кө, то регыд локтас.

Пөчьяс чөв олісны, сэсса Миш Сандра верёс кок дорас пуксис. Мөдыс лабич вылын дай. Мыйкө мөвпалісны, мурталісны. Кытчөдз пельшөр эз во. Том нывбаба. Сійө видлаліс пөльөс. Укол кутшөмөскө суйис. Мөдыс сурмуні-унмовсис регыд мысти.

– Мый нө сыкөд?– быттьө өти вомысь артмис Сандраяслөн.

– Нинөм торьяыс. Пөрысьыдлөн өд век кыткө висьө,– шуыштіс нывбаба. Недыр пукыштіс на висьысь дорын. Адзё, мый мөдыс чөскыда унмовсис, сэсса эз кут водзөсө овны. Муніс.

– Унмовсис кө, лөсьыдджык бөрас лоө,– Гриш вылө видзөдлём бёрын вашкөдіс Сава Сандра.

– Тэтөг төда,– вочавидзис мөдыс.

Бара чөв усисны. Сава Сандра өшиньө видзөдіс, быттьө вичычис кодөскө. Сэсса друг чеччис да висьтасьтөг петіс. Миш Сандра өтрасөн кольём бёрын вөлись шемөс уси. Збыльысь кө, кызди нө кутас сійө овны Гришаыскөд. Ас бөрсяыс нин со видзөдысь колө и. А сылы ковмас висьысьөс дөзьөритны. Ойя дай ойя эськө да!

Сава Сандра өшинь дорас виччысис Петяыслысь воёмсө. Та каднас сійө быд лун мамсө видлыны волө. Казялис гортас кежөмсө да сійөн өдийсө и петіс.

– Батьыдлы лөк лои,– порог вомөн воськовтөм бөрын юөртис сійө пиыслы.

– Висьмөма али мый?– юалис мөдыс. И ачыс жө аслыс и вочавидзис:– Висьмытөг он ов, татшөм сёрнияс бөрад.

– Кывлін жө нин?

– Сёрнитөны тай йөзыс.

– Кывзы, Петя. Ме көсии батыө ас дінө корны, но Сандра тьоткаыд варыш моз уськөдчис. Ог пө тэ ордө петны лэдз.

– Мый нө сідз?

– Уськөдчис тай-а. Ме дорө кө оз лэдзны, гашкө, тэ ас дінад босьтан быттьө да.

– Ме эськө босьта да,– кутіс педзны Петяыс. Мөмьялыштіс да содтіс:– Но гөтыр мый шуас. Сійө вермас куражитчыны.

– Гөтыра лоөмыд,– скөрысь артмис мамыслөн.– Аспад юрыд абу али мый?

– Ме эськө босьта да. Но гөтырлысь юавтөг ог көсйысь. Мый сійө шуас. Думаyta, мый паныд оз сувт.

Петя ва пыртіс. Көть эськө мамыс вермө на тайөс вөчны да, но век ачыс волігьясө пыртө. Сэсся пажнайтыштіс тані жө и мөдөдчис удж вылө. Сава Сандра гортас недыр олыштөм бөрын бара веськөдчис сусельясас. Сьөлөмыс некыз местаө оз во.

Миш Сандра сылысь пырөмсө адзөм бөрын өні эз нин ропкөдчы. Мөдарө на, нимкодь лои. Но эз жө тайөс зіль петкөдлыны. Коса вочавидзис юалөм вылас:

– Эз на садьмыв! Пыр на узис. Гоз-мөдысь ёнакодь ымөстліс весигтө.

Найө видзисны узысьсөс. Гоз-мөд кывйөн сөмын шыасьлісны рытөдзыс. Сэсся Гриш некызди эз кут садьмыны да кыкнанныс повзыштісныкодь.

– Ме час пельшөр дорө ветла,– эз вермы кутчысьны Миш Сандра.

– Ыстыв, бурджык, кодөскө. Аслыд өд вель дыр тырмас муннытө.

– Аддза кө кодөскө, ыстыла. Ог кө, и ачым на ветла. Абу дзик драглөй.

Сійө петіс. А Сава Сандра сюся видзөдіс висьысь вылө. Синкымьясыс Гришаыслөн важ кодьыс на. Абу дзормөма. И тшөкаас розьторйыс абу шылялөма. Ок, кутшөм тэ коркө донаөн да сьөлөм косьтысьөн вөлін! И өні на дона да колана. Көть пөрысь-

мим нин ёна кыкнанным. Гашкё, важ казътылёмьясыс и шонтёны пёрысь морттё, вынсё овны сетёны.

Öдзёсö тотшкөдчыштисны.

– Да!– шуис Сава Сандра.

Пырис Петяыс.

– Эз на кокньод.

– Узьö тай на век.

– Збыльсы, быгалёма и эм.

Öнөпрей Гриш пессъыштис да восьтис синьяссö. Дыр эз гөгөрво, көні сійö. Динас сулалисны Сава Сандра да Петя пиыс. Сэсся кузяөн гөгөрвоис жö.

– Петя со локтёма,– весиг нюмсермунис пöльлөн чужöмыс. Меліа видзöдліс пи вылас.– Кыдз нö олан-вылан? Важөн нин эг адзъыв.

– Ола тай со. Ог омöля. Тэнö видлыны со пыри.

– Ме со индомö мунны лöсьöдча,– бара, тыдалö, юрас öнтаяыс воис да весиг повзьём чужöма лои батыс.

– Петя тэнö ас дінас босьтны көсйö,– пиыслысь юасътöг на висьтасис мамыс.

– Ме-е,– мөмляйтны кутис Петя.– Ме эськö босьта да. Но гөтыр со...

– Эн майшась, Петя. Некод дорö ме ог мун. Вайлы китö, көть кутыштла,– Öнөпрей Гриш босьтис пиыслысь кисö да мала-лыштис.– Оні сэсся вай петав ывла вылас. Мамыдкөд көсья варовитыштны.

Петя мыжа морт моз видзöдліс первой батыс, а сэсся мамыс вылö да чöла петис.

– Мыйсяма морт. Верстьö мужик нин öд, а век мөмляйтö. Быттьö мыйыськö век полö.

– Ме мыжаыс таысь, Саня. Батытöг тэныд лои быдтысьнысö да. Ме кө тиянкөд лои, мөдджыкөн лои.

– Бара тэ ассъыл. Сэтшөм нин сямыс. Ассъыл питö эськö абу мича омöльтны да, но öд дзик небыд нямөд кодъ муқөд-дырйиыс.

– Эн вензы,– юрлөс вылас лөсьыдджыка водис Öнөпрей Гриш. Чужöмыс вирьяджык öнтая дорысь лоёма.– Ме мыжаыс, ме ставсыс мыжа. Сандраыс нö көні?

– Пельшөрла котöртис. Зэв дыр эн садьмы да.

– Оз ков некутшөм пельшөр. Некод менам дойлы оз отсав.

– На ю тайöс, да кокньодас,– мыччис Сава Сандра лекарство, кодöс мунигас индіс суседкаыс. Садьмас кө пö да лёк лоö – сет.

– Оз нин кокняв. Тыри, буракö, мешöкыс. Чукийöн вöли. Öни поти, буракö. Ёна и новлöдли сийöс аслам мыш вылын. Öни висътасъшти тiянлы ставныдлы да весиг кокнялыштитiс. Сьöлöм вылын кыпыдджык быттö весиг лои висътасьöмсьыс. Оз нин ков вöли Сандраислы пельшöр дорас мунны. Прöста мортсö котрöдлö. И ачыс татшöм жарнас матайтчас ветлигас и...

– Волас кө пельшöрөд да видзöдлас тэнö, нинöм жö лёкыс оз ло,– сьöлöм сетiс Сава Сандра.

– Со öд, Санюк, кыз олöмсö олöма лои. Эн жö ёна дивит сэксясьыд. Эг ме вермы тэкöд овны да. Вуджи тай бөр. Ёна жö эськö бöрас каитчи да...

– Ме дорö кө бөр вуджин – эз жö кокныдыс сьöлöм вылад вöв. Ме öд гөгөрвоа. Бара жö Сандра водзад мыжаöн нэмтö кутiн лыддыны, кызди öни ме да Петя водзын.

– Сидз эськö да... Эн дивит ёнасö.

– Мый нин öни дивитан. Мед сöмын некытчö нин эз нуны тэнö-а. Тани нин дзевисны.

– Абу жö эськö окота гортыс вөрзынытö, да кызд öд Ен шуас, сидзи и лоас.

Налыс сёрнисö торкис Миш Сандра. Аштöма пырис. Порог дорсяныс полана синьясөн видзöдлитiс крöвать вылö, а сесся юалана видзöдлассö чöвтiс Сава Сандра вылö.

– Садьмис нин Гришаыд, Сандра. Лöсьыдджык пö лои укол да узьöм бöрас.

– Слава богу эськö да. Збыльыс кө кокнöдiс,– весиг пернапас чöвтiс Миш Сандра. Матыстчис крöвать дiнö.– Збыль мöй, Гриша, лöсялитiс уколыс?

– Быттö тай кокныдджык лои-а.

– Пельшöрсö эг су, код ордö кө мунöма. Тшöктi висътавны, мый кор локтас, мед миянö котöртас.

– Оз нин ков вöли тэныд, Сандра, сы дорö мунны.

– Кызд оз ков? Висян вöли сэтшöма да. Думайтi нин, мый öтнамöс эновтан. Нэм олiм да öтнамöс öд он жö коль?– весиг синвасö чышкыштитiс Миш Сандра. Талун сийö лунтыр кутчысис либö ноксьöмысла эз гөгөрволы, мый бöрдны колö. Öни со чепöсийис вöлисти синваыс.

Öдзöсö тотшкöдчисны. Пырис Кöсьта Ким.

– Мыйкö сьöлöмöй абу местаын. Мися, удж вылыс мунiгөн кежала Гриша дорö. Эн маитчöй. Пока йöзыс эмöсь, индомö ог на мöдöдöй.

Сийö вель дыр пукалитiс олöма йöз дорын. Сьöлöмсяныс зилiс эскöдны, мый ставыс бур лоас. Медводз эськö асьсö такöдiс

жө да. Сылөн пукалігөн на пыраліс пельшөр. Бара укол вөчис. Онөпрей Гриш бара унмовсис. А найө пукалісны и пукалісны.

Өкмыс час рыт гөгөрын мыччысис и Ольөксан. Садьтөм код. Буракө, абу жө торъя лөсьыд мортыдлы. Та выйөдз кө лоөма да винанас мыйкө көсйөма пөдтыны. Но век жө збояліс:

– Некод менө гөгөрвоны оз көсйи?! Ставөн усьласьөны? Кодкөд ог паныдась,– пыригмоз керка тырнас кутіс шуасьны сійө.– Мый ме налы лөксө вөчи? Бать дінө менам претензия ыджыд, эз чин!

– Ланьт нин эськө тэ аслад претензиянад?– скөрысь бер-гөдчыліс сылань Көсьта Ким да шуис эз гораа, но чорыда.

– Эн горзы, батыд унмовсис,– өлөдіс и мамыс.

– Со кык гөтыр батыс видзөны,– эз нин гораа серөкты Ольөксан.– Оз нин удайтчы меным тадзисө овны.

Мамыс чеччис да йөткаліс писө ывлаас. Мөдыс сэсья эз жө бөр пыр. Буракө, гөгөрвоис жө мыйкө.

А гортө кольысьяс пукалісны и пукалісны. Некод на пөвстысь эз төд, мый лоас аскинас...

Бөркыв пидди

Рытьяснас Владимир Петрович, ветымын арөс вуджөм мужичөй, радейтис пукавны өшинь дорын, видзөдны улич вылын жуысь йөзсө. Гожөмнад оз пемдыв. Сы вөсна и ветлысь-мунысь войтырыс визувджыкөсь. Быдөн кытчөкө веськөдчөма, коді шавксьөдө, коді вөляысь коксө пукталө, а коді и котөрөн сорөн өшинь увтыс вуджөртас. Карса патераад олысьыдлы ёна уна удж горт гөгөрыд абу. Тасьтi-паньнад со гөтырыс вөрөшитчө. Газеттө пыр он лыдды. Пукав да йөзсө сөмын видзөд. Тадзи и рытыс коляс.

Со налөн улич вывсянь пыран өдзөсланысь бара кутіс чушиктыны олома морт. Бөрья кадас сійө некымынысь нин усьлі син улө. Арлыдсыс пөль быттьө дзикөдз бырөма, пырөма муас. Пельпомьясыс качөмабсь, мышкуыс кусынтчыштөма. Воясьсыс сійө весиг сьөдөдыштөма. Со и тарыт, водзаяс мозыс жө, вөляысь матыстчис налөн керкалань. Сутовкерыштис пыртөдзыс. Ловсө шедөдыштис. Сэсья вазыштөм синьясө кыпөдліс вылыс судтаяслань. Важиник гачсыс кыкис дөратор да чышкыштис пөсьсө. Бара йөжгыльтчыштис да пырис. Владимир Петрович йөзлысь ветлөмсө видзөдігөн кывзысьыштис, кытөнджык вощылас өдзөсыс, кытчө веськөдчөма олома мужичөй? Вель дыр кад колис. А вощөмыс кыліс мөд судтаас, буретш юр весьтас.

Сійö вунöдiс нин эськö пöль йывсьыс, эз кö недыр мысти кыв звöнок триньöбтöм.

– Бур рыт суседъяслы,– чолöмасис буретш вылыс судтаас олысьыс.

– Пырöй, пырöй,– корис Владимир Петрович.

– Ме öд абу öтнам. Гриша дядь, воськовт жыръяс. Тайö мекöд öти грездысь. Волывлö аддзöдчывны.

Сусед бöрсяыс пырис öнтая пöльыд. Ыджыд тушаа Владимир Петрович дорын сійö кажитчис кага кодьöн. Сьöкыда пошкигтыр сувтiс порог дорö.

– Да тi воськовтöй, воськовтöй.

– Ме эськö тiян дорö, Петрович, могөн,– заводитiс суседыс.– Со Гриша дядь гоз-мöдысь нин волiс. Кевмысьö, мед катöдны сиктö. Автобуснас пö ог нин вермы. Асьныд тöданныд, ме абу шопер. А удж вылын машинаыс абу менам кыин. Тi öд командировкаö ветлысь морт. Уналаö воланныд министерствоад уджалiгөн. Колöкö и менам вожö удайтчылö. Он босьтлöй тшöтш аскöдныд? Зэв ёна кора.

– Ветывла эськö быдлаö да. Но кытысь сийöс аддза? Кута кö, шуам, тiян вожö мунны. Кöни олö?

– Ме, ме ныв ордын,– öдйö суйсис сёрниö пöль. Гөлöсыс вöсньыдик, киргыштö. А суседыс, мыйлакö, дзевис синсö.

– Меным висьталöй дай. А эсся сылы юöрта, кор каянныд. Быттьö, удайтчас кö сыланьö веськöдчывны,– гөгөрвоöдiс суседыс.

– Юöрта инöсь. Зэв кö нин колö. Гортыд горт на и эм. Ме тай кызь во карас, да пыр на ас сиктö кыскö-а.

– Пасибö зэв ыджыд, бур мортöй. Мед здоровье тэныд Ен сетас,– пöль бара кыкис дöраторсö да чышкыштiс кымöссö, а эсся синьяссö.

Та вылын и помасис сёрниыс. Вижон кык мысти Владимир Петрович збыльысь Сыктыв вожö мöдöдчис. Сийö сикт пырыс, кöни олiс суседыс. Юöртiс та йылысь сылы. И индöм асылö зэв водз пöльыд тотшикасис нин öшинь улас. Сийöс казялiс гöтырыс.

– Володя. Со тэнад пассажирыд танi нин.

– Сэтшöм водз? Вай чукöст, мед танi виччысяс.

– Чолöм-здоровье бур йöзлы,– пыригмозыс шуис пöль.– Войбыд со нин эг вермы син куньны. Гортö öд кая. Ас йöзöс видлыны.

Чай юигмоз кыкнанныс виччысисны машинасö. Пöль абу сёрниа, мый юалан, вочавидзас жö-а. Сöмын синьясыс вывтi нин бурöсь. Аттьöаланаöсь. Со и машинаыс воис.

– Миша, тайо олома мортыс миянкөд мунас,– шуыштіс сійо том шофёрлы.

– Этійо?! А туй костас кө куло? Ми мыжмам,– скөрпырыс шмонитіс сійо. Кызди и быд том шофёр, сійо радейтіс ойдө ветлыны. А онія туйыс эз вөв асфальт кузя жуньгөмыд. Гуранось. Пөрыс морт вөсна ковмас руньгыны.

– Ті, Гриша дядь, водзас пуксьой. Сэні абуджык зуркыд,– велөдіс Владимир Петрович.

– Колөкө, асьныд нин сэтчө. Ме көть көні.

– Нинөм, нинөм. Пуксьой.

И кутісны котөртны бөрвылө первой карса гырысь керкаяс, а сэсся вөр діяс да сиктыяс.

– Гриша дядь, вель уна гөснеч катөданныд сиктад?– мездорас топөдөм сумкалань индіс Владимир Петрович.

– Мый?– вомсө калькнитліс пөль. Сэсся, көть эз гөгөрво, вашмуніс.

– Гөснечыд, мися, уна.

– А-а. Куш кйөн өд он кай. Ныв пуктіс.

Сэсся и индөм сиктыс мыччысис. Гриша пөль веськөдчыштіс. Кельдөдыштіс чужөмыс. Горша видзөдіс керкаяссө. Торйөн нин синмыс сатшліс өти вылө. Туй бокас сулаліс. Вель ыджыд, шифер вевта. Весиг юрсө бергөдөмөн колльөдіс видзөдласнас. Владимир Петрович виччысис, кор пөль сувтөдас кутшөмкө керка дорө, но сиктыс помасис. Туйыс нуис пожома яглань. Тыдовтчисны крестьяс. Кладбише заводитчис.

– Татчө сувтөдлөй. Ме петала,– корана синьясөн пөль видзөдліс первой Владимир Петрович, а сэсся шофёр вылө.

– Петав, петав. Ми виччысьлам,– эскөдіс Владимир Петрович.

– Эн дыр,– крутджыка шуис зон.– Ми тэрмасям.

– Нинөм, Миша. Мед петалас, мый дыра көсйө. Ме өйдөджык вөрны кута аслам могьясөн. Верстайтам. Ог сөрмөй.

Пөль вөляысь чеччис. Тапиктіс крестьяслань.

– Тэ, Миша, эн сэтшөм крутөн ло. Абу лөсьыд. Коркө и ми сы кодьөсь лоам,– өлөдыштіс шофёрсө Владимир Петрович.

Минут кызь виччысисны. Пөль век абу.

– Час ме ветла жө,– шыасис Владимир Петрович.

– Мый нө сэтысь корсянныд? Кулөм йөз пөвстсьыс?

Мөдыс нинөм эз шу, петіс да воськовтіс крестьяслань. Гөгөр чөв-лөнь. Сідз прөста лыддяліс кулөмаяслысь нимьяссө, артышталіс, коді мый дыра таладор югыдас олома. Эз и казьяв, кызди веськаліс Гриша пөльлы мышладорсянныс. Сувтовкерис. Кутіс

кывзысьны сылөн сёрниö. Со сійö эновтис öти гу да веськöдчис мöд дорö. Сувтис весьтас. Доровтлiс юрсö первой веськыдыв, сэсса шуйгалань. Коймöдысьсö гу весьтланьыс.

– Видза олан, Василей,– тапкöдыштiс крестö пöль.– Тайö ме, Онöпрей Гриш. Век на тай со ола, мусö нин эськö люкала да. Видлыны вои. Машинаöн тюрöдiсны. Зэв бур морт вайис, Владимир Петровичöн шуöны. Шоперыс скöрджык. Но нинöм. Том морт на. Ог дöзмöй. Помнитан на öтлайн бурлачитöмтö? Прöстит, верман кö, том дырйиыд косясьöмтö. Мыйыс тай оз овлы да. Но бура ов. Ог эшты. Висьтала тай, мый машинаöн вои. Тэрмасьöны йöзыс. Эн дивит. Со гöснеч вайыштi.

Вешйис коймöд гу дорö. Дзик жö воддза мозыс матыстчис.

– Öгапея, чолöм тэныд. Виль йөр со потшöмаöсь бур челядыд. Оз омöля овны. Öнтай локтигöн Марьятö керка дорсьыс аддзылi. Чурки-буди, весиг ёнмыштöма. Ме öни карын ола. Ог лёка. Олi, олi да и думайта, лоö гортöдз кайлыны. Гöснеч вылад кампет вайи. Тэ öд сьökыд воö кувсин. Öдвакö көрсö сылысь тöдан.

Владимир Петрович кывзiс тайö сёрнияссö. Тöдiс, мый пöль, дерт, эз эскы мöдар югыдса олöмас. Оз кывны найö, танi куйлысьяс, сылысь сылöм кодь сёрнисö. Мортыс гажтöмтöма наысь, кодьясöс ловьяöн на тöдлiс. Код тöдас, мыйсö öтлайн эз вöчлыны. Ёна гажтöмтöма. Кывзы да кывзы сёрнисö. Мыла сыланкыв кодь. Но збыльысь мунны колö. Быть торк.

– Гриш дядь,– шыясис сійö.– Тэ, колökö, олышт танi. Бöрсö локтигöн босьтам да сиктöдзыд нуам. Ог дыр ветлöй.

– Аттьö, бур морт. Олышта, сiдзкö. Ставсьыс гаж бырöма. Карад олiгад.

Уджыд удж и эм. Он тай, вöлöм, öдйö вöч быдтор. То öти колана морт абу, то мöд. Рытöдзыс нюжалiс. Бöрсö локтигöн сувтiсны кладбише дорö. Гриш дядь вöлi сөнi. Шойччö öти гу дорын. Мыйкö сёрнитö.

– Бур йöзыс тай вайлiсны. Öни сэсса муна. Эн ёнасö дивитöй. Ог эшты да. Ставныдкöд сёрнитöма лои.

Сійö быттö томмыштöма. Тотшиктiс машиналань. Пыртöдзыс бергöдчылiс на.

– Тiянöс нö, Гриша дядь, кытчö чеччöдны?

– Ог нин чечыв. Луннас, көнi колö, вöлi нин. Кор тi ветлiнныд. Бөр карö муна. Аттьö вайлöмсьыд. Кольчан да нинöмөн петнысö татысь.

Сэсса ланьтöдчис. Думайтiсны, мый лунтыртö ветлöдлiгад мудзысла унмовсис. Но эз. Сійö чöла пукалiс да видзöдiс водзлань, мыйкö думайтiс...

Рытнас Владимир Петровичлөн суседыс гортөдзыс пыраліс.
– Катөдлінныйд Гриша дядьсө?
– Кайлім, кайлім.
– Но, сідзкө, и месянь аттьө. Ас сиктса морт да со жаль жö. Кевмысьмөмөн кевмысис катөдлыны. Кытчö нö чеччис?
– Кар шöрас. Ныв керка дорас.
– Эз эськö тшöкты висьтавыны да. Но висьтала нин. Абу сылөн тані нывьясыс. Рочын көнкө. Сійö кардорса индомын олö.
– Но-о,– чуймис Владимир Петрович.– Сэсса нö некод сиктас сылөн абу?
Суседыс дженьыдакодь висьтыштис, мый төдіс Öнөпрей Гришлөн олөм йылысь.
– Но-о,– бара чуймис Владимир Петрович.– Кыдз нö сійö индомас веськаліс? Ловья челядь дырйиыс?
– Гөтырыс, мися, Миш Сандра, другөн кулі. Пытшкас, тыдалö, уна новлөдлөма. Некор сёлөм висьом вылө эз норасылы. А другөн кулі сёлөмсьыс и ставыс. Та бöрын Гриш дядь, висьталöны, ачыс вöзйысьны индомас кутöма. Пиыс, Öльöксаныс, абу жö пыксьöма. Мед пö ветлас недыр кезлө. Кыдз веськалöма – ог төд. Война вылад вöлі мортыс, да сійö пö тай, шуöны, отсаліс-а. Код төдас...
Владимир Петрович и водзö пукавліс öшинь дорын. Унаысь виччысис сэкса пöльтö. Колöкö, сёрнитчасны да бара на катөдлас гортөдзыс. Но сійö сэсса эз воы. Гашкö, пиыс гортас бөр нуис. Колöкö и кулі индомас Öнөпрей Гришыс. Эз тай мыччысьлы-а...

КИМӨСТИТЧЫСЬЯС

СЕРАМБАНА ПОВЕСТЬ

Быд коми сиктын эм морт, коді шмонитөмөн гажөдө сэтчөс йөзлысь олөмсө. Но эмось и сэтшөмьяс, кодьяс вылын нэмсө сераласны. Пыр мыйкө накөд лоөма, пыр кутшөмкө дзугйө ше-дөмаось.

Татшөм морт йывсьыс и көсья висьтыштны.

Оліс-выліс Вөрыб сиктын Митипер Иван. Ичөтик, өнія челядь пөвстын татшөмьясыс витөд классө котравлөны, туша сертиыс кө Иванкөд өткодявны. Но выныс мужичөйлөн вөлі Егорей вөв кодь дядьөяслөн мыйта. И сөйөм вылө эз норасьлы жө. Мый ки улас веськалө, сійөс и туджас. Чөскыдсө да чөскыдтөмсө эз гөгөрволы. Мед сөмын сөйны позис-а. Азя шыдыс кө кизьөрджык артмывліс, Митипер Иван сэтчө нянь чирйыліс. Паньтө кө сувтөдан – оз, майбыр, пөр. Сук сөян радейтліс.

Ичөт дырйиыс серавлісны, кор сійө ачыс асьсө вугырөн кыйліс. Шеныштис шатиннас – и шедіс. Дзик өд льөбьяс пысасис вугырыд. Көвсө эз путымы орөдны: мунө сикт кузя и бөрлө. Кокнас көв вылад тувччас, нөшта гораджыка лимзавны босьтчас...

Сэсса серам выв лэптисны сэк, кор гөтрасис Педөра Сандра вылө. Ачыс Иван ичөтик – гыр кодь да лөнь, а орччөн кузь тушаа ичмонь. Нөшта на зэв ёсь гөлөса да варов. Пинясьнытө ськөд эз лысьтны весиг кыв вылас медся яр бабаясыс. Буретш

та вöсна и öтдортчисны сысы мукöд зонъясыс. А Иванлы бöрйысыны кадыс эз вöв, да и лачаыс тшöтш жö, мый кодкö мöд, тöлкаджык да авьяджык ныв сы вылö ыштас. И босьтис гöтыр-нас сйöс, кодi коли. И öд зэв здöвöль вöли первойсö, ок здöвöль. Ачыс абу торъя мича, а гöтырыс... Та вöсна и вежöтгис Ваньö Сандрасö быд гача дорö. Челядь налөн лоины сьöрсьөн-бöрсьөн. Оз на удит быттьö Сандра вайны, а кынöмыс бара нин вомöдзыс. Тöv и гожöм Иванлөн керкаыс юралис челядь бөрлöм да сералöм. Кытчö көть сиктас синтö он чöвтлы, сэни и Зюзевьяслөн нимкодьторьясыс ризьялöны. Көть лыддыны босьтчан, он вермы. Котралöны чептысь минöм поньяс моз. Кодкö сэки и шуис: «Но и керка Иванлөн, быттьö Китайын олöны». Тайö кадсяныс мужикöс Китай Ваньтöг эз кутны тöдны.

Первойсö гозья эскö эз торъя лёка овны да. Весиг кажитчис, мый радейтöны öта-мöдсö. Сиктасаяс весиг шмонитны на вылын дугдылисны. Но Китай Вань ачыс воропсö сетис, медым эз вунöдны на йлысь.

Отчид төвнас сиктса мужикъяс мөдөдчисны вөрö кер пөрөдны. Вöрыбсянь вель ылö. И быдса вежонъясөн эз мыччыслыны сиктын. Сёян-юансö вайлис торъя морт, олисны коркö важөн нин бырöдöм вөрпунктса овны шогмана керкаын. Быд мужиклы сёянсö ыстывлисны гортсяныс. Быд семья зильлис ыстыны семья вердысьлы медся чöскыдсö да пötöсасö.

Кузь төвса рыгыяссö коллявлисны картён ворсöмөн либö öта-мöд вылас шмонитöмөн. Ёнджыкасö Китай Ваньлы сюрли. Ачыс жö элясьлис, мый рыгыяснас дыр оз вермы унмовсьны. Сьöкыд мөвпьяс юрас бергалöны да. Кыдз нö оз – гöтырыс гортас öтнасөн, верöстöг, а сиктын мужикъясыс вель на уна колисны.

Отчид, кор ставөн водисны узыны, Кузьма Виталей недыр мысти босьтчис юасыны:

– Иваныс оз на узь?

– Быттьökö тай шкоргö нин-а,– вочавидзис кодкö.

– Тi вай некодлы эн висьталöй, а то Ваньыслы кывсяс,– вашкöдö Виталей сiдзи, медым Ваньлы быд кыв кылис.– Талун сёян вайысьыд меным гусьөн висьталис, мый Сандра дорас Öльöш вошойöдчывлö. Войяснас волывлö.

Ставныс уськөдчисны Иванöс жалитны. Со пö кутшöм гöтырьяс овлöны. Сэсся бисö кусöдисны да унмовсисны топыда.

А Китай Ваньлөн унмыс кытчökö ылöдз уйкнитис-пышйис. Виталейлөн висьталöмыс сатшис сьölöмас жель моз. Синьяс водзас сувтö серпас: Öльöш, куим төв вуджан öш кодь ён, да сылөн Сандраыс, кутчысьлöны да пöся окасыны.

Виччысьыштис Китай Вань, кор ставныс унмовсясны, дугдасны бергавнысö, сувтис ньöжйöник, и – Вöрыбöдз подöн лыйыштис. А сэтчöдз этша вылö кызь верст. Горт дорас воигöн öтарö нин вöли лолалö. Лёкысь босьтчис зөрöдчыны. Сандраыс восьтис да муртса гатшöн эз усь. Кытысь нö верöсыс уси?

Китай Вань сийöс вештыштис да керкаö уйкнитис. Джоджсö кыкысь и воськовтис, быд пельöсö юрсö суйлис. Абу, дерт, некутшöм Öльöш. Ропкöдчыштис Сандра вылö:

– Мыйла но няньсö этша мöдöдöмид?!

– Кыдзи этша?– шötясис Сандра.– Челябиндылы со юклöмөн сетi. Гортö кольны эг нин убöлит. Ставсö тэныд!

Китай Вань нинöм эз вочавидз. Ветлис залавкалань, кыскис нянь тупöсь да шöрыштис зэв вöсныдык шöрöм. Мед дзикöдз челядьсö да гöтырсö аслас йöйталöмөн не пайкны. Кытшовтис узысь пиянсö да нывъяссö, крапкис керка öдзöссö и бөр вөрлань сетчис.

Мужикъяс важөн нин чеччöмаöсь и сөйöмаöсь. Вөр пöрöдны мунны петöмаöсь. А Китай Вань сöмын на локтö. Весиг купаикаыс пöсьысла кöтасьöма, ньылöмыс оз жö тай быгйөн лэччы-а.

Мужикъяс куснясьöмөн серавны босьтчисны. Китай Вань чöv олö. Оз жö тай некод вылö уськöдчы-а. Ылöдлöмсыс. Гортас локтöдз пыр тешитчисны сэсся Китай Вань вылын.

Та бöрын Вöрыб сиктын кö кодкö весьшöрö ветлас кытчöкö, то пыр и шулисны, мый Китай Ваньлөн ветлöм кодьөн артмис.

Бöрынджык Китай Вань да Сандра костын зык-шумыс кугис пансьывны пыр тшöкыджыка. Енмыс кö сетöма бабалы ёсь гөлöс, то оз öд кут сийö тайö добрасö гусьөн видзны. Быд рыт Зюзевъяслөн керкасянь кылис Сандралөн ёсь гөлöсыс. Дерт, гора гөлöсөн сывлывлöны, но Сандра татшöмторнас эз ышмы. Ассыс гөлöссö сийö видзис лючки пинясьöм вылö.

– Тэ сöмын челядь вöчавны и кужан!– горзывлис сийö.– Сэсся нинöм вылö сямыд абу! Тусь ни пызь татшöм мужикыд! Мый морла бара ме тэ сайö петли-а?! Мöд мужиккöд кö олöмöс йитi, то нэм эськö красуйтчи.

А Китай Вань чöv олис. Дерт, гöтыр вылас дузгöдчывлис, но кинас некор эз воли. Шеньштчас сысыс, да и петас ывла вылö. То пес тэчны босьтчас, то ва кыскалö. Пыр тай мыйкö ноксьö-а. Гортад дорысь ывла вылас сылы вöли кыпыджык. Сандра öшиньöд видзöдыштас, а сэсся ачыс петас верöсыслы отсавны.

Тадзи и олисны. Сандра пинясис, а Китай Вань пыр мыйкö ноксис.

Бөръя кадас сийö босьтчис монтеравны совхозын. Пыр кытчöкö мунö. Киняулас каньлөн кодь ёсь гыжъя кöрт дивö

топөдөмөн. Челядь быдмыштісны. Иван пөрысьмыштіс. Ветымын арөс со во-мөд сайын вуджис.

Таво тулыс мөвпыштісны Китай Ваньөс ыстыны орчча сиктө би сюръяяс вежлавны, сутугаяс везйөдлыны. Ваньө и босьтчис нюргыны:

– Челядь туйө век на менө видзөны. Томджыкьяс эмөсь, мед найө и мунөны. А ме абу нин зимогоритысь.

Сандра кыз тай сы вылө уськөдчас:

– Тэныд, дыш рунылы, мед пыр сөмын гортын пукавны. Он и мөвпыштлы челядь йывсьыд! Ниналы платтө колө ньөбны. Сашöлы – ботинки.

– Мый нө, тэныд сьөмыс оз тырмы али мый?– видліс дорйысьны Китай Вань.– Ог тай со мукөд мужикьяс моз ю. Ставсө гортө вая.

– Эстөн, пельөсас, быдса деньга мешөк сулалө! Сы мында вайөмыд. Нөшта өд ошйысьө,– дэльөдіс Сандра.– Вай ветлы! Сэн көть камандировошнөй на сетыштасны, век нин водзө!

Гөгөрвоис Иван, мый вензыны гөтырыскөд он вермы. Ковмас мунны. И сійө петіс гортсьыс, өдзөссө сьөлөмсяныыс крапнитөмөн.

Мөдөдчисны зимогоритны медся рөспута каднас. Отсөг вылө сетісны Кузьма Виталейлысь Коля писө. Сылы сөмын мед шойданникавны. Карын олыштөм бөрын нөшта көнкө бокиын ветлөдіс, а сэсся некытөн, тыдалө, эз кутны видзны да гортас воис.

Лунтырьясөн кыпөдалісны найө сьөкыд, зэр ванас тукталөм керьяссө. Колялы быттө веськодь. Корсюрө рыгыяснас ветпывлө на весиг вөлі. А Ваньө сутшик босьттөдз мудзлывліс. Рыгыяснас водпывліс чорыд вольпась вылө, видзөдіс пөтөлөкас да думсьыс быд ногыс Сандраөс видіс. Пөрысьө-нэмө зимогоритны мөдөдөмысь. Не кө гөтырыс, эськө, пыккис жө татчө ыстөмсьыс. Мөдөс, эськө, мөдөдісны. Лөк мөвпясьсөн век и унмовсьпывліс.

Төлысь чөж зимогоритісны. Торйөн нин сьөкыд вөлі уджавны бөрья луньяссө. Енэжыс быттө письтіс, а дөмнысө некодлы: зэрыс лэччис и лэччис. Туйяс дзикөдз жугалісны, машинаяс дугдісны ветлөдлөмысь.

Талун найө помалісны уджсө. Бөрья сюръяяс вылас сутугасө везнитісны. Китай Вань чайтіс, мый некор нин оз помасьлы тайө нокыс. Сы вөсна вель дыр чатөртчөмөн видзөдіс мустөммөм сюръяяс вылө. Сэсся сьөлыштіс да веськөдчис керкалань, кытчө овмөдлісны. Коля со водзынджык нин шлапсьөдө. Сылы, майбыр, веськодь. Аски колө гортө вөрзөдчыны. Думыштіс Китай

Вань сы йылысь, кызди кутас пидзөсөдз нийт туйсө лойны, да бөрья юрсиясыс сувтлісны.

Налөн олан керкаыс сулаліс сикт шөрас кымын. Важиник да ичөтик – вөчлөмаось шыбитлөм керкаө на кодь жө зимогоритысьяслы юр сюянін местаө. Пачыс лёкысь тшынодіс, съод пивсянын кодь олөм вөлі. Эз кө ков косьтысьны, эз эськө и помтывны.

Китай Вань пыригмозыс бара кытшовтіс синьяснас жырсө: өти өшина, стеныс куш, куим улөс да пөвйысь вөчөм узыланіньяс кындзи дзик нинөм эз и вөв. Он кө мысян чумансө лыдды. Китай Вань да Коля швачөдыштісны кушенчаяссө стенө, пыркнитісны вывсьыныс войталысь васө. Оти пөвста өшинөд бура кыліс зэр шыыс. Таысь Китай Ваньлөн дзикөдз дількмуніс сьөлөмыс.

– Поводля жө пуксис,– дөзмөпырысь шыасис Коля.– Вежон нин со зэрө.

– Кутшөм вежон. Төлысь кө нин-а. Локтөмсянь эз на дугдыв да,– улөс вылө бруткысигмоз сөдзөдіс Китай Вань, чөвтліс өрт вылас синсө сідзи, быттьө Коля мыжа тайө зэрсьыс.

– Төлысь кө и төлысь,– эз кут пыксьыны мөдыс.– Голя помө вотөдз нин тай лои-а.

Китай Ваньлөн өти шуөмөн сьөлөмыс эз на бурмы. Талун сійө лунтыр дузьяліс Коля вылө. Ачыс эз төд мыйысь. Сы вөсна өні водзө зілис мыйкө прекө шуны:

– Нинөм, зэр ва улас кө коскыд небзяс, бурджыка куснясьны кутас. Көтасьөм бадьыд тай нюдзджык жө-а.

– Куснясьө тай,– муззпырысь пуксис аслас узылан пөвьяс вылө Коля.– Сэтшөма коскөй кынмис, мый быттьө зор сүйөмаось. Оз со некызди веськав. Но мый нин өні лөвтнысө. Помасис уджным да.

– Ен ськөдөн, эштіс жө тай,– здукөн бурмис сьөлөмыс Ваньлөн.– Тэныд эськө мый да. Томджык на меысь да. А меным, коньөрлы, со поводнөя мөрччис. Сөтана пызь! Ог нин өд вөлі көсйы татчө локнысө...

– Тэ та йылысь луннас сёысь дөжнавлан. Дышөдіс нин голя помө вотөдз,– прекө шуис Коля.

– Сандра мырдөн ыстіс,– весиг эз көлөвартлы сьлөн шуөмлы Китай Вань да ассьыс нырис водзө.– Ыстіс өд, Кольө, мырдөн ыстіс.

– Сійө бара ыстас. Заводитас тай горзыны да медся пурсьыс поньясыс бөжьяссө кокьяс костас сүйөмөн миян кильчө улө саймовтчөны.

Китай Вань сьөкыда ышловзис, ветліс аслас ноп дорө да кыкис

сэтысь тшай пачка. Гумовтіс кёшён ва да кисьтіс стеклө банкаө. Босьгчис пузьодны тшай васө. Мортгылён бара письтөма норасян руис да некыдзи эз вермы дугдыны. Бара на лөвтны кутчысис:

– Да өд первойсө, кор гөтраси, зэв лада ныв вөлі. Кыв паныд эз шулы.

– Верөс сайө петтөдзныс найө ставныс ладаөсь,– гогнитіс юрнас мөдыс. Сылы нө мый, мед сөмын кутшөмкө сёрни муніс-а. Дзик варовиттөгид кадыд зэв кузь. Та вөсна пыр дакайтліс Китай Ваньлы. Мый сэсса вөчан, кор мөдыслөн сэсса некутшөм сёрни визь оз аддзысь.– Менам вөвлөм гөтырөй өд сэтшөм жө вөлі... Гижсытөдзныс вылас кө вөлі синмөс чөвтла, то тушанас сантиметра дас чинлас. А скөрджыка кө видзөдла – дзикөдз быттьө бырлас. А гөтрасьөм бөрас..

Коля сувтіс, веськөдыштіс кынмөм коссө да пузьөм васө кисьтіс аслас кружкаө, коді тшайсьыс вөлі нин сардмөма. Кытырнас чөвтис сэтчө тшай турунсө да пөдлаліс югыд кабаляөн. Быттьө во дас пукавлөм морт, вөчис аслыс сук тшай. Быдлаын вөлігад да унакөд гартчигад дзескыдінад веськавны абу сьөкыд, но сійөс со Енмыс видзис на. Китай Вань аслыс тшайсө вөчис кизьөреникөс. Рөмыс тай ваыслөн муртса вежсьыштіс жө-а. Но ыркис юанторсө Китай Вань сьөлөмсяныс. Быттьө некор нин абу юлөма. Шонөдчыштөм бөрын сійө нөдзласьыштіс да водзө нүөдіс панөм сёрнисө. Быттьө некутшөм кост эз и вөв. Быттьөкө ассьыс семья кост олөмсө пыр и юрас кутө.

– Тэныд, Коля, лөсьыд вөлі торйөдчынытө. Челядыд эз вөв да. А меным... Со и сюрө меным, коньөрлы. Төдө Сандра, мый некытчө ме ог воштысь. Сьөкыд олөм, Коля, ола. Ок сьөкыд.

– Мыйысь нө сьөкталін? Кага вөчалігад али мый коскад суйис? Көкьямысөс лөсьөдөмыд да.

Китай Вань думыштчис. Вель дыр мыйкө юрас гөгрөдліс, чуньяссө куснөдлөмөн кутіс артасьны. Коля шензьөмөн видзөдіс сы вылө. Мый нө тайө мужикыскөд лои? Весиг юасьөмсө оз кыв. Сэтшөма артасьө. Кымөссө чукрөдлө, быттьө гөрөм му артөма. Сэсса весьөпөрөмөн быттьө лөкгоршөн авөстіс:

– Окмыс кө-а! Окмыс кө челядьөй-а?! Лизаөс, гашкө, вунөдін?!

Коля тайө горөдөмсьыс весиг йөжгыльтчыліс. Оз төд, пышйыны али кольччыны.

– Челядьтө али мый татшөмасө лыддин?– шензьөмөн юаліс Коля.

– Лизаөс, медыджыдсө, көнкө, вунөдін?

– Мед эг. Лизатө бара ог вунөд. Ме сы вылө, колөкө, жальядза гөтрася на,– вашмуніс Коля.

– Сета ме сійос тэ сайö! Зимогор сайö!– звирк чеччыштис Китай Вань.– Эн сы вылө синтö кодзлөдлы. Тэныд Лизаос нэмнад не адзвыны.

– Ачыл нö кодi? Со тай төлысь öтлаын зимогоритим,– дузгöдчыштис весиг Коля.– Да и оз ков меным тэнад Лизаыл! Сандра кодьыл, колökö, лoö. Ме бабаяссыд öнi биысь моз пола нин. На вылө кавшасигөн юр нин бергöдчö.

Китай Вань водзöсö тайö сёрниас водзö эз нырьясь. Бара ланьтис да босьтчис зэв сёлөмсяньыс кусньöдлыны чуньяссö. Öкмыс чунь кусыньтöм бöрын вель дыр видзöдiс кияс вылас. Мыйкö вомгорулас ропкöдчис. Сэссия кутчысис гораа лыддьöдлыны:

– Васьö, Катьö, Семö... Öкмыс! Збыль öкмыс.

Сы вылө видзöдöмөн Коля азыма сералис. Но Китай Вань быттьö тайö жырьяс дзик öтнас и вöли. Эз и видзöдлы сы вылө.

– Со öд батысь! Челядыслысь лыдсö нин оз тöд. Абу прöстасысь Китай Ваньнад нимтылöмаöсь. Сэни, дерт, тэ моз жö оз тöдны олысьясыслысь стöч лыдсö.

– Öкмыс тай гортысь мунигөн вöли-а. Öнi кö некод эз чуж? Быттьö тай Сандра оз нöбась вöли-а.

Коля сылөн зэв збыльысь лыддьысьöм вылө видзöдöмөн дзикöдз ышмис. Окота лои ышмыштны. Та вöсна и бара дöжныштис, медым дöсадитны, тешитчыштны вежөгтысь Иван вылын:

– Öти төлысьнад вайсьынытö эз на удит. Эн кö быттьö кöйдыстö кольлы.

– Оз, мися, нöбась вöли.

– Регыдъя кадөн кага вöчны мян сиктын сöмын öти морт вермö.

– Кодi?

– Öньö. Сылөн, висьталöны, öдйö артмö. Вошйылөм бöрас буретш төлысь мысти и вайсьöны бабаясыд.

– Кутшöм Öньö?!– быттьö пöсь из вылысь звиркнитис Китай Вань да кутш моз сувтис Колялы воча.

– Быттьö оз тöд. Дасöдысь нин танi öлигөн висьтавлi да. Кирö Öньöсö нин эз кут сэссия тöдны.

– Дугды сёрнытö!– муртса чеччыштлөмөн эз шашаритчы куз тушаа Колялы морöсас Китай Вань.– Менам Сандра сы вылө весиг синсö оз чöвтлы.

Коля мездысис сылөн кабырысь. Скөрмытөг вештыштис ас дiнсьыс ёртсö. Тöдiс мöдыслысь русö, но век жö эз энoвтчы шмонитöмысь:

– Код тöдас на. Ме тай, шуа, мыйсюрö на костысь казьявлi-а.

Синмасьломъяссө. Эз өд, көнкө, весьшөрө Сандрайд тэнө татчө сюръяяссө сувтөдавны ысты. Мед мынтөдчывны. Тэ дырйи нө кызди мусукаясны? Некезди.

Китай Вань скөрмөм пыдди дзикөдз шемөсмис. Лигышмунис весиг. Сыркмунөма ставнас. Шлапкысис-пуксис улөс вылө. Көсйө мыйкө шуны паныв, но сөмын льобъяснас тяпкөдчө. Нинөм шуны оз путьмы. Коркө тай сэсса гөлөсыс письтис жө:

– Оньөкөд өд оз жө кут? Сийө эськө гөтыртөм и быдөн да. Бабаяс вылад, висьталөны, лют и...

– Ой лют!– водзө шызьөдө Ваньөс мөдыс.– Сиктаным тай ставыс сы кодь чужөма челядь ризьялөны-а.

Китай Вань вель дыр видзөдис сы вылө. Оз төд, мый и вочавидзны. Сөмын и вермис шуны:

– Эн сөр! Сандра өд Кирө Оньөкөд оз жө кут?

Коля казялис сылысь дзикөдз нюкыртчөм чужөмсө. Гөгөрвоис, мый водзөсө сэсса өнi ызьөдны нинөмла. Мед шойччыштас, а сэсса, стрөка кө сюрас, бара на позяс тешитчыны. Зэв вежөгтысь да. Ставторыислы эскө и. Дивья татшөмтө весьөпөрмөныс йөйтөдлыны.

– Эн сэтшөма шогө усь. Сөра өд ме нинөм абусө. А то дзикөдз кельдөдiн. Сьөлөмтө коть видзышт. Потас. Верман на и гортад өнi жө чепөсйыны. Сэкса мозыд. Бать өд висьтавлis, кызди тэ вөр пөрөдiгад гортад төвзылөмыд. Онi өд тэнө арлыдыд нин таялө. Он нин сяммы сэкса мозыд комын версттө татшөм няйт туйнас войбыднад вуджны. Сьөлөмыд вомөдыд чеччыштас.

– Збыль мөй висьталан?– быттө абу и кылөма сылысь кузькодь сёрнисө Китай Вань. Век на ассыс дөжналө.

– Мый?– гөгөрвотөм улө лэдзчысис Коля.– Няйт туй йивсьыс али мый юасян? Няйт. Збыльысь зэв няйт.

– Эн йөй улө лэдзчысь. Оньө да Сандра костас збыль мөй мыйкө сөтвөритчө?

– Шуа тай, сөра, мися, нинөм абусө. Кодкө тэнад Сандра вылө видзөдлас. Сылөн мышкуыс сельполы груз ваялан пжх пасьта да.

Мыйысь он чайт, сы вылө и медся ёна пузырьө Китай Вань. Тайө шуөмсьыс сийө чирк моз звиркнитис Колялань. Эз жө тай бара морөсас шашаритчы-а.

– Кызди оз?! Менам Сандрайд өд абу шыбитана. Ме өд сийөс бура төда!

– Тьпу! Колө жө вөли меным быд йөйыскөд нинөм абу йивсьыс сёрнисө панны. Йөймис со дзикөдз. Войбыд оз кут узьны. Меным на оз сет и...

– Збыльысь сөрин?

– Сөри, дерт. Пернапасася, көсьян кө?
– Он кө, буди, сөр тэ-а,– эскытөма нурбыльгис Китай Вань.
– Сирасис сэни. Он кө эскы, то картён көть гадаита. Көнкө мян бонзьём карті вөлі. Гадайтны али мый? Он кө меным эскы.
– Гадайт,– нянь коран пон синмөн Коля вылө видзөдіс Китай Вань.– Тэнө өд төдысь рөдысь петөмөн шуёны. Гадайт.

Коля көсийс нин ылөджык ыстыны сійөс. Весиг кыв шутөг бара аслыс тшай ва пуктіс. Но мөдыс вөлі арся шляча кодь жө. Синмад и пырө. Бөрсяныс ветлөдлөмөн дзайгысьө.

– Ошйин жө тэ ме вылө. Грек вештөм кодь вөлі төлысь чөжсө тэкөд уджалөмыс. Мөдысь кө тэкөд ыстыны кутасны – йирө пыра, но ог мун. Гадаита. Сөмын эн лөвт. Но прөстаысь ог кут. Кисьтыштан кө – сөмын сэк.

Китай Вань сутш кежлө тшөкмунліс. Зэв сюся видзөдіс Коля вылө да ачыс йөй улө зэв өдйө лэдзчысис. Асланыд тай быдөн мудер:

– Мый кисьтышта?

– Тэ тай, Ваньө, кор аслыд колө, он жө ройө увт. Роч ви-натө, шуа тай, кисьтыштан кө, то гадаита.

– Абу менам да.

– Эм. Төда өд. Мудзвывсьыд некымынысь меысь гусьөн тшай пиад войтөдыштлін. Казявлі өд. Эг нин нинөм шулы-а. Дукуыс өд паркйө вөлі.

– Коскөс корсюрө зырыштлывлі да, колөкө, сійөн дукуыс кывліс?– өдйө адззис воча кывсө Иван.

– Эн, мися, менө стенө кавшасян йөйөн лыдды. Көсьян кө гадайтчыны – кисьтышт.

Коля стөча нин төдіс, мый Китай Вань кыскас аслас дзебасьсь дозсө, да веськөдчис аслас ноплань. Кысчис сэтысь небыд нямөдөдз бонзьём карті. Сьөлыштис чунь помьясас да босьтчис разөдны.

Китай Вань артасис на, мый вөчны. Но век жө довгыліс аслас нопланыс, вель дыр лукйысис сы пытшкын. Сэссия кысчис джыньялыштөм доз. Ачыс зэв сьөлөмсяныс шензыштис:

– Збылысь тай вөлөма. Чайті, мый абу. Вөлөма со.

Сійө виччысис, кор Коля пожьялас стөкансө, да неуна чольк-нитыштис сэтчө курыдторсө.

– Аслыд нө он и кисьт,– эз дөзмы этша кисьтөмсьыс Коля.

– Аслым позьө жө,– эз куражитчы мөдыс. Койыштис стөкансьыс тшай пыдөссө да кисьтыштис. Эз жө Коляысь торъя уна.

– Мыйла нө стөканас кисьтін?– вашмуніс Коля.– Кос вылад мед койыштін дай. Шуан тай, мый костө пыр зыралөмыд.

Мёдыс быттьö эз кыв. Путкыльтіс вомас курыдторсö. Няклялыштіс нянь тор. Тэрмасьтöг бөр пробкааліс дозсö да нуис мешöкас. Та бöрын сатшкысис улöс вылö. Нюжöдіс сьылісö:

– Мудзнымöс веськöдыштöма лои. Сэсса гадайт. Ставсö жö веськыда висьтав-а.

Коля нэмсö эз гадайтчыв. Картінас сьом вылö сöмын ворслывліс. Но öні ина чиган моз разöдіс бонзьöм картісö. Синьяссö читкыртöмөн, сьöкыда мөвпалöмөн босьтчис видзöдны пызан пасьтала шыблалöм картіяс вылö. Вель дыр дзоргис. Быттьö поліс адзöмтор йивсьыс висьтавнысö.

– Со öд мый тэныд картыс петкöдлö!– шог гөлöсөн босьтчис некор тöдлытöм уджö Коля.

– Мый? Сандра да Öньö костсьыс мыйкö мöй аддзин?– öшöдчис картіяс весьтö Китай Вань. Зэв сюся видзöдіс морта и морттöм картіяссö, но нинöм сэтшöмсö эз казав. Абу, буракö, сылы Колялы моз сямсö та вылö вичмöдлöмаöсь.

– Ме на дорöдз эг на во. Эн тэрмась. Первой лючки колö водзö лоысь олöм йивсьыд тöдмавны. Сэсса сы бöрын ставыс тыдовтчас.

– Мый нö эськö картыс петкöдлö?

– Öкмысдас арöсöдз пö со олан.

– Сы дыра öд, кöнкö, ог жö. Менам öд гөгөр нин юкалө-висьö. Сэсса и öкмысдаснад выживма нин да сöмын йöзсö дöс-адитны кута.

– Он. Збыльсь öкмысдасöдз олан. И тыр вежöра лоан. Öнія дорсьыс ёна сюсьджык. Со картыс висьталö.

– Кутшöм карті нö та йылысь вермас висьтавны? Эсійö джын-вийö юра валетыс али мый?

– Оз сійö, дзик мöд. Тэ гадайтчынытö он куж да он и казав. Сöмын меным тыдалö. Кисьтышт неуна. Висьтала, коді?

Китай Вань пöсьывывсьыд муртса эз сувт да мешöк дорас котörtлы. Но ас кадö сайкаліс. Юрсö пöлынтьöмөн видзöдліс тöдысь рöдысь петöм морт вылö.

– Ме тэныд гадайтчöмсьыд чолькнитышти нин да. Ог сэсса кисьт. Эн и дзайгысь.

– Он кö и эн,– эз дöзмы да бара картіас босьтчис Коля. Бура дыр бергöдліс куимöс кымын. Оз жö тай исав-а. Сэсса ышлов-зис:

– Тэ тай зэв горш вөлöмыд. Сорассьöма менам. Ветымын витöдз сöмын и олан.

Тайöс шуöм бöрын Иван кельдöдліс, сэсса лөзöдліс, та бöрын босьтчисны сырмыны льöбьясыс. Лои чери кодь, кодöс лэптисны

ваысь. Сійӧс тай васьид кор кыпӧдан, босьтчас лёкысь апавны сынӧдсӧ. Сідз жӧ и ӧні Китай Ваньлы быттьӧ тыӧдзсы сынӧдыс эз кут воны. Сэсса тай кыз чилӧстас:

– Кыззи ветымын витӧдз?! Меным жӧ ветымын витыс аски тырас! Вом тыр водка вӧсна ӧд картыс эз жӧ комын во чинты?!

– Аски али мый чужан луныд? Сё дивӧ тай!– зэв сьӧлӧмсянь шензьыштис Коля.– Мед эн тшӧкты гадайтнысӧ дай. Со кутшӧм лёктор тӧдмалім. Эг ӧд тайӧс ачым думышт. Со, картыс петкӧдліс.

– Сійӧ, колӧкӧ, мыйсӧ оз петкӧдлы да.

– Сідзкӧ, ог и гадайт,– бӧр чукӧртис разӧдӧм картисӧ Коля.

– Кыззи он?! Водкасӧ гулькнитін, а гадайтны он кӧсйы. Гадайт!

– Сідзкӧ, эн и няргы. Ме ӧд тэ вӧсна тӧждыся. Картыс кӧ лёктор петкӧдлас, мед водзвыв тӧдін. Колӧкӧ, лёксыс виччысьны на позьӧ.

Коля бара разӧдис картисӧ. Нянь увтан пон моз виччысьӧмӧн босьтчис видзӧдны Китай Вань вылӧ. Но сійӧ быттьӧ эз казая корана видзӧдлассӧ. Ассыс долис:

– Ышнясьӧ ӧд нӧшта... Юны юис-а.

– Эн лӧвт,– надеяыс быри да тапкӧдыштис картіясас Коля.– Картисӧ торкан. Тэныд со сійӧ тшӧктӧ виччысьны еджыд корольсы. Ок ёна виччысь.

Китай Вань бара быттьӧ доналӧм из ньылыштис. Вомсӧ паськӧдӧмӧн босьтчис апавны гӧвкъялысь табак тшына сынӧдсӧ. Сэсса дон изйыс быттьӧ исковтис пукалан местаӧдзсы. Йӧткыштчӧмӧн тай чеччыштис-а.

– Коді нӧ сэтшӧмыс?!– чилӧстис сійӧ.

– Кыззи коді? Кирӧ Ӑньӧ. Сійӧ ӧд ӧтнас миян сиктын еджыд юрсиаыс,– нюмсӧ мырдысьӧн кутігмоз вочавидзис Коля. Но эз вермы кутчысьнысӧ да керка тырнас серӧктис. Вель дыр куснясьӧмӧн гизис. Китай Вань синьяссӧ сувтӧдӧмӧн дзоргис ӧрт вылас. Некеыз эз вермы гӧгӧрвоны, мыйла Коляыс ваксьӧ. Сылӧн шог вылын али мый?

– Кирӧ Ӑньӧ! Кирӧ Ӑньӧ,– сӧмын и петіс сылӧн вомысь. Дурпоп моз босьтчис гӧравны Коля гӧгӧр. Тыдалӧ, корсис, кодар боксян бурджык лӧсыштны ӧртыслы. Но эз жӧ тай лысыт-а. Коля со Егорей вӧв коль. Водзӧстӧ кӧ сизьдыштас – асылӧдзсы он ов. Пуксис. Видзӧдліс сералӧмсыс пӧтӧм Коля вылӧ да сӧмын юалис:

– Збыль мӧй сійӧ?

– Гашкӧ и абу да. Еджыд йӧзыд ӧд уна тай ветлӧ. Нимсӧ час тӧдмалам,– выльысь босьтчис ноксыны картинас Коля. Сійӧ бара

вөчис сюсь чужом. Кутшом мөвпьяс гөгралісны сылөн юрын – лешакыс төдө.

– Төдмав. Гашкө, абу сійө,– ышловзис Китай Вань. Ачыс то-торкатша моз гоняліс разөдөм картяс вылө. Көть нинөм эз гөгөрво, но кыйөдіс, медым мөдыс эз мутлуит.

А Коля другөн босьтіс да чукөртіс картяссө да шыбитіс пызан помө. Ачыс сувтіс да нөдзласьыштіс. Китай Вань нинөм гөгөрвотөг гөгрөдіс син аканьяснас.

– Мый нө сувтін? Лөктор али мый картясыс петкөдлөны?

– Вай мөдыс коркө гадаита. Мыйкө другөн эз ло окота ноксынысө. Абу өд тайө кокни удж. Став эбөстө нөньыштө.

– Картястө разөдігөн коскад оз на лый!?!– чилөстіс Вань.

– Тэ чайтан, кокни? На, сідзкө ачид и гадайт,– шыбитіс сылань карті чукөрсө Коля.

– Ме, ме ог куж да. Тэ өд тай төдыс рөдсьыс. Абу ме.

– Колө өд юртө зэвтөмөн тайө уджсө вөчны. Став юр вемөй тай доймө-а. Чорзьөма мөвпалөмсьыс. Кизьөртыштны кө эськө. Кисьтыштан кө нөшта, гашкө, кизьөрмас да бара кутас уджавны.

– Колөкө, абу Оньө да? Мөд морт мыччысыс.

– Колөкө, и абу сійө.

– Абу кө сійө, то мый морла ме тэнө кута юктөднысө?

– Эн сідзкө и юктөд. Ме тэнад горш вылө эг тальччы. Ачид тай зыныган сәні.

– Быть өд зыныгы. Сэтшөмтор висьталан да. Сідзкө, он гадайт?

– Ог.

– Он кө и эн,– веськодя моз пуксис крөвать дорыш вылө Китай Вань.

Коля эз жө кут дзайгысьны. Муніс өшинь дорө да кутіс дзоргыны пемдөм ывлаө. Тадзи вель дыр чөла олісны. Китай Ваньөс век жө личкөм мөвпьясыс венісны. Первойөн тай гөлөссө лэдзис-а.

– Друг да Оньө? Сійө кө...

– Гашкө, и сійө,– веськодя моз сөрниас кутчысис Коля.

– Сідзкө, вай өдйөджык водзө гадайт.

– Ог вермы, мися. Юрөй оз дзурт ни кийө оз вөр. Кисьтыштан кө...

Китай Вань вель дыр йигрөдіс кияснас карті чукөрсө. Видзөдіс сы вылө. Сэссия шлапнитіс колодасө пызан вылө, ачыс чушиктыліс мешөкланыс да бара кыскыліс дозсө. Кисьтыштіс стөканө юр вем кизьөртан ловья васө.

– На! Ад горш! Йөз вина пычкысь!

Коля эз и видзёдлы сыланьё. Китай Вань асьсё эз жё пайк. Кисьтис да кутис виччысьны ёртсё. Мёдыс важ моз сулалис сылы мышкён.

– Мый нё ышнясян? Лок. Ю.

– Он куж корнытё да. Увтчан сёмын.

– Мый нё эськё сэнн кутин менсьым винасё пычкыны. Йёз вина вылад од ставыслён горшыс паськыд. Сёмын кисьтём и кыйё-данныд, – водзё ропкёдчис Иван.

– Менам абу.

– Сидзкё, он и ю?

– Он куж корнытё да.

– Кыдз нё сэсса тэнё корны колё? Пидзёсчань вылё уськёд-чёмён али мый?

– Позьё и пидзёс вылад ётчыдысьтё уськёдчывны.

– Ог морав.

– Позьё и сытёг. Сёмын эн ад горшён нимтчы-а.

Китай Вань юис асьсыс пайсё да вель дыр на виччысис Колялысь матыстчёмсё. Сэсса, тыдалё, дышодис жё, да небыдика нин корис:

– Дугды чуштё нюжйёдлыны. Лок. Ю.

– Тадзи мед первойсяньыс и шуин. А то лёкгоршён горзыны кутин, – пызанлань воськовтис Коля. Ылісянь на нюжодис кисё стёканлань. Буракё, курыдторсьыс ёна нин горшыс пакталёма. Воськовтигмозыс тай гулькнитис-а. Чышкыштис кимёдзнас вом дорьяссё да сёмын сэк пуксис.

– Но мый, небзьыштис юр вемыд? – нянь корысь пон синьясён видзёдис сы вылё Китай Вань.

– Небзьыштис, – картясё кутчысис Коля. – Гадайтны али мый? Водзёсё?

– Гадайт. Мый вылё нё эськё вемтё кизьёрти.

Коля разодис картяссё. Вель дыр ноксис, сюся видзёдалис быд карті.

– Ок, лёк морт кодкё. Зэв лёк!

– Висьтав нин! Коді сійё мортыс?

– Мый тэ, Иван, йой али мый? Вом тыр водка вылё кёсьян сэтшём ыджыд гусятор тёдмавны. Кисьтышт нёшта да сэк, гашкё...

Китай Вань ёни эз нин кут зыньгыны. Чёла ветлис ноп дорас да вайлис дозсё. Кисьтыштис кыкнан стёканас, бёр саймовтис курыдторсё.

– Ю. Сэсса ог кисьт. Висьтав коді?

– Ыджыд пу керкаын сійё олё, – юём бёрас шуис Коля.

Китай Вань буретш вöлі сьöкыдапырысь ньылыштö вежа васö да муртса эз тшöкмун нимкодъысла. Эз жö тай пызан гөгöрыс йöктігтыр кытшовт-а.

– Сідзкö, абу Кирö Öньö! Сылön керкаыс пон чом ыджда.

– Стрöйтчас öд,– эз сы моз кут радлыны Коля.– Кывлі, мый виль керка кыпöдны лöсьöдчö. Зэв ыджыд коромина пö пана. Сандра пö уна челядя да кор овнысö ме ордö вуджас, ичöтад пö ог кутöй тöрны.

– Сы помысь керка стрöитны дай!– скöрмис Китай Вань.– Дыш зэв да! Сэсса и черсö кияс оз куж кутны. Сямыс абу сы вылö.

– Дыш кöть абу. Кыпöда пö тай, шуö-а. Шоперыдлы тэн да мен дорысь кокньыдджык. Век нин керсö ачыс ваяс.

– Дугды-ы! Вай нимсö висьтав. Коді сійö? Лёк мортыс?

– Кисьтыштан кö нöшта – тöдмала,– картяссö кияснас бара чукöртны нюжöдчис Коля. Но Китай Вань шашаритчис сылön киясас, мед эз удит торкны картяссö.

– Эн вөрöд! Кисьтышта. Он жö нин тай тэысь, тунысь, мын-а.

Зэв öдйö тірликтыліс дозйысла да кисьталіс.

– Оз, буракö, Öньöөн шуны,– юём бöрас нин тöдмöдіс га-
дайтчысь.

– Оз Öньöөн?– вашмуніс Китай Вань.

– Оз. Но лёк морт жö.

– Мый нö нимыс?

– Картыс со оз висьтав нимсö да.

– Кыдзи оз?!

– Кöсьян, мед ме тэныд нель вом тыр водка вöсна морт лов вузалі? Ог. Ог вузав. Ачым кута тöдны дай, коді тэныд лёксö вöчны кöсйö.

– Кыдзи ачыд? Меным нö мыйла он висьтав? Мый морла нö эськö ме тэнö рыгывбыдсö юкталі?

– Мед, колöкö, унджык кисьталін дай. А то чунь судта и чолькнитыштлін. Этшаник винанад картясыс дыша жö и уджалöны. Оз со нимсö петкöдлыны.– Коля бара ёкмыльтіс картяссö.

– Тыпу-у! Дзик нинöм эн и висьтав. Прöстаысь лои юкталöма!

– Кыдзи прöстаысь? Висьталіс жö картыс, мед виччысин еджыд корольысь. А еджыд юрсиаыс миян сиктын öти – Кирö Öньö.

– Абу по Öньö нимыс да! Ачыд жö картісыс видзöдлін!

– Гашкö и абу,– веськодь чужöм вöчöм бöрын дзевис картяссö Коля.– Вай, Ваньö, узыны водам. Он кö быттö нöшта кисьтышт.

– Эн дзайгысь! Ог кисьт,– юрсö öшöдіс Китай Вань. Ёртыслön

вольсасигкості чёла пукаліс. Сэсся ышловзьёмён вёзйис.– Кывзы, Коля, колөкө, өні петам да.

– Эг на өд дзикөдз йёймы. Видзөдлы өшиняс. Ош гуын кодь пемыд, дай лёкысь зэрө. Вөлөк шөрас и помасяс кыкнаннымлөн олөмным. Ветымын вит арөстө весиг он тырт. Да и мудзим со. Кокьяс оз нуны.

– Да-а,– өшиньлань ветлөм бөрын вайсян мөс моз ышловзис Китай Вань.– Татшөм кадад туяд петны он лысьт.

– Сійөс тай и шуа. Асьтө вины удитам на.

Китай Вань дышпырысь босьтчис вольсасьны. Сэсся вель дыр паськөмнас пукалөм бөрын полөмпырысь быттьө босьтчис водзө төдмавны.

– Коля, вай веськыда висьтав.

– Мый висьтала?– йөй улө лэдзчысис Коля.

– Сандра да Öньө йывсьыс.

– Сійөн и вой улас көсьян гортад петны, медым найөс өти вольпась вылысь сүны,– азыма серөктис Коля.

– Збыль өмөй Öньөыс менам Сандра динө волювлө,– сылөн серам вылө весиг эз көлөвартлы Китай Вань. Төдчис, юрас сатшкысьөм мөвпьяссө өні весиг тоинөн он ныр.

Татшөм өти пөлөс дольөмсьыд весиг Коля кузяөн скөрмис. Ачыс эськө и панис сёрнисө. Но кор тай дыр кежлө крукасясны нинөм абуад, весиг серавнытө мудзан. Та вөсна дөзмөмпырысь лои сылөн шуөма:

– Тэ нө, Ваньө, збыльысь кежлясян али мый? Та дыранад позис нин гөгөрвоны менсьым сөрөмөс. Абу кө быттьө стенө кавшасян йөй.

– Öдвакө сөран,– эскытөма видзөдіс Коля вылө мөдыс.– Төлысь чөжнас, гашкө, дасөдысь нин тайө сёрнисө панан да.

– Кадсө лотөм могысь бызги,– дорйысьшытис Коля.– Зэв ёна вежөгтан да.

– Кыз нө он вежөгты. Сандраыд өд менам синмө шыбитчана мича.

– Мича, мича,– дэльөдігмоз сы дор сынис мөдыс.

Төлысь чөжтө йөзад бергалігөн и Колялы телепит вөлі өйдөджык бергөдчыны гортас. Мамыс век нин быд асыв пөсь шыд пуас, дөрөм-гачтө пєслалас и. Китай Вань тшөтш жө нин голя помас вотөдз синсө вежис. Первойяссө любөпырысь шмонитліс сы вылын. Но сэсся вочасөн тайө тешитчөмыс вуджис кутшөмкө скөрджык воргаө ли мый ли. Серамыс эськө мукөддырйиыс сьөлөмсянныс жө петлывлө. Но пырджык кутшөмкө скөрлун шымыртлө, кор тайө недөкунь кодь дядьөыс асьсө йөйтөдлыны аслас вежөгтөмнас лэдзө. Со тай и талун

рытывбыд смекайтчөма лои. Сы вылын кө тадзи босьтчылісны тешитчыны, то здук-мөд мысти эськө кык син костас нин сиздыштис. А со Китай Ваньлы оз имит. Сылөн сөмын өти мөвп юрас – збыльсы али оз Сандраыс мөд мужиккөд аддзысьлы. Шмонитөмсө оз казаяв. Тадзи мөвпаліс өні Коля. Унмыс оз лок ни. Китай Вань оз жө на вод. Мыйкө со мөвпалө. Дерт, аслас нимкодьтор, Сандра йывсьыс. Китай Ваньлөн закодын пукалысьлөн кодь песовтчөм чужөм вылө видзөдлөм бөрын Колялы первойысь кызкө жаль лои тайө мортыс. Көть мый эн шу, а төлысь өти пызан сайын сөйисны-юисны. Пызан ветьөкыс эз жө торья вөв и. Коля өдөбөн сувтис да веськөдчис аслас ноплань. Кыскис сэтсыть төрыт рыт нин ньөблөм доз да зымөбтөмөн сувтөдіс сійөс пызан шөрө.

– Лок, Ваньө, пуксы. Водзөстө юктөдышта. Чомөр өд талун. Уджтө помалім. Со тай, ньөби пасйыштнысьө.

Китай Ваньөс кыкысь корны эз ков. Сатшкысис улөс вылө да синсө лапниттөг видзөдіс доз вылас, быттьө весиг мөвпаліс на: юны али абу.

– Чомөртө, дерт, пасйывлөны,– ружтыштөм бөрын артмис Китай Ваньлөн.– Гашкө, Коля, ог нин сэсса да? Аски сьөкыд муннысө лоө. Абу эськө окота быттьө юнысө да. Но лолөй печатайтчө. Со өд Сандраөй менам кутшөм! Зимогоритны ыстіс, а ачыс...

– Да эн тэ сэтшөмасө майшась,– небзыштөм Коля эз кут сэсса водзөсө тешитчыны Китай Вань вылын.– Найө, бабаясыд, ставныс өткодьөсь. Помнитан, вайдөрлун ме вой шөр бөрас нин локті?

– Вайдөрлун?– думыштчис Китай Вань.

– Гашкө и эз вайдөрлун вөв да. Неуна водзджык на,– кисьталігмоз мургис Коля.– На, юышт. Ме өд абу тэ кодь. Ог кут вом тырөн кисьтавны.

– Збыльсы кодкөлун сөрөн воин,– дыр мөвпалөм бөрын төд вылас уськөдіс Китай Вань да азыма гулькнитіс кисьтөмторсө. Эз весиг чукуртчыв.

– Помнитан, сідзкө. Меным өд сэк пышйыны ковмис,– китшнитөмөн серөктыштис Коля.

– Пышйыны? Кодысь пышйыны?– шензыштис Вань.

– Нывбаба дорын ме сэкинад вөлі. И войнас мужикыс суис. Ме буретш вир пасьтөм вөлі. Улөс вылын сулала.

– Мый нө улөс вылас пасьтөгыд кавшасин?

– Лампочкаыс мыйкө лоліс. Кусі тай биыс-а. Ме буретш видзөдлыны разя вөлі. И сэк кості верөссө морыс кыскис. Пыригмозыс тай шензыны босьтчис. Гөтырыслысь юасьө: «Тайө нө

коді?» А бабаясылдөн татшом кадад вежорныс миян дорыс ок ёнаджыка дзуртё. Вёськыда и вочавидзис: «Он мой аддзы. Мон-тёр». Мужикылдөн вомыс паськавліс, но сэсса бара юасьё: «Мый-ла нё эськё пасьтём?» Гётырыс та бёрын кутіс нин ку письыс чечыштны, дзикёдз скёрмис верёс вылас нинём абусё юалём-сьыд: «Бара ме мыжа лои! Кутшёмёс ыстісны!» Ме сэсса налыс сёрнисё эг кут водзё кывзыны. Кёлуйёс киняулё шамырті да и петі.

Китай Вань кёкпи моз вомсё калькнитёмён видзёдіс Коля вылё. Эз тёд, эскыны али абу.

– Збыльыс? И эз суёд и?

– Ме од кильчё вылас эг сулав. Татчё зэв ёдйё уйкниті.

– Сёран жё эськё да.

– Ме сёра!– весиг скёрмыштіс Коля. Ветліс аслас ноп дорё да вель дыр лукысьём бёрын кыскис сэтыс ыджыдсьыс-ыджыд нёнь кутёд. Вайис да нырас босьтчис сюны сійёс Китай Вань-лы.– Со. Он кё эскы. Аслам паськёмкёд тшётш босьтсьёма.

Китай Вань вештыштіс коран мешёк ыджда дёраторсьыс чужёмсё, а сэсса полігтыр босьтіс тайё дивёсё киас. Бура дыр бергёдлёмён видзёдаліс быд вурыс. Сэсса шензяна гёлёсён пы-чиктас:

– Татшёмыс жё мёс вёралы весиг ыджыд лоё. Татшём баба-ыс тай меным син улё некор на эз усылы. Ни татысь, ни гор-тысь.

– Эскы котъ эн,– мырддис сылысь нёнь кутёдсё Коля да ёшёдіс косьтысьны везгёдом гез вылё. Вёськыда Китай Вань вёсьтё. Мед любуйтчё, аслас кё татшём бабасё ылёдлыны ся-мыс абу.

Китай Вань пукыштём бёрын довкйёдлыштіс юнас, а сэсса эз вермы асьё кутны да выль пёв босьтіс киас ёшёдёмторсё. Бара видлаліс да весиг ас вылас мерайтіс.

– Та ыджда од абу жё?

– Эг од ме ачым сійёс вур! Шуа тай, мый сёорысь менам босьтсьёма. Тэрмасигад од ог кут видлавны, мый кёлуй чукёр пиас менам, а мый бабаыслён ётлаё вёскалёма.

– Сідз эськё да,– век на эскытёма артмис Китай Ваньлён. Сылён шензьёмыслы быттьё помыс абу. Весиг тай ва юём бёрын вёв моз юрсё пыркнитіс-а. Сэсса, мед ас садяс воны ли мый ли, нурбыльтіс:

– Кисьтышт нёшта.

– Вина юан голя розьыд воссис али мый?– кисьталігмозыс дельёдыштіс Коля, но эз нин лёкысь.

– Тöлысь чöжнад вель уна сюръя со лои сувтöдöма. Сутугасö мыйга везйöдлим и...– ассьыс дöжнaлыштис Китай Вань.

– Та вöсна и юам,– точкысьны ассьыс стöкансö нюжöдис Коля.

Та мындатö юом бöрын вежа ваыс кыкнанныслөн гыркйö вель бура пысасис. Эз тай весиг кезнитлыны. Но сёрнитны бура дыр эз жö вермыны. Гашкö, кыкнанныс мöвпалісны, мый йылысь сэсса и бызгыштны. Быттö тöлысь чöжнад ставсö нин сёрнитöма лои да. Дерт, вывтi варов йöзлы, торйөн нин бабаяслы, пыр тай сюрö варовитан слöйид. Висьтавлöны тай, мый кык баба кутшöмкö ыджыд мыж вöчöмысь кызь вит во öти камераын пукалöмаöсь. Лэдзöм бöрас тюрьма забор дорас на час-мöд кeжлö варовитны кольччылöмаöсь. Абу на став сёрныс эштöма да. Сэсса сöмын сы бöрын сяммöмаöсь разöдчынысö.

– Аски югдöм бöрас и гортö вөрзёдчам,– сöмын татшöм сёрни визь и сюри дыр бöрын Китай Ваньлөн. Сйö вель нин ёна гажмис. Синъясыс тай кенясыштисны-а. Син аканыс оз жö нин торъя зiля вөр и.

– Вөрзёдчам,– гогнитис юрнас Коля.– А то эсйö... нывбабаыслөн верöсыс менö корсьö. Колö öдийöджык татысь пышйыны.

Китай Вань сьöкыдапырысь нин сувтис да бара киас босьтис нёнь кутöдсö.

– Сё дивöйд! Мый ыжда!

– Сидз тай.

– Тэ, Коля, мортыс абу кулитана,– дöрасö бөр öшöдöм мысти мöдылы воча моз пуксис Китай Вань.– Мый нö эськö гöтырыдкöд торксин?

– Торксим тай. Сйөн и карсьыс бөр гортö локтi. Неважөн сетчылі жö карад. Весиг аддзысьлім на и.

– Абу на верöс сайö петöма?

– Ме сйöс жö юали. А сйö вочавидзис, мый тэ бöрын пö ме мужик дуксö кö кыла – мöдарö уськöдча пышйыны.

– Нöйтлін али мый?

– Эг эськö да. Но вывтi гажа юрнад ме зэв лёк вома. Нинöм абусö бызга.

– Тайö, дерт, мисьтöм,– ставсö тöдысь да гөгөрвоысь морт моз кывкёрталіс быттö Китай Вань.

– Абу торъя бур,– эз куражитчы Коля. Сйö вöйышпліс здук кeжлö кутшöмкö жугыль казтылöмьясö. Но öдийö жö бөр пыркнитис найöс юрсьыс. Кöсйис содтöд винанас кылöдны ылöджык казтылöмьяссö. Босьтис дозсö, а винаыслөн нимыс сöмын кольöма. Кушмöма сулеяыд.– Но-о. Бырöма нин. Сöмын на шонавны кутi-а. Тэнад öд коли на. Кисьт.

– Огö нин,– кöть гажмöма, но асланьыс колысьöн бöр лои Китай Вань.– Колöкö, аски. Туйö петтöдзис...

– Друг да асылöдзис шузяс.

– Оз шузы.

– Кадсö кöть лотнысö кокныдджык, кор дозийд син водзад. Сидз öд ог кутöй пукавны. Ог кö быттьö гораньыс ворсöй.

– Мыйысь?

– Гораньысь, шуа. Тэ кутан дзедьсясны, а ме эсийöн синмöс тупка да кута тэнö корсьны.

Коля кыпöдчылис да синьяс вылас шлапкис нёнъ кортöдсö. Китай Ваньлы тайö ворсöмыс гажа юрнад кажитчис жö.

– Вай ворсам и эм.

– Ворсам. Ме кö тэнö кута, то водкатö кисьтны ковмас.

И кык верстьö мужик босьтчисны челядь моз дурны. Коля пысалис дöрасö синьяс вылас, топыда кöрталис да заводитис вöтлысьны Китай Вань бöрся. Мöдыс кок чуньяс йылас зилис пышйыны паськыда шевкнитöм кияссьыс. Но жырйыс вöли сэтшöм ичöт, мый торъя дзедьсьны некытчö. Эз и дыр кад коль, кызди Коля шамыртис сывьяс мужичöйöс. Мöдыс эськö веглясигтыр кöсйис мездьсыны, но эз сяммы.

– Тэ кö аддзан вöли менö-а?!– век жö чегьясьны кутчысис Китай Вань.

– Ог. На, ачыл юрад суйлы. Аддзан он.

Китай Вань кöртавлис дöрасö аслыс да зэв öдйö бöр разис.

– Он тай и вöлöм аддзы. Топыд дöраысь кодлыкö вурлöмаöс тайö дивöсö.

Сийö тэрмасьтöг ветлис ноп дорас, жальпырысь перйис дозсö да би водзас нюждöмөн вель дыр видзöдис коляс вылас. Кытчöдз Коля эз босьт сулеясö да кисьтав стöканьясö вир вержан васö.

– Юыштам и вольпасьö уськöдчам. Гажа юрнад гылыдджыка узьяс,– такöдис Коля Китай Ваньöс, кодлы, тыдалö, жаль вöли аслас ньöбöмторйыс.

– Ме эськö гажми нин да,– кöть эськö öти нылыштöмөн гулькнитис кисьтöмторсö, но век на асланьыс синис Китай Вань.– Мудзвывсьыд уна оз и ков.

– Со век на шливгö-зэрö,– öшиньлань матыстчис Коля.– Кызд бара аски мунны кутам-а?

– Зэрö тай... Слабог, аски гортö мунам,– сы моз эз кут майшасьны Китай Вань.

– Сандрасьыд, тыдалö, дöбельки гажтöмтчöмыд. Сылөн видöмысь али мый гажыл сэтшöмасö быри?

– Сийö менö некор эз лысьтлы видны!– пыр жö и шötясис

Китай Вань.– Ме на ыджыдыс! Семьяй нэмсö ме вылын кутчысис!

– Эн сөр,– эз эскы мöдыс.– Öдвакö. Сандрайдлөн тай гөлöсыс век юргö-а. Тэ сы дорын кывтöм пемöс кодь.

– Ме кывтöм пемöс?! Ме?!

– Ме тон абу. Вай водам сэсса. А то тэ ёна нин гажмöмыд.

– Мед эг!

– Эн кө и эн,– эз кут водзöсö пыксыны Коля.

Китай Ваньöс бара кутшöмкö мöвпгяс песны босьтчисны. Вöрзöдчывтöг пукалис. Сэсса босьтчис лёкыс юрсисö летны. Пызанö видзöдгmoz. Но морттö, тыдалö, мöвпгясыс сэтшöма гудыртысны, мый лёкыс камöбтис пызан пöвгяс. Стöкангьясыс быгтö тайöс и вичгысьöмаöсь. Кутисны сизьдыны-йöктыны. Коля весиг шай-паймунлис.

– Коля! Кылан? Тэ вай некор сэсса эн гöтрась! Некор!– Китай Вань заводитис лöвтны сингьясö кияснас тупкöмөн да öтарöмöдарö катласигmoz.

– Ог, дерт,– сы дорö матыстчигmoz шуис Коля. Сийö тэрыба саймовтис стöкангьяссö, мед мöдыс эз босьтчы найöс лясйöдлыны джоджас.– Öтчыл гöтрасьли и тырмас... Абу öд йöй.

– Эн гöтрась! Ме тэныд шуа!– кыпöдчывны кутлис Китай Вань, но пукалан местаыс сэтшöма сьöктöма, мый бöр личкис улöс бердас.

– Ог, ог. Мый нö, Ваньö, тэкöд лои?

– Гöтрасян кө – олöм чöжыд каитчыны кутан! Менö аддзан? Менсым олöмöс аддзан? Видзöдлы!– Сийö босьтчис кабырнас лёкыс гымöдны морöсас.– Ру кодь лои. Весиг ог тыдав. А том дырйиыд ме кутшöм вöли! А! Коля! Пельпомгьясöй тэыс на паськыдджыкöсь вöлины. А öни!

Коля, дерт, эз тöд, кутшöм пельпомгьясыс вöлины томдырся Китай Ваньлөн, но мед мортыс дзикöдз эз пузгы, венгыны эз жö кут.

– Эн татшöма, Ваньö, майшась. Вод да узь.

– Менсым вирöс Сандра юис!– бара сизьдыштис пызан пöвийö Китай Вань.– Пöрысьö-нэмö со зимогоритны ыстис! Камандирочной по сэни мынтасны. Кöсийö, буракö, мед ме тайö сюрьяяс дорас и лолöс пöльышти! Чергöдчи!

Китай Вань кага моз бöрдзис. Коля уськöдчис сийöс бурöдлыны, но эз тöд весиг, кыззи. Нэмтö кага видзтöгыд оз и тöд, кыззи бурöдлöны. Таыс аслыс немкö лои, да сöмын горöдис:

– Дугды, мися, Ваньö.

– Сылы нö мый?!– эз бурась татшöм шуёмсгьыд мöдыс.– Кула кө – нимкодь на лоö! Менам кулöмыд сылы – гач кизь орöм кодь!

– Эн сөр,– талы нин некыдзи эз эскы Коля.– Сійө тэнö жа-
литны на кутас. Кулан кө бытгыö. Весиг лимзалас-бөрдас на и.

– Сійө бөрддзас?!– шензёмөн видзөдліс Коля вылө Китай
Вань.– Сандра бөрддзас?! Ме вöсна?!

– Бөрддзас, дерт. Кыдзи нө оз? Бөрддзас бара. Верөс өд.

– Оз! Сійө оз бөрддзы!– ыждалысь кага моз кутіс джоджас
кокнас зымөдны мөдыс.– Сылысь синва войт он пычкы!

– Сөмын өд видлыны. Вай видзөдлам? Ме думысь, сійө лёк-
горшөн на кутас бөрдны.

– О-оз!– водзө кокнас зымөдіс Китай Вань.– Сійө оз бөрддзы!
Оз!

– Збылысь кө видлыны. Ме өні звөнитла да висьтала, мый
тэ эсйө... кулөмыд. Сьökыд уджсьыс.

– Миян өд гортын телепоныс абу.

– Суседыдлөн өд эм. Сылы и висьталам,– ыззис Коля.

– Оз бөрддзы! Ме тэныд шуа! Оз!– век на эз эскы Китай Вань.

– Звөнитла. Он кө бытгыö меным эскы. Кодлы и звөнитнысö?
Коді тiян дорын медматын олө?

– Коді? Қоді и олө?

– Кирө Öньö,– шусис Колялөн да весиг серамыс зэв гылыда
петіс.

– Бара Кирө Öньö,– чеччышпліс весиг мөдыс.

– Сылөн телепоныс абу,– гусьөн нюмьялігтыр Коля босьтис
бонзём книга, кытчö пасьялөмаөсь телепон нумерьяссө. Аддзис
ассьыс сиктсасө да кутіс сюся видзөдны.– Варук Дарьялы звө-
нитла. Вот кодлы. Сылөн кокыс тэрыб. Татшөм юөртө төв ныр
моз лэбөдас.

Коля босьтчис бергөдлыны телепон гөгыльсө. Китай Вань
шензяна синьясөн дзоргис сы вылө. Коньөрөй весиг эз гөгөрво,
мый вөчсьö. Юрнас сөгласа гогйөдліс:

– Звөнит. Дарьяыслы и звөнит.

– Оз мыйкө шыась да.

– Юөрт. Вот видзөдлам, Сандралөн весиг син дорьясыс оз
вазывны. Ме Сандратө кызы сайö вонад төдмалі нин.

– Босьтис, тыдалö, кодкө,– шемөса артмис Колялөн. Сійө
мыйкө дыра весиг артасис на, висьтавыны абу, но лыбзьөма жö
да веськыда и босьтчис сёрнитны.– Дарья?! Тэ?! Тайö ме, Кольö.
Кутшөм Кольö юасян? Кузьма Виталейлөн. Ми төлысь сайын
мунім сюрьяяс сувтөдавны Китай Ванькөд. Төдін?!

– Кутіс сэн нинөм абусö сөрны! Висьтав нин менам кулөм
йывсьыс.

Китай Вань сьökыдапырысь чеччис да шашаритчис телепон труб-
каас. Коля мездьысис сыысь да вешйыштчөмөн бара горөдіс трубкаас:

– Дарья?! Ме тэныд со мый косья висьтавны! Китай Ваньсö тöдан?

– Бызган сэни нинöм абусö,– кутис, тыдалö, дöзмыны Китай Вань.– Менö нö кодi оз тöд? Нöшта юав, кызди менсьым гöтырöс шуöны. Вай меным телепонсö.

– Дарья, менам шогöйла кывйöй оз артмав.

– Сийö бара оз бöрддзы,– бара ассьыс дольны босьтчис Китай Вань.

– Кылан, Дарья?– Коля йöткыштіс сы гөгöр бергалысь мужичöйöс.– Китай Ваньыд öд кувсис. Сийön и звönита со. Сьöкыд сюрьяяс лэпталöмсьыс ёна, тыдалö, доймис да. Збыль!

– Мед Сандралы юöртас,– джоджсьыс кыпöдчигмоз индöд сетіс Китай Вань.

– Часлы. Дарья?! Петав Сандра дiнас.

– Весиг сёрнитнысö он куж. Зырымбедь! Вай меным телепонсö. Ме велöда, кызди юöртнысö,– Китай Вань кисö водзлань нюжöдöмön матыстчис Коля дiнö.

– Дугды,– кинас трубкасö тупкис мöдыс.– Ме жö Сандрайдылы косья тэнад кулöм йылысь юöртны. Кызди нö тэ ачыл висьталан? Тэ жö кулöмыд.

– Ме кулі?! Эн сөр!– шензис Китай Вань.

– На! Сідзкö, ачыл и висьтав аслад кулöм йылысь. Поконик!– чургöдіс нинöм гөгöрвотöм Ваньлань телепонсö Коля.

– Да-а,– сöмын öні босьтчис мыйкö пöтурайтны Китай Вань.– Меным оз позь. Ме öд кулöма. Ачыл висьтав. Сöмын морт ногön, а то...

– Дарья,– бара трубкаö шыасис Коля,– петав Сандра дорас да висьтав, мый Ваньыс кувсис. Сэсся мянлы звönит. Телепöныс...

Коля кыйкнитліс, кытысь аддзыны тайö телепöныслысь номерсö. Тайö кадас Китай Ваньлön бара ставыс юрсьыс петöма нин. Бара тай трубкаас шашаритчис-а.

– Вайлы меным! Ачым висьтала. Мед Сандрасö чукöстас да ськöд сэсся сёрнита. Ме сылы петкöдла Кирö Оньö!

Коля зілис мырддыны вежöрсö воштöм Китай Ваньылысь телепонсö. Но мöдыс некызди эз лэдз. Кор Коля кыин лоис трубкаыс, казьяліс, мый пессигад проводсö вужнас ордöмаöсь.

– Тэ тай дзикöдз дурмин!– пинясис Коля.– Эг öд и удит помöдз висьтавнысö. Кызд нö сэсся татчö Дарьяыс звönитас? Кызд нö ми тöдмалам, бöрддзис эз Сандрайды?

– Сандра бöрддзас!– ассьыс помасьлытöм сьыланкывсö бара заводитіс Китай Вань.– Сийö бара оз!

Коля эз кут сэсся сылысь лөвтöмсö кывзыны. Видліс йитны

ором сутугасо. Но эз сяммы. Сылон ноксигон Китай Вань лёкысь камодис пызано да ыджыд голосон равзис:

– Адзёмыд кодос бёрддзодны?! Сандраос!

Сэсся горзёмсьыс дзикодз мудзис либо юомторйыс ставнас нин вирас вуджис, Китай Вань сунис джоджас. Но и сәни на водзо лөвтис. Коля гоз-модысь воськовтліс сы вомон, кор босытчис ветлодлыны джодж кузяласо и пасыталасо.

– Дзикодз тай кодзин?– бөръявыв век жо копыртчис Китай Ваньянь.– Час водтода.

– Ме ог на вод!– быттьо тайо шуомсо и виччысьома модыс.– Ме гортю они жо муна!

– Тэ помысь. Вод да узь. Шойчышт, Ваньо.

Котъ быттьо и ичотик Китай Вань, но Колялы вель дыр ковмис сыкод ноксыны, одва и кыподис вольпасьодздыс. Недыр мысти кусодис бисо да ачыс паськомнас и быдон павкнитчис кроватяс. Но унымы некедзи эз шымырт. Бор ковмис чеччыны да бисо озтыны.

– Коля, кылан?– друг небзыштотм голосон нин шыасис Китай Вань.

– Кыла.

– Он на узь?

– Ог, дерт. Коді нө эськө тэкод сёрнитю?

– А меню унзиль личкю.

– Узь. Личкю ко. Тэ шкоргыны кутан, а Сандрайд, конкю, Оньюкод оти вольпасын мусукасьо дай.

– Ме гортю воа да налы пуж петкодла!– косийс кыподчыны Китай Вань, но сяммыс эз нин вөв.

– Узь, узь. Одвакю татшом юор борад Сандрайд кодкодкю кутчыслас.

– Ме налысь сылияссю пелодла...

Сэсся ланьтис. Тыдалю, унымы дзикодз личкис коньорюс. А Коля дыр на пукаліс пызан сайын да мөвпалис. Абу жо эськю колюма налы нинюм абу йывсьыс телепонас сөрны да. Котъ эськю Китай Ваньыс ачыс мырдысьон тшюктис. Йюэсю весьюпортасны. Аски Китай Ванькод гортас воасны да паньдасьысыс йюймасыны. Конкю, став сиктыс нин тодо. Вот спектакльид лою. Ваньюс, дерт, Сандраыс бурпот видас. Сюриштас коньоранюйлы. Гашкю, бара звонитлыны да збыльсю висытавыны да. Коля босытчис вочны телепонсю, но нинюм эз артмы. Аслыс на мюрччас и. Звонитломсьыс. Но да нинюм. Мыйкю од дорйысьнысю мөвпыштас. Да-а. Эз од прюстаысь гютырыс шулы, мый гажа юрнас сийю йюй вежюра.

– Лою котъ узыштны,– аскюдыс гораа босытчис варовитны

Коля.– Аски быдса комын верст нйәтөд на ковмас вуджны. Сэсся и Сандраыслысь равзөмсө кывзөмыс мый дон сулалө...

Коля водис. Но вель дыр на эз унмовсь. А тайө кадас налөн сиктын уналаын эз узыны. Быдөн ас ногыс паныдаліс Китай Ваньлөн кулөм йылысь юөрсө...

...Мөд асывнас кык зимогор узисны вель сөрөдз. Медводдзаён век жө садьмис Китай Вань. Пуксис крөвать вылас да бура дыр мөвпаліс. Тыдалө, төрыгыясө син водзас каттис. Сэсся тай кыздз звиркнитіс-чеччыштіс Колялань да босытчис мый вынсыс сійсө тойлыны.

– Коля! Коля!

– Эн мешайт!– өвадысь моз видліс шеныштчыны сысысь Коля.– Көть талун узыштны лэдз.

– Чеччы!– эз өвсыс Китай Вань.

Коля бергөдчис сылань мышнас, но регыд мысти гөгөрвоис, мый Ваньысь он мын. Но сувтны эз жө сувт. Мөвпаліс.

– Коля!

– Мый? Сутш вай нөшта узышта. А сэсся мөдөдчам. Быттьө он кө менө чужан лунтө пасйыны пальөд.

– Сувт, мися! Мый йылысь нө төрыт сёрнитім? Мый ми телепон пырыс висыталім!?

Тайө шуөмсыс и Колялөн унмыс воши. Öдйөджык чеччис.

– Юөргім, мый тэ эсйө... кулөмыд.

Китай Вань весьөпөрөмөн босытчис ветлөдлыны джоджөдыс.

– Мы-ый?! Мы-ый?! Ме кө водкасыс гажми да быд нинөм абусө сёрниті, то мый морла тэныд кывзынысө вөлі. Мый морла?!?

– Öти дозйысь өд юим. Эг жө тай ырөш гулькйы. Тшөтш гажми,– дорйысис первойсө Коля, но сэсся зэв гылыда серөктіс.– Но и Ваньө! Öти лун эн вермы ветымын вит арөс тыртөдздыз овнытө, пенсиятө эн нин вермы виччысьнытө.

– Эн жерьяв! Вай өні жө звөнитлам да висыталам, мый сөрим.

– Ачыл и висытав. Ме о-а.

– Кызди он? Төрыт тай нө звөнитлің!

– Ачыл өд тай мырдысьөн тшөктің.

Китай Вань шемөса матыстчис телепон дорас, полігтырйи лэптис трубкасө. Вель на дыр эз казав орөм проводсө. Казялөм бөрас дзыкөдз шөйөвоши.

– Орөма проводыс да.

– Төрыт ачыл нетшыштің.

– Кодлөнкө өд сиктас эм жө телепоныс. Вай ветлам да звөнитлам.

– Мый нө висьтавынысö кутам?– Колялы звөнитлөмыс вөлі из кералөмысь сьöкыдджык да быд ногыс көсийс мынтөдчыны тайö уджсыс.

– Мыйкө өд мөвпыштам. Мунігмозыс. Со өд ускөттөбөйд кутшөм!

– Ме некытчө ог мун,– чорыда пыксийс Коля.– Мед ачыл эн тшөкты кулөм йывсьыл звөнитны дай. Öнi эськө бур сьөлөмөн гортланьыд нин шавксьөдiм.

– Кыдз он мун?– шензьыштiс мөдыс.– Ме али мый кута звөнитнысö?

– Тэныд и ковмас. Ме ас пайысь некытчө ог мун-а. Татчө и кольча.

– Гортад весигтө мунны али мый он көсий?

– Бурджык танi олыштны. Тэнö Сандраыл виас да гуалөм бöрад локта. Нелямын лунсö пасйыны.

– Коля, ло мортөн! Вай ветлам.

– Кутiс сэнi лөвтны.

Тайö здукас ывла вывсынь кутiс кывны машина шы. Кыкнанныс пельяссö чошкөдiсны.

– Петалам, колөкө, миянланьö машинаыс мунö,– уськөдчис өдзöслань Китай Вань.

– Сувтiс, тыдалө, да. Миян керка весьтö.

Коля тэрыба матыстчис öшинь дорö, видзөдлiс.

– Кутшөм машина нө? Кодарö ныра?

– Таланьö. Миянласянь, тыдалө, воöма. Нывбаба кутшөмкө кабинасыс петö. Энлы!– Коля весьбөрөм чужөмөн видзөдлiс Китай Вань ывлө.– Дзык Сандраыл кодь!

Мөдыс тай кыз чечыштас öшинь дорөдзыд. Кутасысьс каньыс на пелькджыка. Но видзөдлынысö пырысьтөм-пыр эз лысьт.

– Абу жö кө сийö-а?– век на надея кутiс ас пытшкас Вань. Но сэсся кызкө тай смелмөдчис да гусьөн моз кыйкнитлiс ывлаö. Бергөдчис Колялань дзык нин мөд морт. Гортйö мичаджыкьясöс водтөдлөны. Льөбйыс тiрзьö дзöран кисель моз. Кирган гөлөсөн век жö пычиктiс: – Сi-и-йö и эм. Сандрайй.

– Мый нө кутам вöчны?– ассыс дона юрсö лэбөдөмысь повзис Коля.

– Ог и төд. Сийö менö пыригмозыс ульөн нылыштас, курч-чавтөг.

– Гашкө, эсийö... водан да кулөм улö лэдзчысян?

– Мый?

– Кулөм улö, мися, лэдзчысян.

Китай Ваньлы өні дыр артасьны кадыс эз вөв. Мөдысь кө, эськө, өтарсяньыс и мөдарсяньыс мурталіс, а өні здук мысти нин шуис:

– Збыльысь водны ковмас. Вода...

– Но өд он кут нэмтө сэсся покониқөн куйлыны,– нюмдіс весиқ Коля.– Бытьөн сэсся гуавны ковмас.

– Гуавны?

– Ловйөннад. Покониқтө өд гуавлөны. Аскомысь и бөрья туйө колльөдам.

– Эн жерьяв сэні. Зимогор. Тэныд серам. Вай збыльысь вода. Мый лоас ло. А то пыриғмозыс йирны босьтчас. Бөрас өд кызкө-мыйкө...

– Вод. Ёна кө телепит,– шусис Колялөн, кодлы эз жө вөв торья окота кывзыны Сандралысь лөк горша гөлөссө. Да и Ваньөыс жаль жө лои.

– Сөмын эн удты,– мыйлакө таысь майшасьны кутиқ Китай Вань.

– Кыз нө ме удта. Абу өд йөй.

– Час вода,– уськөдчис пызанлань мөдыс да тэрыба водіс кынөм вылас.

– Тэ бур ногөн вод,– дөзыштіс Коля.– Кытысь нө адзылін, мед покониқьяс кынөм вылас куйлісны.

– Тадзи али мый?– бергөдчис мыш вылас Китай Вань.– Тадзи мөй колө воднысө?

– Тадзи. Час ме кыйкнитла. Оз-ө пыр?– Коля матыстчис өшинь дорө да занавес сайсяньыс гусьөн чөвтліс видзөдлассө.

– Оз на пыр?– юрсө лэптыліс куйлысь.

– Оз на. Лолавтөг али мый дітшвидзны кутан?

– Кута.

– Сідзгөнад өд збыльысь кулан. Ныр пырыд көть ловав. Кор матыстчылас – лов шытө кутыштлан дай,– Коля лажынытчыліс весиқ да юөртіс:– Сандрайд пырө.

– Киө нинөм босьтны оз ков?– пыр на майшасис Китай Вань.

– Куш дозсө кө ог сет. Төрытьясө.

– Ланьт нин эськө тэ да. А то пыриғмозыс кыкнаннымөс нөйтас. Сылөн өд кабырыс ой сьөкыд.

– Ме өд пышья,– асьсө такөдөм могысь век на шмонитыштны видзөдчис Коля.– Тэныд со оз позь-а.

– Оз тай нө и пыр?

– Гажтөмтчин али мый? Пырө со. Кок шыыс салдатлөн кодь.

Коля вешйис өдзөс дорысь медся пыди пельөсланьыс. Синсө лапниттөг видзөдіс пырысь вылө.

Сандра вөлі съöd паськөма. Юрас тшөтш жö съöd вылын пемыд рөма дзоридзьясөн серпасалөм чышьян. Да и ачыс быттьö неуна ропмунөма чужөм вылас, жуöдыштөма.

– Көнi сийö, шоньянöй менам?– тагöс вылас сулалыштөм бöрын шог гөлөсөн шыасис Коля дорö.

– Со сэнi куйлö,– индiс горт олысь пызан шөрö павкнитчөм Китай Вань вылö.

Сандра недыр синва тыра синьясөн видзöдыштіс верöс вылас, а сэсся кыз тай уськөдчас сылань! Коля весиг мөд пельöсö зэв öдйö вешыштіс. Код төдас, кутшөм мөвпгяс юрас тайö яр нывбабаыслөн.

– Ванюкөй дай, сё зөлөтушкаöй! Кодлы нö тэ мянөс эновтін?!

– Кирö Öньöлы,– вомгорулас артмис Колялөн.

– А? Мый шуин? Эг велав,– сылань бергөдчыліс Сандра. Көть вомгорулас Коля шуөма, но кылөма на тай.

– Нинөм эг. Шогөйла тай мыйкө артмис. Ог нин весиг төд, мый вöча. Сэтшөма нерничайтөма лои да.

– Радейтам öд тэнö ставөн!– водзö Китай Ваньлы лөвтiс гөтырыс.– Челядыд ырзөмөн бөрдан гортö колины. Гулюöй тэ менам! Куйлан со...

– Оз пö бөрдзы, шуö. Со кыззи сыркьялö да,– йöйылдөн гораа артмис Колялөн. Но Сандра бара на абу велалөма шулды вылö. Бара тай бергөдчылөмөн юалис-а:

– Мый шуин? Эг кыв.

– Шогыд, мися, кутшөм,– мый кыв вылас воис, сийöс и брöльснитiс мөдыс.

– Кыз нö лоис тайö шог-маетаыс? Кыззи, мися, сийö, коньöрушкай, кувсис?

– Сюрьяясы съөкыдöсь вөліны да, гашкө, сийөн,– эз кут мөмляйтны Коля. Сийö зэв бура помнитiс, кутшөм помка төрыт висьталiсны Дарьялы.

– Куйлан со, Ванюкөй!– Сандралы тайö помкаыс, тыдалö, вөлі тырмымөн, да бара топөдчис куйлысь верöс дорас.– Куйлан. Дзик ловья кодь. Абу и тшыкөмыд на.

– Тэнö адзис да со весиг вирсермунiс. Нимкодь, тыдалö, полыслы лоис...

– Со öд,– сөмын и артмис ышлолалысь Сандралөн.

– Кодкөд нö, Сандра, локтін? Туйыс лөк да.

– Совхозлысь медся вына машинасö дзайги-кори. Мися, вайлöй поконики верöсла ветлыны. Слабог, пырысьтөм-пыр сетiсны. Нэмсö öд Ванюкөй совхозын мырсис да.

– Катодны али мый кутан?– нинөм абусө лои юалөма Колялөн.

– Татчө од ог коль. Гортсянь дзебам. Став сиктөн, морт ногөн.

– Кыз нө татшөм лөк туйнас локтинны? Вель кузя да ёна зэрис да.

– Эг кө од вермөй – абу танось,– пырөмсяньыс первойыс на ярскөб гөлөсыс письтліс Сандралөн.

– Менө вай тшөтш катөдөй.

– Тэнө, дерт, татчө ог кольбөй. Гураньяссө вуджигөн көть поконикусь кутыштан,– Сандро сюся видзөдліс верөс вылас, мыйкө вашкөдыштіс вомгорулас. Коля весиг сырмыны купліс, друг да казяліс. Но мөдыс вешыштіс Китай Вань дорысь да видзөдліс ывла вылө.– Час ме петала. Пыртны мыйсюрө колө.

Сандро петіс. Коля кывзысьштіс сьлөн кок шыясө. Сэсся матыстчис өшиньялань, видзөдліс ывлаө. Сөмын сэтысь Сандроөс казялөм бөрын лысьтіс гораа шуны:

– Ваньө, шойччышт. Сандроид петіс.

Китай Вань первой полигтыр восьтіс өти синсө, сэсся мөдсө. Та бөрын лэптыштіс юрсө, видзөдліс гөгөрбок. И сөмын та бөрын пуксис. Горасьыс-гораа ышловзис:

– Сьөкыд жө, вөлөм, вөрзөдчывтөгыд куйлынытө. Кыз бара поконикусьыс куим лунсө куйлөны-а?

– Налы од абу нин тэнлы кодь,– китшнитіс-серөктіс Коля.

– Но и олөм,– бара сьөкыда ышловзис Китай Вань.– Бара, йөйыд, юрөс дзугйө суйи. Видлы өні сэсся мездьсыны...

Коля эз суйсы сьлөн лөвтан сёрниө. Муніс өшинь дорө, видзөдліс да весиг лажынтычліс. Та бөрын паськыда вашмунөм чужөмөн бергөдчис пукалысьлань.

– Сө дивөыд!

– Мый нө сэні жерьялан?

– Төдан, коді Сандратө вайөма? Шоперыс коді?

– Коді нө?

– Кирө Оньө. Гы-гы-гы!

– Кирө Оньө од абу жө?!– чеччыштіс пызан вылысь Китай Вань.

– Колөкө, өтлаын узисны да та вөсна и регыдөн машинаыд сюрөма Сандроидлы.

– Ме налы петкөдла өтлаын узьөм,– ырыштіс өшиньялань матыстчыны мөдыс, но Коля туй костас кутіс.

– Тэ жө кулөмыд,– сийө кыпөдөмөн бөр пызанланыс нуны босьтчис Китай Ваньөс.– Кыз нө тэ налы пужсө петкөдлан?

– Петкөдла!– пессис Вань.

– Вод, вод,– личкис сійос Коля.– Бөрддзис на тай Сандра-
ид. А тэ вөлі шуан, мый оз весиг чуқыртчыв.

– Нимкодъысла, гашкө... Мый меысь мыніс,– лёкысь бөр пук-
сис Китай Вань.

Сё мокасьгид! Другон воссис керка өдзөсыс. Колялөн пидзөс
кусынъясыс личалисны. Китай Ваньос бытгьё паралич вартіс.
Виччысисны Сандралысь мыччысьомсө. Но керкаө воськовтіс
мужичөй – Кирө Оньө, коді и вайөдіс покони́к верос дорас
гөтырсө. Сійө воськов бөрын джом сувтіс да чашкалом синь-
ясөн видзөдіс первой Коля, а сэсся Китай Вань вылө. Вель дыр
вомсө паськөдліс, көсйис, тыдалө, мыйкө шуны. Медбөрын арт-
мис жö шүөмыс:

– Китай Вань пö кулөма! А сійө со тытвидзө-пукалө.

Китай Вань эз бара уськөдчы дорйысьны. Мый юрас кутіс,
сійос и шуис:

– Муртса сьөлөм эз пот. Чайті, мый Сандра пырө. Эн гор-
зы! Гөтыр кылас.

– Тэ збыльысь ловья али мый?– сы дорө полигтыр матыстчис
Кирө Оньө.

– Кулөма,– сөмын и серөктыштис Коля.– Тэныд каститчө.

– Ланьт,– сөдзөдіс пинь пырыс Китай Вань.– Ловья, дерт. Он
мөй адззы. А тэ кулөмон нин чайтін. Нимкодъылда гач пиад он
төр.

– Сөтана пызьяс!– другон юрас воөм мөвпсыс горөдсис
Кирө Оньөлөн.– Дыш, буракө, подөннад кайнытө лоөма да
ылөдлөмныд! Мед покони́ккла машина сетасны.

– Эн горзы,– ырыштчис сы вылө Коля.

– Сійө со лёкысла горзө. Адззис, мый ме абу на кулөма да,–
кодзнитіс синьяснас пырысьлань Вань.

– Нөшта өд гөвчитөны,– кабырьяссө чабраліс Оньө.– Думай-
танныд, ёна нимкодътор вөлі татшөм лёк туйнас татчөдз воөд-
чынысө? Став машинаыс киссис.

– Ме тиянлы пуж петкөдла. Кадыс воас да,– эз и көлөвартлы
сылөн броткөм вылө Китай Вань.

Коля жö өдйөджык гөгөрвоис, мый Кирө Оньө кө өні вомсө
паськөдас, то кыкнанныслы пом воас. Та вөсна юмола вашья-
лігтыр матыстчис шопер дінө.

– Кывзы. Вай бурөн сёрнитчам. Збыльысь өд налькйө шедім,–
шуис сійө, но ачыс оз жö вунөд Сандра йылысь. Пыр жö и бөр
уськөдчис өшинө видзөдлыны.– Сандраид пырны лөсьөдчө.

– Мый нө Китай Ваньыс ме вылө нөшта на и гыбалө,– сьөлөмыс,
буракө, небзыштны кутөма Кирө Оньөлөн, кодлы нө нимкодъ
покони́көс гортөдзыс вайны.– Мый нө эськө тешитчанныд.

- Бөрас висьталам,– өвтыштчис кузь сёрниысь Коля.
- Часлы. Часлы,– ассыс долис Китай Вань.
- Ланьтлы,– личкис пызан вылө сійөс Коля. Да Ёньөкөд босьтчис сёрнитчыны.– Тэ вай эн удты.
- Менам кадыс волас на,– бөр кыпөдчис Вань.
- Тэ нө мыйла бөр пуксин,– ырыштчис сылань Коля.
- Водны али мый колө?– дыр жө усьмиритчис мөдыс.
- Сандрайд, мися, пырө. Көсьян кө – пукав.
- Сидзкө, водыштла,– бурджыка водны лөсьөдчигмоз нурбыльтис Вань. Но эз терпит да кыпөдліс на кабырьяссө Кирө Ёньөлань.– А тэкөд...
- Кимөститчаннуд сәні. Сэсся дыр на думайтанныд тешитчынысө?
- Сөмын вомтө эн паськөдлы. Бөрас кызкө-мыйкө ставсө ладитам.
- Бара воссис өдзөс да пырис Сандра. Аскөдыс пыртис вель ыджыд вольпась.
- Кытчө и өшөдлыны, мед косьмыштас? А то асывнас зэрис да неуна көтасыштөма.
- Өшөд кытчөкө дай,– бара коньөр гөлөсөн босьтчис сёрнитны Коля да уськөдчис отсыштны нывбабалы пыртөмторсө өшөдны. Сөмын нюжөдөм гез вылө меститөм бөрын юалис:– Мыйла нө вольпасьсө вайин?
- Туйыс өд зөркыд. Медым, шоньянөйлы, небыдджык вөлі гортас кайнысө.
- Дыр на кутам тані овны?– гөлөссө сетис Кирө Ёньө.
- Кытчө тэрмасын? Пуксы да шойчышт,– сы вылө дөзмөмпырысь видзөдліс Коля.
- Мыйта ковмас, сы мында и олам,– вомалис тшөтш тэрмасысь шоперөс Сандра.– Тэнө поконибла нарадитисны. Удждон таысь мынтасны. Сидзкө, эн и тэрмась. Көтасыөм вольпасяс өд, коньөрүшкоөс, ог водтөд.
- Кирө Ёньө эськө көсийс нин мыйкө шуны, но Колялысь скөр видзөдлассө кыйөм бөрын ланьтис. А Сандралы, тыдалө, бара дум вылас уси куйлысь верөсыс, да матыстчис сы дорө.
- Оз тусь вом дорьясөй тэ менам!– лыддьөдлыны босьтчис верөс весьтас сійө.– Куйлан со, мусукөй менам.
- Куйлас, дерт. Мый сэсся сылы вөчны,– эз вермы кутчысь-нысө да шусис Кирө Ёньөлөн.
- Эн тшетшкы!– пыр жө и вомалис Сандра.
- Пырин кө, пукав. Эн сюйсы,– нывбаба дор өдий сүвтіс Коля.
- Пукала тай со,– дорйысигмоз нурбыльтис шопер.

– Пукавны татчө эн на лок,– ярскөба шуис Сандра.– Лок петалам. Пыртам.

– Эн кесйөдлы,– шөтясис Öньө.

– Тэнө нө мыйла ыстисны? Отсасыны. Лок, лок, петалам,– вувзысис сы вылө нывбаба. Мөдыс весиг йөжгыльтчыштис, и медым водзө не кывзыны видчөмсө, первойөн и петис. Сандра броткөдчигтыр вөтчис сы бөрся.

– Ваньө, шойччышт,– өшиньялань матыстчөм да ывла вылө кыйкнитлөм бөрын шуис Коля.

– Бара петис,– син пөвсө восьтис Китай Вань.– Öньөыс нө тшөтш жө?

– Петис. Водзвылас кывзысысь пон моз тирликтис.

– Мый морла?– пуксис мөдыс да казялис өшөдөм вольпасьсө.– Тайө нө мый? Дзик миянлөн кодь вольпасьсыс.

– Тян и эм да. Сандраыд вайис.

– Мый морла нө сийө выль вольпасьсө кыскалө?

– Тэ вөсна төждысьсө. Мед пө поконики мортлы небыдджык кайнысө вөлі. Тэнө сы вылө водтөдам. Ме вылад пукся, и катөдам,– өшиньө кыйкьялигмоз сералис Коля.– Бөр вод. Пырөны.

– Адзылин, кызди Кирө Öньөыс вылын камандуйтө,– водөм бөрас броткөдчис Иван.– Быттьө верөс нин сылы. Со весиг мый морла кө ывла вылас өтлаын петисны.

– Ланьт. Пырөны.

Сандра да Кирө Öньө таджьясьсөмөн пыртисны ыджыдысь-ыджыд чоботан. Код төдас кушөм зимогорлы татшөмсө вөчлөмаөсь. Став өвмөсыд бура төрас сы пытшкө. Пыртисны джодж шөрөдзыс.

– Менө тшөтш уджөдан,– дыр на броткөдчис Кирө Öньө.

– Эн няргы,– вомалис Коля да шыасис Сандра дорө.– Ме тшук кезлө петавны жө көсья. А то поконикисө өтнассө кольны эг лысьт да асывбыд на терпити.

– Петав,– эз паныд ло нывбаба.

Коля нөшта өтчыдысь зумыша видзөдлис Öньө вылө да тэрыба петис. Ёна, тыдалө, топөдөма. Повзьөмысла ли мый.

– А тэ эн кын мыр моз сулав,– уськөдчис Öньө вылө Сандра.– Кадыс торьясө абу жө. На!

Сандра кыськө кыскис чоботан ключсө да чургөдіс мужичөйлы. Мөдыс кыв шутөг босьтис да кутис видлавны сетөмторсө.

– Мый нө колө вөчны?

– Быттьө первойысь на адзөмыд. Сюй. Мый сэсья тайөн вөчлөны.

Кирө Öньө ключсө босьтчис сюйны чоботан розяс. Но не-

кызди эз пыр. Ружтигыр то өти ногон босытчылас, то мод ногон. Оз артмы и ставыс. Съоласьо и полясьо, ымзө и ружтө.

– Оз пыр да.

– Верстьо мужик шусян. Оз пыр пө. Тэ лосьыда, тэрмасьтөг суй,– сы весьтө копыртчөмон велөдис Сандра.

– Оз төр да,– чөвтис Оньо.

– Тэ легөдыштөмон. Сюй нин. Кадыс абу.

– Отсышт ачылд. Тэнад өд.

Налон сёрнитигон да ноксигон Китай Вань весиг вөрзёдчыштіс, бур, мый джодж шөрын мошкоритчысыяс сылы мышкөн вөліны. Сэсся юрсө лэптыштөмон видліс видзөдлыны, но эз лысыт да бөр зэв өдийө лэдзис юрсө, лосьөдіс пызан пөв вылас.

– Нинөм вылө тэнад сямид абу,– скөра ропкөдчис Сандра.– Эн, мися, тэрмась.

– Оз пыр да. Дзескыл.

– Мед абу дзескыл. Быд пөрийө на пырліс да. Ваньөлөн тай вөлі зэв өдийө артмывлө.

– Сылөн, гашкө, и артмө. Менам тай оз-а.

– Тадзи кымын и суй. Легөдыштөмон, мися.

Коля ассыс могсө вель дыр вөчөм бөрын убөлитіс жө бөр пырны. Пыригмозыс юаліс ноксысысыслыс:

– Оз артмы али мый?

– Та помысь. Весиг та вылө сямыс абу. Нөшта өд гач пасьталөма. Кыскы, Оньо, ачым сюя.

Ноксьоны, а чоботаныс некызди оз воссы. Мый вөчсис та дырйи Китай Вань вежөрын да сьөлөмын – код төдас.

– Гашкө, ме видла? Оньо кө оз сяммы,– отсавны лосьөдчис Коля.

– Мун. Тэ помысь,– өвтыштчис Сандра.– Час, ме петала. Кутшөмкө көртөн песовтыштам дай.

Сандра петіс. Мужикьяс сылөн вошөм бөрын эз жө кутны ноксынысө. Кирө Оньо воськовтіс өдзөслань.

– Оз өд сылы нинөм сюр. Машинасыс кутшөмкө часть нетыштас нөшта.

– Петав, видзөдлы ачылд,– велөдис Коля. Көть эськө модыс сы могыс нин и петө вөлі да.

– Шойчышт, Ваньө, петісны,– шоперлөн мыш саймовтчөм бөрын жалитыштіс зимогориган ёртсө Коля.

Иванлы модыс тшөктөм эз ков. Пось из вылысь быттьө чеччыштіс. Уськөдчис джодж шөрланыс да кутіс гөгөрбок видзөдавны.

– Мый нө тані Сандраыс да Кирө Оньөыс вөчөны вөлі?

– Эг адззыв. Ме өд ывла вылө котөртлі.

– Мыйкө зэв ёна гримодчисны. Кашкигтырйи. Сандра, кылө, мыйкө легөдөмөн суйны тшөктіс.

– Сөмын найөс син увсыд лэдзлы...– гөгөрвоис, мый думыштөма Ваньө, да вашмуніс Коля.– Ме, йөйыд, петалі жө дай. Ме дырйи, колөкө, эз лысытны эськө...

– Ёнакодь ымзіс Öньөыс. Час, ме петала да налысь ачым юала.

– Эң,– петысь Китай Ваньлы сойас кутчысис Коля.– Найө со тайө чоботансө вөлі восьтөны. Тэ йөйыдла верман и петны. Тэ нө мый чайтін?

– Нинөм эг,– смиритчис Вань.– Мун, сувтлы өшинь дорас. Кыйөдчышт.

– Мыйла?– мунигмозыс нин юалис Коля.

– Көнөсь найө?

– Кабинаас тай юрьясныс тыдалөны-а,– видзөдлөм бөрын вочавидзис Коля.

Китай Вань копыртчыліс чоботан дорас. Мыйкө зэв өдийө ноқыштіс. Чоботаныс воссис. Эз кут весиг видзөдавны, мый лөдөмаөсь пытшкас, бөр локтіс пызан дорас да водіс. Тыдалө, куйлынысө абу на дышөдөма.

– Нөшта жугөдасны чоботансө,– сөмын броткөдчыштіс сийө лөсыдджыка павкнитчигмозыс.

Киас көрт торйөн пырис Қирө Öньө. Китай Вань өдзөс шыас на зэв өдийө кунис синьяссө. Öні эз лысыт восьтынысө.

– Оз ков. Китай Вань восьтіс нин,– өлөдіс чоботан дорө копыртчысь шоперөс Коля. Сэсся шыасис куйлысь дорө:– Ваньө, эз на Сандраыд пыр. Мыйкө машина дорас на сийө ноксьө.

– Мый нө чоботанас вайинныд?– пуксигмозыс жө босьтчис юасьны Иван Қирө пилысь.

– Костюм тай адззылі-а. Мед пө оз көтась. Сэсся, мый нөшта пуктіс, ог и төд. Дерт, көнкө, паськөм.

– Улыс гач да мый да...– вашмуніс Коля.

– Мый морла нө костюмсө вайөма? Кытысь? Менам өд некутшөм костюм абу.

– Тэнө пасьтөдны,– бара суйсис Коля.

– Сандраыд войбыд суседьясыдлысь сьөм уджалөма. Асьядорыс лавкасө мырдөн восьтөдіс и...– вочавидзис Иванлөн юалөм вылө Öньө.

– Кутшөм сьөм? Мыйла лавкасө восьтөдіс?

– Нөшта өд юасьө. Кутшөм сьөм пө? Тэнө гуавны, выль костюмөн.

– Эң шогсы, Ваньө. Öні кутан шнич выль костюмөн сиктөд тапикасьны. Эң кө кувлы, колөкө, өнія доньясөн нэмсө выль костюмтө эң адззыв. А өні...

– Мыйла нин нө ветлө-удждысьө,– сылань весиг эз бергөд-чыв Китай Вань.– Меным жө өд бөрас ковмас вештысьнысө.

– Ловйөн кө бытгө колян...– водзө тшетшкис Коля. Первой нырас повзылис сийө, а өни ставыс разалөма. Сөмын серамыс петө, да окота лои Иван вылын нөшта неуна лёксө песьштны. Татшөм налькйө суйөмысь.– Со, Сандрайд пырө. Вол.

– Мышкөй нин куйлөмысла дубавны кутіс,– няргыштіс Вань, но водны өдийө водіс.– Вөрзыштны оз позь ни...

Сандра пыригмозыс казяліс, мый чоботан вевтыс калькнит-чөма.

– Восьтінныд жө. Томансө, көнкө, ёна жугөдінныд.

– Эгө,– нурбыльтіс Коля.

– Дыр на кутанныд кимөститчыны?– другөн Коля вылө скөрмис мыйыськө Кирө Ёньө.– Вай тэрмасьыштөй. Абу өд песь-так тані.

– Мыйта ковмас, сы дыра и овны кутам. Эн чепсась.

– Да, да. Мыйта ковмас, сы дыра и виччысян,– суйсис сёр-ниас и Сандра.

Кирө Ёньө сюся видзөдліс сы вылө. Весиг юрас вирдыштліс мөвп, мый сёрнитчөмаөсь кө нин Китай Вань гозьяыс-а. Отвы-лысь ставнысө йөйтөдлөны. Весиг вомгорулас броткыны тайө дум вөснаыс кутіс. Таысь Сандрасянь бара на сюри.

– Мый нө сэні ныр улад назган? Нинөм ог велав.

– Шойччышт, шуа,– скөракодь бара чөвтис шоперлы Коля.– И быдлаө ныртө эн суй, а то... топөдасны.

Сандра босьтчис кыскавны чоботанас сөвтөм көлуйсө. Мыйыс сөмын сэні эз вөв.

– Няйт дөрөм-гачнас өд ог катөдөй! Мыськалам на, гашкө, покониксө тані-а. Тянлы, мужикьяслы, ковмас мыськавнысө.

– Мыськалам, дерт,– муртса гораа эз серөкты Коля.

– Менө сэсяя дугды кесйөдлынысө-а,– төдчөдіс Кирө Ёньө.

– Тэ нэмсө татшөм вөлін,– ропкөдчыштіс сы вылө Сандра да шога видзөдліс верөс вылас.– Со өд маетаыс на мыйта. Зэв люч-ки-ладөн олім да окота жө морт ногөн гуавны. Ванюкөй өд эз вөв кулитана. Некор шум-зык миян керкаысь эз кывлы ни...

– Бура, шуан, олінныд,– вом пельбөснас вашмунліс Коля.

– Бура. Зык ни шум, шуа тай, миян костын некор эз вөвлы. Эг мукөд гозья моз быд нинөм абусьыс пурсылөй.

– Коді нө эськө тиянын век горзө?– водзө дэльөдігмоз юасис Коля.

– Некод эз горзыв. Гашкө, радиоыс кылө. Зэв гораа век восьтам да,– эз казяв сылысь шмоньсө да зэв збыльыся шуаліс Сандра. Сийө матыстчис верөс дорас да шлюпкыштіс на весиг.–

Но, Ванюк, вай пасьтасям да сэсся гортö мөдөдчам. Бөрьяысь тайö вөлөксö вуджан.

– Бур паськөмсö өд он жö кышав?– эз вермы кутчысыны да бара суйсис Кирö Öньö.

– Аслыд вылö кольны көсьян али мый?– Китай Ваньлы моз шуис Коля. Сөмын полис жö, мый вывті дэльөдөмсыйс сійö вермас ёрчыштны. Но мөдыслөн весиг чужөм кучикыс эз вөрзышт.– Выльсö, дерт, пасьтөдам. Мыйла нө огöй?

– Няйтыс кузолөдзис резö да.

– Лёк паськөмнас ог катөдöй. Сөмын выльнас,– паныд сувтіс Коля.

– Коля өд няйтөн резөмсыйс сійöс вевттышптлас,– петан туйсö адзис Сандра.

– Сэсся нө мыськавны öнi ковмас? Ваньöсö, шуа?– дөжныштіс Коля.

– Ог моралöй!– пыр жö паныд сувтіс Кирö Öньö.

– Тэнсьыд эськө ог и юав. Мый тшөкта, сійöс и ковмас вөчнытö. Тэнö меным отсөг вылö ыстісны,– вомалис Сандра.– Но тані, видзöда да, некытөн паськөдчынысö. Ме эськө майтөг да ки чышкөд и быдөн сьорысь вайи да. Гортын нин...

– Мыськөм бөрас майтөг торйыс кө кольцо – эн шыбит.

– Мыйла?– окота лои тöдны Кирö пилы.

– Поконикöс мыськан майтөгсö пö тышкасьны радейтысь мортлы сетöны, мед пö сэсся киясыс косясьнысö оз кут лудны.

– Кодлы нө көсьянный сетнысö?– тöдмавны окота лои Сандралы.

– Некодлы ог. Гортад видз. Згөдитчас,– Коля зілис не нюмдыны.– Ваньötö кө өд, Сандра, мыськавны кутам, тэныд, баба мортлы, петавны ковмас.

– Мыйла,– эз гөгөрво мөдыс.– Ме өд сійöс гуг и бан тöда. Ваньöыс өд меным абу бокөвöй.

– Мужикöс пö нывбаба дырйи оз пасьтөдлыны.

– Гашкө и, сідзи да. Тэ өд төдысь рөдысь петөм морт.

– Öтнад, сідзкө, и пасьтөд,– ропкөдчыны бара телепит лои Öньöлы.

– Тэ нө бара кутін?..– торкис сійöс нывбаба.– Петавла, сідзкө. Кильчö вылас пукушпта. Сөмын бура пасьтөдöй. Сылөн өд кикокыс көдзыд да оз куснясь. Быттьö, эськө, öнтай видлі да эз сэтшөм көдзыд кажитчы. Абу на вирыс, тыдалö, удитöма дзикөдз кынмыны.

– Абу на,– мед сөмын бара эз видлы Китай Ваньлысь кикоксö, өдйö шуыштіс Коля.

Сандра видзёдліс куйлысь верос вылас. Синьясас вирдыштисны кутшомкө мовпьяс, и найо тырины синваон. Нывбаба тэрмасьтөг бергөдчис да петіс.

– Ти нө, сюра сөтанаяс, дыр на кутанныд дурны? Помыс эз кут воны,– лёкысь нин кутіс ропкыны Кирё Оньо. Сылөн терпенньо мешөкыс, тыдалө, чукийон жө кутіс тырны.

– Миянлы, думайтан, Ваньёыскөд ёна лөсьыд? Абу жө торья нимкодь. Колөма жө первойсяньыс висьтавыны веськыда. Видыштіс да эськө важон нин помасис. Кывнад он на доймы. Ваньё, тырмас жмутвидзнытө. Пуксыы.

– Дыр на ме тэнö ас дорын терпитны кута,– синсө восьтігмоз Кирё Оньо вылө вувзысыс Китай Вань.– Оз нин кадыс волы. Эськө пужсө петкөдла да!

– Мый нө тэ ме вылө синьястө сувтөдөмөн пыр на катгысын?– весиг вешйыштіс ярмөм Вань дорысь шопер.

– Ачыд төдан, мыйысь. Нинөм абусысыс тон ог кут. Эм мыйысь.

– Ваньё, лөнышт вай. А то кыв-ворыд дыр сёрниттөгыд восьөма,– ырыштчыліс сылань Коля.– Бөрас кызкө-мыйкө сёрнитанныд.

– Бөрас, дерт. Сёрниным лоө чорыд,– рамджыка нин шуис Китай Вань.– Мый нө, пасьтөдны менө Сандраыс тшөктас али мый нин?

– Нинөм абусысыс ме вылө катгысысьом дорсыыд, бурджык, ас йывсыыд мөвпышт, кызди ловзынысө бөр кутан,– ассысыс долис Кирё Оньо.

– Ловзяс,– эскөдіс Коля.– Талун өд сылөн чужан лун.

– Збылысь?– эз эскы Оньо.

– Збылысь, дерт,– дзикөдз раммис Ваньё.– Ветымын вит во сайың менам вольной сьвет вылас мыччысыылөма.

– Оні мөд пөв мыччысян дай.

– Дзик тай тэ йөй,– көритны босьтчис верстьө мужикөс шопер.– Нимлунтө тадзи пасьян. Пызан шөрын куйломөн.

– Ваньё, гашкө, збылысь Сандраылды висьталам да? Чужан лун радиыд прөститас.

– Мед оз,– пыкисис Китай Вань.– Сійө весиг менсыым чужан лунөс оз помнит.

– Оз, төдөмысь,– сы дор сувтис Оньо.– Эз тай весиг кывйон гарышт-а.

– Висьталам вай Сандраылды,– ассысыс долис Коля.

– Вай бара эн!– повзис Вань.– Сійө өд менө вильөдас.

– Пөрысыылда яйыд чорыд нин,– дэльөдыштис Кирё Оньо.– Вильөднысө тэнö сьөкыд лоө да бөр сьөлыштас.

– Томыс аддзысьёма!– пыр жö и öзйис мöдыс.– Посйысьö сэнi... Часлы...

– Ланьт, мися. Гашкö, висьтасям?– век на корис Коля.

– Вай ог на. Бöрынджык кö неуна, буди-а...

– Но, сiдзкö, пасьтася.

– Колöкö, виччысьö, кор ми сийöс пасьтöдны кутам да. Кажитчис мортыслы блажитнысьö,– водзöс мынтiс шуасьёмсыыс Öньö.

– Тэтöг нин кызкö... Ачым пасьтася. А то костюмсö чукрöдланныд.

Китай Вань тэрмасьтöг босьтчис пасьтасьны. Ставсö вылiсьыс вежис. Сулалiс керка шöрын дзик виль мортöн.

– Тэнлы кодьöс и ньöбöма,– ошкыштiс Коля.– Тадзнад позьö сэссия и чужан лунтö пасйыны пуксьывны.

– Öнi тэнö кöть выльысь гöтрав,– серамыс петiс и шоперлөн.– Сэссия эн и пöрччыв костюмтö. Тайөн и ветлöдлы.

– Тэ вомтö эн паськöдлы. Эн менсьым выльысь гөтрасьёмöс кыйöд. Ышты кутшöм! Сандралысь прöстмöм виччысьö.

– Колантор кодлыкö тэнад Сандраыл!

– Дугдöй!– ковмис сюйсьыны Колялы.– Збыльысь öд, Ваньö, лöсялö тэныд костюмыс.

– Сандра тöдмалас да костюмсö кучиккöд тшöтш куляс,– пуксис пызан вылас Китай Вань.– Ойя да ойя жö эськö да...

Китай Вань эз удит весиг водны, кыззи öдзöсыс воссис да пырис Сандра.

– Мый нö сы дыра кутiнныд ноксьыны! Быдса час нин коли, а он чукöстöй...

Танi сийö джöмдiс. Синьясыс нывбабалөн босьтчисны паськавны и паськавны, льöбьясыс сырмисны, чужöмыс быгалiс. Вомсö калькнитiс, кöййис мыйкö шуны, но гөлöсыс некыззи эз пысят. Медбöрын чилöстöмөн артмис жö:

– Ваньö! Тэ нö мый?!

– Мый нö горзан?– сöмын и артмис Китай Ваньлөн.

Коля вешйыштiс Китай Вань дорысь. Сандраыс кö уськöдчас, то вермас и сылы инмыны. Видзöдлiс кывтöм пемöс моз пукалысь Вань вылö:

– Му-уртса сьö-өлöм э-эз по-от. Босьтчим пасьтöдны, гачöдiм, пинджак соссö сюйигөн друг синсö восьтiс. Ме муртса öшиньöдыс эг чеччышт.

– Мый нö тайö?– Кирö Öньöлысь нин юасис Сандра.

Мöдыс чöv олыштiс. Но мужик вирыс вермис. Дорйыштiс жö лэчкö шедöмаясöс:

– Збыль, пасьтöдигас ловзис. Ме ачым муртса эг весьöпöр.

– Ловзи, ловзи. Пасьтөдігас,– көк моз гонняліс став вылас Китай Вань, быттьо важон нин некодос абу адзылөма.

Сандра уськөдчис сы дорө. Ваньө зэв өдйө сувтис кок йылас да корсис синьяснас, кытчө уйкнитны. Но Сандра тай кызди топөдіс сывьясас. Кулпө и окалө, окалө и кулпө.

– Ванюк! Сө зөлөтаой! Збылысь ловья али мый?!

– Ловзи... Ловья...– долис верөсыс нинөм гөгөрвотөг.

Гөтырыс лэдзис сійос мездорсыс да кутис видлавны кияссө и кокьяссө.

– Мый нө, донаой, тэкөд лоис? Мый нө тэ, Ванюкөй, некор асытө он видз.

– Сурья йывсяныс уси,– чепөсийс Китай Ваньлөн вомысь. Сійө видзөдліс Коля вылө, көсийс төдмавны, тадзи-ө колө висьтавны. Мөдыс синьяснас петкөдліс, мый позьө пө и тадзи.– А эсийө, йөй Коляыс, куломөн чайтөма да татчө кыскөма. Садьос, тыдалө, зэв топыда воштылсьөма. Нинөм тай эг кывлы ни эг адзыв-а.

– Весиг он ловав вөлі да. Ме сьөлөм тіпкөмтө и быдөн кывзі. Оз вөлі нинөм кыв,– сы ногөн жө босьтчис сынны Коля.

– Ванюк, а кок йылад сулавны верман?– юасьө Сандра.

Иван зэв өдйө пуксис улөс вылө да босьтчис ойзыны. Сэсса легөдыштис кокнас.

– Ог. Оз весиг вөр со некыті. Ставыс лыжалөма. Быттьо нинөм абу аслам. Ог со вермы дзик нинөм вөчнысө.

– Кыз нө он вермы вөрны?– шензыштіс Кирө Оньө.

– Вермө кө өд – вөрөдө,– зэв өдйө суйсис Коля.– Ваньө, гашкө, чегьясис кыткө ёна да?

– Ог төд. Вермис и чегьясьны. Кийөй ни кокөй, видзөдтө, оз уджав.

– Сідзкө, эн и сувт,– жалитыштис верөссө Сандра.– Куйлы, он кө вермы. Вод вольпасяд да.

Сійө мырдысьөн босьтис кияс вылас Ваньөс, кокниа нуис крөватьөдзыс да волтөдіс.

– Куйлы, Ванюк. Ми тэнө сэсса машинаөдзыс петкөдам. Гортын пывсян ок ёна дубитам-ломтам. Веськөдчысьос корам. Корөсялам, зыралам гөгөрбок. Бурдан өдйө.

– Сэсса нэм чөж али мый сійос ки вылын кыскавны? Зэв тай...– броткыштис Оньө.

– Тэ нө мый? Миянө овны али мый локтан? Ки вылын менө новлөдлынысө?– сөдзөдіс пинь пырыс Вань.

– Тэныд коскад оз на кочки. Машина кузолөдзыс петкөдігөн,– шоперөс вомаліс Сандра.

– Оз, дерт, – скорысь жё топодіс вывті ышнясьны кутысь Кирё
Оньёс Коля.

– Оз эськё да, – Колялысь кокни русё тёд вылас кутёмөн торья
паныдсё эз лысыт мунны шопер. – Мый нин сэсса тянкөд вөчан.

– Ме тайёс петкөда да кузолас вольсала, – вольпасьсё моз-
дорас топодіс Сандра. – Небыдджык лоё муннысё. А тэ, Оньё,
эн өдийё төвзы-мун. Он өд пес катөд – драглёй мортёс.

– Төвзян, дерт, татшөм няйт туйнад! Ог кө сибдөй, то зэв
ыджыд аттё шуй.

Сандра петөм бөрын мужикьяс кокниа ышловзисны. Сөмын
тай Кирё Оньё броткөдчыны кутіс-а:

– Тьпу! Грекө тянкөд воян! Тэ, Коля, кызд кужан, а ме ас
пайысь Китай Ваньсё кыскавны ог кут. Абу өд кикимера, быд
йөйталысьсё ки вылын кыскавны.

– Ме өд өтнамөнтө ог вермы, – венө пырис мөдыс.

– Тэ, Оньё, эн ёнасө тшөкөлдывайт! Тэ ме водзын нэм кезлө
мыжмин!

– Мыйысь нө мыжми? – эз гөгөрво Ваньёс шопер.

– Эн йөй туйё менө видз. Кывсис өд. Нуанныд ки выланыд.
Ме, ас пайысь, сэсса ог вөрзөдчыв-а. Кок вылө кө сувта, Сандра
пыр жө и казялас. Сэки меным не овны.

– Тэ нө, Иван, мый ме вылө пыр на каттысин? Ыршасян
нинөм абусьыс.

Китай Вань көсийс нин топөдны сійёс Сандраыскөд гусьөн
мускасьомысь, но гөтырыс слөймис пырны. Ковмис зэв өдийё
коньөр чужөм вөчны.

– Мый нө, Ванюк, кельдөдін? Лёк лои али мый?

– Ой! Ой! – уськөдчис крөватё Ваньё. – Кутшөма юрө кло-
нөбтіс.

– Ванюк, гашкө, пельшерёс чукөстны да?

– Оз ков, вай өдийөджык нин гортө нуйё. Сэні, колөкө, кок-
ныдджык лоас, – ымзигтыр велөдіс висьысь.

– Друг да туй костас нөшта лёкджык лоас, – төждысис сы
вөсна гөтырыс. – Чужөмыд со син водзын вежсис. Гугөдөм пув
туис кодь гөрд лоис.

– Оз. Оз лёк ло, – сьөкыдапырысь пуксис Китай Вань. – Вай,
мужикьяс, петкөдөй нин менө өдийөджык. Каям сэсса.

– Петкөда, – кутчысис сы бердө Коля. – Сьөкыд жө эськө
тэ да.

– Ванюк, кокөдыд кө босьтам – оз ёна доймы? – верөс дорас
матыстчис и Сандра.

– Кылө эськө дойыс, но терпита нин. Гырк пытшкөй, тыдалө,
ёна вөрзөма.

– А тэ мый сулалан корысь моз?– Кирё Ёньё вылё горёдіс нывбаба.– Тэно кытчё нарадитісны? Ваньёла!

– Эн сэнi мыр моз сулав, отсав,– корис и Коля.

– Дыш эськё да,– броткис мёдыс.

– Босьт, колёкё, эн грекё вёйт!– чорыда нин шуис Сандра.

Кирё Ёньё да Коля босьтісны Китай Ваньёс да кутісны петкёдны керкасьыс водзлань кокъясён. Тайёс казялём бёрын на вылё кутш моз уськёдчис Сандра:

– Мый нё ті водзлань кокён нуанныд! Он ёд покониқос петкёдй!

Ковмис бергёдчыны да бура петкёдны. Съёкыдапырысь кыпёдісны кузолас. Коля пыраліс да кёлуйсё петкёдіс. Кирё Ёньё кабинаас мыйкё ноксис. Моторыс эргыштас и бёр ланьтё.

– Мый нё он вёрзьёдчы?– юалис Коля.

– Оз со заводитчы да, лёк туйсё вуджигас, тыдалё, моторыс мыйкё лоёма. Ачым ог тёд, мый?

– Век тэнад мыйкё лоёма! Медся колана кадас машинаыд дудёма!– ропкёдчис Сандра.

– Сэсся нё дыр на виччысьны тэно?– кузовсянь гёлёс сетіс Китай Вань.

– Вёчны колё. Код тёдас, мыйта кад мунас. Видзёдла, гашкё, абу ёна жугалёма.

– Ванюк, тэныд ёд, кёнкё, вель лёк,– верёс вёснаыс майшасис Сандра.

– Гырк пытшкёй сотчёмён сотчё.

– Со ёд шогыд на кутшём! Ог жё кутёй лунтыр тані вишыны, кор тайё мёмётыс машинасё вёчас. Висысь мортыскёд. Подён петны ковмас.

– Подён? А Ваньсё нё кытчё колям?– кельдёдіс Коля.

– Сійёс ёд ог жё кольёй. Аскёд катёдам. Тэныд, мужик мортлы, ковмас съывьяд босьтёмён нуны.

– Ас вылын ёд ог жё кут?– дзикёдз шемёсмис Коля.– Туйыс ёд кок чёрийёдзыд няйт. Ёткённас муннытё он вермы-а.

– Эн гёвчит! Катёдан и ставыс!– эз кут бара шогсыны Сандра.– Босьт съывьяд. Ме час керка пытшсё синмён кытшовта. Эз-ё Ваньёлён кутшёмкё кёлуй коль.

– Збыль мёй машинаыд жугалис?– Сандра пырём бёрын Ёньёлысь юасис Коля.

– Эз эськё да.

– Мый нё сэсся сэнi ышнясян.

– Верст вит Ваньёсё съывьяд кыскан да сэки и суёда,– чёвтис Кирё Ёньё.

– Дугды, колёкё!

– Дум абу.
– Сандраыслы өд удта.
– Удты. Ме висьтала жö, мый тi ылöдлiннид.
– Висьтав.
– Эн бара-й,– кузовсянь юрсö öшöдöмөн кевмысис Китай Вань.– Коля, нуышт менö неуна. Сикт кузяис кöть нин. Кытчöдз Сандра оз саяв. Сийö өд машинасö виччысьны жö кольччас-а.
– Нуышта. Неунатö,– эз кут пыксьыны Коля.– Сöмын рыт-нас мед вöли кык доз пунктöма. Тэнад ловзьöм вöсна.
– Ньöба, ньöба. Сöмын нуышт.
Коля мыйкö кöсйис на шуны, но петис Сандра. Киас кутис ылжыд нень кöртöдсö:
– Тайö нö кодлөн?! Ваньö вольпась улысь тай аддзи-а! Ваньö, кодлөн?
Китай Вань йöжгыльтчис. Кирö Öньö гылыда серöктис. Коля уськөдчис Сандралань:
– Менам тайö, менам. Ме вайи öтилаысь.
– Тэнад кö нö, кызди Ваньöлөн вольпась улас веськалис?
– Менам суйсьöма. Сорси да,– кызд вермис, мездысис Коля.
– На, сiдзкö. Сет кодлыкö,– шыбитис чужöмас дöра торсö Сандра.
Коля öдйö босьтис да саймовтис питшöгас.
– Тi нö век на танöсь!? Мортис со кельдöдны кутöма. Кольö, босьт Ваньöсö...
Кирö Öньö вашьялгтыр тай отсалис жö лэччöдны Китай Ваньсö-а. Коля босьтис сийöс сыввяс.
– Сьökыд жö вöлöмыд, Ваньö.
– Ог эськö торья ёна сёй да,– мыжапырысь дорйысьыштис мöдыс.
– Ковмас нуыштны,– вöрзьöдчис Коля.
– Ванюк, абу зöркыд?– дöжныштис Сандра.
– Абу торьясö.
– Мед лöсьыда вöли нуöма. Эн уськөд! Ме öд орччөн лоа.
– Кызди орччөн?– Коля весиг сувтыштис.– Он мöй машина дорас виччысь вöчöмсö?
– Ог. Вай мун нин. Кутiн сэнi дудöм вöv моз легны.
– Ме вöча да суöда, артмас кö быттьö,– долыда шуалис Кирö Öньö.– Бура кайöй.
Сиктсаяс казялисны мунысьясös да сувтöмөн видзöдисны, кутшöм коньöрöс нин сыввяс нуöны. Кодсюрö весиг юасыны босьтчылисны. Но регыд öвсьылисны Сандралөн пиньясьöмысь.
– Быд сötанаясыслы би ковмöма! Тiян вöсна со верöсöй драглöй лои!

Сиктыс важон нин саялис. Коля дзулльыв пöсялис, Китай Вань синьяссö куньомон öшалис сьлон мыш вылын. Сандра броткöдчис ньöжйöджык восьлалысь Коля вылö да лойис нййтсö водз-вылас.

Верст сизим бöрын кымын Кирö Öньö збылысь суөдiс найöс. Вель дыр кавшасисны кузолö. Китай Ваньöс водтöдiсны вольпасьö. Сандра эз жö кабинаас пуксьы. Коляöс сэтчö эз лэдз и. Кутан пö лөк местаясас Ваньöос ас бердад жмитыштлыны.

Вель дыр ковмис лөк туй кузяыд кыссьыны. Со и Вöрыбыс мыччисис. Керкаыс Ваньöяслөн ылисянь тыдалö, кыр йылö лэптыломá. Казялисны, мый сэтчö йöз чукöртчöмаöсь. Китай Вань весиг нöшта ичöтджык лои. Купайка пиас дзикöдз пырис. Коля көсийс нин кузовсьыс чеччыштны, но полис жö. Пукалис да Китай Вань моз эз лысьт водзöсö видзöдлыны. Со нин тыдовтчисны челядьыс, сулалöны, синвасö чышкалöны. Суседьясыс унаөн тшöтш жö вазьом синьясаöсь. Поконикöс вайöм виччысьöны. Китай Ваньлөн голяас кыпöдчис кутшöмкö ёкмыль, эз вермы кутчысьнысö да горöдiс:

– Ловья ме! Ловья!

– Челядь! Ловья батыныд! Ловья!– тшöтш горöдiс Сандра.

Машина сувтiс йöз весьтö. Отувйөн лэччöдiсны кузолысь Китай Ваньöс, и сийöс пыр жö босьтчисны кутлыны челядьыс.

Суседьясыс эз на разöдчыны. Кывзiсны Сандралысь висьтасьöмсö. А Кирö Öньö весиг кабинасьыс эз петав. Китай Вань топöдлiс морöс бердас став челядьсö торйөн. Йöзыс видзöдiсны тайö серпас вылас, чуймалiсны, но эз серавны. Серамыс лоас неуна бöрынджык...

ВИТ МИНУТТӨМ ЧАС

ВИСЬТ-ПРИТЧА

Кык вөралысь коркө важөн Емва йылын сёрмасны войын да коз улö узьмөдчасны. Войнас сэсся найö и кылöны, быттьö локтас кодкө да шуас:

– Мамыд пö тай кулö, мамтö видлыны он-ö волы?

А налөн козйыд вочавидзас:

– Ме пö ог мун, узысьяс пö локтисны да мед узясны. Аски ме локта.

Сэсся бёрти, коркө войнас, сажень кызь сайын гыпкылö-пөрö пу.

Асывнас вөралысьяс видзөдöны, да ина, пөрöма пöрысь коз. Мам-козйыс и кулöма войнас.

Быд мортлөн эм ас пу – звөнни пу. Пöрас кө сйö, то и мортыс тшöтш.

(Важ коми войтырлөн висьталöмьясысь)



Паськыд эрд вывтi öдöбөн вирдыштöм бöрын төв ныр уйкнитис вөрö. Пуясö зурасьöм бöрын сйö чукльöдлiгтыр мунис водзö и водзö. Эбöсыс эз нин вöв сэтшöм, кутшöмөн сюйсис вöрас. Быд пу, бадь босьтис сылысь вынсö. Но төв ныр зiлис бара воöдчыны паськыд эрд вылөдз. Сэни сылөн вынийöрыс выльысь

содас да бара лоас воддза кодъ збой, мудзлытём. Но вёрыслы, кажитчис, эз вёв помыс. И пуясыс сулалісны зумыда, быттё некот и некот оз вермы уськөдны найёс кок йывсыс. Сёмын воймём конда дзуртыштис нин нораа төвлөн зургөмысь. Сійё вөлі коркө пашкыр козйөн. Сэсся кад воис да кутіс кок йылас косьмыны. Первой чирссисны да усины емьясыс. Кушёсь колины чурвидзны сой кызта увьяс. Та бёрын кырсьыс заводитіс косьмыны. Пёри мандачө. Тадзи йёзыс нимтёны косьмыны кутём пуяссө. Сэсся пёри кондаө, кор кырсьыс уси кок улас. Медбёрын босьтчис воймыны. Кос увьяс вылас өшйисны дзор пратьяс, та бёрын коли виччысьны кок йывсыс усьём.

Воймём кондаөс та пөрийө төв ныр эз на сяммы пөрөдны. Көть эськө тшем сулалысь пуясө зурасылём бёрын весиг видліс кытшовтны прөст местаті да выль пөв уськөдчыны пёрысь конда вылө. Но сійё эз сетчы.

Төв нырлөн туй шөрө веськалісны и өтлаын сулалысь куим пу. Тайё вөліны пёрысь пожём, вывлань качөдчөм коз, коді быттё өдөбөн кайёма енэжас. Сійё вөлі мича да зумид, сись кодъ веськыд. А коймөдөн орччөн сулаліс нэриник том кызд. Пожём да коз босьтөмаось сійёс шөрас моз. Быттё төдөмөн да гөгөрвоёмөн мыччысьома татчө кыздыс. Көть кысянь эз босьтчы зырөдны кызд вылө төв ныр, некызди эз сяммы нюкыльтны увьяссө. А кызд бокын чепөсьйыштём ичөтик пу дорөдз эз жө во. Он кө дзик му бердөдыс төвзы, он и инмөдчы сы дінө. Тайё вөлі кызлөн бытгасыс. Сылөн вужлөн өти вож помө мыччысьома. Со нин уна во пожём, коз да кызд олісны өти оломөн. Отпырийө адзисны енэжө качём шондісө. Отмоза турдісны-кынмисны көдзыд төвьясө. Арся зэра луньясө, дерт, медся ёна сюрлі кызды, кор сылөн усылісны корьясыс. Быттё яндысис сэк сійё пожём да коз водзын, мый колылі вир пасьтөмөн. Но воліс тулыс, и сійё полі воддза дорысь мичаджык.

Төв ныр уйкнитіс водзө. Вель дыр писькөдчис вөрөд, кытчөдз эз пет кушинө. Тані сійё быттё кокниа ышловзис сыысь, мый быри мыджөдыс, позьё өддзөдны, солтыны эбөссө. Кушиныс артмөма кералём вөр местаө. Вель паськыдін вөчөмаось вөр лэдзсыяс, кодьяс и өні дзижгисны пилаясөн, эргисны тракторьясөн. Төв ныр сувтылтөг муніс водзө да воис сиктө.



Коля Козлов, комын куим арөса мужичөй, ноксис керка дорас. Сійёс быттё сёйысь тэчөмаось. Кузь тушаа, зумид. Оні кокниа ноксис выль пывсян дорын, лэптис кыз кер помсө өтнас.

Төдлытөг мыччысьом ён төв ныр летыштіс сылысь пашкыр юр-сисё да уськөдчис керкаланьыс. Лэптыштіс өти шипер пом да чашкөдіс вевтсьыс. Сэсся чаг моз кокниа шыбитіс град йөрас.

– Но, морё,– ропкыштіс Коля да веськөдчис картофель му вылө шлапнитөм шиперлань.



Виктор Михайлович пукаліс гортас. Квайтымын арөснад эз нин торья кыскы пөжөм ывла вылад. Ыркыдін корсьны ковмис. Сійө видзөдіс, кызди туй вылыс бусөссис. Посни лыа чирьясыс чукөрөн гартчисны да дурмөмөн бергалісны сынөдас. Таысь повзёмысла ичөтик лэбач йөймөмөн уськөдчис корсьны лөнь места да уйкнитіс восьса дзирья өшиньод Виктор Михайловичлөн керкаө. Олөма морт первойсө шензыштіс кортөм гөстълөн пырөмлы, а сэсся броткыштіс на:

– Лэбачлөн керкаөдз пырөмыд абу бур водзө.



Таня сөмын на помаліс куртны. Өшинь увсө төрыт на ытшкыліс, а со косьмөма нин. Вель ыджыд юр лои. Том нывбабалы уджавсис кокниа. Сьөлөмыс нимкодясис гусяторсьыс. Өд сійөс сөмын на ачыс төдіс. Водз асывнас гөгөрвоис, мый сы пытшкын олө выль морт. Кынөмасьөма. Кодкө, ныв ли, детинка ли, өтлаасьөма нин сылөн гөг сюрөскөд. Кык во сайын, дас өкмыс арөсөн, петіс верөс сайө, но өнөдз эз артмыв. А со талун асыв гөгөрвоис, мый лоьма виччысянаторйыс. И кор төв ныр пазөдіс турун чукөрсө, Таня эз и дөзмы. Серөктіс на весиг төв нырлөн вильышлун вылө. И тэрыб кокөн уськөдчис бөр куртны разөдөм турунсө.



Ывлаыс лөнис. Вежон нин со төвру абу. Тайө асылыс пуксис сэтшөм, мый сынөдыс быттьө өтилаө өшйөма. Ылісянь быд шы кылө. Шондіыс вель вылө нин качис, кор сійө местаөдз, көні сулалісны пөжөм, коз да аслас быдтаскөд кызд, воисны водзті кывлытөм шыяс. Көнкө ылын на дзижгисны пилаяс, эргисны вына тракторьяс. Сөмын черьяслөн колскөмыс эз на лок татчөдз. Пуяс быттьө измисны. Пөжөмлөн да козлөн емьясыс тронь сувтөмаөсь. Кыздлөн корьясыс быттьө чошкөдісны пельяссө, оз

вöрыштны. Полігтыр босьтчисны кывзыны некор кывлытöм шы-
яссö. А сьöмсьяснас кылісны кутшöмкö аслыспöлөс дой. Вич-
чисны лёк лоём.



Коля Козловöс тайö асылö шымыртіс кутшöмкö аслыспöлөс
майшасьöм. Мыйкö лолыслы эз тырмы и ставыс. Öтиторйö кут-
чыслас, мöдторйö – нинöмөн сьöлөмыс оз бурмы. Кутшöмкö
шог öшйис пытшкөсас. Некутшöма гөгөрвотөм. Сайöдінысь кыс-
кис водка доз, да медым пöдтыны шымыртөм майшасьöмсö, юис
помöдз. Эз инась некытчö лолыс, да мöдлысь на картузсö
пöрччис. Мөвпаліс, мый асывнас бара кокнялас. Но эз на тай.
Деливö, быттьö мыйкö ыджыдтор воштöма да некыдзи оз сюр.
Эз тöрытьясыс юр висьöм вöсна, а буретш гөгөрвотөм шемöс-
лунысла, ветліс лавкаö дозла. И бара юис. Сэсся мöдöс,
коймöдöс... Йöз шензисны да дивитісны. Кодкö жалитіс, кодкö
пиняліс. Но юёмсьыс дугдыны эз вермы, да и эз көсйы.



Виктор Михайловичлөн стöч сійö жö асылас друг медводдза-
ысь өтшнитіс шуйга морöс улыс. Повзис ёнакодь. Некор на
сьöлөм висьöм эз тöдлы да. Видліс килутшсö, көні кыліс
тіпкөмыс. Быттьö зэвтчöма сöныс. Помся тіпкө. Горт помас не-
кутшөм сьöлөм лекарство абу. Ковмис пельшөр дорö ветлыны.
Но кизьясыс эз дыр кежлö сетны кокньöдсö. Недыр мысти бара
кыліс шуйга боксыс дой. Сöмын öні мыш сайсяньыс нин. Ков-
мис выль пөв пельшөр дінö шыасьны. Сійö нин öні ыстіс олөма
мортöс больничаö.



Таня асывнас друг мөвпыштіс, кутшөм сьöкыдтор кага вайö-
мыд. Водзті та йылысь юрас эз и волы. Öні со друг быттьö кодкö
суйис вежöрас тайö мөвпсö. И кутіс казтьывны кодьяслысь кө
висьталөмторьяс, син водзас сувтлісны кинояс вылын адззылөм-
торьяс. Ставыс найö йитчöмаöсь öти мөвпкөд, кутшөм омөль-
тор овлө кага вайигөн. Верман ачыл весиг кувны, либö кагатö
шойөн кыскасны. И тайö мөвпсьыс сійö некыдзи эз кут мынны.
Омөльтчис, косьмис. Сöмын кынöмыс пыр ыдждіс и ыдждіс.
Овны лөсьöдчысь мортлы Танялөн мөвпьясыс вөліны гөгөр-
вотөмөсь. Сійö көсйис сöмын öдйөджык быдмыны, медым адззы-
ны таладор югыдінсö.



Коли некымын төлысь. Бөрө мунисны и гожся, и арся луньяс. Тайö каднас пыр матынджык и матынджык кутісны кывны пилаяслөн эргөмьясыс, тракторьяслөн мургөмьясыс. Вөр лэдзысьяс воөдчисны сійө местаөдзыс, көні сулалісны коз, пожөм да аслас быдтасыскөд кызд. Таво лымйыс эз торья джуджыда усь. Да та вөсна эз весиг вермы саймовтны кызлысь быдтассө. Лун куим сайын көнкө бокинджык кыліс гыпнитөм шы. Тайö кад воөм бөрын ачыс уси воймөм конда. Сэні вөр лэдзысьяс эз на вөвны. А талун со найö матыстчисны коз, пожөм да кызд дорөдз. Валькөдісны-пөрөдісны нин орчча ён пуяссө. Вылө кыптыліс лым.

– Тайö пожөмсө да козсө пөрөдам, а сэсся пажнайтам,– шуис ёртыслы морт, коді киас кутіс эргысь пила. Сійө видзөдліс часі вылас.– Вит минуттөм час со.

И босьтчис пилитны первой козсө, а сы бөрын пожөмсө. Пуяс недыр коластөн ойзөмөн усини кын му вылө. Кызсө эз вөрзөдны. Но пилитчысь козсө пөрөдігөн паськыда тажьясис кокьяснас муас, мый өтиыс веськаліс кызлөн быдтасө. Сійө нюкыльтчис, но эз дзикөдз чег.



Коля Козлов сэсся эз нин палявлы. Тайö луннас сійө асывяняныс чорыда юис. Вежөрнас гөгөрвоис, сьөлөмнас кыліс кутшөмкө бергөдны позьтөмтор, ыджыд лёк. Та вөсна юис дурмытөдзыс. Сөліс мотоцикл вылө да төвзис сикт кузя. Нинөм син водзсьяс оз адзы. Вежөрыс уджаліс на. Юрас гартчис мөвп, мед сөмын некодос оз таляв. Чукыльө воигөн эз вермы бергөдны рульсө, мотоцикл сатшис туйбокса южмөм лымйө. Коля Козлов лэбис сынөдөд да юрнас люкаліс потшөс сюрьясө. Кор татчө воисны йөз, кулөм мужичөйлөн жугалөм часыс петкөдліс, мый лекторйыс лоөма вит минуттөм часөдз.



Виктор Михайлович лун шөр бөрөдз вөлі кладбище вылын. Вежон кык сайын сійөс лэдзисны больничаясь. Врачьяс эськө эскөдісны, мый сө арөсөдз олас, но өд ачыл асьтө он ылөд. Талун со гуалісны Матрен пөчөс. Куим лун сайын сійө кулі. Сиктын медся пөрысь мортыс вөлі. Öкмысдас сизимөдз со оліс.

Бөрья воясас ёна нин омоль эськө вöлі да. Но дас во сайын на ытшкас вöлі öшинь увсö да кольöм туруныс чепöльтны оз шед. Дзик му бердтгыс новлöдліс косасö. Талун со нуисны бөрья туйö дзик нин еждöдöм юрсиа, кадысла сьöдöдöм пöчöс. Гу дорас Виктор Михайлович шензьöдіс ставсö.

– Сэсся менам кад. Татшöм жö лöсыда гуалöй,– шуис сійö йöзыслы да медводдзаöн веськöдчис сиктлань.

Керка дорас вотöдз мыйлакö тай видзöдліс часі вылас. Вит минуттöм час лоö. Кисö лэдзигöн лёкысь зутшкис шуйга морöс улас. Тайö потіс сьöлөмас вир новлöдлысь сöныс. Виктор Михайлович пöрöм пу моз павгысис лым вылö.



Таня кагасö вайис сьöкыда. Ёна сюри аслыс и сы гөгөр бергалысь халата войтырлы. Дзикöдз эбöсыс быри. Кор кагаыс петіс, сійö öдва нин мыйкö гөгөрвоис. Выльöн чужысьöс мыйлакö эз и петкöдлыны, öдйö нуисны кытчöкö.

Халата ань торья кабалаö пасйис, мый вит минуттöм часö чужис нывка. Сэсся петіс сэтчö, көні куритчис врачыс.

– Ог төд, олысь оз ло,– ышловзис врач.– Тадзи кыскигад вермим и дойдны.

– Мед сöмын лючки-бур вöлі-а,– шуис ань.– Юр чашкаыс кө мыйкö лоис...

Но нывка эз кув. Кутшöмөн водзöсö лоас, код төдас.



Лун-мöд кольöм бöрын ичötик кызд пу неуна веськöдчис. Сылы аслыс вöлі овны окота и кыз-мамыс ассыс вынсö сетіс. А насянь неылын водзö пöрöдалісны виль пуяссö йöз.

Пöрöдчысь уджаліс збоая. Сійö ветлöдліс козянь пожöмöдз. Сатшкыліс ёсь пиня, азым пиласö пу сьöмöсö да орöдліс кок йывсыс. Сійö ылісянь на казяліс тайö кыз пожöмсö, кодöс весиг сывйыштны он вермы. Мича да вына пожöм торьяліс мукöдсыс. Эз сöмын аслас кызта вöсна. Пöрöдчысьöс мыйлакö эз кысқы сы дінö пианас. Öнтай сійö пилатөг матыстчыліс нин пожöм дорö. Тапкöдыштіс. И пытшкас мыйкö вөрзбыліс. Быттö асьсö пельпомöдыс легöдыштісны. Сэтшöм матыссаöн кажитчис пуыс. Öні пöрöдчысь некызди эз вермы матыстчыны сы дорöдз. Быттöкө кутшöмкө тыдавтöм потшöс сувтöдöмаöсь на костö. Сійö пöрöдаліс нин став матігөгöрса пуяссö. Сöмын тайö пожöмыс ді вылын моз коли. Гоз-мöдысь нин пöрöдчысь выныштчыліс веськöдны пиласö сылань, и пыр мыйкö кутіс. «Мый

нө тайӧ?– мөвпаліс морт.– Кольны али мый сійӧс? Мӧдлаӧ вуджны. Но ӧд со кушӧм кыз да мича. Бур керьяс артмасны. Ог жӧ пӧрӧдтӧг коль! Тадзи йӧйталігад ӧд нормаӧй оз тыр!»

Пӧрӧдчысь дӧзмӧмпырысь моз матыстчис пиланас пожӧм дорӧ. Сатшкис сылысь лэчид да азым пиньяссӧ пу сьӧмӧсас. И аслас вирьяйыс дубавны, лыжавны кутіс. Вын-эбӧсыс кытчӧкӧ вошны босьтчис. Сійӧ слабитӧм кияснас сӧмын кутіс пила воропсӧ, кодлӧн горш пиньясыс водзӧ йирисны пожӧмлысь сьӧмӧссӧ. Мортлысь быттьӧ ки-коксӧ войтӧв кыскӧма. Вӧрзӧдчыны оз вермы. Эз и тырмы эбӧсыс помӧдз пусӧ пилитны. Но кытыськӧ уськӧдчис шӧйтгысь тӧв ныр, коді пысасис паськыд туганьясас да жмитчӧмӧн босьтчис уськӧдны пожӧмсӧ. Сійӧ нораа дзуртыштіс да кутіс трачкӧдчӧмӧн пӧрны веськыда морт вылӧ. Бокӧ чечыштны пӧрӧдчысьлӧн эбӧсыс эз вӧв...

ОЛӦМ ВОЙТЪЯС

Пуяс

Шензыны ог дугдыв со татшӧмгор вылӧ: шуам, сиктын босьтчӧны кыпӧдны керка. Оз шӧрас, а бокӧджык, кӧні пуяс на сулалӧны. Первой босьтчасны пӧрӧдны став пожӧмьяссӧ, кызьяссӧ. Ни ӧти пу оз кольны. Сэсся керка кыпӧдасны. Овмӧдчӧм бӧрын кӧзяин бытӧн ветлас вӧрӧ да ваяс вужьяснас посни пожӧмьяс, кызьяс да пуктас керка гӧгӧрыс. Сэсся виччысьӧны налысь быдмӧмсӧ. Окота жӧ, медым оланін гӧгӧрыс шувгисны пуясыс. Вояс кольӧны виччысигас. Ог гӧгӧрво, мыйла эз кольны гоз-мӧд пу, кор местасӧ лӧсьӧдісны. Сэк эськӧ пуясыслысь быдмӧмсӧ эз ков виччысьны и вӧрысь эз ков бӧрас вайны.

Сэтшӧмӧсь жӧ йӧзыс олӧмас. Мыйкӧ кӧ выльтор думыштасны, то бытӧн колӧ важсӧ дзоньнас путкыльтны. А сэсся бара жӧ эськӧ сэтчӧ вочасӧн бергӧдчӧны да.



Менам тьӧт мыйлакӧ зэв ёна радейтліс странаӧн веськӧдлысь-яслысь портретьяссӧ. Батьлы пыр тшӧктыліс мичаджыкьясӧс кушӧмкӧ журнальясысь корсьны. Ошӧдліс стенӧ, кӧні пельӧсын

вөлі зэв нин важся образ. Медся нин мичаоьсь снимокьясыд вөліны Политбюроса шленьяслөн. Найос и ошөдльвліс. Кодөскө кө вежасны, выльыслысь өдйө жө снимоксө йөзөдасны. Сөмын вунды да шняпкы стенад.

Вояс колины. Вежласисны стенись йөзых. Оз нин ставныслысь овьяссө бура помнит. Ошавліс сэні и Хрушевыд, и Брежневид, и Косыгинид, и весиг Горбачёвыд слөймыліс. Оні волі тьот дорө, да стенас некод абу. Сөмын образыввса Енмыс важыс.

Анекдот

Овлөны сэтшөм анекдотьяс, кодьяслөн сюрөсыс зэв пыдіа гудйыштөма. Быттьо шмонитөм вылө лөсьөдөмаоьсь, а овлө, мый думыштыны тшөктө. Чукчаяс йылысь уна жө лөсьөдөмаоьсь. Но вежөрө коли сөмын өти.

Пукалө чукча чум дорын, куритчө да видзөдө помтөм-дортөм тундрасө. Друг мыччысьө вертолёт да пуксьө. Петөны сэтысь локтөм йөз, пырөны чумө. Недыр мысти мыччысьөны, и быдөн киас мыйкө босьтөма, медся донаторьяссө. Коді телевизор, коді ковёр, коді магнитофон. Оти кывйөн кө, чумсө куштасны. Пыр-тасны вертолётө да и лэбасны. А чукча оз и вөрзьев. Водзө шпуткө-куритө, тундранас любуйтчө. – Мыйла и волісны? – сөмын шензыыштөма сійө.

Збыльысь өд, мый сылы медся ёна колө? Тундраыс, лэччысь шондыс, ас чужан местаыс. Сійөс кө оз босьтны, то мукөдторсө көть дзоньнас нуасны. Сідзжө и коми войтырлы. Пармасө кө воём йөз отсөгөн ог куштөй, пасьвартөй, то мукөдтор нуөмсьыд ог дөзмөй. Лоас кө мянөс кытшалысь вөрыс, юясыс, чужан муным аслыным кольбө, то олам на.

Ылөдлөм

Неважөн казялі, мый мортөс медводздаён ылөдлөны батымамыс, да тайө восьтөмторйыс сэтшөма шемөсмөдіс. Пузчужөм нывлы куті вөзйыны нөнявны пустышка, мед оз бөрд. Сійө оз көсйы, а ме мырдысьөн бөр сюя. Сэсса тай кутис жө нөнявны. Коньөрөй виччысьө мам йөв, а сэтысь нинөм оз пет. Ылөдлі, мед аслым кокныдджыка овсис. Ки йылын новлөдлөм дорысь, мед бурджык нуртөм резинасө нөнялас. Ичөт мортыд тайөс оз гөгөрво, нөнялө тай со. Аслым таысь нимкоддыс эз жө ло. Ылөд-

лөма дои со. Сэссия, коньөрөс, мыйта на олөмас ылөдласны. Сэтшөмөсь нин ми йөзды да. Но медводдза ылөдчысьнас лои ачым. Со мыйысь медся забеднөйс!

Керка

Сиктса керкаыд вайө некор помасьлытөм удж да төжд. Лэптас сийөс мужичөйыд том арлыдаөн на. Во кыкөн кө овны пырны сяммас, то зэв ыджыд аттьө. Первой төвсө вуджигөн быд рыг кыгкө колө лөсьөдны на. Отилати кодзыд пырө, мөдлати вежыняджык артмөма. Тулыс воөм бөрын көзяин бура нин төдө, мый колө нөшта дасьтыны локтан ар кежлө. Дас во мысти мыйсюрө быгтьө лоө лөсьөдөма: гид, пывсян, пес лэбув. Виздөдан, да керкатө бара нин дзоньталыштны колө. Оз и удитлы шойчыштны. И пөрысьмыгөдз тадзи. Сидзи и оз слөймы дзик помөдз ставсө вайөдны. Кулигас, эм кө пиыс, сылы на индөд сетас. Көсийи на пө эськө сийөстө-сийөс вөчны да со эг нин удит. Тэ, пийө, вөч. Бур эськө, кор быдтасыс төлка да водзө пелькөдас ас керкасө. Овлө тай, мый бать-мам кулөм бөрас ныв-пиян өдийөджык вузаласны керкасө, мед мынны ноксьыс. Оз и думыштлыны, мый коньөр бать-мамыс нэмсө пөшти дасьтисны аслыныс и налы оланін.

Уджйөза

Төдса мортлөн кулөм йылысь юөр быдөнөс вөрзөдө ас ногыс. Кодкө лимзалөмөн бөрдыштас, кодкө думсьыс на и мөвпыштас, мый сылөн пө сэни и местаыс. Сөмын өтчыдысь олөмын кывли со татшөмтор: мунис мөдар югыдө өти төдса. Абу дзик матысса, но век жө жалитөма лои. Дум вылө уси морт, коди ёртасьлис шоньянөйкөд. Гашкө, думайта да, оз на төд шогсө да час, мяся, ветла нуны курыд юөрсө. Пыри, пукалышти. Сэссия небыдик гөлөсөн век жө висьталі.

– Кыдзи кулис?! – вежсис чужөм вылас мортыд. – Сийө жө мөным уджйөза! Доз вылө төлысь сайын корлис да эз и сет.

Юөръяс

Нель судтаа керкаын уджалігөн ёрткөд думыштим вөчны татшөмтор. Ме сийөс кори нуны кык юөр. Ас йылысь. Отиыс лөк,

а мōдыс бур. Лѣк юōрсō мѣд висьталас нѣльōд судтаын пукалысь ōти тōдсалы. А бурсō катōдас мōдōд судтаас, мѣд ōдйōджык бōр бергōдчас. Кōсийим тōдмавны, дыр-ō мысти тайō висьталōмьясыс бōр воасны мѣнам пельōдз.

Ёрт кайис, а мѣ кути виччысьны. Эз дыр и ковмы. Ōдзōс гурйив воссис да пырис нѣльōд судтаас пукалысь тōдсаид. Воськовтїгмозыс и шуис:

– Ёртыд мыйсō тѣ йылысь оз висьтавлы. Быттѣкō пō тѣ кодлыськō мыйкō гусялōмыд.

Ачыс сюся видзōдō мѣ вылō. Думсьыс виччысьсō менсьым скōрмōм. Тыдалō, локтōма лючки сы могысь, мѣдым тōдмавны, кутшōмджык лоас меным. Лѣк кō, то сьōлōмыс бурмас. Юōрсō бōр вайōма абу сы вōсна, мѣдым ёртōс явитны, а сы могысь, мѣдым дойдны. Со пō тōдам нин тѣ йылысь ставсō.

Бур юōрыс вōлі со кутшōм: быттѣ мѣ сетї зѣв уна сьōм чѣлядльōн кутшōмкō фондō. Кōтѣ эськō мōд судтаыс жырянь матынджык, но бōрсō некызди эз кут воны. Лун виччыси, мōдōс. Вежон мысти кымын ёртōй, кодї и нуис юōрсō, висьталїс, мыйсылōн пельōдз воōма.– Сѣрнитōны, мый тѣ фондас сетōмыд гусялōм сьōмтō. Мѣд пō оз мыждыны. Тагысь повзьōмыд да ōдйōджык нүōмыд. Чѣстьō уськōдчōм могысь.

Лѣк юōрыд тай ōдйō паськалō. Бурыд крукасьлō быллаō. Сѣсся ва лым ёкмыль моз пыр ыдждō сйō жō лѣкнас. Мыйлакō йōзыд лѣкас ōдйō эскōны, а бурас оз дай.

Лѣбачьяс

Олісны вōрын да эрд вылын быдсяма лѣбачьясыс. Ракаяс, катшаяс, джыджьяс, пыстаяс, кенаяс, колипкайяс, пышкайяс. Асывьяснас найō зѣв гораōсь вōліны. Быдōн ас ногыс гōлōссō сетлїс, кызди кужис. Кравзїсны, китшкисны, сьылїсны.

Мортлы, мыйлакō, эз кут кажитчыны ракалōн кравзōмыс. Да и ачыс мисьтōм. Босьтїс да бырōдіс сйōс. Сѣсся катшалōн китшкōмыс пельсō сьōдмōдны кутїс. Тшōтш жō ставнысō бырōдіс. Мортлы мусаджык вōлі лѣбачьяслōн дзользьōмыс. Ōтчыд кывзысьыштїс. Казялїс, мый колипкай ёна бурджыка сьылō пышкай дорысь. Руд лѣбачыд сōмын торкō мичаджыка дзользьысьсō. Босьтїс да бырōдіс пышкайясōс. Та бōрын виалїс став мукōд лѣбачьяссō. Сōмын колипкайōс колис. Сылы ōнї некод эз мешайт сьывнысō. Ōти лун морт кывзїс сылысь дзользьōмсō, мōд, коймōд... Сѣсся ōти пōлōс сьылōмсьыд умис. Окота лои кывзышт-

ны мѳд лѳбачѳс. Кѳть и омѳльджка кужѳ сывнысѳ, но век жѳ мѳд пѳлѳс шыяс сетѳ. И рѳмыс, и лѳбалѳмыс мѳдджык. Но кытыс мѳдсѳ босытан? Кор ачыс виалис.

Татшѳм сяма жѳ и вермас лоны йѳз пѳвстад. Менам чайтѳм серти, быд кывья морт – тайѳ аслысикас лѳбач. Татарин, чуваш, грузин, роч... Онѳ со мунѳ сылань, медым кольны сѳмын роч кыв. Мукѳд кывьясыс быттьѳ оз сѳдзи ковны, роч кывйис пѳ мичаджык да. Вочасѳн, вочасѳн кѳ лоѳ найѳс бырѳдѳма, то кывйискѳд тшѳтш вошас и налѳн аслыспѳлѳс сыйлѳм-йѳктѳмыс. И кутам кѳ йѳктыны сѳмын «русскѳй» да сывны «калинка», то регыд мысти аслыным жѳ ок гажтѳм лоас. Окота босытас «шондѳбан» йѳктыштны, «доли-шели» сывны, но ог нин кужѳй, асьным коркѳ бырѳдлѳм да...



Олісны-вылісны гозья. Гѳтырыс кос сямѳд кодь. Нинѳм абу-сыс ѳйѳ-пузьѳ. Верѳсыс мѳдарѳ дай, мый кѳть оз ло, пыр вашьялѳ. Ѳтчыд видзѳда, кызди найѳ ас мѳслы турун пуктѳны. Вель кузя шондѳ луньяс нюжалісны, туруныс шаракылѳ кок улад, пѳтка гѳн кодь конки. Гозья куртисны, юралісны, а сѳсса зорѳдѳ чѳвтны босытчисны. Джынйѳдзыс на эз воны, кызди вѳр сайыс мыйчысис кымѳрлѳн сьѳд «чышьян» помыс.

– Вай ѳдйѳджык чѳвтам, зѳрмас!– горзѳ гѳтырыс да усъкѳдчѳ ѳтилаѳ-мѳдлаѳ. Оз тѳд, кытчѳ и кутчысыны, медым ѳдйѳджык вайѳдны кос турунсѳ зорѳдѳдзыс.

– Кызди зѳрмас, сѳдзи и дугдас!– гылыда серѳктіс верѳсыс да ѳдздѳдыштіс жѳ чѳвтѳмсѳ.

– Мый нѳ гѳрдлан?!– пузис гѳтырыс.– Туруныс ѳд кѳтасяс! Тѳныд серам!

– Кѳтасяс кѳ, и косьмас,– аслас шуѳм вылѳ бара серѳктіс пѳлыс.

Гѳтыр лѳзѳдѳма и гѳрдѳдѳма, тѳрмасьѳ, сѳнъясыс кымѳс пасьталаыс кайѳмаѳсь. Верѳс эськѳ оз жѳ весь ов, но вомыс пельѳдзыс.

– Мый кѳть и кѳтасьлас. Ог кѳ удитѳй зорѳдсѳ помавны. Разьлам да бара косьтам. Ыджыд тай.

– Зільджыка вѳр!

– Быттьѳ первойыс туруныд зѳр улад веськавлѳ. Век на тай бур кѳрымѳн тѳвйылім-а. Кѳтасьыштас кѳ, то косьтыштам. Со и став петан туйыс. Быдлаыс позьѳ петан туйтѳ аддзыны, сѳмын гортйыс бѳр петны он вермы,– лабутнѳя такѳдѳ верѳс.

Гөтырлөн татчө горзөмыд. Усьө-чеччө, ризьялө. Збылысь быттьө олөмас медся донаторсө воштө. Но кымөр бокиө кежис да мөдлаө ассыс чөжөм васө койыштис.

Гозья өни абу нин өтлаынөсь. Гөтырыс эз на торья пөрысь вөв, кувсьылис. А верөсыс со ловья на. Тапикасьө сикт кузя. Скөрмөм он адззыв. Ставыс сылы лючки-бур.

Окота эськө сы моз жө видзөдны быд лоөмтор вылө. Лоис кө, то сідзи и шуөма. Көть ку письыд пет, он веж. Гөгөрвоан жө эськө тайөс, но со ог вермы веськодясьө видзөдны и ставыс. Озылан да пузылан, дөзыман да сьолөмтө дойдлан унаысь. А мый могысь? Ачыл унаысь он гөгөрво. Но тай он вермы өйивтөгыс да пузывтөгыс.

ОЛӨМСЫД ТАЙ ОН ДЗЕБСЫ

Ставыслы паныд пыксыны Ласей Мирон өдва нин сяммис. Көсийө на мыйкө шуны, а сийөс вомалөны нин. Сы вөсна Мирон вөсьса вомөн и кольлис. Либө нинөм воча шунысө эз путьмыв да сөмын тьякөдчыштлис вөсни парьяснас. Медбөрын шедис жө гөлөсыс да пөшти горөдіс:

– Йөйталөм тайө! Нинөмла сэтшөма повны гөрдьяссыс! Найө ас йөз! Виль олөм вөсна косясьөны!

– Йөйталөм, шуан?– лабутнөя шыасис Макарьель сиктса поп-отеч Викентей.– Абу йөйталөм тайө. Коді шуас воксө ассыс шогмытөмөн, шедө вылысса мыждөмө. А коді шуас йөйөн, усьө биа адө. Вай ог зыксьөй, ог пинялөй өта-мөднымөс.

– Ог жө кут гөбөчын дзевсясьны!– водзө тшөтясис Ласей Мирон.– Бурджык вөр керкаө пышйивны. Сэні олыштны.

– А друг да еджыдьясыс сутш кезлө мянө сувтласны? Гөрдьясыс сиктө другөн пырасны. Кыдз тэ удитан өдийөсө бөр воөдчыны?– сюйсис Көсьта Матвей, ар нелямына, ляс ныра, гөрд юрсиа мужик.

Ласей Мирон нинөм эз вочавидз. Босьтчис нускыны. Дум-нас сийө важөн нин гөгөрвоис, мый мужикьяс да отеч Викентей буртор вылө велөдөны. Но комбедса юралысьлөн чиныс тшөктис пыксыштнысө. Кыдз нө сідз вермас лоны, медым Макарьель сиктын виль власьт лөсьөдысь да кутысь татшөм өдийө муніс поплөн дом поводөд? Оз вермы татшөмыс лоны! Та вөсна и куражитчис.

Керка пытшкын талун рыт абу тшына. Мужикьяс эськө уна-
ысь нин кыскавлісны көшельяссө, но ар нелямын вита поп вылө
видзөдлөм бөрын разыльтөг суйлісны зепьясас. Вежавидзисны
отеч Викентейысь. Косьта Матвейысь өприч сійө мукөдсө став-
нысө ачыс вичкоө пыртліс – том мужикьяс чукөртчисны. Да и
эз тайө вөв кутөднас. Мужикьяс пөвстысь некод эз вермы дыр
видзөдны отеч Викентейлы синмас. Быттьө сылөн сюсь видзөд-
ласыс быдөнөс сквөзь аддзө. Эз кө попөн вөв, то сиктсаяс шу-
исны эськө сійөс тшыкөдчысьөн. Да и кыв вылас отеч Викен-
тей вөлі төдысь морт кодьөн. Шуас кө, шуас. Мужикьяслөн
көнкө вежөр пельөсас на сөвмө мөвпыс, а поп висьталө нин та
йылысь.

Косьта Матвей дорө талун рыт чукөртчыны чуйдөдіс тшөтш
жө отеч Викентей. Сійө жө корис чукөстны Ласей Миронөс.
Сытөг пө некутшөм сёрни оз пан. Косьта Матвей эськө нырсө
таысь ёнакодь көрліс, но эз пыксы. Мукөдыс тшөтш эз лысьт-
ны нинөм паныд шуны. Отеч Викентей чукөртис Макарьельысь
медся пыдди пуктана да вежөра мужикьяссө. Сёрнитанторйыс
инмис став сиктса олысьяслы. Но ставсө өд он кор.

Талун лун сьомөсын сиктө бергөдчис Кирө Варуклөн пиыс,
коді вөлөн ветліс колльөдчыны. Ямшикаліс сійө. Бөрсө скачөн
воис. Юөртис, мый Кыркөтш сиктсянь, коді нелямын верст са-
йын, таланьө локтөны еджыдьяс. Бөрсяныыс гөрд салдатьяс
вөтчөны, зырөны найөс ю катчөс. Еджыдьясыс пө и гөрдьясыс
зэв скөрөсь, висьталіс Кирө Варуклөн пиыс. Тайө шуөмыс и
шемөсмөдіс отеч Викентейөс. Весиг вомгорулас шуыштис: «И эн
лэдз миянөс ылавын, но видз миянөс лөксыс. Од Тэнад по-
масьтөм олөм да вын, и мичлун. Аминь!» Та бөрын өдийө пась-
тасис, пернапасасис да мөдөдчис Косьта Матвей ордө.

Макарьель сиктсаяслы некоднанныс эз вөвны торья любөөсь.
Ни еджыдьясыс, ни гөрдьясыс налы эз ковны. Колөкө, Ласей
Миронлы гөрд армеечьясыс коланаджыкөсь-а. Сідз, мода вылас,
кызд комбедса юралысьлы. Комбедыс эськө тані сөмын жө ним
вылас. Ласей Миронлы со ковмөма да лөсьөдіс. Окотасө, бу-
рако, тешитө паськыдінад ветлөм мортыд. Война вывсыс воөм
бөрын төлысь кык мысти котыртис. Кызь вит арөса том морт во
нөль эз вөв Макарьель сиктын. Дас нөльөд вонас нулісны вир
кыстанінад. Локтис со пу кокөн. Ранитчөма да вундөмаөсь весь-
кыдсө кокчөрийөдзыс. Воддза кодыс жө збой сідзсө. Сиктса-
ясыдлөн өд эз на вун войनावодзвывса кадыс, кор сійө быд крам
праздник дырйи кимөститчывліс. Зэв кокни киа вөлі. Мамыслы
пөгиб вылө. Косясьны зэв лют, кор юыштас. Пөчьяс эськө ве-
сиг вайлісны мамыслы покониқөс мыськөм бөрын кольөм майтөг.

Мед пö сійөн Мироньд кисö мыськас. Сэк пö оз кокни киа ло. Но и тайö эз лöсъяв. Крам празникьяс дырйи Ласей Мирон ставкөд тшöтш вичкоын кывзылис отеч Викентейлысь сьылöмсö. Дерт, неуна гажакодь нин вöвлі. Но ставкөд тшöтш юрбитіс. Служба помасьöм бöрын сиктса войтыр кольччылісны вичко йöрö гуляйтны, празднуйтны. Ласей пи медводз зілис петны вичкоясы, мед слöймыны котöртлыны гортас. Бур, мый керкаыс вичкосянь абу ылын. Тэрыба ризöдліс, вежліс вичкоö ветлан дөрöмсö. Пасьтавліс мөдöс, чорыд дөраысь вурөмаöс. Тышкасян дөрөм сійö сьылөн вöлі. Көть кутшөм чорыд кабыра морт оз чашнит, оз и косясь. Сэсся öдйö жö бөр мунліс вичко йөрö. Сійöс и кыйöдіс, көні тыш пансьö, медым суйсьыны зульдчыштны. Рыгладорыс унджык мужикыслөн дөрөмьясныс вöліны нин сыри-летки, а Ласей Миронлөн век вылькодь.

И со сійö лои Макарьёлын выль олөм тэчысьяслөн ныршикөн. Да и öдвакө татчөс олысьяслы кутшөмкө выль олөм коліс. Сідз эз омöля овны да. Коді дзик нин нинөм эз вöчлы, гашкө, сійö и тшыгйөн виньгырвидзліс. Мукöдыс, коді уджаліс, пыр няняöсь, йöлаöсь да яяöсь вöліны. Муяс тані лунвылö банаöсь. Шобді и рудзөг воліс. Пöскöтинаяс да туруна видзьяс пöльяссы на вöчлісны. Сöмын эн дышöдчы да бадьяссö керыштав, мед эз пырны найö видз шöрöдзыс. Дерт, вöліны и йöзысь-мортысь озырджыка олысьяс. Кöсьта Матвей кодльöм. Сійö со весиг магазеза кутö. Но öд песьсьö жö тай. Сиктын медводдза садьмысьяс лыдын. Отеч Викентей оз жö лёка ов. Но öд мыйта бур вöчис сиктсаяслы. Татчö попавны воөм бöрас во куйм мысти школа вöсьтліс. А öд матö комын во нин сійö тані, Макарьёлын.

Та вöсна комбедад пырысьыд этша и сюри. Пырисны, и мед кө пырисны. Нинөм тай лёксö сиктаяслы оз вöчны-а. Ласей Мирон пыр öтарö собраниеяс накөд нуөдö. Ырыштчылас мыйкө выль олөм йылысь висьтавны и öдйö ачыс гандайтчас. Сы вöсна пырджык висьтавлö германечьяскөд косясьöм йылысь. Мый сэтшөм выль олөмыс, Ласей Мирон ёнасö эз пöтурайт. Госпиталяс пель сэрөгнас кывліс, мый мусö пö озырьясьлысь колö мырдьявны. Макарьёляс нö кодлысь мырдьян? Кöсьян кө ёна паськөдчыны, мун да тыла лэпты дай. Со тэныд и выль му.

Чукöстөм бöрас Ласей Мирон Кöсьта Матвейö талун рыт пырис мукöдсьыс неуна сёрмыштöмөн. Көть эськө аслыс вöлі телепит тöдмавны, мыйла сійöс чукöстісны? Но эз тэрмась, кутіс асьсö. Пу коксö водзлань шыблалөмөн воськовтіс джодж шөрö да пуксис. Отеч Викентей син лапниттөг дыркодь сюся видзөдіс Ласей Мирон вылö. Думсьыс выль пөв доньяліс мортсö. Сэсся заводитіс сёрнисö:

– Тi, дерт, кывлiнныд нин, мый Кыркoтшсянь мянo локтoны еджыдгяс...

– Радлыны чукoртчинныд!– лэптыштчылис лабич вылысь Ласей Мирон, но oдйo ланьтiс отеч Викентейлoн видзoдлас улын.

– На бoрся гoрд армеечгяс локтoны,– водзo нуoдiс сeрнисo поп.– И код тoдас, кызди найo мунасны мян сикт пыр. Еджыдгяс воасны да, дерт, Ласей Миронкoд вермасны мыйкo вoчны.

– Сетча ме налы!– бара вoмалiс комбедса юралысь.

– Гoрдгясгяс кo найoс татысь вoтласны, то Ласей Миронкoд мыйкo вoчoмысь вермасны мянoс мыждыны,– лабутнoя ассыс мoвпалoмсo юoртiс отеч Викентей.

– Вермасны, вермасны,– шуалисны мужикгяс.

– А oнi видзoдлам мoд бoксгянь,– водзo мoвпалiс поп.– Висьталoны, мый еджыдгяслы отсoг вoo ю катчoссянь...

– Oз морав!– бара сoйсис Ласей Мирон. Но oнi нин мужикгяс лeкгысь oлoдiсны сийoс.

– Вoo кo быттьo отсoгыс, то найo вермасны бoр зырны гoрдгястo. А друг да мекoд мыйкo большевикгясгяд вoчасны? Бара жo сиктыс мыжмас. Oнi нин еджыдгяс водзын. Найo, гашкo, мый дыра пурсясны oтa-мoд кoстас? Да и сиктса мужикгяслы ковмас кодар дoрас кo сувтны. Но мед эз нинoм лo нывбабаяскoд, челядькoд, пoрысьгяскoд. Мед лeк пeсoм мoгысь кoдгясныскo эз сотны сиктсo. Co мыйгысь ме пола.

– Мый нo вoчны кутам?– шeмoсмисны мужикгяс.

– Oдйoджык бурась тeнo паныдалыськoд, кор тэ сыкoд туй вылын на, медым тeныд паныд сувтысь эз сет тeнo мыждысьлы. А мыждысь медым эз сет тeнo нoйтгысьлы, и медым эськo эз шыбитны тeнo пемыдiнo,– бара библиягысь шуыштiс кывгяс отеч Викентей. Сэсся пернапасис да юксис мoвпнас.– Медым пoрысьгяс, нывбабаяс да челядь вылын некоднанныс лeкo эз песны, колo сюся вoчны. Ме чайта, мый колo дзeбны Ласей Миронoс да менo.

– Кызди дзeбны? Oтлаын кыкнанныдтo?– весиг лабич вывсыс чеччыштлiс Кoсьта Матвей.

– Ме ог дзeбсы,– бара куражитчыны бoсьтчис Ласей Мирон.

Мужикгяс ставoн тапкoдыштiсны гач зeпгяссo, видлiсны, места вылас абу табак кoшельгыс.

– Oг, ог oтлаын кутoй дзeбсясьны. Еджыдгяслoн сиктo пыртoдз колo саймовтчыны Ласей Миронлы. Дзeбны сийoс. Зырасны кo еджыдгяссo гoрдгясгяс, то сэк нин менo дзeбны ковмас.

– Тадзи сэсся нэм чoжныд дзeбсясьны кутанныд али мый?– бара чеччыштлiс Кoсьта Матвей.

– Коркө ставыс тайо помасяс,– лөнъ гөлөсөн водзё сёрнитіс отеч Викентей.– Но өні, пөсьйивсьыс, өтиясыс и мөдьясыс вермасны сиктнымлы ыджыд лёктор вөчны.

Поп дор медводз сувтіс Көсьта Матвей. Тшөті мольнад гольскыны велалөм мортыдлөн юр вежөрыс мукөдысь өйөджык гөгөрвоис төлксө. Кузяён отеч Викентейкөд найө ас дорас синісны мукөд мужикъясөс. Сөмын Ласей Мирон век на чеччаліс, некыдзи эз көсьы дзебсясьны.

– Тэ эн ас йывсьыд сөмын думайт,– лабутнөя зіліс усьмиритны поп.– Друг да лыйласны тэнө еджыдьясыс. Сэки гөрдьясыс водзёс тэьыс мынтасны. А кодлы? Мыжаяссө жө мяян сиктысь кутасны корсьны. А кутасны-ө найө ёна артасьны? Виасны, коді ки улас сюрө. Сідзи жө вермасны вөчны еджыдьяс, друг да мекөд мыйкө лоө. Воропсө некоднанныслы оз ков сетны.

– Ладнө,– пинь пырыс сөдзөдіс Ласей Мирон.– Пыра, сідзкө, аслам гөбөчө.

– Сэтысь аддзасны,– суйсис Көсьта Матвей.

– Сійө өд и эм,– кытшовтіс видзөдласнас мужикъясөс отеч Викентей.– Колө кодлөнқө гөбөчө кодйыны гу, лөсьөдны сэтчө узылан места, сёян-юан. Од ог на төдөй, кодлы мый дыра ковмас сәні дзебсясьны.

Артасьыштөм бөрын шуисны лөсьөдны дзебсян местасө Кирө Варук гөбөчө. Ачыс нывбабаыс топыд вома. Да и пиыс абу рөдысь петөма. Воисны өти кывйө, мый колө дзик жө пыр кутчысьны дзебсянінсө вөчны. Аски еджыдьяс танөсь лоасны.

Ставөн петісны ывла вылө. Тані нин мужикьяс азыма шпуткысны-куритісны да недыр кежлө разөдчисны гортьясас.

Веськөдчис аслам керкалань и Ласей Мирон. Сьөкыдапырысь кайліс керка вылас да бедынас нетшыштіс гөрд флагсө. Дөрасө торйөдіс бедысьыс да гартыштөмөн дзебис питшөгас. Пырис гортас, вель дыр куритчис, лөз тшынөдз вайөдіс керка пытшкөссө. Сэсья асьядорыс нин мөдөдчис Кирө Варукьясө. Мужикьяслөн дзебсяніныс дась нин вөлі. Картупель гу дорас пырөдчөмаөсь муас. Вөчөмаөсь чом сямәс, дзескыдіник эськө, но төран. Весиг узылан нар эм. Кодкө вайөма и идзас вольпась. Джаджийө пуктөма ва тыра ведра, вель уна көвдум, кос яй, шома капуста. Весиг сёркни вөлі.

Ласей Мирон ропкигыр пырис сэтчө. Мужикьяс вевтисны гу вевтсө, лолалан места пыськөдісны да мунісны. Мирон лёкысла юис көш тыр ва да водіс.

Сійө, дерт, эз аддзыв, кыдзи лун шөрөдз на Макарьельө пырисны бөрынтычсь еджыдьяс. Кыдзи нянь-солөн, өбразьясөн сикт дорын найөс виччысисны отеч Викентей, Көсьта Матвей

да сиктса օткымын мукօд олысь. Мօд войнас, кор еджыдгьяс шойчыштօм бօрын веськօдчисны ю катчօс водзօ, Кирօ Варуклօн керкаօ йօзысь гусьօн моз пырис отеч Викентей да лэччис гօбօчօ.

– Мирон, тэ сәні?– юалис сійօ.

– Тәні, дерт,– скօрпырысь шыасис Ласей Мирон.– Мый нօ, мунисны нин тјан сьпасительясыд? Усйисисны?

Поп эз вочавидз. Восьтис чом вевтсօ. Мирон кайис гօбօчօ.

– Зэв векни пыраніныс да кызыдла он тօр,– сօмын и шуис сійօ улօ лэччыны лօсьօдчысь поплы.

– Пырօй дзескыд օдзօсօд, сы вօсна, мый паськыд օдзօсыс и паськыд туйыс нуօдօны пօгибельօ. И унаօн мунօны сәті...– чомйօ пыригмоз бара на библия кывйօн вочавидзис отеч Викентей.

А Ласей Мирон петіс ывла вылօ. Вой нин вօлօма, пемыд. Сійօ дзирликтіс гортас. Бара кайліс керка вылас да тувьяліс бедьсօ, кыгчօ пысаліс гօрд дօрасօ. Асывнас сійօ паныдасис нин гօрд армеечьяслօн командиркօд.

Отеч Викентейлы гօбօчын ковмис дзєбсясьны вежон кымын. Водзօсօ гօрд салдатгьяс мунны эз тэрмасьны да. Бытгтьօ тօдօмаօсь, мый ковмас бօр жօ тайօ сиктօдыс косны. օні нин еджыдгьясысь пышйыны. Отеч Викентей прօстмօдіс чомсօ Ласей Миронлы. Тадзи нօшта кыкысь на вежсьылісны, кытчօдз выль олօм тэчысьяс эз усьмиритны важ власьт вօсна косясьсысьясօс...



Коли дас вит во. օні Макарьель сиктсаяс кызвыннас чорыд гօлօсօн нин горзісны да ошкисны выльօн пуксьօм олօм. Бонзьытօдзис лыддисны газетгьяс, кօні налы юраныс тільскօмօн суйисны, мый мунօны социализм туйօд. Сідзкօ, колօ дзикօдз мєздысьны став важсьыс. Медводз погьясысь, вичкоясысь.

Вежсис єна и Ласей Мирон. Газет лыддыгтьօг узьны весиг эз водлы. Да и чиныс сьлօн օні мօд – сельсօветса председатель.

օти асылօ сійօ чукօртис сельсօвет дорօ сиктса коммунистьясօс да комсомолечьясօс, кодыас пօвстын вօлі и дзор юрсиа Кօсьта Матвей, и артельօн веськօдчисны вичколаны. Жугօдны, кисьтны Енлы эскысьяслысь пеж позсօ. Налы паныд петіс пօрысьмօм отеч Викентей. Мыйкօ зілис висьтавны, кутны йօзсօ. Шашаритчис Ласей Миронлы дօрօм соскас да шуалис:

– И кор зэрмис и ойдісны муяс, и кьптисны тօв нырьяс, и уськօдчисны сьлօн керка вылօ. Сійօ эз усь сы вօсна, мый из вылօ вօлі пуктօма подулыс сьлօн...

– Мун сэтэсь!– зілис нетшыштчыны Ласей Мирон.– Йӱзлысь вежӱрсӱ гудыртысь! Пазӱдам, час, тэнсьыд лӱк позтӱ. Ёна нин омӱльсӱ вӱчин миян сиктлы!

Томулов кайисны кӱлӱкӱльня вылӱ, кӱсйисны уськӱдны жын-нянсӱ. Ласей Мирон кесйӱдліс улісянь. Сыкӱд орчӱн чужӱмсӱ вевттӱмӱн пукаліс отеч Викентей да долис кутшӱмкӱ аския лун йылысь. Йӱзлы мыйӱкӱ пӱ эскӱмсӱ коль, эн торк. Вужьяссӱ пӱ олӱмыслысь эн орӱд. Сиктсӱ пӱ сэкса мозыд лӱксьыс видзам. Мый йылысь отеч Викентей ӱні висьталіс, гӱгӱрвоны Ласей Миронлӱн вежӱрыс эз тырмы. Сійӱ коса видзӱдліс поп вылӱ да сӱдзӱдіс:

– Тайӱ кывьяссьыд эськӱ тӱнӱ, контраӱс... Сталин ӱрт ми-янӱс коммунизмӱ нуӱ, а тӱ морт лов йылысь век долян...



Сюрс ӱкмыссӱ комын кӱкьямысӱд вося март тӱлысьын Вылыс Човса тюрмалӱн ӱти кӱдзыд жыр пельӱсын пидзӱсчань вылас сулаліс отеч Викентей. Сійӱ быгалӱм да чусмӱм видзӱд-лассӱ эз вештыв стен вылысь. Кынмалӱмысь чирӱм гӱлӱсӱн шуаліс:

– Мортлы югыдсӱ аддзӱм вылӱ эм син. И синмыд век жӱ тӱнад бура аддзӱ, сэки ставыс тӱнад лоӱ югыд...

Сэсся сійӱ пернапасьяс чӱвталӱмӱн дыркодь корис Енмӱс, медем прӱститас миянлысь мыжаяснымӱс, кыдзи ми прӱститлім миянлы мыж вӱчысьясӱс. Корис прӱститны таладор югыдінын вӱчӱм став грекьяссӱ Ласей Миронлысь, кодӱ биа висьмӱн куйліс тайӱ жӱ жырыын.

А аскинас отеч Викентейӱс да Ласей Миронӱс лыйлісны...

Аслам гижод чукорьясын лукйысигон син улö усн коркö во дас вит сайын лосьодлом висят. Помнита, мый сийос сэк нули «Войвыв кодзув» журналö. Но сэтчос уджалысьяслы абу вöли кажитчöма. Шуисны, мый татшöмторйыс пö оломас эз вöвлы и оз вермы лоны. Öни гогорвоана, мыйла сэки эз сетны тайö гижодсö, сэкинад öд колö вöли гижны сöмын сы йылысь, мый сöмын оломыслы лөсялис. Сюрöсьясыс мед висетьясад вöлины сэтшöмось, медым уналаын татшöмторйыс вермис лоны. Сэсся и мөд пöлөс помкаяс на сюрлисны, медым гижодыс эз во лыддысьысьяслы.

И со кад кольом бöрын весиг ачым виль синьясөн видзöдлi гижодс да мөвпышти вöзйыны лыддысьысьяслы. А сийö нин ачыс доньялас, колöны оз сылы татшöм гижодьясыс.

ВИСЬТАСЬÖМ

– Оломыд пö ваö оз вöй,– тшöкыда шульвліс менам ыджыд мамöй. Сэсся ачыс жö и содтывліс.– Тайö öд кодi кыз на олас...

Сідз öд и эм. Мукöдыс тай куласны да быттьö йирö дзугмысьясны. Лун-мөд матыссаясыс бөрдыштасны и вунöдасны. Быттьö абу и овлöма мортыс, некутшöм лөсас абу вöчлöма таладор югыдінса олом-вылөмас да. Эмось войтыр, кодыас и кулом бöрас быттьö миян пөвстынось, йöзлөн казтылөмьясын. Татшöм лыдас меным лоö аслам ыджыд мамöй. Некидзи оз вун сылөн бөрья висьтасьöмыс. Да кызди нö вушьяс вежöрсыйд татшöмыс.

Вои сы ордö гожöмнас. Рытывбыд тшай юим, сылөн небыд көвдумьясөн чöсмасим. Асывнас сиктад и ме, карын дыр кад нин олысь, водз садьми. Петі кильчö вылө, а сэнi нин ыджыд мамöй лабич вылын пукалö. Видзөдö зэв сюся мөдлапöлө, көни ю сайын пом ни дор нюзодчöма вöртасыс. Вель дыр чөв оліс. Сэсся чөвтiс:

– Кутшöм, Нина, вöрыс талун. Регыд, тыдалö, ме кула.

Менö йирмөг босьтiс тайö шуöмсьяс. Видзöдлi жö вөр вылас, но нинöм сэтшöмсö эг казаяв.

– Эн сөр. Кулом йывсьяс,– сöмын и сямми шуны.

– Сöра көть ог, Нина,– ылöсас нурбыльтiс первой ыджыд мам. Но сэсся содтiс.– Помасьны, тыдалö, кутiс олом шöртöй.

– Дугды,– öлөдi сийос.– Тэ дыр на олан. Ов да ов. Кызкө-мыйкö öд отсалам на.

Ыджыд мам сэсса эз кут каттыны паном сёрнисо. Пырис керкаас. Недыр мысти пыри и ме. Рытладорыс колим ськөд отнаным. Тасьти-пань идралим, пуксим. Пызан весьтын ошалис ыджыд батылон снимокыс. Орччон моз пу рамкаын вөліны вель уна снимокьяс жө. Став рөдвужсо сэтчө пукталома. Ыджыд мам чуткис өтиө:

– Видзөдлы, төдмав, коді на пөвстысь ыджыд батыд.

Тайө вөлі вижөдыштөм нин снимок. Сэні кык том зон. Дзик өткодьюсь. Ыджыд батыөй да сьлон двөйни Олексей вокыс. Сэтшөм өткодьюсь, мый некыдзи он торйөд. Но меным и мамөй коркө индылис, мый ыджыд батыөй шуйгавывсаыс. Да и челядь дырйи ме сёсы юавпывли. Ыджыд мамөй век жө шуйгавывсасө петкөдлывлис.

– Со сійө, – чутки шуйгавывса вылас ме.

– А мөдыс кө, – мыйлакө шуис ыджыд мам.

– Но сійө жө Олексей вокыс. А менам ыджыд батыөй – Василейыс.

– Колөкө, мөдарө да. Шуйгавылас Олексейыс.

– Эн сөр. Ачыл жө висьтавлін век...

– Мыйсө эськө эг шулы да, – торкис ыджыд мам.

Сэсса ышловзис, пуксис. Ме шай-паймунөмөн жө пукалі воча. Чөв олім. Кытчөдз ыджыд мам эз водзө нуөд сёрнисө:

– Ачым со нэм чөж майшася, мый веськыдвылас тэнад ыджыд батыд.

– Тэ жө ачыл век шулін, мый шуйгавылас сійө, – өзйи весиг ме.

Ыджыд мам вель дыр чөв оліс, а сэсса сьөкыда, быд кыв быттьө сьөлөмсьыс пычкигмоз, босьтчис шуавны:

– Некодлы некор эг висьтавлы ассьым майшасьөмөс, а вот сьөрысь мөвпьясөс нуны вынөй, тыдалө, оз тырмы. Көсья тэныд висьтавны.

– Мый? Мый висьтавны? – торки ме.

– Эн падмөд, – тэрыба өлөдіс ыджыд мам. – А то өні кө ог висьтав, сэсса некодлы некор вомөс ог востылы.

И заводитис ассьыс висьтсө. Бур войтырөй! Эскөй көть энөй, но менө тайө рытнас пыр кынтис йирмөгысла. Жар гожся рыт вөлі, а быттьө көдзыд төв йылын пукалі. И көсья ыджыд мамлөн висьтасьөмнас тьянөс төдмөдны. Быд кыв ясыда вежөрө кольома да. Нинөм эз вун и оз нин некор вун. Со өд олөмыс! Мый он думыштлынытө куж, весиг сійө вермас лоны...

– Том дырйи ме зэв чольөб вөвлі, – буретш тадзи заводитис висьтасьөмсө ыджыд мамөй. – Сьывны и йөктыны медводдзаөн век кутчысьлі. Көть эськө торья мичанас эг вөв, но зоньясыд льяксьылісны. А менам сьөлөм косьмис Василей вөсна. Меысь ар

куимөн ыджыджык сійө вөлі. Ставыс эськө бур, но Олексей вок сылөн выйим. Двөйни. Дзик Василейслөн кодь и восьла-лөмыс, и сёрниыс, и серамыс. Чужом йывсьыс и сёрнитнысө оз ков. Быттьо куяссө ляскөмаось. Тушаныс дзик жө откодь. Ичот-дырйиыс сөмын мамыс налөн вермөма торйөднысө. А кор быд-мисны, то асьныс сёрнитчөмаось. Со кызди: Василейыс юрсисө кузьос новліс, а Олексейыс век дженъыда шырліс. Сійөн и тор-йөдны вермылім. Василейлөн юрсиыс кудель кодь небыдик. Төвруыс летөмөн летө. Мичаник, мелі. Кызд сэсса татшөм вөсна-ыд он косьмы! Төдмасьөм да мусукасьөм йылыс висьтавны ог кут. Гөтрасим тай-а. Первой олі на ордын. Василей ки вылас менө новлөдлыны дась, а Олексейыс мөдарө дай. Пыр кызкө дойдны быттьо видзөдө. Кывнас сөмын, дерт. То эльгышгас, то дивыгышгас мыйыськө. Ёна жө мукөддырйиыс скөрмывлі. Мый-ла сылы ме сідзи эг кажитчы? Ог и төд. Но регыд мысти ась-ным керка лэптім. Сэтчө овны вуджим. Челядь лоины. Ныв – тэнад мамыд, и пи. Оньө чожд. Сідзи эськө и олім. Нэм помөдз. Но войнаыд тай со пансис.

Нуисны вир кистанінад менсьым Василейтө Олексейыскөд өти лунө. Регыд мысти письмө воис, мый отлаын и көнкө велөд-чөны вөрөгөс нөйтны. Сэсса отлаын жө и нуөмаось сэтчө, көні пуляяс шутьлалөны, муыс грымакылө, сынөдыс тшынсьыс сьөд. Сідзи тай Василей гижліс-а.

Пөлинө, со мый вунөді висьтавнытө. Кор Василейыд да Олек-сейыд чужөмаось, батыныс налөн вайөма вөрысь кык ичөтик кызд пу. Дзик отсудагось. И пуктөма керка дорас. Отиыс пө Василейлөн, мөдыс – Олексейлөн. И вужьясыны өд! Кутасны быдмыны. Кор вокьяс ылі муад вөрзьөдчисны, то вель нин джуджыдось вөліны. Мичаось, зумыдось. Видзөда вөлі на вылө да сьөлөмөй кыпавлө. Быттьо уна сө во оласны.

Кык во коли Василейлөн гортыс мунөмсянь. Юөрьястө ка-дыс кадө ыстывліс. Меным. А Олексейыс гортас дай. Мамыс-лы. Батыныс сэк эз нин вөв. Кувсьыліс.

Нелямын коймөд вося гөжөмын өти лунө вөлі зэв жар. Шондыс пөжөмөн пөжис. Сэсса тай кыськө юра сьөд кымөр-яс мыччисны. И кызд тай кутіс гымавны! Чардбиыс вирдыштө и грымгө-гымыштө нин. Пукала гортын, чуланө челядькөд дзеб-сим. Мыйкө сьөлөмлы друг неладнө лои. Ог төд мыйысь. Быттьо кутшөмкө овлытөм шог кыла дай ставыс. Сьөд кымөр-ыс сикт весьтыс сөмын на вешыштны кутіс, а ме челядьос ки пөлөдныс босьті да и котөрөн Василей мам ордө. Котөрта и бөрда нин мыйыськө. Куті матыстчыны и аддза: өти кыдзыслөн йылыс абу. Гымнөлыд сизыдыштөма, ородөма. Сьөдөдөма

дзикөдз кыздзёй. И өд сійөыс, кодөс Василейлы вылө пуктылө-маөсь. Господьөй дай Енмөй! Кокьясөй му бердас сибдисны, лёк-горшөн горөді. Паньд мамыс чепөсйис.

– Мый нө лоис?! Мый горзөмөн бөрдан?!– повзьөмөн юасьө менсьым.

– Кыдзи мый? Со, видзөдлы,– инда ме кызды вылад.

– Гымнөлыс тай инмис. Сэтшөма гымалис да,– такөдан гөлөсөн шуалис верөслөн мамыс. Ачыс, видзөда да, тшөтш кельдөдөма. Но кутчысьө, сьөлөм на меным сетө. Быд ногыс такөдө. Гымнөлыдлы нө пө мый? Кытчөкө өд лыйны.

Вежон кык мысти и казеннөй письмөбид меным воис. Сидз пө и сидз, пуктис пө юрсө тэнад верөсыд чужан му дорйигөн. А ме нин тайө юөрсө виччыси. Первойсө эг и торьясө горөд. Но сэсся тай кызды босьтчи юрөс пызанө зөрөдөмөн бөрдны. Некумын дун лөзьөс нетшкалігыр өтарө-мөдарө ветлөдлі, войбыдьясөн. Кыдзкө тай нөшта уджалі на и. Быть өд уджав, лысылы не петныгө. Оз видзөдны нинөм вылө, принудө нуасны дай. Он кө пет.

Арлань олөмыс катовтчис. Василейлөн мамыс дзикөдз жө сьөдөдіс. Сылы, коньөрлы, кык сьөкыд вөлі. Олексейсяныс письмөыс эз жө кут воны дай. Кулөма али бара ловья – некутшөм юөр абу.

Өти арся лунө, нянь вартөм бөрын, ме кокьясөс мудзысла кыскигыр вой гортө. А сәні письмө виччысьө. И төдан кодсянь? Василейсянь! Ыджид батьяныд. Көть эськө гижанногыс абу сылөн. Пасйөма, мый сьөкыда ранитчи да сійөн пө лёка гижа. Олексей вок пө со уси, пуктис юрсө. А ме век на пө куйла, бурдөдча. Кок йылө сувтөм бөрын пө гортө көсйөны лэдзны. Морттуй пө вөрөгкөд водзө косясьны абу нин. Слабог, мися! Ловья! Нимкодьөйла бара челядьөс ки пөлөдіс босьті да инька дорө котөрті. Сійө письмөад шашаритчис, лыддис да кыз синваөн жө бөрддзис. Сэсся бара сюся лыддис, вель дыр чөв оліс, мыйкө ассьыс мөвпалис.

Төв воис, сы бөрын тулыс. Ва ямөм бөрын нин ыджид батьяд гортө бергөдчис. Зэв ёна омөльтчөма, юрсисө шырөмаөсь да сійөн ли. Гашкө, дыр бурдөдчөмсьыс, дойсьыс. Ме паньд уськөдчи. Василейөй, мыйлакө, джөм сувтис. Быттө шай-паймунөма, полө сывсө паньд восьтнысө. Сэсся тай сывйыштис жө. Топөдіс мелніка. Мамыс регыд мысти воис, уськөдчис жө сы дорө. Нимкодьысла ли мый, весиг нимсө вежис:

– Олексей!– горөдіс сійө, но сэсся пыр жө и мөд пинас шуис.– Василей! Пиукөй менам! Оз тусьөй! Көні нө вокыд?! Кытчө бара-й сійөс тэ колин?! Мыйла бара-й сійөс аскөдыд эн вай дай! Мыйла нө колин? Гажтөм өд сылы миянтөг йөз муад...

Дыр лыддьодлөмөн бөрдіс пиыслы морос бердас топөдчөмөн.
Сэсса ставон гортө пырим. Ме нимкодьойла ог төд, кыгчө
кутчысьны. Кослунья сёянсө ставсө пызан вылө лэпти. Зэв өйдө
орчча керкаө котөртлі. Гашкө, мяся, доз на сюрас. Сетисны өд.
Пыри бөр. Мама-пия мыйкө чөла пукалоны. Быттьө кутшөмкө
ыджыд сёрни бөрын. Одва и пыркнитчисны асланыс мөвпья-
ясысь.

Инька муніс гортас, челядь водалісны нин, а ми дыр на пу-
калам. Коркө сэсса вольсаси жө. Воді. Василей мыйкө нюж-
масьө. Быттьө майшасьө мыйыськө. Мяся, кум во өта-мөдысь
косталөма лои да сійөн.

– Василей,– ньөжйөнник шыаси. Оз кыв. Эз тай видзөдлы-а.
Гораджыка сэсса шуны ковмис.– Василей!

– Мый?– ырсмуніс сійө.

– Вод нин.

– Кыгчө?

– Кыдзи кыгчө? Мекөд орччөн,– весит серам петіс. Со, мяся,
кутшөм. Локтіс да гөтырыскөд весит воднысьө оз көсьы.

Водіс жө. Кутчысьлім, окасим. Быдторйыс лоис. Оравлөмыд
тай мөрччөма жө. Унатор Василейлөн юрсьыс пыркалөма. Сідз
тай кажитчис-а.

Сэсса во бөрся во кольны кутісны. Челядь мян пыр быдмө-
ны. Ме пыр пөрысьма. Василей пыр ёнджыка нёрпалө. Мамыс
тшөтш и. Кулан кад матысмөм йылысь гаралө. Кутіс лунысь-лун
лөкмыны матушкай. Омөльтчөмысла сөрны быттьө кутіс. Локті
өтчид сійөс видлыны. Куйлө вольпасяс, лы да кучикыс нин.
Видзөдө вывлань да шуалө:

– Сьөлөмөн кыла, мый ловья Василейой. Вот ловья да.

– Кыдз нө абу ловья,– шуа.– Ловья, дерт. Гортын өні. Аски
видлыны волас.

– Мый нө менам шусис?– быттьө енежсянь уси матушкай.

– Василей пө ловья көнқө – шуалан вөлі.

– Со өд пөрысь юрид. Олексейөс өд колө шуны, а ме Васи-
лейөс, ловьясьө, гарала,– шмонитны на быттьө мырдысьөн кутіс
матушкай.

Сійөс нэм төдысь рөдысь петөмөн шулісны. Сійөн и, тыдалө,
шуаліс, мый ловья пө көнқө мөд пиыс, Олексейыс. Тадз тай ме
думайті сэки-а. Но сьөлөм пытшкын пыр майшасьөм содіс. Да и
первойсяныс нин сійө вөлі. Кор Василей гортө бергөдчис.
Мыйкө быттьө не сідз. А мый? Ог гөгөрво. Инькалөн кулөм
бөрын пыр ёнджыка куті мөвпясьөн важсө бергөдлыны. И пыр
ёнджыка майшасьөм шымыртіс. Од кымынысь кывлі, кызд
верөсөс мамыс Олексейөн шуліс. Мяся, мөд пинас, тыдалө, век

шуо. Юрсыд од нимъясто он пыркнит. Усьома коть абу Олексейс.

А веросой пыр отаро омольтчо. Сыкод та йылысь сёрни панны абу мича. Дозмодома лоо. Но кор нин дзикодз омольтчис да тодчо нин воли, мый бёрсо кок йылас оз сувт, век жо пани сёрнисо:

– Василей?

– Мый?– пыдисянь петысь голосон нин шыасис веросой.

– Тэ од абу Василей? Абу од? Олексейс од?

Веросой синьяссө весиг тупкис. Вель дыр нином эз шу. Сэс со мый вочавидзис.

– Дугды майшасьныто. Казявлі од первойсяньыс. Василейыд ме тэнад. Василейыд... Сійо, дерт, код сэсся...

– Збылысь?

– Збылысь, дерт,– падьявтөг нин вочавидзис сійо.

Сэсся та йылысь сёрни сыкод эг нин панлы. Регыд мысти кулис жо дай, ыджыд батгыд. Со и майшася на онөдз: кодкод ме война бёрас збылысьсө оли? Василейкод али бара Олексейкод? Модыскөд кө, то мыйла сійо тадзисө вочис? Колөкө, челядь вөсна? Гашкө, воыскөд та йылысь водзвыв нин сёрнит-ломаось. Код тодас оніто. Некод нин висътавыны оз вермы да.

– Модар югыдас, гашкө, паныдасям да сэк тодмала,– помаліс сэк висътасьомсө ыджыд мам. Сэсся дыр мысти содтіс.– Коть кодныс эз вөвны, ыджыд аттьо сылы. Лёк кыв ни ме, ни челядь эз кывлыны...

Сылон майшасьомыс оні меным вуджис. Од ыджыд мамой збылысь регыд и кулі. И мый сэтшөмсө аддзис сійо сэкса асывнас вёрсыс? Ог гөгөрво. Мыйкө, дерт, казяліс...

НЫВБАБАЯС

Васька Ладимер чуймөдіс дзоньнас сиктсө. Колөкө, сылысь вөчөмторсө чуймөдомон оз ло веськыда шуома. Стөчджыка кө, быдөнлөн ас ногон вөрзис сьолөмыс. Мамыс думсыс радліс и шогсис, мый сёрө-бөрөн комын вит арөса быдтасыслы бара сюри кок шонтысь. Арсень Марья, Ладимер мамкөд тшөтшья кодь, олөма нывбаба, пинь пырыс сөдзөдіс:

– Аддзөма жо пөв. Джадж кодь бекьяса. Татшөмыс миян сиктын сөмын эз тырмы. Быдсямаыс нин воли.

А сълөн комын арөса Нина нылыс бөрдөмөн бөрдис. Өд во нель нин сійө оліс Ладимер сайө чечыштөм вылө лачаөн. Кызь арөса кузь кокъяса нывьясыд пөрнөй арлыда дөвеч вылад оз нин видзөдлыны. Накөд Нина эз вежөгты, визув томлуныс сълөн бөрө кольөма, кызкө ас төдлытөйс. Водзсө эз удайтчы чечыштны первой паныдасысь сайө. Сэсся нин вежөрсяліс да сійөн бөрийсысьджык лои. И со нин воис кад видзөдны сиктса том дөвеч вылө. Он шу, мый сійө зілис чечыштны дзик нин пикө воөм вөсна. Ладимерыс абу кулитана. Статя тушаа, сирөд мыр кодь тэчася. И киясыс быдтор дорө сибалысьсө. Сөмын тай лөзов синьясыс арся лун кодь жугыльсө. И водзт гөтырыскөд олігөн сэтшөмөсь вөліны, и өні сэтшөмөн жө колины. Зэв өд ыджыд лача кугіс, мый коркө-некоркө, а пырас көзяйкаөн сълөн выль керкаө. Но со тай кыз удайтчис. Быдөнөс лыддис таысь Нина мыжаөн. Асьсө тшөтш и. Мыйла эз ёнджыка зіль син улас уськөдчыны мужичөйлы. Мыйла зэв гежөда адзыліс помка пыравны сы ордө. А совхозысь профсоюзса предсө синнас эз кут вермыны видзөднысө. Өд сійө мырдөн вөзйис Ладимерлы пүтөвкясө, медым ветліс шойччынысө лунвылө. И со тэныд. Воис сэтсысь нывбабакөд, коді лои бөрас гөтырөн. Рочөс вайөма. Сідзсө, чужөм вылас абу кулитана, и пасьтасыөма баскөя.

Кырыб сикт абу ыджыд. Ки пидөс вылын моз пукалөны ветымын гөгөр керка. Сиктсө кык пельө юкөма векныдик шор. Корсянь тайө ставыс заводитчис, некод нин вежөрас кутны оз вермы, но сикт джыньясыс нэмнас нин эз лөсявны өтамөдныскөд. Изйөн шыбласисны челядь, зүльөдчисны зонпосни. Вирас пырөма нывбабаяслы, тшетшкисны-пинясисны өтамөдныскөд эмсыс и бурсьыс. Эз дерт, пыр тадзи вөв. Страдаяс дырийыд өтлаын мошкоритчылісны. Сэк пинясьны кадыс эз вөв. Өні быгтьө ставныслысь гөг сюрөссө өтлаалісны. Ставөн кывьясөн вувзысисны Ладимер гөтыр вылө. Весиг Ладимерлысь мамсө быд ногыс эльтісны. Лэбач вомө вир войт веськалөм кодь лои выль нывбабалөн татшөм ногөн сиктө пырөмыс.

– Кага кө чужас сълөн, кызди Дарьяыс кутас быдтассө видзны?

– Чужас кө на.

– Талөн бара чужас. И ковмас Дарьяылды рочасьны Митипер Наста мозыд,– тшетшкис Ниналөн мамыс, Арсень Марья.

Во-мөд сайын Митипер Насталы карын олысь пиыс вайліс арөса кагасө видзны. Рочасьны ковмис сиктысь гежөда петавлысь нывбабалы.

– Не клонкайся,– өлөдіс джоджын чачаөн клёнөдчысь нучкаыслы.– Сю ночь пестовалась, час тшөтш жө мешайтчөмскөй. Спокой абу.

Ладимер мамлы, Дарьялы, пи пондаыс тшөтш жө уна ёсь кыв вичмыліс. Код төдас, мыйысь пузисны сиктса аньяс? Коді Ниналөн рөдня перевод вөлі да сійөн. Кодлы кыв песны өддзө колө сөмын вөлөм...

Ладимер, бригадаса тракторист, нервничайтөмысла весиг омөльтчис. Тайө бара казавтөг эз коль.

Но Дарья өд аддзө, мый том гозья олісны шыч ни рач, зэв өтсөгласөн. Ачыс сійө эз жө кулит моньсө. Пөслукман быдтор вылө. Пөжасьнытө сямьс эм и. Джоджтө йи да вольк мыськас. Паньд сувтлыны ёсь кывья нывбабаяслы эз жө лысьтлы. Кокаласны. Сөмын чушсө нюждөдлас да вешьяс.

– Тэ эн майшась, Валюк,– такөдіс гөтырсө Ладимер.– Öвсясны вочасөн.

– Сьөкыд меным, Володя,– ышловзыштас гөгөрвоёмөн мөдыс.

– Да шаньөсь сідзсө найө, шаньөсь,– меліа шуалис верөсыс.– Прөстө ог төд, мый накөд лоөма. Зі быттө ставнысө чушкис.

Рытъяснас и ловзыліс Валя. Лунтыръясөн видз-му удж вөчигөн кыв некодкөд шуны. Картопель му вылысь ёг весалө, көть видз вылын юрасьө – пыр мукөдсыс торйөн. Рытнас сьөлөм бурмытөдзыс верөсыскөд варовитас. Шогсьөмсө и радлунсө висьталас. Первойсө, кор Валяыс шөпнитіс кага лоөм йылысь, нимкодьясла Ладимер войбыд мелі кывьяс шуалис. А сэсся удж вылас нин повзёмакодь лои. Оз кө вермы овнысө тані да гортланьыс веськөдчас?! Сьөлөмыс топавліс тайө мөвпсыс. Öд эз вермы водзті мөвпыштлыны, мый кодөскө воддза гөтыр кулөм бөрас кутас татшөма радейтны. Мунас кө, то, колөкө, аслыс ковмас вөрзөдчыны сы бөрся. Сытөг олөмыс оз ло олөм. Тайө здукас сійө нөшта ёна лөгасис сиктса нывбабаяс вылө. Мужичөйяс кө вөчисны тадзисө, дерт, кодсюрөөс лөсалис нин. А нывбабаясыскөд өд он кут косясьны. Кывнас видліс жө дивитны, но налы тайө мөс синмө бус шердийөм кодь. Кыськө тай сюрласны медся сатшысь кывьясыс.

– Чечавтөм ыж моз вит во олін да аслыд гөтыр корсьөмыд жө. Сельпо пыж кодь мышкуыс,– дэльөдісны тьөтъяс.

Дум вылас усыл воддза гөтырыс. Эз вөв первойсө кулитана. Олісны, быттө мыла сыланкыв сьылісны. Весиг керкасө тулысьянь арөдзыс слөймисны вевт улөдз вайөдны, төв вөтөдз пырны. Но сэсся мөдыс вина юөм улө сетчис. Трактористалігад Ладимер гортас воліс сөр. Локтас, а пөлыс роч салдат кодь нин неуна гажа. Бөрдө-лимзалө. Сьөкыд пө меным. Удж помасьөм бөрын пө ставөн гортас тэрмасьөны, челядь дорө. А меным котөртны некод дінө. Тэ абу. Кага со оз артмы. Первой нырас

видом бõрын tõльсьõдз õвсьылас. А сэсся бара юыштас. Тадзи вочасõн веляммис, мый бур кыв ни лёкысь видом эз кут лõсявны. Во квайт тадзисõ олісны. Сэсся дзикõдз юсьõм том нывбаба сотчис винаысла.

Валяыс мунны сы дорысь эз и думайт. Татчõ воигас на ставсõ муртыштис, мый быдлаын олõмыд абу ма чунялõм кодь. Казьтыштис, кызди лои налõн tõдмасьõма...

...Васька Ладимер вежон кык нин оліс лунвылын. Сиктса уджтõ лунысь-лун муркõдысь мортыдлы весышõрõ ветлõдлõмыд медся ыджыд маетаыс. Эз tõд, кыгчõ воштыны кадсõ. Налõн шойччан керкаыс вõлі вель ыджыд сикт дорын. Буретш лунвылõ тулыс воис. Сійõ думыштис ветлõдлыштны ловзьõм уличаясõд. И друг син улас усины õти керка дорын ноксысь кык нывбаба. õтыс олõма, мõдыс ар комына. Найõ эбõссьыс петмõн сойисны койдõм гуõ вель кузь сюръя. Думсьыныс вежисны потшõссõ, кодõс мыйлакõ тані вõчисны зэв джуджыда. Ладимер сувтовкерыштис. Сэсся кокъясыс асьныс нуисны отсавны.

– Позьõ кõ, тшõтш кутчысьла, – шмонитан гõлõсõн шыасис сійõ.

– Ми кызкõ-мыйкõ асьным нин, – орõдис томыс. Кызди бõрас висьталіс Валяыс, сійõ думыштис, мый бара кодкõ шойччысь мужичõйяс пõвстысь кõсійõ том нывбабакõд каньявны.

– Отсыштан кõ, нинõм лёкыс оз ло, – сюсь синмõн сы вылõ видзõдлõм бõрын шыасис олõмаыс.

Тайõ уджыд Ладимерлы абу выльтор. Ичõtсянь чера уджтõ сиктад tõдліс. Азыма кутчысис отсавны. Эз и tõдлыны, кызди луныс коли да кызди вочасõн лоины бур tõдсаяс кодьõн. А сэсся рытнас чай юисны. Мõд луннас бара отсасьны воис. Валя верõсыскõд юксьыліс нель во сайын. Кага ни баятõг лõсьыда и торйõдчисны. Весиг кыкнанныс кокниа ышловзисны, мый мынім пõ õта-мõдкõд пинясьõмысь. Медся нин нывбабалы вõлі заведнõ, мый мõдыс весиг кõрт тув жваньõбтыны эз сяммы. Кын киа быгтõ. Пыр кодõскõ медав. Сы пыдди бокõвõй нывбабаяскõд мастера каньяліс. И õні, кор казяліс, кызди войвывса кõдзыд муясысь воõм мужичõй лабутнõя, тэрмасьтõг став уджсõ бура вõчис, вõрзис сьõлõмыс. Од, буракõ, татшõм верõсõс и корсис бõрря вояснас – ёнõс, быдтор кужысьõс. И сьõлõмнас, тыдалõ, абу руш. Вочасõн кутисны колльõдчыны, а сэсся õд абу тай дас квайт арõсаõсь. Оз нин на моз дзебны кõсйыны мõвпяссõ, радейтõмсõ. Ойдõ быгтõ ставыс артмис. Но кор тай кык сьõлõмыд мудзõмаõсь нин õта-мõдсõ корсьõмыдла, ойдõ ставсõ тшõктõны вõчны. Со тадзи Валя воис Коми муõ.

Сиктын том гозьялõн олõмлы лои куим tõльыс. Гожõм пом куіс мыгчысьны, а нывбабаяс пыр на эз õвсьыны найõс кывнас петшõ-

раломысь, отдортомысь. Со и талун асыв Валя видз выло мунігас думайгіс, мый бара рыгөдзыс кыла немой моз овны ковмас.

Нывбабаяс мунісны видз выло. Валялы эз кө вөв кажитчана тайо местаясыс, то нөшта сьокыд вөлі. Но виддзыс, сы бокса вөрыс лапкор моз кыскөны сьолөмсьыс поздысьом жугыльлунсө. Курансө пельпом вылас пуктөмөн сійо вөтчис нывбабаяс бөрся. Бокиянь кө видзөдны, то мөс стадаын кодь артмө. Ваясны тай на дорө выль сюрүкөс, да мукөдыс синнас видзөдны первойсө оз вермыны. Быдөн лөкысь люкыштны видзөдөны. Вель дыр ковмө наысь бокрын йирсыны. Найөтө өд кывтөм пемөсьяс. А өні со йөз мунөны да сідзи жө.

Валялы кызкө кажитчис страда дырйи нывбабаяслөн зільлуныс. Шондіа кө луныс, шойччытөг уджаласны видз вылад. Сійо асыө уджавнысө эз нин лыдды дышөң, и то шензис.

Воисны төрытнас ытшкөм видз выло. Отияс косаөн заводитісны вольсавны вөр бокрын быдмысь турунсө. Куранөн лөддзысь турунсө юрө чукөртігмоз нывбаба выльысь любуйтчис татчөс местаясөн, йөзлөн уджөн. Гожся шондіыс качөма козьяс да еджыд кока кызьяс весьтө, удитөма нин нювны турун выльысь лысвасө. Со Нина тажьясьөмөн швичкө-ытшкө гөрбуш косаөн. Кыз заа туруныс, косаөн чилснитөм бөрын, весиг сулыштас на, а сэсся водас му выло.

Уджалигад кадыд төдлытөг кольө. Со нин пажын кад. Зэв жө кажитчис сійо Валялы. Нывбабаяс кокьяссө өшөдөмөн пуксялөны бужөд бокө. Кыскалөны ытшкөм видз выло вайөм сөянсө. Пөжасьны гортас, кодлөн абу пөрысь мам, оз удитны. Сы вөсна лавкаса няньсө кылөдөны сулеяын вайөм йөлөн. Корскөны видз вылын шойччысь вөвьяс. А челядь уськөдчөны купайтчыны. Платтьө бөждорөдзыс коксө сюйласны ваө сөйтөдз и нывбабаяс. Ставныс гожьялөмаөсь, крепыд вир-яяөсь.

Валялы воддза мозыс жө ковмис пуксыны бокө. Сійо эз гөгөрво, мый йылысь сыланьө видзөдлөмөн больгисны мукөд пажнайтысьяс. Энькаыс сылы лөсьөдөма небыд көвдумьяс, сулеяын йөв, лавкаса чери жаритліс ачыс. Пукаліс нывбаба да ю выло видзөдөмөн сөйис.

А челядь бузөдчисны-купайтчисны ю шөрын. Коді чилзис радысла, коді сунласис. Пажын чөжыс вермасны ваас овны. А сэсся сөянсө өдйө и бара вөвьяс выло. Но мый тайө? Оти детинка то вөйлас, то бөр мыччыслас, лөкгоршөң горзө. Валя, дерт, эз гөгөрво мый.

– Вөя, вөя!– кыліс юсянь зонкалөн гөлөсыс.

– Мый нө, збыльысь вөйө али мый?– комиөн, дерт, юаліс купайтчысьяслысь бужөд вылын пукалысьяс пөвстысь өти.

– Оз. Дурө,– кыліс юсянь.

А зонкалөн дурёмыслы пом абу. Горзё и горзё. Валя сувтіс. «Мый нё пё тайё йёзыс кын съёлёмаось али мый? Вёйё мортыс, а налы веськодь,– вирдыштисны мөвпьяс.– Абу нин йёз!» Сійё уськөдчис ва дорё да бузгысис юас. Ёна бура вартчыны сылөн сям эз вёв. Но өд та вылө тай он видзөд, кор кодкө вёйё. Нывбаба лёкыс кинас шенасигтыр веськөдчис зонкалань. Со нин сійё матын. Сійёс адзём бёрын детинка серөктіс да тэрыба кутіс вартчыны береглань. Дурёмсыс зульөдөмысь повзис. А Валялысь кужтөгыд вартчигөн став эбөссө нёнъыштисны. Да нөшта тадзи ылөдлісны. Береглань гоз-мөдысь кинас васө курыштөм бёрын гөгөрвоис, мый став тушаыс сьөктіс, кокыс лэччө ю пыдөслань. Сійё кутіс ачыс вёйны.

– Мый нё Ладимер гөтырыс лои?– кор пырис ваө Валя, чөвтіс өти.– Купайтчыны друг кутіс.

– Сійё, гашкө, коминад эз гөгөрво да сійөн уськөдчис. Думайтіс збыльысь вёйөмөн,– шемөсмис мөд.

– Видзөд, видзөд, пон моз вартчө. Оз куж,– скөра китшнитіс-серөктіс Нина.– Нөшта өд вёйысьлы отсавны көсьё.

– Вай ланьт,– ородіс кодкө.– Сійё өд со вёйё нин ачыс. Яндысьтөм бугыльяс! Ылөдлінныд мортсө. Зонка вөснаыс өд вөяс.

И ставөн уськөдчисны ва дорё. Нина да нөшта куим том нывбаба вартчисны нин вёйысьлань. Недыр мысти Валяөс кыскисны косінө.

– Йёюк тэ, йёюк,– малаліс юрсисө олөма нывбаба.– Шмонитісны өд челядыс.

– Да сійё жө кага виччысьө,– горөдіс кодкө.

И став нывбабаыслөн друг меліось лоины синьясыс. Быдөн мыйкө бурөс, съёлөм шонтанаөс зілисны шуны. Төбисны нывбабаөс, коді мыйөн вермис.

ОН КӨ ЛЭДЗӨЙ, ПЫШЪЯ

Тувсовъя туйыс дзикөдз ньөдздіс. Гөпьясын югьяліс лым ва. Шондіыс сюсьяліс лөз енэжсө тупкыштөм кымөръяс сайсянь. Зоя Егорьевна, районса главнөй врач, нёжжйө воськовтіс больнична порогсө. Мыйлакө талун эз кыскы сійёс лекарствояс дукөн өвтысь жырьё.

– Зоя Егорьевна, тiян дорö Ваддор сиктса фельдшер,– вись-талiс печатайтчан машинка вылын тотшкöдчысь ныв.– Тöрыт волiс и. Талун со асывсяныыс виччысис тiяныльсь локтöмнытö.

– Кöни нö?– кытшовтiс видзöдласнас жырсö главврач.

– Öни тани вöли, колöкö, сёйны мунiс.

– Но ладнö, локтас да лэдз.

Аслас жырьö пырöм бöрын Зоя Егорьевна матыстчис öшинь дорас, нимкодясис ловзьясь ывлаөн. «Кызди бара татшöм кад-нас локтöма-а,– мөвпыштiс Ваддор сиктса фельдшерица йыльсь.– Кык ю сайын öд сиктыс. Лöз нин йиыс».

Вежон сайын сы ним вылö воис Ваддорса фельдшерица Маша Коданёвасянь письмö. Корö вуджöдны мöд сиктö, тасянь ылöджык. «Мый нин сыкöд лоис»,– мөвпалiс Зоя Егорьевна.

Маша Коданёваöс Ваддорö мöдöдлiс куим во сайын. Сиктсаяс эз норасьны сы вылö. Куим онас лоис ас мортөн. Весиг со сельсöветса депутатөн бöрйисны. «Дерт, көнкö, зон мыжа»,– мөвпалiс главврач.

– Позьö?– жырьö воськовтiс Маша Коданёва.

Вöли сийö кокни пальтоа, кучик кöмыс васьыс польдыштöма. Чужöм вылас вежсьöма жö, быттö сьöдöдыштöма. Мугöм синьясыс жугыльсь. Зоя Егорьевна пуксьöдiс сийöс воча.

– Ме письмö гижли,– заводитiс ныв.– Волiс?

– Волiс, волiс. Но мöдлаö вуджöдны ог и думайт. Уджав сэн. Йöзыс ошкöны. Олöмад тай мыйыс оз овлы. Менам, думайтан, ставыс шыльыд? Но ог тай энөвт да мун.

– Тiян мöд делö. А менам...

Ныв видзöдлiс сы вылö жугыльпырысь. Зоя Егорьевна лöсьöдчис кывзыны.

...Маша Коданёваöс сиктас збыльысь ёна пыдди пуктiсны. Сийö клубын лэчyd гөлöснас ливкиöдлас-сьылас, и семьякостса зык-шумтö сяммö ланьтöдны. И тölка фельдшерица.

Но бöрья кадö думьяс öдöлитiсны нылöс. Сельсöветлөн öти сессия вылын кыптiс сёрни, мый Ваддор кузя довьялö зэв уна пон.

– Сикт кузяыс кöть зорйөн ветлы,– шуасис кодкö.

– Пöгибö воим,– норасис мöд.

– Миянлы тшöктöма бырöдны домавтöм поньяссö,– гөлöс сетiс и сельсöветса председатель.

– Код нö босьтчас ружьеөн найöс пыйлыны!

Дыр на öтарö-мöдарö сёрни визьсö доровталiсны, а öти кывйö эз воны. Машалы пыдöдз мөрччис сёрниыс. Збыльысь öд, дивö кодь и кутiс лоны. Мукöдыс кукань ыджда пон видзöны.

– Он нин мынлы ловья юрөн тияньсь,– пон свадьба дырйи нывбабаяс вала весиг полисны петны. Пон комын лёддзён ветлө. Шу лёк кыв, косявласны.

– Оз тай колера налы во,– ропкёны.

Петан туйсё наысь мынтөдчөм вылө Маша казяліс другөн. Весиг серамыс петіс. Сельсөветын пө думайтінныд да эн кужөй мөвпыштны, ме пө мынтөда сиктсө тайө пон стадасыс.

Збыльысь, регыд мысти чермуніс нель пон. Сэссия лун-мөд мысти нөшта немын. Та бөрын кодсюрө домалісны. Тайос казялөм бөрын Маша и ошйысис сельсөветад. Ме пө санэпид-станцияө лэччылі да яд кори. Эг жө пө веськыда висьтав, мый поньясөс виавны кута. Крысаясөн пөгибө воөм вылө ыстыси. Председатель кывзис сійос ланьтөмөн, а сэссия сьөкыда ышлов-зис да бергөдчис өшиньлань. Ныв пукуыштис жырйын, но мөдыс кыв эз лэдз. Ковмис петны. Колөкө, сельсөветса веськөдлысыд некодлы и эз висьтав, но кывлөма налысь сёрнисө орчча жырйын пукалысь тшөтайтчысыс. Сійө и паськөдөма сёрнисө.

Тасянь ставыс заводитчис. Найө, кодьяс сөмын на ропкөд-чисны, мый поньяслы некутшөм ускөттё оз ло, талун вузвы-сисны ныв вылө. Быдөн ас ногыс. Отияс чөв олісны, аддзасны да бокө кежөны, быттё сьөкыд висьмөмөн висьсысьос кытш-лалөны.

– Со кытчөдз воөмыд, поньясөс изьведитан,– синмас шулісны мөдьяс.– Абу тай яндзим живөтина вылас китө лэптыны. Тыпу-у!

Весигтө пөчьяс уколасыны дугдісны воыны. Машаөс быттё овтөм керкаө йөртисны. Армияысь локтөм өти зон эськө сы дорө ляскысьны нин кутліс, но көдзөдчис та бөрын. Көзаякыс, көні сійө оліс, ассыс тасыт-паньсө саймовтіс. Сьөкыд думьяс йирис-ны нылөс. Йөзлы буртор көсйис вөчны, а дур лои. Сэки и ги-жис главврачыдлы письмөтө...

– Тётя Маша! Тётя Маша,– кашкөмөн локтісны рытладор сы ордө орчча керкаысь кык детинка, ар көкьямысаөсь. Синьяс-ныс бөрдөмысла пыкталөмаөсь.– Отсалөй!

Кутшөмкө ыджыд ускөттё лоөма. Маша пыр жө кутчысис сумкаас.

– Батьыд ли мамыд мыйкө лоисны?– юалис петігас.

– Эз,– шлюпкисны детинкаяс.– Тшайконым висьмыс.

– Мый нө ме верма вөчны. Ме өд мортьясөс сөмын бурдө-да,– сувтовкерыштис ныв.

– Отсалөй,– корисны челядь.– Кулас өд.

Тшайко, кум төлысья кычи, куйліс джоджас. Челядь төбө-маөсь важ фуфайкаө. Гортас некод абу, бать-мамыс удж вы-лынөсь на.

– Со... Асывнас на ворсім, а öнi кок йылас оз сулав. Восiс и быдöн,– ышлолалöны детинкаяс.

– Йöв вайöй,– ныв гөгөрвоис, мый лоöма. Кычиыд, дерт жö, сылысь на ядсö сёйöма.

Вайисны йöв. Понпи дiнын куйлис нин мукöд пöлöс сёян, кодöс абу вөрзöдлöма. Йöвсö сийö эз жö ю. А синсö чöвтлiс ныв вылö, быттьö дивитiс сийöс. Час кымын ноксисны. Маша весиг укол суйис. Детинкаяс, кöнкö, эз и кывлыны, мый сийö поньясöс ядöн вердöма, да жмитчисны сы бердö. Но пон век жö кулис. Челядь сутшик босьттöдз лимзалисны-бöрдiсны. Маша петiс да сёр рытöдз ветлöдлiс сикт сайын...

– Сэки ме гөгөрвои öтитор. Кор гижитянылы письмötö, ме эг на стöча мöвпав мунöм йылысь,– чöв олыштöм бöрын висьталiс Маша Коданёва.– Думайтi, йöзыслөн вунас ставыс. Но кор адзыли челядьыслысь синьяссö! Адзылинныд кö, кутшöм жугыльöсь вöлины! Найö быттьö дивитiсны менö, мый эг вермы мездыны кычисö кулöмысь. А тöдмаласны кö, мый менам мыж вöсна сийö кули? Сэки эськö нэм чöжныс лöгавны кутасны. Гырысьсыд таысь вермасны на прöститны, но челядь!.. Сэки думыштi ачым татчö локны. Кытi подöн, кытi машинаöн вöдчи. А он кö лэдзöй, босьта да пышья. Мырдөн муна. Лэдзанныд?

Зоя Егорьевна чöв олис сылөн висьтасигкостi да и öнi эз пыр вочавидз. Мöдыс висьтасьны заводиттöдзыс на вештыштiс сы ныр улö удж вылысь мездöм йылысь заявление. Зоя Егорьевна видзöдлiс сы вылö да бара думыштчис.

Юрас воис челядьдырсяыс. Кыдзи ыджыдджык воыскöд да бать-мамыскöд ветлiсны орчча сиктö рöдняыс ордö. Чоя-вокалы эв кажитчис сьбд да еджыд сера каньпи. Корисны тьоткаылысь. Ок и шудабсь вöлины, кор каньписö öта-мöдныскöд вежласигтырйи, морöс бердас топöдöмөн вайисны гортас. Чери кыйисны сылы, медся чöскыдторьяснас вердiсны. Отчид бать-мамыс мунисны вежон кежлö гöститны, сетiсны овны чоя-вокаöс баб ордас. А каньсö вöзйисны суседкаыслы. Код тöдас: абу вердлöма ли, мый ли, но кор воисны бать-мамыс, каньыс куйлис посводзас, кулöма. А кыдзи найö та бöрын кутiсны лöгавны суседкаыс вылö! Медся лөк мортыс вöли сийö челядьлы сиктас. Öнi, кор Зоя Егорьевна ассыс нин челядьсö быдтiс, гортас волiгөн век на кöдзыда быттьö сёрнитö пöрысь нывбабакöд.

– Он кö лэдзöй, пышья,– мöдысь шуис Маша.

Нывлөн доршасис синваыс. Зоя Егорьевна видзöдлiс сы вылö, босьтiс заявлениесö дагырыся гижис сöглас кывьяс.

ВУДЖӨДЧАНИНЫН

Нестеров Миш матө көкъямыс во нин эз вөв ас сиктын. Сідз нин олөмыс гартовтчис. Армияын служитигас төдмасис нывкөд, бөрас гөтрасис да кольччис овны гөтырыслөн чужанінө. Тайө вояссө быд отпуск дырйи ырыштчывліс мыччысьлыны гортас да кызкө век на эз слөймы. Но уджыс вөлі юр выв тыр: стрөйтчыны кутчысис. То кык пи чужины вочасөн. Ичөтъясөн гөтырсө эз вөв окота кольны. Да и зэв нин ылын. Дальнөй Востокрын олөны. Туй вылас отпускыд кольө. Но со век жө вөрзөдчис ас чужан мулань. Кор лэбис самолётөн первой Москваөдз, а сэсса Сыктывкарөдз, пыр думайтис, кутшөмөн аддзас челядьдырся мекстаяссө. Но и медся кузь туй помасьө. Төдса мекстаяс аддзөм бөрын кок сөнсө быттө ородісны, сьөкыд лои лопавны. Юсайса вывтасінын сулаліс налөн сиктыс. Син водзас паськөдчисны тыдалана керкаяс, кодъяслөн өшиньясыс видзөдісны локтысь вылө. Ляпкыдик юыс ёна зэрөм бөрын ойдөма. Сы вөсна вуджөдчисны паромөн. Кос луньяс дырйи машинаяс уйлісны ас кокөн, а паромыс эз уджав. Отарө-мөдарө лозгысь машинаяс виччысисны вуджөдөм. Миш чеччыштіс паром вылө. Весиг эз төд паром вылын уджалысь том зонкаөс. Чужөм сертиыс дыр төдмаліс, коклөн тайө детинкаыс, но сідз и эз вермы юрас усыкөдны. Мөдарас воөм бөрын паныдасис нин төдса морткөд. Ёна вежсьөма Вась Микулай. Юрсисө водзсьыс воясыс нюлыштөмаөсь. Чужөмыс гураньясөн тырөма. А өд кор Миш муніс гортсьыс, сійө вөлі на пөрнөй мужичөйөн. А со көкъямыс вонад кызди вежсьөма. Весиг видзөдласыс мөд. Сэтшөм телепит лои ас морткөд варовитны, мый Миш ачыс матыстчис.

– Видза олан, Микулай дядь.

– Чолөм,– коса шуыштіс мөдыс, а сэсса бурджыка чөвтліс шыасысь вылө видзөдлассө.– Мыйкө тай нө төдса.

– Эн али мый төд?

– Миш кө лоан-а? Сөтана пызь.

– Сійө, сійө.

Вась Микулай паськыда нюмдіс, чужөмыс ешө на тырис визьясөн, синьясыс ловзьыштісны.

– Во дас өд эг адзыв нин, буракө.

– Көкъямыс на.

– Тэныд тыдаланаджык.

Кадыс катовтчөма июнь шөрлань. Гожся шондіыс азыма нюліс чепөсйөм турун вылысь зэр васө, косьталіс гөпьяс. Но став сертиыс төдчис, мый эз нимкодясь мича луныслы Мику-

лай. Синьясыс ловзылысны недыр кезлө. Мыйкө, буракө, мор-
тыдкөд не сідз лоёма. Мишлы сійө ичөтсянныс төдса. Уджалис
конюкөн первой колхозын, а сэсса совхозын. Ар дас бөрын
сы кодь жө зонпосниулов төвьяснас гартчисны сы дорын. Быд
ногыс лебезитчисны, медым сетіс кывзысысыджык вөв лэччөд-
лыны юкмөс дорөдз. Мишлөн өні на эз вун, кызд медводдза-
ыс пуксис вөв вылө, кызди радысла тіпкис сёлөмыс. Некор
Вась Микулай дырйи эз лысытлы вөлөс ньөрьявны. Казяліс кө,
мөдыс оз сет. Весиг скачөн ветлыны оз позь. Сөмын рөдтышт-
ны. Сідз пө нин луннас турун ваялігөн мудзисны. Челябиндыр
казытыштөмөн бара шамыртис том мужичөйлыс сёлөмсө, мый
окота лои варовытышты конюккөд, кыв-мөдөн көть шыбитчы-
ны гортас веськавтөдз.

– Карөдз петін?– сёрни паніс Миш, медым кызкө торкны
ланьтөдчөмсө.

– Кольөдча,– жугыля чөвтис Вась Микулай.

– Кодөс нө?

– Со тай,– юрсө катовтліс кузь бөжын сулалыс машиналань.

Миш чөвтліс сылань видзөдлассө, но, кабинаын шофёрыс
кындзи, некодөс эз аддзы.

– Кузовсыс видзөдлы,– быттё гөгөрвоис сійөс да шуис
мөдыс.

Кузовын юрсө гоньөдлісны кык вөв. Өтисө аддзөм бөрын
сёлөмыс бара юковмуніс. Да тайө жө Алтай.

– Яй вылө лэччөдөны али мый?

– Код төдас. Нуоны тай-а.

Миш матыстчис машиналань. Вась Микулай сы бөрся. Быттё
гөгөрвоис да аттьөалис, мый сюри морт, кодөс сы моз жө вөр-
зөдіс вөвьясөс нуөмыс.

– Алтай, Алтай,– шыясис сьөд вөв дорө Миш.

Мөдыс корснитіс нырнас. Эз, дерт, Мишөс төдөм вөсна. Өд
сыкөд орччөн сулаліс морт, кодкөд вөліны төдсаөсь эз өти во.

– Алтай,– вөвлыс улө лэдзөм юрсө тапкөдыштіс Миш.–
Пөрысьмин тай.

– Позьө на во-мөдтө уджөдны вөлі,– гөлөс сетіс Микулай.–
Вермис на. Но оз тай юасыны.

Найө пуксыыштісны туй бөкө. Недыр чөв олыштісны. Быдөн
думайтіс ассыс.

– Нөшта нель вөв и коли конюшняад,– ышловзис Вась Ми-
кулай.

– Сөмын нель? Комынсыс?– ырсмуніс Миш.

– Нель,– бара сьөкыда лыштіс конюк.– Регыд и найөс бы-
рөдасны.

– Верднысö нинöмөн али мый?– юалис гөсьт.

– Найö öд асьнысö вердасны. Текникаыд жмитö, коньöрьясöс, сиктсьыд. Эз кутны ковны. Да и ачыл мөвпыштлы. Гожöм-нас сöмын уджавны кутасны. Ытшкыны да куртны. Төвбыд коношняын. Турунтö öд öни тракторөн матыстöны.

– Вөвьяссö нö мый оз додьявны?

– Дадльö али мый? Доддыс эз ло. Вöчнысö некодлы. Закар Митрейыл кувсис-а. Эн на öд вунöд сийöс?

– Кыдз нö вунöда. Сусед вöли да. Сидзкö, кувсис?

– Во квайт нин абу. Сийötö кужлис додльö и телегатö вöчны. Öни каитча, мый ачым, сötана пызь, эг велöдчы. Эськö вöчи жö да.

Вась Микулай мыйкö дыра ропкис на овмөсса веськöдлысьяс вылö вөвьясысь эновтчöмысь. Тракторьяс помсьыд пö став сиктса уджсö он на вöч. Град йöртö он гөр ни. Гөрьыс вöлыс кык коли. Жаявтöдзыс тулыснас мырсьöны. А Мишалөн син водзö бара сувтисны вунöдлытöм челядьдырся серпасьяс.

Юлөн алькөс берегыс вöли туруна. Но та вылö видзöдтөг, лэчыл коса босьтис кокниа. Швач-швач чилсмунисны-вундिसны турун заяс, пöлянлөн да гумлөн кокьясыс. «Лöсьыл ытшкыны лысва вылад»,– думыштіс Миш, косанас паськыда босьтігмоз.

Шондi муртса на тыдовтчыштöма козьяс, еджыл кока кылзьяс сайсянь. И петігмозыс жö босьтчис нювны воддза ытшкöминö петöм öтава вылысь лысвасö.

– Коклябöртö чилснита,– горöдисны зонка бöрсянныс. Гөрд юрсиа, чужöмыс быттö öнiя петысь шондi – беринöсь. Вася ытшкис паськыда да зілис суöдны водзын мунысь ёртсö.

Зоньяс, öтиыс, медым не кольны, а мöдыс суöдöм могысь, эвтчисны. Косаяс öвтчисны тэрыбджыка. Азыма чилсийöдлісны веж турунсö. Тадзи найö суöдисны водзын мунысьöс – латшкöс тушаа, ветымын арöс сайö чеччыштöм мужичöйöс. Закар Матвей ытшкис кокниа. Бокиянь кö видзöдны, эз тэрыба. Но недыр видзöдыштöм бöрын казяліс, мый орöм пöляньясыс ыджыл вынөн ытшкыштöмсьыс кольöны недыр кежлö сулавны, а сэссия вöляысь пöрöны.

– Куритчыштöй,– шуыштіс Закар Матвей, косасö турунөн чышкыштöм бöрын. А сэссия зудьялыштіс да виччысьöмөн, медым не дойдны бритва кодь лэчыдінсö, пуктіс вильөн ытшкöм турун вылö.

Кöть и төдіс, мый зоньяс оз куритчыны, Митрей век шойччöмсö шуис куритчöмөн. Найö пуксисны совхозлөн ылысса видзьяс вылö. Кöть и эз вермыны воöдчыны ытшкынысö машинаясөн, но век жö эз эновтны. Сэки сиктгөгöрса видзьясыл

доза на векныдикось вёліны. Пуктысисны ки помысь. Зэв нин турунаось вёліны видзьясыс. Да и мосьяс азыма рөмидзтисны кузь төвьяснад.

Зоньяс пуксисны торйөн. Коть кутшөма эз зіль кырөдны сёрни-басни Закар Митрей, нинөм эз артмы. Төдчис, мый на костөд съөд кань вирдыштөма. А өд неважөн на найө гажая шмонитисны. Шойчигөн казгыштглісны гортө кольысьясөс. Öти тшынас дорын дзебьясисны номьясыс. Вашьялөмөн казгыштглісны медводдза луньяссө. Налы отсөг вылө сетісны Алтай нима том вөлөс. Дас квайт арөса том войтырлы сійө вөлі кага кодь. Вичмөдлісны нянь шөрөмьяс. Чөсмөдлісны мукөдторйөн. Но вот төрыт Закар Митрей тешкодьясис. Алтай вөлөн кыскалісны юрьяс, зорөд пиньяс, майөгьяс. Уджыс тырмис. Том вөв чепсасис на, некыдзи эз сетчы додьявны. Велавтөгид сылысь сьылісө ниртіс. Таысь и зэв ёна скөрмис зоньяс вылө мужичөй.

– Скөтина вылас смекайтчанныд. Асьныд нин вөвьяс кодьось, а додьясьны сямлунныд абу,– ропкис сійө.– Талун мед шойчыштас, а ті потшкөн юрьяссө матысталөй. Сэки велаланныд пемөстө жалитны.

И ковмис ки вылын кыскавны юрьяссө. Дойдөминсө вөвлысь Митрей мавтіс мыйөнкө. Лэдзис сійөс шойччыны. Жаявтөдзыс уджалісны зоньяс, өдва воөдчисны узыланінөдз. Асывнас со волз чеччөдісны. Таысь и дузьялісны. Быгтьө нарошнө зыртісны Алтайлысь сьылісө.

Кузяөн век жө бурасисны. Мужичөй велөдіс кужөмөн додьясьны. И кор помасисны уджьяс, Алтайкөд торйөдчыны вөлі быдөнлы зэв съөкыд. Нельөд морт кодь вөлі на пөвстын сійө. Торйөн нин томьяслы. Бөрас, кор мунісны дасөд классө велөдчыны, школаысь локтігөн кө паныдасьлісны додьялөм вөвкөд, то сійө ылысянь гөрөктыліс. Льөбьяссө шлопкөдөмөн корис чөсмөдлыны...

Ставыс тайө уси дум вылас Мишлы. Та кості воис кад пырны паром вылө машиналы, кодлөн кузовын сулаліс Алтай. Вась Микулай чеччис да вөтчис сы бөрся. Мишлөн кокьясыс нуисны жө юлань. Кыкнаннысө вуджөдісны мөдлапөлөдз. Конюк сэссия вөвьяс дорө эз матыстчыв. Сөмын топөдіс парьяссө да видзөдіс кузовө. Регыд мысти машина вөрзьөдчис. Кык морт сулалісны туй шөрын да видзөдісны саймовтчысь машина вылө. Кыкнанныс думайтисны.

Недыр мысти мужичөйяс бергөдчисны сиктлань. Миш видзөдіс ас керкаяс вылө кызкө мөд синьясөн. Жальпырысь.

ПЫРЕЙ ВАРУК

Василий Петрович Вавилов, выльөн пуктём райфинотделса заведующёй, думыштис кытшовтны районсё. Рытнас воис сиктё, коді кынмис төвся кодзыд ру пиын. Көть думсьыс ньёжмёдіс часі стрелкасё, сійё нерсигмоз чеччыштис квайт час дорті. Ёні сельсоветад некодёс нин он су.

Машинаысь чеччём бёрын пыр жё мёвпыштис юасьны узянін. Ветлём-мунём мортыд (табдз Василий Петрович уджавліс мёд районса татшём жё отделын) йёз сиктад эз шёйёвош. Узыны вёзйысьысь вылад сиктсаяс оз чуймыны, кодзыд ывлаё оз йёткыштны. Та вылё лачаён сійё куаліс медводдза паныдасысьлысь кызди позё кыпыд гёлёсөн:

– Кёні нё тиян вой улё веськалысьсысь узылёны?

Шалльё тёбыштчём нывбаба сувтовкерыштис.

– Нэмсё тай вёлі Пырейясын войсё коллялёны-а.

– Пырейыд од ёні лым улын,– шмонитігмоз шуис Василий Петрович.

– Со од юрад кызди пырёма тайё нимыс. Но эн на мёй волёй татчё?

– Эг, медводдзаысь, и то вой улё мойвиис.

– Сідзкё Пиля Емель Варукин. Лок нуода. Ме сылён керка дорті жё муна-а.

Гоз-мёд керка кост вуджём бёрын тьётыд индіс косялём стына ичётік керка вылё. Тёдчё, оз нин ёти дас во төвйы сійё. Ошиньыс вёлі биа.

– Видза оланнды,– пыригмоз, руалём очкисё чуньяснас чышкытыр, шуис Василий Петрович.

– Шойччы-шонтысь, сёйны эн кор,– кыліс паччёр вывсянь нывбаба гёлёс.– Да тэ эн шёйёвош, пыр, пыр. Пёрччысь, видзёдлам, колёкё и чайён на юктёдам. Карактерыд кё глянитчас.

Татшём паныдалёмыд збыльысь падмёдыштис Василий Петровичёс. Но пёрччысис, пысаліс синмас косёдём очкисё. Югдіс. Гёббч вывсянь джоджё лэччис ар сизимдаса пёч. Пырей нимыс лёсяліс сылы, косньод туша-рожаа. Татшём устава пёрысь йёзыд визув кокаёсь на. Сідзи и эм. Тэрыба воськовтіс гын сапёга кокъяснас жыр шёрёдз. А синьясы! Василий Петрович геждо адзыліс татшём видзёдлассё. Сэтёр рёма синьясыс вёліны пидбстём, сьёд ваа юкмёс кодьёсь. Сявкйис мывкылдунён. Быттьо тайё юкмёсас чёжсьёма сылён кузь нэмын став казьялёмторьясыс, гумовтчёма став адзылёмторйыс.

Недыр мысти найо важ тодсаяс моз варовитисны нин, чай юисны.

– Водзті быдөн мянө узмөдчылісны. Ыджыд көть ичөт портпея. Öнi тай выль мода босьтисны. Локтöны сельсöветö, сэтись небыд вольпась да выльöн песлалöм эжöда эшкын корöны. Совхоз отделениеö мыччысясны – сiдз жö. Тэ тай со кызкö ме дорö веськöдчин. Омöльясыс сой пöлöдыд вайисны?

– Эг су ме сельсöветсö.

– И бур. А то бара öтнамлы рыт колляв.

Сийö збыльысь, буракö, вöли орöма сёрнисыс. Варов жö морт. Заводитис эмсö и абусö висьтавны да помыс абу. Пöсь ва- ысь банийöм чужöма Варук пызийс-висьтавліс кутшöмкö Кöсьта Митрей йылысь.

– Сё морö морт сийö вöли.– Варук сёрнитігмоз чöвтліс сюс синьяссö гöсьтлань.– Эз быд гачалөн вöv сылөн кодь выныд. Вот, помнита, öтчид дзикöдз Гурей Парасьлөн öшкыс сиктнымöс пикö воштис. Скөр, дзик Парась мозыс жö бугжылясьö. Челябинсө весиг улич вылö эз кутны лэдзны.

А праздник дырйиыд мян сиктын гажа вöли. Мужикьяс кодöсь туплясьöны. Вöччöм, банийöм нывбабаяс «Во саду ли» ливкйöдлöны.

Друг ставөн сюв-сявмунісны. Сöмын Öндрей Васьлөн чепельшыс бус пиын ворсан коли. Сьöкыд пеля, дзик Павел Аврам кодь. А Гурей Парасьлөн нимкодьторйыс, тыпу, медым мутияс сылысь адын кыз яйсö чепляласны, шердын пасьта вомсыс быг лэччö. Паськыд сюрсö улö лэдзöмөн уськöдчис детинкалань. Кöсьта Митрей уськöдчис сюра гундырлы воча, да-а... Кызди тай лэптыштöмөн шняпкис öштö му бердас. Бура дыр кыз зöбйис тiраліс. Видзöда да, öдва пошиктыны кутіс. Син аканьыс кучикасис. Кымынкö аттö Митрейлы вичмис.

Дыр на эськö гырдомö синьяссö сы вылö чашйöдлісны. Но бөрöзда бокусь кыліс «Ой!». Ставөн сэтчö уськöдчисны. Видзöдам – Öпрöсь Гриш гатшөн туплясьö. Тамыш синсö чомрöдлö. И кадусь калö ойгö.

А Гриш гöтыр вурзалöмөн сы дорö уськöдчис. Лёзь юрсия, ныйт чужöмсö тшай юан платтьö бердас топöдіс.

– Коньөрöй дай Гришукöй. Изведитис тайö тэнö öшкыд.

Гришлы мый, пыр öтарö «ой» да «ой».

Коркö и пельшер воис. Голя помöдзыс вотöдз удитöма тöкаритны. Уськöдчис Гришлысь ки-кок видлавны. Сэки Гришыд, тамыш синма лешак, и авöстис: «Ой, да ты, калинушка!».

Вöлöмкö, трустыд, кывьяссö сыланкывйыдлысь вунöдöма. Да. Вöли татшöмыс. Олöмыд ваö оз вöй.

Василий Петрович вак-вакөн сералис пöчлөн висьталём вылö. Мöдыс, тыдалö, дзикöдз öддзис. Ёна нин сёр рыт воис. Серам сорнад эз и тöдлыны кадтö. Вольсасьны колö, а Варуклөн ланьтём абу. Василий Петровичлы дум вылас уси коркö важөн-кодь лыддьём висьт. Кызди öти морт тадзи жö узьмöдчöма мужичöй дорö. Сийö аслас сёрниөн дзикöдз пöгибö воштöма. Войнас садьмöдöмөн варовитöдö. «Татшöм варов пöчюд вермас жö войбыд узьтöг пукöдны», – мөвпыштис Василий Петрович. Но Варук быттö кылöма сылысь мөвпьяссö.

– Дас öти час нин тай. Со öд кыкөннад кызди кадыд лэбзис. Вай инöсь водамöй.

Сийö вольсалис гöсьтлы паськыд крöвать вылö, ачыс кайис паччөрö. Василий Петрович виччысис, мый Варук кутас сэсянь бызгыны, но мöдыс ланьтöдчöма. Недыр чöv олыштём бöрын век жö кыв лэдзис:

– Тэ эн дöзмы менам больгöм вылö.

– Нинöм, нинöм.

– Жальöсь тi, йöзын улылысьяс, меным. Гортаныд думнад. Сы йылысь думайтiгөн рыгыд ок кузь. Со и нинöм абусö сöра, медым сайкалинныд думьяссыныд. Но узь. Олöмыд ваö оз вöй.

А сэся ланьтис. Асывнас пöч кунь-каньөн чеччöма. Эз тай кывлы улысь чугуньясөн клонгöм ни пескөн вöдитчöм. Но садьмис да, керка пытшкын вöли шоныд, пач ваймöма. Кöзьяка пöсь няньөн чöсмöдлис, челядыслы гöснеч вылö вöзийис. Сидзи и торйöдчисны.

...Уджалигас, быдсяма сёрниясөн, паныдасьлигьясөн Василий Петрович эз вермы вунöдны тайö пöчсö. И кор гожа страда дырйи сийöс мöдöдисны райкомсянь буретш тайö сиктас уполномоченнойөн, сылы окота вöли паныдасьлыны ськöд. Варук вöли горт дорас. Ошинь увсö ичöтик косаөн ытшкö. Кыкысь кымын эськö сапнитас нин да сöмын. Сэся веськöдчас, бура дыр сулалас.

– Баляясöс видзан? – юалис чолöмасьём бöрын мужичöй.

– Кысь нин меным. Ог. Но турунсö öд ытшкытöг он коль. Бöрас суседкалы сета.

– Мед, сидзкö, сийö ачыс, томджык морт, ытшкö.

– Сидз эськö да. Но страда öд. Кызкö аслым на окота. Со и ытшка кызди сямма, важсö казгытла. Олöмыд ваö оз вöй. А тэ кытчö туйсö кутан?

– Тiян сиктöдз вои. Сельсöветлань öни веськöдча.

– Узьнытö öд локтан жö? – Варук видзöдлис сы вылö, быттö казгыштис ассьыс коркöя висьталёмсö.

– Лэччыны кöсья талун.

– Он кө вермы, то керкасё төдан. Ог ло ли мый – өдзёсыс карнана. Эн яндыс, пыр.

Василий Петрович ылөдліс. Сійө эз думайт талун веськөдчыны гортланьыс. Вежон чөж ковмас овны. Райкомсян индісны, мый уполномоченнойяс мед век дасёсь вөліны висьтавны страда мунөм йылысь. Кытысь тэнө найө аддзасны юасьнысё? Сөмын сельсөветысь либө отделение контораысь. Сы вөсна сійө көсийс узьмөдчыны сельсөветө. Друг да звөнитласны, индөд сетасны.

Рытөдзыс Василий Петрович удитіс төдмасьны став делөяс-нас. Сюрины кутшөмсюрө долыд и жугыль лыдпасьяс, кодьясөн позяс төдмөдны. Ветлөдлөмсыйс мудзыштөмөн воис сійө сельсөветө. Сэтчөс уборщица лөсьөдіс сылы торъя жырйө вольпась. Ачыс босьтчис идрасьны. Уполномоченной недыр пукуштіс өшинь дорын. Видзөдіс гожья ывла вылө. А сэсся кыв лэдзис:

– Мыйла тиян Варуксө пырейөн шуоны?

– Кытысь нө сійөс төданныд?

– Төвнас удайтчыліс узыны сы ордын. Зэв варов пөч.

– Варовнад-то варов, но оз таысь ыдждөдлыны пырейнад. Оз кажитчы кодсюрөлы сылөн кыв-ворыс. Сэтшөм нин морт сійө. Век быттьө суйсыны зильө. Велөдны көсийө. Мукөдыс дөзмөны таысь. Мыжмөм мортлы сы шөрө бурджык не веськавны. Сідз смекайтас! Но оз жө быдөнөс веськыда тешит, дорын узылыны велөд. Кутчысяс кө кодкө бердө, оз лэччысь, ляксяс.

Уборщица, ар нелямына нывбаба, ланьтыштис, тыдалө, көсийс уськөдны дум вылас Пырей Варук олөмысь серпас, коді эськө стөчджыка подулаліс сылысь шуөмсө. Сэсся нюммуніс да водзө нуөдіс панөм сёрнисө:

– А менө кызди өтчыд чуйдіс уджөс вежны. Водзті ме тані парикмахералі. Велөдны мөдөдлісны и быдөн. Удачатөгьд көть нэмтө велөдчы. Шыра вөлі мужичөйясөс. Вель дыр гөграла, медым бура артмис. Эштөм бөрас найө рөмпөштан водзын сюсьяласны. Гөгөрвоа, мый оз кажитчы. Сьөлөмтө забеднөыс чепльөдлө, а век уджала. Паньид воим өтчыд Варук тьөткөд. Оттормөдтор йылысь варовитам. Сэсся сійө кутіс Петыр Мишөс казьтывны. Вөлі миян сэтшөм мортыс. Война вылысь кок пөлөн бергөдчис.

– Фронт вывсьыд воөм бөрын сійөс Ыбө велөдчыны мөдөдлөмаөсь,– висьталө Варук тьөт.– Сэні инвалидьясөс велөдлісны тшөтіөн гольскыны, снимайтчыны, гудөкөн ворсны. Мишылды окота лоас гудөкасьны велөдчыны. Няргялө-ворсө. Аслыс зэв кажитчө кизьсө личкавны. Но төлысьөн «Козйө, козийөысь» өприч

нинёмо оз вела. Велодысыд и шуома, мый вай по модторийо велодчы. Таон тэныд кынөмпот оз шел.

Сэся мыйсюрө йылысь сёрнитом бөрын торйөдчим. Рыгнас казтышти Петыр Миш йылысь висьталомсө да юрө быттьө нөшкөн вартисны. Од тайо Варук тьотыд менө велөдіс. Эз веськыда шу, медым не дөзмодны, но гөгөрвоана. Сы бөрын регыд мысти шыбиті юр шыран уджтө. Бөрас нин кывлі, мый менам шырөм бөрын мужикьяс өта-мөдныслысь, вөлөм, лөсьөдышта-лөны.

Нывбабалөн висьталомыс садьмөдіс Василий Петрович юрын төвса волігас Варуккөд сёрниысь өти юкөн. Сө морө морт. Быттьө төдөма. Сэки сійө юалис:

– Тэ, чурки-буди, абу йөзөс ызьөдысь-ышөдысь? Мөс лысьтсыяс мян кольччөны. Гашкө, найөс тормошитны воин?

– Абу.

– Миянө найө тшөкыда волөны. Торйөн нин гожөмнас. Мөйму өти мужичөй турун пуктыны ызьөдны воліс. Ветлөдлө сикт кузя, мышкуыс сельполы груз кыскалан пыж пасьта. Быттьө сійө и мортыс. Сиктсаясыдлы тайө синмас жель кодь. Егорей вөв кодь мужичөйыдлөн страдна кадад довьялөмыд. Сөмын дөзмөдө. Кольөм гожөм мөд вөліс. Менам керкаын узьліс. Вина юис. Код юрнас месь варов, кыв оз лэдз сетны. Мися, мый нө көть йөз дорас он петав. Ме по пропсоюзөн веськөдла. Мыччясн на дорө да юмов вылө гутьяс моз пукясны. Öти путөвка корө, мөдлы премия мыччы, коймөдлы нөшта мыйкө оз тырмы...

Василий Петровичөс өдөлитисны думьяс. Син водзас сувтөдіс Пырей Варукөс, код быттьө аддзө сылысь лунся ветлөдлөмсө. Аддзө да нюмьялө. Мый тэ талун вөчин? Но босьтін гоз-мөд лыдпас. Отделениеын та дырйи тэ вылө өвад вылө моз видзөдөны. Довьялө по. Мый сыысь, кос лыдпассыд? Но звөнитласны, висьталан. Та могысь өмөй тэнө ыстисны? Колө аскиянь жө петны видз вылө. Йөзкөд тшөтш страдайтны. Чөвтөмыд эз на вун, ытшкыны на кужа и. Йөзлөн тэ дорө матыстчөмыс мөд лоө. И лыдпасьяссө аслад ньылөмөн артмөдан.

Тайө думьяссыс сійө небзьыштіс. Окота лои аддзөдлыны Пырей Варукөс. Зэв окота.

– Игнав өдзөстө,– вольпась идралөм бөрын шуис уборщицалы.

– Мый нө лоиннды? Мыйкө неладнө лои менам шуөмыс?

– Ставыс ладнө,– нюмнас такөдіс мужичөй.– Варук тьот дорө муна узьны. Вонйын. Эм кө.

Сійө шавксөдіс туй кузя. Ыджыда восьялаліс да мөвпаліс. Век жө бур, кор эм мян костын Варук кодь йөзөд. Найө оз өшйы-

ны морт дорё, а пыткас пырёны. Варук ас ногыс шмонитёмён, кытшлөдлёмён дивитё лёксё. А тайё сямлун, мортлөн ыджыд сямлун. Со и шуё сійё, мый олөмыд ваё оз вөй. Тайё коді на кызди оліс. Мукөдыс куласны да быттьё дзуммунасны ваё. Лунмөд казгыштасны сиктын. Сэсся быттьё абу вөвлөма. А Варуклөн олөмыд ва веркөсөд кывтас и кулём бөрас. Тайё нин шуд, ыджыд шуд, кор тэнад олөмыд кулём бөрад йөзсё мыйёкө велөдө.

Со нин и Пырей Варук. Век на өшинь улас чушикасьё.

– Эз өмөй машинаыд сюр?

– Эз.

– Но пыр, сідзкө, тшай пузьёдам, – пөч видзөдіс сы вылө ставсё гөгөрвоана синьясөн.

Василий Петрович пуксис кызди позьё лөсьыджыка. Виччысис Варуклысь сёрни панөм.

СЮР

Автобусысь петтөдз Тоня нөшта өтчыл кыйкнитліс ичөтик рөмпөштанө. Сэтысянь сы вылө видзөдіс ляс нырьяса, мугөм синьяса, кызнік льөбьяса ар комын вита нывбаба. Арөссө, дерт, ачыс чингыштіс. Нелямын нин сідзсө тырас таво. Но вит вотө чинтөмыд быд нывбабалы этша кажитчө. А Тоня абу нин сэтшөм томмөдчысь. Та вөсна и вит во чинтөм вылас абу паныд. Нывбаба лөсьөдыштіс синкымьяссө, кимөдзнас ниртыштіс вом дорьяссө. Юрсисө лөсьөдыштөм бөрын лои дась петны автобуссыс.

Верөсыс, Мишыс, кевмысян синьясөн нин видзөдіс автобус өдзөс вылас. Кызди нө? Өд став воысыс нин петісны, а гөтырслөн мыгөрыс некызди эз мыччысь. Абу локтөма али мый нө? Мишлөн весиг вашыс петіс, кор казяліс Тонялысь петөмсө. Эз тай паныд котөрөн уськөдчы, а лабутнөя моз воськовтіс нывбабалань. Сиктад гөтырьясыдлы паныд уськөдчөмыд да став йөз дырйиыд кутчысьлөмыд дивө кодь. Та вөсна гозья эз кутны шензьөдны войтырсө. Чолөмасисны, Миш босьтіс гөтырыслысь сумкасө да вөрзьөдчисны гортланьыс. Сөмын ас керкаас пырөм бөрын сывйыштчисны. Сэсся торьявлісны да бара сывйыштчисны, быттьё нэмсө нин абу адзысьлөмабсь. Көть эськө Тоня везон кежлө и ветліс командировкаас.

– Мишук, кутшөма менам тэысь гажöй быри!– шудаа вашкöдiс нывбаба. Ачыс весиг вольпась вылö синьяссö чöвтлiс.

– Менам, чайтан, эз.

– Ме öд быд здук сöмын тэ йылысь и мөвпалi.

– Менам тэтöг узьöм ни олöм жö эз вöв. Быдса сизим лун öд тэ бокиад ветлöдлiн.

– Ыстiсны да... Быть сэсса ветлöдлы...

Мишыс, тыдалö ёна гажтöмтчöма. Пыр тай и топöдчыны видзöдö-а. Эз жö тай пыригмозыс вольпасьö ляскы-а.

– Мöдысь кö ыстасны, кинад и кокнад пыксысь,– кевмысьштiс быттьö гöтырыслысь сийö.– Мöдысь кö муан, менам сэк гажтöмысла сьолöмöй збыльысь потö. Öнi тай кызкö ловйөн жö коли-а.

– Пыкся, пыкся,– топöдчис ёнджыка верöс бердас Тоня.– Бурджык, удж вылысь петны, тэкöд та дыра кeжлö торьявлöм дорсыд.

Гозья быттьö нэмсö нин абу адззысьлöмаöсь. Тоня весиг сырмывны кутлас Мишлөн топыд сывьясын. Мöдыс тшöтш жö ок ёна гажтöмтчöма нывбаба дуксыс ли мый. Зэлалöма тай быттьö вир-ййыс.

– Вöлöма жö менам шудыс!– ымöстiс весиг Миш.– Эз кö öд вöв, тэкöд эськö некор эг адззысьöй. Менам тэ медся бурыс да мелыс. Некутшöм мужиклөн сэсса татшöм гöтырыс абу!

– И менам вöлöма. Шудыс, шуа,– пöся оқыштiс верöссö Тоня.

– Меным тэысь öприч некод оз ков. Медым сöмын тэ быд здук мекöд орччөн вöлiн-а!

– Меным тшöтш жö. Мукöд вылö синмöс лэптыны весиг дыш. Тэ медся колана мужикыс меным. Сöмын тэ!

– Мый нö, синтö муас лэдзöмөн и ветлöдлiн вежон чöжсö? Командировкаас?– тешкодя серöктыштiс Миш.

Тоня шензыштiс весиг сылөн нинöм абусыс сералöм вылö, но эз дöзмы. Мыйыськö быттьö дорйысьштiгмоз весиг артмис:

– Дзик эськö муас дзоргöмөн эг жö ветлöдлы да. Но видзöдласөн кö зурасьлi кутшöмкö мужик вылö, то пыр жö казявлi, мый тэысь муса да мича мужикыс таладор югыдас сэсса абу.

Муртса на удитiс Тоня тайöс шуны, кызди вöсьса дзирья öшиньöд керка пытшкöдзыс лэбзис кутшöмкö дивö да грым уси джодж шöрас. Гозья повзёмнысла лажынтьчылысны да öти воысь быттьö лёкысь горöдчисны. Эз жö тай джоджас кыкнанныс пласьт водны-а. Тоня синьяссö кунис да вель дыр вöсьтнысö эз лысьт. Миш, мужик мортыд, öдийöджык сайкалiс, полiгтырйи жö эськö, но видзöдлiс, мый морыс лэбзис öшинь пырыс налөн оланiн шöрöдзыс. Кутшöмкö чулля-чалля дивö куйлiс. Сöмын

здук-мөд мысти гөгөрвоис, мый тайö... көр сюр. Но матыстчыны да кияс босьтны первойсö эз жö на лысьт. Сюрсö кытшовтөмөн матыстчис öшинь дорас да скойлис юрсö.

– Некод некытөн абу да. Коді нö эськө тайöс шыбитіс?– шензьыштіс сійö.

Сöмын шуөм кывьяс бöрас Тоня полөмпырысь восьтіс синьяссö да верöсланьыс видзөдөмөн юалис:

– Ку-тш-ö-өм сюр?

– Эстөн нö мый куйлө?– индіс джоджас верöсыс.– Абу сюр?

Тоня дзöран кокөн матыстчис сюрлань да вель дыр видзөдіс.

Сöмын минут кык мысти кымын пычиктіс:

– Збыль тай сюр. Кытысь?

– Öшиньöдыс кө лэбзис-а. Ачыл öд адззылін.

– Коді нö шыбитіс?

– Ог төд. Некод со ывла вылас оз тыдав.

– Сё дивö тай,– öшинь дорö матыстчис Тоня.– Эй! О-ö!– Некод оз шыась.

Сійö коскөдзыс öшөдчыліс ывла вывланьыс, гөгөрбок гоньялыштіс, но некод жö син улас эз усь.

Миш гораа матькыштіс да повтөг нин матыстчис сюр дорас. Весиг лэптыштліс:

– Код сötанаыс нö эськө тэнö жбыргис? Ачыл öд, көнкө, эн жö лэб?– ловья ловкөд моз босьтчис сёрнитны сійö сюрыскөд.

Тоня шензьөмөн видзөдліс первой верöс вылас, а сэсса сюрас жö шашаритчис. Нывбаба мортыд тай гачаяссьыд торьялө. Эз кут юасьны, кыззи сійö татчö воис. Сылөн юрас мөдтор гартчö.

– Мича öд и быдөн. Мишук, гашкө, некодлы сійö оз ков вöлі да? Сійөн и шыбитісны сэсса.

– Татшөм сюрюд нö кыззи оз ков?!– скөрмыштіскодь весиг Миш.– Ачыл со шуан, мый мича весиг.

– Мича!– эз пыксы Тоня.

Миш бара öдйö воськовтліс дзирья öшиньялань да кытшовтіс видзөдласнас керка дорсö. Эз жö тай сынөдсö исав-а. Сэтшөм окота вöлі кодөскө адззыны. Но некод син улас эз усь.

– Некод оз тыдав,– не то шензис, не то дорйысис бытьбө Миш.

– Оз кө, и бур,– эз нин та вöсна майшась Тоня.– Вай ми сійöс стенаным тувьялам. Паськөм öшлыны кутам. Ставыс төрас татшөм пашкыр сюр вылад.

– Ог жö кө-а?– пыксыны кутіс верöсыс.– Кодкө пырас да стенсьыд нетшыштас. Кодлөнкө öд тайö сюрис вöлі жö. Эз жö öд енэжсьыс лэбзы?

– Некод со оз тыдав да. Шыбитіс кӧ ӧд кодкӧ, то керка до-
рад вӧлі.

– Сійӧ и эм. Тонюк, некызди ог гӧгӧрво, кытысь сійӧ... сюр-
ыс?

– Чайтан, ме гӧгӧрвоа? Мича тай-а. Вай, Мишӧ, ӧшӧдам? Ог
жӧ кутӧй бӧр ывлаас шыбитны?

Тоня сюрсӧ босьтӧмӧн ветлӧдлыштис стеньяс пӧлӧн, арталіс,
кытчӧ лӧсялӧджык тайӧ кортӧм гӧсьтыс. Ӧтилаӧ пуктылас,
мӧдлаӧ. Сӧмын дыр мысти аддзис жӧ местасӧ.

– Со татчӧ и тувьялам. Видзӧд кутшӧм мича! Кыдзи бара
татӧг овлім? Быттьӧ татчӧ тувьялӧм вылӧ и чивгисны миянлы.

– Зэв эськӧ лӧсялӧ да,– эз пыксы Миш. Но вежӧрас пыр
важ думьясыс гартчӧны.– Но кытысь сійӧ... сюрис?

– Тэныд нӧ мый?– зэв долыда серӧктис Тоня.– Гашкӧ,
кутшӧмкӧ мужиклӧн усьӧма да...

Сійӧ виньдіс быттьӧ вомсыс петӧм кывъясьсыс. Кельдӧдіс
весиг.

– Вермас лоны,– шай-паймунӧмсӧ эз казав да воча серӧк-
тыштис верӧсыс.– Онія гӧтырьясыд тай оз ӧна асьнысӧ видзны...

Миш тшӧтш жӧ быттьӧ курыдтор паньыштис. Вомыс тай мый-
лакӧ осьса коли-а. Сынӧдсӧ апалӧ быттьӧ.

– Нинӧм абусӧ ме сӧра, а тэ пыр жӧ и ме ногӧн брӧльӧдчан,–
весиг дӧзмыштіс верӧс вылас Тоня. Сэсса ӧдӧ чӧвтис кысыс
сюрсӧ да кыкысь оськовтӧмӧн и воӧдчис ӧшинь дорӧдзис да
бара коскӧдзис мыччысис ывла вылас.

Мишыс тшӧтш жӧ матыстчис сы дорӧ да суйис юрсӧ ӧшиньӧ.
Некод эз тыдав.

– Кывзы, Тоня, некод ӧд абу. О-ӧ-ӧй!

– Абу тай,– шемӧса ышловзис гӧтырыс да видзӧдліс Миш
вылӧ, кодӧ зэв сюся дзоргис сылы синмас.– Мый нӧ ме вылӧ
синтӧ сувтӧдін? Быттьӧ первойысь на менӧ аддзӧмыд.

– Некод кӧ абу, то... Сюрис, сідзкӧ, менам усьӧма.

– Мыйла тэнад?!– верӧсылӧн сувтса синьясысь повзыш-
тискодъ Тоня да вешйис сы дорысь.– Мыйла тэнад?!

– Тэ ӧд тай быдса вежон гортын эн вӧв. Бокиад, колӧкӧ,
мыйсӧ эн сӧтвӧрит?

– Кыдз тэныд абу яндзим?!– лӧкысь горӧдіс Тоня.– Тадзи ме
йылысь мӧвпавнысӧ?! Аслад гӧтыр йылысь?!

– Ачид ӧд тай заводитін сӧрнисӧ. Кутшӧмкӧ мужиклӧн пӧ тайӧ
сюрис усьӧма. А сәні, ывла вылас, некод абу. Сідзкӧ, менам.

– Эн сӧр!– пуксис лабичӧ Тоня. Эз тӧд, кызди и водзӧсӧ сӧр-
нитны. Но чӧв овны кӧ кутан, нӧшта лӧкджык.– Сӧ дивӧйд! Кӧть

гортсыд эн петава. Пыр жö и вежöгтыны кутан. Быд нинöм абу-
ыс век юрад воöма.

– Кызд нö оз во? Со эсийö... мыйла нö менам керка пытшкöдз
лэбзис?

– Кызди лэбзис, сідзи и бөр мунас!– öддзöдчöмөн чеччис ла-
бичсыс Тоня да уськöдчис сюрлань. Лёкыс босьтис сійöс да
шыбитис дзирья öшиньöд ывлаö.

Миш тэрыба матыстчис сы дорö да видзöдис лэбысь сюр
бöрся.– Лэбзис и эм. Вель ылöдз жбыргин. Лёкыдла... Мед ог
вид...

– Кутан кө быд нинöм абусыс видны да вежöгтыны, то олöм
оз ло,– пинь пырыс сöдзöдис Тоня.

– Ме нö мыйöн тöда, мый сэнi командировкаас вöчин? Ве-
жон чöжөн? Эг öд кыйöд.

– Мед бöрсянь вöтчылін дай! Он кө нин меным эскы...

Тайö кывьяссыс ли мөдторйысь, Миш неуна небзыштіс.
Матыстчис гöтыр дорас, бергöдис сылысь чужöмсö асланыс да
дыркодь видзöдис сылөн синьясö. Мöдыс грек лоöмысь эз весиг
лысьт лапнитлыны, тшöтш жö сюся дзоргис верöс вылас.

– Тонюк, збыль тэ шуан, мый эсийö... некодкöд эн?

– Йöй кө тэ-а? Меным нин он эскы. Эг, дерт,– небыдика зліс
сёрнитны Тоня, көть эськö сьölöмыс пуöмөн пуис.

– Мыйла нö эськö сюрис татчö веськавліс?

– Ме нö мыйöн тöда?

– Тонюк, збыль эн?– ышловзигмоз нöшта на юалис Миш.

– Эг, мися, дерт. Эн йöймы сэсся быд сюр вöсна. Со көть
пернапас чöвта. Он кө эскы...

Тоня лэптис веськыд кисö плешланыс, но пернапас чöвтны
сідзи и эз удит. Дзирья öшиньöд бара лэбзис сюрід. Грымгы-
сис джоджас. Гозья весьöпöрисны виччысьтöмысла. Бара лёкыс
горöдисны да вель дыр келжö изöймитлісны места выланыс. Сэс-
ся сёрнитчытöг öтвылысь уськöдчисны öшиньянь.

– О-о-ой!– первойön горöдис Миш.– Коді нö сэнi йöйталö?!

– Дугдöй, колöкө, кимöститчынытö!– сыысь на гораджыка
равöстис гöтырыс.

Сэсся друг ланьтисны. Ъвла вылын бара некод эз тыдав. Кык-
нанныс гөрдöдлöны и кельдöдлöны. Кыв шуны оз артмы. Пер-
войön сайкальштіс Миш. Бара лёкысь кодзнитліс гöтыр вылас:

– Кодлы нö горзан? Некод абу да.

– Дурö, тыдалö, кодкө,– дорйысьыштöмөн лои шуöма То-
нялөн.– Дзевбсис сэсся кытчöкө.

– Мед оз дур!– дзикöдз пузис верöсыс.– Ачыл со көнкө ве-
жон шöйтін, и со...

– Петалам. Он кӧ эскы. Керка саяс кодкӧ дзебсис. Шыбитӧс да...

– Тэ чайтан, мый дурӧны?– небзьыштӧс жӧ Миш.

– Дурӧны, дерт. Челядь, кӧнкӧ. Лок петалам да нӧръялам.

– Гашкӧ, дурӧны да. Петала да, час, ордлысӧ лыддя налысь. Дурӧны кӧ.

– Лок, лок. А то кутан нэмтӧ вежӧгтыны,– киӧдыс босьтӧс верӧссӧ Тоня.

Найӧ сюрсӧ кытшовтӧмӧн петӧсны ывла вылӧ. Кильчӧ помас сулыштӧмӧн первой корсисны синъяснас дурысьясӧс. Но некодӧс эз аддзыны. Та бӧрын лӧччисны му вылӧ да ветлисны сарай дорӧдз. Быд пельӧсӧ нырнысӧ суйлисны, но бара некод эз паныдась. Надея кутӧгыр тӧрыба уськӧдчисны пывсян сайӧ. Но и сӧтысь некодӧс эз аддзыны. Та бӧрын вель дыр на синтӧм корысь гозья моз кутчысьӧмӧн довъялисны керка гӧгӧрыс. Восьшӧрӧ. Некодлӧн дукас весиг эз кыв. Быд воськолын Миш бара кутӧс зумышмыны, сӧсся джӧм сувтӧс да скӧрысь уськӧдчис гӧтыр вылас:

– Некод со абу да! Сӧран сӧмын! Асьтӧ дорйыны видзӧдан!

– Гашкӧ, пышйисны да?– мыйлакӧ вочасӧ эз жӧ лысьт пинясьнысӧ Тоня. Мукӧд кадӧ кӧ, то татшӧм шуасьӧмсыд Миш не рад нин вӧли. А талун со оз и кыпӧд гӧлӧссӧ.

– Мед эз пышйыны,– гӧтырыслысь шай-паймунӧмсӧ казялӧм бӧрын нӧшта на пузис Миш.

– Йӧйтав сӧни. Быд сюр вӧсна,– такӧдыштны видзӧдчис Тоня. Но татшӧм здукад мужикьясыдлы вӧля оз позь сетны. Верӧсыс со дурмис:

– Кыдз нӧ ог йӧйтав?! Йӧй туйӧ менӧ видзан да! Сӧмын син увсьыд тӧнӧ лӧдзлы. Пыр жӧ и бӧжтӧ лӧптӧмӧн мужикьяс бӧрся уськӧдчан!

– Кытчӧ уськӧдча?– гӧгӧрвотӧм туйӧ лӧччисис Тоня.

– Тӧян ӧд, бабаяслӧн, водзладорыд зӧв прӧст. Сӧмын на гортсыд петанныд, а синъясныд кодзлалӧны нин.

– Дзикӧдз тай дурмин. Нинӧм абусыс.

– Кыдз нинӧм абу? Тӧныд, гашкӧ, и нинӧм абу. А менам... Со, сюрӧн кута ветлӧдлыны.

– Дугды!– гӧлӧсыс письтӧс и Тонялӧн. Но сӧр нин. Колӧ вӧли ӧна водзджык мужик вылад уськӧдчыны. Мед ачыс мыжаыс лои. Ӑня горӧдӧмыс пывсян горйӧ ва койыштӧм кодь лои.

– Кыдз нӧ дугда?!– места вылас быдӧн чеччыштӧлис мужикыс.– Кыськӧ ӧд сийӧ... сюрис... керка шӧрӧдз локтӧ жӧ?

– Шыблалӧны да.

– Код морыс! Некод со абу да. Ывла вылас. Со, видзёд! Коді шыблалё? Коді сійö?!

– Дзэбсис,– пыр на ассыс долис Тоня. Сэсся зумыша кайис кильчö вылас.– Мый нö ми сэсся сюрнас эськö вöчны кутам?

– Кызди мый?– кока туис моз бöрсяныс кайис Миш.– Шöра-костö и ковмас водтöдны. Менам да.

– Эн йöймöдчы,– посводзас пырис гöтырыс. Миш сы бöрся жö воськовтис.

– Висьтав, колöкö, бурөн. Кодкөд тэ сэні каньялін?!

– Эг, мися, некодкөд! Эг! Кутис сэні нинöм абусö дольны.

– Энлы!– сояс кутчысис Миш.– Кызд нинöм абу?! Гашкö, тэ-ныд и нинöм абу, а менам со сюр эм.

– Но и верöс жö меным, коньöрлы, сюри,– нетшыштчис да пырис керкаас нывбаба.

Бура дыр чöв олісны. Миш, лабичö пуксьöмөн, синсö веш-тывтöг, видзөдис джодж шöрын куйлысь сюр вылö. Тоня öшинь дорö сувтöма да кадысь кадö сьöкыда ышлолаліс. Но öд сэсся нэмтö чöв он ов. Миш думсьыс арталöма-мурталöма, кытысь сюрыс лоöма, да со мыйöдз думнас воöма.

– Кывзы, Антонина, гашкö, эстысянь шыблалöны да,– чуньсö вывлань лэптигмоз шуис Миш, а аслас тайö мөвпссьыс весиг гөлöсыс тірны мөдіс.– Тэ öд пернапасасыны буретш вöлі кöсьян, кор сюрыс вылысьсö лэбзис.

– Но и мый?– сы вылö синсö сувтөдіс гöтырыс, быттьö швач йöй морт нин сы водзын пукалö.– Кöсии пернапасасыны, а сійö здукас и кодкö шыбитіс сюрсö.

– Код морыс?!– джодж шöрөдзыс чеччыштіс верöсыс.– Некод со некытөн абу! Ачыл öд мекөд тай петалін.

– Пышйисны,– эскөдны бара босьтчис Тоня.

– Эн сөр! Нöшта öд дорйысьö! Мыжмөма да!

– Ог жö öд ас вылö абутөм грексö босьт! Быд сюр вöсна!

– Код төдас,– быттьö эськö веськодья моз чөвтис верöсыс, но синьясыс сылөн лёкысь кодзлалісны.– Гашкö, мыжа да. Он тай сöмын висьтав-а.

– Мый нö кута висьтавны? Гректөм мортыс ме да!

– Ставныд ті гректөмөсь. Кытчөдз кокөдныд он кут.

– Мыйсяма морт тэ? Адзöмыд мыйысь зыксö кыпöдны. Сюрысь. Час, ме сійöс бөр шыбита дай. И ставыс!– Тоня босьтис сюрсö да öдздөдчөмөн шыбитіс öшиньöдыс.– Со видзөд, кызди лэбзис!

– Бара суседьяслөн картупель му вылөдзыс лэбзис. Лёкылда эбöсыд тырмө. Джоджтö мыськыны тай ковмас, да сой юкалөм вылö ыстысьны пыр видзөдан.

– Кыскав сэсса быдторсö. Висьö да. Юкавлö, мися, кий да.
– Сюрсö шыбитны тай оз вись. Жаль весиг сюрис лоис. Ас-
лам да. Сэтшöма коньöрöс со жбыргин,– вомсö векуштöмөн
сёрнитис Миш.

– Дугды, колöкö,– век на ывла ывлö видзöдiс Тоня.– Со тай
куйлö. Некод сэсса оз шыбит и.

Нывбаба топыда пöдлалiс дзирья öшиньсö, весиг занавесалис.
Но ачыс пырысьтöм-пыр эз на жö вешйы. Гусьон моз видзöдiс
ывла ывлö занавес костöд.

– Пöдлав коть эн öнi öшиньтö,– водзö чеплялис кывьяскас
верöсыс.– Водзтi, кокьястö паськöдтöдзид, колö вöли мöвпышт-
лыны. Стеклöнас и быдөн öнi кыз лэбзяс сюрис джодж шöрад.

– Дзикöдз тай пузьöдны кутiн!– вешйис Тоня да тэрыба мунiс
öшинь дорсьыс.– Ачид он тöд, мый и сöран. Мед сöмын менö,
коньöрöс, кедзвотны-а.

– Верман тэнö кедзвотны! Стеклöсö, шуа, жугöдас, да сийö-а.
Аслад оласногөн сöмын рöскод ваян. Керка тыр рöскод да шог
кыскан.

– Сёрнитнысö весиг тэкöд дыш,– чушсö кузя нюжöдiс гöты-
рыс.– Дзикöдз сэнi йöймöдчис.

Мишлы эз пукавсьы. Гашкö, сёысь вуджис джоджсö. Эз тöд,
мый сэсса и шуны. Сэсса джём сувтiс Тоня весьгас, лэчид ви-
дзöдласөн дзоргис сы ывлö:

– Висьталiн кö эськö, бурджык вöли да. Коть нин сюрис
öшинь стеклöсö оз жугöд. Стеклö пуктöмыс öд вель дона сув-
тас. Аслым жö и ковмас ноксьынысö. Менам сюрис да.

– Сөр, сөр,– синьяссö эз жö вешты Тоня.

– Тыпу-у! Яндысьтöм син! Мунiгад нин тöдi, мися, мыйкö лоас.
Бобув моз лэбзин да. Нимкодывдла. Мый көнкö кырсалыштны
сюрö.

– Дугды вай.

– Ог бара дугды. Со тай, он весиг и пыксьы. Эн кö мыжа
вöv, то татшöм шуасьöмсьыд чужöмöс эськö вирöдз нин парсалiн.
Но со тай нö, он.

– Парсала, колöкö, ёна кö кöсьян,– верöсылань кияссö
чургöдöмөн кутiс матыстчыны нывбаба.

Миш бокö вешйыштiс. Мыйөн тöдан тайö бабаястö.

– Сöмын лысьтлы чужöмöс вөрзöдны. Кык син костад кыз
сизьдышта! Нэм чунь помөн эг вөрзöдлы, да сийөн, көнкö, вель-
мин. Лöсьыд олöмыдла.

– Лöсьыд тай,– кияссö век жö лэдзис Тоня.– Татшöм лövтысь
мужикыд сэсса некодлөн абу. Кутiс дзизгыны сэнi пель
водзын.

– Со, со! Он тай и ёнасö пыксыы. Сідзкө, мыжа,– бара дэльөдчыны босытчис Миш.

– Мун нин син водзысь! Лөг петө.

– Мукөдлөн гөтырыс кө гуляйтыштас, то некод оз и төдлы. А менам... Весиг сюр со вайёма. Да өд сэтшөм пашкырөс! Ёна, тыдалө, майбырлы сюрлөма!

– Весась, колөкө!– чилөстис гөтырыс.– Көні тэнад сюрюд?! Көні?!

– Шыбитін со да. Коньөрөс. Сэтшөм мичасө да пашкырөсө. Юр вылө кө пукті, то ылісянь эськө, майбырөй, тыдаліс. Ёна жө нин тэ сэні гажөдчөмыд. Сюр сертиыс кө артавны.

– Öвсы! Менө дзикөдз нин дзөран висьөм босытис.

– Босытас, дерт. Лөсыдыдла. Нөбасыны на кутан-а.

– Весась син водзысь!– бара верөсланьыс уськөдчис Тоня. Мөдыслы лолыд жаль жө – чепөсийс пельөслань.– Көні тэнад сюрюд?! Көні?! Оз тай нө өшиньтө жугөдөмөн лэб.

– Дзикөдз вирөй пузис,– гөтырыслысь векуштчөм чужөмсө казялөм бөрын усыпаньыв пыр жө усыны кутіс Миш.– Лоө көть ывла вылас петавны. Сэссия думыштлам, мый тэкөд водзөсө вөчны.

Сөмын на сійө шуис тайө кывьяссө, кызд посводз өдзөсө кодкө кутіс тотшкөдчыны. Гозья другсыс весиг шемөсө усины. Эз төдны, мый водзөсө вөчны. Первойөн Тоня, нывбаба мор-тыд, сайкаліс:

– Коді нө сэні?

– Ме нө мыйөн төда? Локтө, тыдалө, кодкө. Оз кө тэнад другыд. Татысь нин со тэнө сүөдөма.

– Эн, мися, сөр,– мыйлакө шай-паймунөм гөлөсөн артмис Тонялөн. Но өдій гөлөссө чорзөдіс...– Кыскасьөны сэні. Кор-төгыс.

Миш лөсьөдчис петны пырысьлы паныд, но өдзөссө восьтігөн эз терпит да шуис на:

– Бөрас тэкөд лөкысьджык ковмас сёрнитны. Гөсьтыд мунас да.

– Нинөм абусыс нөшта торйөдчы дай. Либө вөтлы менө, коньөрушкоөс. Мыжтөм мортсө.

Тайө шуөмсыс верөсыс весиг бөр юрсө суйліс. Кылөма на тай.– Мыжтөм кө вөлін, то сюръясыд горт пытшкөдзыд эз лэ-бавны!

Воча кывсө эз жө кут виччысьны. Петіс кильчө вылөдзыс. Тоня өтрасөн кольөм бөрын сьөкыда ышловзис. Пуксис лабич вылө да ассыс думьяссө песіс. Сэссия, тыдалө, эз нин вермы пытшкас кутны да ачыс аскөдыс сёрнитыштис на.

– У-уп! Но и олём. Но и олём öнi менам пукяс. Тöда нин ме сийöс, Миштö. Колöма жö первой шуöмяньыс чужöмас гыжь-ясöс сатшкыны. Сэки эськö тöдлiс. Йöйыд тай эг. Шöйöвоши другсыс.

Миш, мыйлакö, вель дыр эз пыртöд гöсьтсö. Оз тай кывны весиг посводзас. Тоня кöсйис нин петны видзöдлыны, но öдзöсыс воссис да верöсыс пырис öтнасөн. Нöшта на и стенö кавшасысь йöйлөн кодь чужöма. А юр вылас пуктöма öнтая сюрсö. Нывбаба полiгтыр видзöдiс Миш вылас. Вөрзöма, тыдалö, дзикöдз.

– Со и ме! Видзöд, кутшöм мича. Му-у-у,– тайöс шуалiгтыр сийö босьтчис зырöдны гöтырсö. А сюрсö водзлань пуктöма. Кытчö сэсся воштысьны коньöр нывбабалы. Бытьöн ковмис чепöсйыны жыр пельöслань. А мöдыс пыр водзö зырöдö.– Люкала! Люкала!

– Дзикöдз тай йöймис. Телепоныд абу и,– зiлис пышйыны верöссыс Тоня.– Больничаад некыдзи юöртны и. Медым вөрзöм йöйсö гири-люкиөн нуисны. Домалöмөн.

– Люкала! Му-у-у!– эз кöдöвартлы сылөн шуасьöм вылö верöсыс да водзö вöтлысис.– Öнi ме нэм чöж кeжлö сюра лои. Пасибö козинсьыд. Му-у-у!

– Мыйла нö град вывсьыс сюрсö босьтiн? Мыйла?– пошкигтыр юасис Тоня.

– Мед эг град йöрысь.

– Кытысь нö?

– Кильчö вылын вöли. Пуксьöма да пукалö. Менö виччысьö,– дугдiс вöтлысьнысö верöсыс. Чужöмыс кельдöдöма, кöть уколав. Лигышмунiс другөн да дзöран кокөн матыстчис лабич вылö пуксьыны.– Öшиньсö тай жалитöма жö жугöднысö. Со öд кутшöм сийö вежöра. Сюрöй менам. Кöть малышта тэнö таысь. Молодечöй тэ менам. Тэ кöть менö жалитыштiн. Эн жугöд öшиньсö да.

– Збыль мöй кильчö вылас вöли?– дзикöдз жö шемöсмис Тоня.

– Сэни, сэни. Керкаас абу вермöма пырнысö да тотшкöдчöма. Öдзöсыс пöдса да.

– Кильчö вылас нö кыдзи веськалi?

– Ас кокнас кайöма. Сiдзи жö, кыдзи öшиньöдыд пырис. Либö эстысьянь отсалiсны,– чуньнас вывлань индiс Миш.– Менö позьö тэныд ылöдлыны, а сийöс... он.

– Сё дивö тай. Гашкö, пачö суйны да? Сотны...

– Тадзи кöсьян аслад мыжысь мынтöдчыны? Он мын. Да и ог сет ме сийöс сотнысö. Со кутшöм сийö менам мича. Абу мукöд мужиклөн кодь. Пасибö, Тоня, татшöм мичасö козьналöмсьыд.

– Өвсы нин вай,– матыстчис верөс дорас Тоня да бара кутіс сюся видзөдны сюрсө. Сэсыя нүжөдіс сылань кияссө.– Вай меным, шыбита көть. Он кө сотнысө лэдз.

– Шыбит көть эн. Бара локтас. Сійө өд менам. Кыдз нө метөг, көзяинтөгыс, овны кутас? Гажтөм өд коньөрлы лоас,– Миш эз сет гөтырыслы босьтны сюрсө. Мөдарө на, ас бердас топөдіс да весиг льөбсө нүжөдөмөн окыштны көсйис. Кодкө кө бокиянь адзыліс өні налысь кимөститчөмсө, то важөн нин гөрд креста машинатө корис.

– Кежласьны тай дзикөдз кутін!– вежөраджык на кольөма, да дивитны босьтчис верөссө Тоня.

– Висьтасин кө, гашкө, бурджык вөлі. А өд он тай со!– бара гөлөссө чорзөдіс да гөтырыслысь висьтасьөм пычкыны босьтчис Миш.

– Дугды, мися. Нинөм йылысь висьтасьнысө да,– сы моз жө аснырасис мөдыс.

– Пыксян? Пыксы, пыксы. А ме сюрөн кута ветлөдлыны. Төв и гождөм. Ковмас сылы төв кежлас ыджыдсьыс-ыджыд шапка вурны. А то юрөй кынмас.

– Миш, вай збылысь нөшта выльысь шыбита,– скөра нин матыстчис верөс дорас нывбаба да лөкысь нетшыштис сы киясь сюрсө.

– Шыбит,– эз кут мырддысьны Миш.– Со өд кутшөма шашаритчин! Муртса сойөс тшөтш эн нетшышт. Сэтшөм окота грексьыд мынтөдчынытө.

– Чегьявны, гашкө, тайөс да,– кинас видліс кусыньтны сюрсө Тоня. Но кытысь сылы сэтшөм выныс, мед та кызтасө чегны. Вель ёна пессис, но весьшөрө дзик. Сөмын и коли шуыштны.– Ён жө!

– Менам өд,– эз кут виччысьны водзө шуасьөмсө Миш.– Он жө тэ меным вөсни сюр вөч. Пасибө. Ёнөс вайөмыд.

Тоня злөдчөмөн муніс өшинь дорө, восьтис да жбыргис сюрсө ывла вылө.

– Өні ме тэнө ылөдз чивга,– сюр лэбигкості удитіс шуны весиг нывбаба.– Со көні тэнад местаис!

– Шыбит көть эн. Ог нин ме өні сыысь некор мын. Водзтіджык колө вөлі тэныд мөвпыштлыны. Кокьястө паськөдтөдзыд, мися, шулі тай.

– Дышөдіс весиг дорйысьнысө. Он со эскы да,– өшиньсө бөр көсйис пөдлавны Тоня.

– Эн пөдлав. Лопавнысө нинөмөн,– кутіс сійөс таысь верөсыс.

– Ог кө, и ог,– эз бара кут пыксыны Тоня.– Ме ас пайысь ывла вылас петала-а. Сэні кыйөдышта, коді татшөм мисьтөмасө дурө?

Веросыс нинөм вочасо эз шу. Тоня эськө виччысис жö сысянь кутшөмкө кыв, но эз вермы. Ковмис петны. Миш пукаліс лабич вылын да летіс юрсисö. Сэсся юрас воом мөвпсыс другөн чеччис да кутіс мыйкө корсысьны. Медбөрын кыськө пельöсыс сюри жö гөтырыслөн сумкаыс. Сьөлөмсяныыс босьтчис сәні шобсыны. Быд дөраторлысь гугсö да бансö видлаліс, кытчөдз джоджас эз усь кабалатор. Миш кутш моз тэрыба кватитіс сійös, разис да босьтчис лыддыны гижөдторсö.

«Муса Тонечка,– гижөма вөлі кабала вылас.– Зэв бур, мый ми тэкөд аддзысим. Вөлі зэв гажа. Эска, мый коркө паныдасям на. Пöся кутла. О...»

Со татшөм гижөд уси öні син улас Мишлы. Гижысьыс со весиг нимсö ассыс абу пасйöма. Дзебсясьö, сідзкө. Мед мөд морт эз төдмав. Мужичöй гижөднас төдмасьөм бөрын то пуксылас, то чеччыштлас. Сьөлөмас кутчысьлас, лекарство нылыштас. Лолыс дыр эз шед. И неkyдзи эз төд, мый водзöсö вöчны. Сөмын гоора артмис:

– Мися жö сюр лэбалö. Оз жö прөстаысь, вөлөм. Көні нö менам кырсалысьыс?– суйис юрсö öшиньö Миш.– Тонечка! Тоня, мича нёня! Кодос нö сәні кыйөдан?

– Мый нö сикт пасьталаыс горзан,– öшинь дорлань матыстчис гөтырыс.

– Чолөм со тэныд ыстөмабсь. Пöся весиг кутлөны и.

– Коді кутлө?

– Со, видзөд! Тонечка! Гижөд со тэныд эм!– петкөдліс кабаласö Миш.

– Кутшөм гижөд? Кытысь?– кутіс шензыны мөдыс.

– Сумка пыдөссьыд.

– Шобсин али мый?– дзыкөдз шемөсмис Тоня. Эз кут воча кывсö виччысьны да тэрыба уськөдчис кильчö содлань.

Миш пуксис пызан сайö, пуктіс водзас гижөдсö да босьтчис виччысьны гөтырыслысь пырөмсö. Эз төд весиг, кутшөм чужөм вöчны.

– Вай гижөдсö,– пыригмозыс кисö нюжөдіс Тоня.– Ачyd жö өд, көнкө, гижин-а.

– Моралі! Кута ачым гижны. На! Лыдды!

– Вай.

– Гашкө, сьөлөмыд бара вөрзяс. Лөсьыдысла!

– Тайö,– гижөдсö синьяснас нуөдөм бөрын сөмын вермис шуны Тоня. Сэсся скөра кодзнитліс верос вылас.– Тайös өд эз мужик гиж!

– Мый нö нимсö абу дзоньнас пасйöма? Коді нö О-ыс? Опонь? Öнөпрей?

– Оляөн шуисны. Мекөд отлаын овны веськавліс гөстиничаас. Зэв шань нывбаба. Водзджык мейсь муніс. Со и кольөма гижөдсө. Ме лыдди да сумкао суйи. Тайөс кө төді, то косявлі жө эськө да!– кутіс сөмын өні лёкысь чашыйны кабаласө гөтырыс.

– Кужан жө лёсьөдлыныгтө! Эн со весиг и гөрлөдышт. Менө тэ век йөй туйө видзлін. Колөкө, мыйсө нин гусьон эн вөчлы?!–

– Колө жө вөлі меным сійөс сумкао суйны! Он өд төд, мый тадзи лоас,– век на каитчис Тоня.

– Колө вөлі шпийоньяс моз сөйны кабаласө. Мед некод кио оз сюр,– тешитчыштны на көсийссис Мишлөн.

– Збыль өд, Миш, Оля гижис тайөс. Нывбаба.

– Гажа, сідзкө, Опоньыдкөд вөлі? Пөся со весиг кутлө. Паныдасьом вылө лача кутө и. У-уп! Лолөй печатайтчыны кутіс.– Сьөлөм лекарство нылыштөм бөрын ывлаө петтөдз лои Мишлөн.

Тоня өтрасөн кольөм бөрын бура дыр видлаліс сумкасө, асьыс көлуйсө и. Тыдалө, корсис на мыйкө. Но нинөм сэтшөмыс эз сюр. Миш пыртөдз слөймис весиг став вайөм көлуйсө өшлыны.

– Öні мый вылө сэсса ыстысьны кутан?– воськовтігмозыс босьтчис юасьны верөсыс.– Та бөрын?

– Збыль өд нывбаба гижис. Оля,– асьыс долис мөдыс.

– А сюрис нө кытысь?

– Ме нө мыйөн төда? Да и оз нин тай лэбав. Сідзкө, ме абу мыжа. Нинөмөн...

Тыдалө, абу колөма сылы тайөс шунысө. Öшиньөдыс бара лэбыштіс сюрөд да грывгысис стенө. Гозьялөн бара гөгөр лигышмунліс. Паралич быгтьө кыкнансө вартіс. Горөднысө өні весиг эз вермыны. Кытысь нин пырысьтөм-пыр өшинь дорө котөртны. Кор мыччысисны ывла вылө, керка дорас некод нин ээ вөв. Гашкө, некод и ээ волы да. Миш тай енежас кутіс дзоргыны-а. Сэтысь шыблалысьсө синнас корсис. Весиг горөдіс кымөрьяс вылас:

– Дугдөй, колөкө!

– Мый нө енежас видзөдан?– шензьыштны на удача сюри гөтырыслы.– Оз өд, көнкө, сэтысянь шыблавны.

– Кытісянь нө? Оз кө сэтысянь! Некод со бара абу да.

– Пөгибө тай воим. Тайө сюрөн. Гашкө, збыльысь пачын сотны да?

– Сот көть эн. Вильөс шыбитасны. Тэ, колөкө, сөысь гуляйтлін да.

– Эг, мися!– лёкысь горөдіс Тоня.

– Висьтасян кө, гашкө, оз кут лэбавны. А то регыд став сик-
тыс татчө чукортчас. Йёз серамыс лоё.

– Он жё нин тэысь мын!– Тоня босьтис сюрсё да шыбитис жыр
пельёсё.

– Сэни ог на кутёй сийёс видзны,– босьтис киас шыбитёмторсё
Миш.– Кытыськө бурджык места ковмас корсьны. Мед оз дёзмы.
Менам сюрёй. Ен ув пельёсас тувьялам дай.

– Мишук, мый нё тайё?

– Кыдзи мый?! Висьтасьны со тшөктё. Сэки, гашкө, мынам.

– Збыльысь мынам? Висьтася кө?

– Мынам.

– Прёстит менё, верман кө.

– Яндысьтём син! Нёшта од пыксьё вёлі!

– Пыкся, дерт. Ог од кут вёвлытёмторнас ошйысьны.

– Кыдзи вёвлытёмтор? Збыльсё висьтав! Эн соссьы! А то ог
мынёй сюрсьыс. Нэм чёжыд көть шыблав.

– Вёлі, Мишук, збыльысь вёлі,– сюр вылё видзёдёмён кутис
вашкөдны Тоня.

– Мый нё, эн вермы кутчысьныгтё али мый?

– Но од эз нин ёні вёв. Важён нин.

– Кор нё важёнсё? Ёні со сюрис лэбалё да.

– Во-мөд сайын.

– Эн сөр! Сы дыра сюрис али мый менсьым керкасё кор-
сис?

– Ог төд.

– Али мекөд тэныд лёк?!

– Абу жё, Мишук, лёк,– весиг сывсё нюждөліс верёсланьыс
Тоня.– Тэкөд меным ок бур.

– Мыйла нё эськө тадзисё?

– Мый нё нёшта колё висьтавнысё?– эз кут вочавидзны
юасьём вылас нывбаба.– Мый колё шуны, мед сюрис сэсся лэ-
бавнысё эз кут?

– Ставсё!– пинь пырыс сөдзөдіс Миш.– Кыдз да кодкөд вөлін!
Опонён али Ёнөпрейён шуёны!

– Важ нимён од оз жё. Олегөн мед нин лоас. Господьёй дай
Енмөй! Прёстит менё, йёйёс!

– Тэ первой менсьым прёшасё дзайгы. А то таысь сьылдиртё
песовта.

– Прёстит, Мишук.

– Дзикөдз тай тэ менё висьмөдін. Аслад оласногнад,– Миш
кисьтис ки пыдөс вылас гоз-мөд лекарство кизь да ватөг и
нылыштис.

– Ме тэнö и бурдöда. Турунъясөн юктöда.
– Абу öд ме мöс. Абу со мöслөн сюрис да. А мича сийö, Оле-
гыс?

– Кутшöм нин мича. Урöд коды!

– И тэ ськöд?! Урöдыскöд!– бара эз лöсъяв тайö Мишлы.–
Прамöй морткöд кö, мед нин. Урöдкöд öд эн жö?!

– Абу жö эськö дзык урöд да. Прöстит вай менö, Мишук!

– Метö, гашкö, кузяөн и прöстита. А вот эсийö?– сюр вылö
индiс Миш.

– Сийöс öд öнi позьö шыбитны. Висьтаси нин да.

– Он на мын сысы. Нажöвитныгö кокни, а мынтöдчынытö...

– Мынтöдчам!– Тоня яра шашаритчис сюрас да шыбитiс ывла
вылас.– Со сылөн местаыс.

Гозья öнi эз и видзöдлыны, кытчö сийö лэбзис. Быдөн торйөн
пуксисны да ассыныс босьтчисны мöвпавны. Час джын коли.
Час. Сöмын та бöрын Тоня первой гусьөн моз чöвтлiс видзöд-
лассö верöс вылас. Мöдыс бок ногөн бергöдчöма, зэв зумыш.
Дыркöдь дзоргигад нывбаба, тыдалö, мыйкö казялöма. Чеччис
да матыстчис верöс дорас. Чуньнас инмöдчис сылөн сьылiö.
Нинöм шуны оз вермы.

– Мун сэтысь!– вештыштiс гöтырыслысь кисö Миш. Весиг
сувтiс да лөгпырысь видзöдлiс нывбаба вылö.– Мун да Олегтö
вөрöд.

– Энлы! Эн вөр!– бара чуньнас видлiс Мишлысь сьылiсö Тоня.

– Эн йöйтав! Мый нö сэтысь аддзин?

– Энлы! Сюсьджыка видзöдла. Матыстчыв!

– Эн, мися, кутчысь! Нэм тэныд таысь ог прöстит!

– Эн, мися, пышьяв,– юрöдыс топыда кутiс верöссö Тоня.–
Сулав, шуöны! Этiйö нö мый?

– Нинöм сэни абу,– мынтöдчис Миш.

– Кыдзи абу?! Окыштöм туй да! Ёна кодкö чупнитöма!
Вирöдз. Пинь туйсö тай абу жö кольöма-а!

– Дугды вай! Ачыл мыжмин, а менö топöдны видзöдан! Но
морö тi бабаяс.

– Ме аслам мыж йылысь висьталi нин. Йöйыд! Эг öд водзтiсö
казяв! Окыштöм туйсö.

– Кутшöм окыштöм туй?!– первой кинас видлiс сьылiсö Миш.
Сэсся матыстчис рөмпöштан дорö да дыркöдь видзöдiс асьсö.–
Нинöм сэни абу да.

– Дерт нин абу! Вирöдз кодкö чупнитöма, мися, да!

– Кутшöм окыштöм туй?– бара видзöдчыны кутiс рөмпöштанö
мужичöй.– Тайöс али мый шуан?

– Сійӧс, сійӧс,– верӧс дорас матыстчис да чуткис Тоня.– Тайӧ нӧ мый? Абу окыштӧм места?

– Тайӧ ном курччис да ме вирӧдз гыжъялі.

– Эн лӧсьӧдлы! Ном курччӧм туйыд абу на татшӧм! Окыштӧма со кодкӧ да!– дзикӧдз скӧрмыны кутіс Тоня.

– Мед эз окышт! Код нӧ окыштас?!– ӧні нин кад воис дорйысьны Мишлы.

– Ме нӧ мыйӧн тӧда?! Вежон гортын эг вӧв да! Аддзисьӧма тай кодкӧ. Окыштысьыд.

– Тэ асьтӧ тӧд!– водзсасис кивнас мужичӧй.– Ме вылӧ нинӧм абусьыс эн каттысь!

– Коді нӧ та выйӧдзис самасьліс?! Азым баба сюрлӧма! Майбырлы!

– Ном, мися, курччис. Ном!

– Эн менсьым вомӧс пежав! Ном вылӧ ыстысян!– бабаыд абу мужикыд. Сійӧ кӧ босьтчас, то он мын. Кӧть мый эн думышт да кызди эн дорйысь.

– Збыль ӧд ном,– век на чайтіс кокниа мынны Миш.– Кӧть пернапасая.

И колӧ жӧ лоны! Тайӧс шуигӧн бара мыйкӧ вель сьӧкыд грымгысис-уси джодж шӧрӧ. Юасьӧм-висьтасьӧмыс гозьялӧн пырысьтӧм-пыр жӧ вуні. Чужӧмьяс гугӧдӧм пув туйс кодбӧсь лоины. Ӧд джодж шӧрын бара куйліс сюр. Первойӧн ас саяя воис Тоня. Босьтіс киас лӧбӧмторсӧ:

– Тайӧ нин менам лӧбавны кутіс. Дзик жӧ тай ӧнтая кодбӧыд. Мый нӧ сэсся, налӧн сюрис абу али мый? Менлы вылӧ весиг мӧдсӧ абу лӧсьӧдӧмаӧсь.

– Тайӧ абу тэнад! Менам!– мырддис сюрсӧ Миш.

– Мед абу тэнад,– тэрыба нетшыштіс сьлӧн киысь пашкыр сюрсӧ гӧтырыс.– Менам тайӧ. Кызд нӧ кутан сыысь мынтӧдчыны?

– Ме тэ водзын нинӧмӧн абу мыжа,– бара мырддис сюрсӧ Миш да чивгис восьса ӧшиньӧ.

– Ӧдйӧ тай шыбитін!– китшнитіс-серӧктіс Тоня.– Грексьыд мынтӧдчан?

– Со, видзӧд, кызди лӧбзис.– Нимкодпырысь видліс юӧртны Миш да тэрыба пӧдлаліс дзирья ӧшиньсӧ.

– Аслыд удж эн вӧч,– ӧлӧдіс Тоня да бӧр восьтіс ӧшиньсӧ.– А то стеклӧсӧ пасьвартӧмӧн пырас.

– Оз сэсся пыр. Менам мыж абу.

– А эсійӧ... окыштӧм туйыс дзик на неважӧнся. Сӧмын на менам локтӧдз кодкӧ вӧчӧма. Кодкӧд нӧ кутчысьлін да окасин?– вомсӧ пӧлӧстӧмӧн юасис дзикӧдз быгалӧм чужӧма верӧсыслысь Тоня.

– Некодкөд эг. Ме пыр гортын олі. Некытчө вежон чөжсө эг петав.

– Но-о! А коді нө лавкаас ветлывліс? Няныдла?

– Ачым. Лавкаөдз сөмын и петавлі.

А Тоня нин шавксьөдіс крөвать дорө. Тапкөдыштис вольпасьсө да юөртис:

– Вольпасьыд со абу весиг вөрзылөма. Кыдз мунігөн вольсавлі, сідз и кольөма. Öнтай нин казьявлі, да вуні шунысө.

– Ме өд тэ мостө кужа жө вольсавнытө,– зілис скөрмөдны гөлөссө Миш, но сэтшөм өдйө лои став вежсьөмыс, мый некыдз ас садяс воны эз вермы. Кысь нин кужөмөн сёрнитны. Мый юрас воас, сійөс и шуас.

– Мед он куж!– эз сет усыпаньыв пуксыны Тоня.– Тэ кө ачыл вольсасян, то гыа ва кодь. Менам шыльыд-мольыд. Кыдзи өні.

– Асывбыд мольөді, да сійөн,– кызд вермис дорйысис мужичөй.

– Ковмас, тыдалө, и тэныд висьтасыны. Яндысьтөм бугылылы! Менсьым пычкис, а ачыс мыжаыс вөлөма. А ме йөйыд!..– другөн вежис сёрнисө нывбаба.

– Ме мыжа?!– джоджас зымнитіс Миш. Но артмис кызкө небыдика.– Мыжа кө өд – сюрис важөн нин джодж шөрын вөлі! Тэнад козиныд тай нө быд здук мысти лэбө вөлі.

– Код төдас на, кодлөн сійө вөлі? Гашкө, сэк нин менам да. Дзик тай өткодья-а!

– Менам некутшөм мыж тэ водзын абу! Вөлі кө өд...

Миш эз слөймы помавны дорйысян кывьяссө. Съөд ёкмыль лөкысь швачкысис джодж плака вылө. Тоня велалис нин татшөм-торьяд да өдйө кывьяссө корсис:

– Со! Воис! Метөг овнысө оз вермы. Збыльысь тай зэв мича, уна вожьяса. Вежон чөжтө бокиад ветлігөн прамөя, тыдалө, мошкоритчөмыд?!

Миш нинөм эз вочавидз. Котөртис өшиньяль.

– Сө Криста ради! Дугдөй нин!– лөкгоршөн горөдіс сійө.

– Горзы коть эн. Абу сэні некод. Абу өд?

– Абу. Некод абу,– шемөсмөм чужөмөн бергөдчис гөтыр-ланьыс Миш.

– Збыльысь мича,– лэптис сюрсө Тоня.– Но мый, Мишө, кодкөд узылін? Татшөмасө?! Мекөд век лытайтан-а. Кодлыкө шудыс ок ёна вичмылөма. Кодлы нө?

– Некодкөд, мися, эг! Весиг дум вылө эз усылы.

– Ме, дерт, тэныд дум вылад эг усьлы! Мөдкөд кутчысьлігад да куйлігад ті бара гөтыр йывсьыныд он думыштлөй.

– Грекө вөйтысь!– босьтіс сюрсө Миш да жбыргис ывлаө. Лэбигас на удитіс каитчыны.– Чегъявны да сэк шыбитны колөма.

– Чегъяв көть эн. Мөдөс аддзасны. Тэ, гашкө, вежон чөжнад дас бабаөс шудаөн вөчин да?!

– Ме тэ моз мөд вылө ог ышты,– водзөс вештыны көсйис мужичөй, но өдйө тай сайкаліс.– Тэ менам медся донаыс. Тонюкөй! Тэкөд на меным медся лөсьыдыс!

– Сійөн, сідзкө и, шөйтысь кань моз вежонсө ветлөмыд, мед төдмавны.

– Мый төдмавны?– эз гөгөрво Миш да көсйис кутыштлыны гөтырсө, но мөдыс тай кыз йөткыштіс... Муртса сюр бөрсяыс эз лэбззы.

– Эн малась!– өлөдіс мөдысь матыстчөмысь Тоня да помаліс асьыс мөвпсө.– Төдмавны, мый мекөд медся лөсьыд. Кыз нө төдан, кор мукөдкөд он видлы?..

– Лөсышта өд!– ырыштчыны видліс Миш, но өдйө бурасис гөтырыслысь лэчид видзөдлассө кыйөм бөрын.

– Варт! Да тэнад өд эбөсыд, көнкө, эз коль. Вежон чөжнад став эбөстө бабаясыд нёньыштөмаөсь. Кодьяскөд нө узьлін?

– Некодкөд, мися, эг!

– А менам сюрис нө мыйла лэбалө? Помся со пырө. Кыв он лысьт шуны.

– Ме нө мыйөн төда? Коді сэні помся шыблалө.

– Ачыл жө шуан, мый эстысянь,– вывлань чуньсө ликтіс Тоня.

Сюрыд быттьө тайөс и виччысьөма. Зэв өдйө тай вирдыштіс да шлапкысис джодж шөрө. Унаысьтө пуксьылігад став джодж краскасө нин косявліс, но гозья тайөс весиг эз на казявны.

– Сөтанаыл!– сөмын и артмис Мишлөн.

– Со! Нөшта өд пыксян сэні!

Верөсыс нёньпом чибө моз чеччыштіс джодж шөрө да кутіс лөкысь чужьявны сюрсө.

– Оз өд со весиг и чег!

– Оз, дерт. Ён да,– тшөкөлдывайтіс гөтырыс.– Ачыл өд мыжаыс. Оз ков вөлі сэтшөм ёнасө. Вөраыл кө тыри – өтчыл ветлін дай. А тэ вежон чөж аслад вольпасьө абу водлөмыд.

– Пасьвартны эськө тэнө,– не то Тонялы, не то кортөм гөсьтлы лөкысь шуаліс Миш. Босьтіс сюрсө да видліс чегны. Но эбөсыс эз тырмы.

– Эн тільсы. Вынтөгыд. Менсьым сюрөс эн вөрөд! Кытчө нө,

Миш, ме сійос өшөдә? Мед тэныд и меным тыдаліс. Кызди видзөдлан, сідзи и став бабасө казыгыштан. Кодкөд вөлін...

– Но и вом тэнад!– быттьө первойысь на казяліс да шензъыштіс мужичөй.– Кывйид сөмын со печласьны кутіс. Öнтай вөлі нылыштөмыд-а!

– Яндысьтөм бугыль!– быттьө тайө шуөмсө и виччысьөма Тоня, медым лёкысь уськөдчыны верөс вылас.– Менсьым гортысь петөм и виччысьөмыд! Мися, гусьөн вашьялан вөлі! Казявлі өд! Вөлөмкө, первойсяньыс менам сюрөй лэбалө. А ме, йөйид, тэ водзын вомөс паскөді.

– Каитчан өні?

– Мый нө, Мишө, кутам өні вөчны тэкөд,– эз быттьө кыв верөссө Тоня.– Вөтлыны гортысь али мый?

– Мыйысь?

– Кызди мыйысь? Висьтав, кымынкөд узьлін?

– Сөкөд!– пузис мөдыс.

– Сөкөд эськө эн жө да. Тэ помысь!

– Ме кө быттьө гуляйті, то гортысь көйдыссө нуи. А тэ гортө со вайөмыд! Кодлыськө! Кага на чужтан и!

– Төв нырыс өд эз лэбөд? Кагасө меным!

– Бара нин пыксян! Öнтай на ставсө висьталін-а!

– Öшйин сэні да. Висьтасян кө пө, сюрыс оз кут лэбавны. Кыз нө оз кут? Кор тэ мыжаыс вөлөмыд. Висьтасьны ковмас тэныд. Көсьян кө быттьө сюрсыс мынтөдчыны.

– Мый нө висьтавнысө колө?

– Ставсө! Кызд олін? Кодкөд вөлін?

– Инда кө өд кодөскө, то тэ сылысь синьяссө перьялан?

– Перьяла! Мед йөз мужик вылө синьяссө эз кодзлөдлыны! Лёзьөдыс на кыскала и.

– Сідзкө, эн и юась. Некод вылө ог инды.

– Аслыд өд дышөдас сюрсө видзөдны-а. Висьтасьтөгыд сійө нэм лэбавны кутас. Ставнысө ковмас лыдльөдлыны.

– Уна нө колө? Кымын мортөс суклявны колө?

– Менсьым нө мый юасян? Сюрыс өд ставнысө тшөктас висьтавны-а...

– А некодкөд кө эг вөв?

– Дзик тай тэ нильөг майтөг кодь. Киысь вильснитны видзөдан. Явитөмторсыс нин пыксыны кутін.

– Эз нинөм явитчы да.

– Кызди эз?! Сюрыс нө мый морла помся лэбалө?

– Код төдас. Гашкө, туйсө воштөма да? Мөдлаө ыстисны, а сійө миянө мырдөн пырө. Восьса дзирья өшиньсө адзис да.

– Бара пыксыны помка адзин. Висьтась, колёкё, Миш. А то он мын сюрсыс. Друг да кодкё пырас.

– Тайёс өд сёмын дзевны,– Миш топёдис сюрсё да кутіс корсыны пельёс, кытчө зськё сійёс саймовтны.

– Эн йойтав,– өлөдіс весышөрө ноксьомысь гётырыс.– Йёз дырйиыс кё дзевбассыд джодж шөрөдзыд лэбзяс?

– Тайё бара вермас!– энөвтчис Миш.– Мый нё, Тоня, кутам вёчны? Тэнад өд юрид уджалөджык. Мөвпышт мыйкё.

– Мудер жө тэ. Пыр и сёрнисё вежан. Висьтав, мый вежон чөжнас вёчин?!

– Мый вёчи?..– сёлөмсяныыс думыштчис Миш.– Лавкаё ветлі. Кыкысь. Эг. Куимысь. Сэсся удж вылө. Картопель мудйыны петалі и...

– Мыйсяма морт тэ? Менё ылөдлыны, шуа тай, абу сьёкыд. А тэ сюрсё видлы пөръявнысё.

– Мыйсянь нё заводитны?

– Коді эсійёс... окыштөм туйсё колис?!

– Ном курччис. Висьталі нин тай. Номсё өд вии нин. Тэныд парсавны эг коль.

– Дугды вай! Ном курччөм да окыштөм туй өд торйөдны кужа на жө!

– Дзыкөдз тай йөртін! Висьтавны али мый?

– Тэ менсьым юасян?

– Кодлысь нё? Ог тон эталысь!– сёлөмсяныыс Миш чужйис сюрсё.

– Миш, збыль мөй унакөд вөлін?

– Эг.

– Кыккөд? Куимкөд?

– Ланьт, колёкё! Джагөда өд!– равөстіс Миш, но гётырыс ве-сиг синсё эз лапнитлы.

– Менё нё мыйысь джагөдан?

– Кыдзи мыйысь? А Олегыд?

– Тэ асьтө төд! Менам висьтасьёма нин лои. Öні тэныд ковмас.

– Сійёс,– сюр вылас индөмөн сөдзөдіс пинь пырыс Миш,– пызан шөрас пукта да сылы кута эмсё и абусё висьтавлыны али мый? Кодкё пырас да йөйөн менө шуас.

– А тэ игнась. Полан кё йөйөн шуөмысь.

Мөдыс збыльысь ветліс да каличаліс керка өдзөссө. Пуктис сюрсё пызан шөрас.

– Тадзи али мый?

– Тэ тай дзыкөдз кежласыны кутін. Он-ө збыльысь сылы висьтасыны босьтчы?

- Вөрзяс өд вежөрүд, кор сюрүд кутас лэбавны.
- Тэ меным висьтав, а эн сылы.
- Тэныд нө мыйла? Он тэ лэбав да.
- Колөкө, и лэбзя. Нимкольдойла. Кор дас бабалысь нимьяссө висьталан. Вежон чөжнад, гашкө, сысы на унджык вөлі.
- Но мый, сюр ёрт, кывзан?– збыльысь пуксис сюр водзө Миш.
- Тэ тай збыльысь вөрзёмыд! Лекарство али мый сетны?
- Ачид нылышт. Оз тэкөд сёрнитны. Эсылысь сьөлөмсө бур-мөдны со колө. Мыйсянь и босьтчыны?
- Чужөмтө парсалөмянь!– сюрсө пельөсө шыбитөм бөрын верөс вылас чуньяссө паськөдіс Тоня.– Яндысьтөм бугыль! Вись-тась! Кодкөд?
- Нинакөд,– повзёмысла зэв өдийө вомсьыс чепөсийис Мишлөн.
- Кутшөм Нина? Нинаыс өд миян сиктын матө комын. Арөс-сянь көкъямысласөдз кө лыддыны.
- Катыдса Нинакөд.
- Тэ морт ногөн висьтав! Кодлөн?
- Код төдас кодлөн! Опонь Гришлөн нө нылыс мый нима? Абу Нина?
- Тэ менө йөй туйө эн видз! Гришыслөн Наста сөмын и эм. И то верөс сайын. Пыр мужикыскөд өтлаынось.
- А Петыр Васьлөн?
- Сылөн Машө да Валя. Öтиыслы дас, а мөдыс школаө на оз ветлы. Миш, дугды, колөкө! Збыльсө висьтав!
- Он тай тэысь мын! Да! Узи! Тонякөд!
- Кутшөм Тоня? Кодлөн?
- Тэнад нө мый нимыд? Абу Тоня.
- Нөшта кө тешитчыны кутан!– уськөдчис верөс вылас Тоня, мый мөдыслы ковмис уйкнитны шкап сайөдз.
- Мый нө эськө вөвлытөмтор йывсьыс мырдөн висьтавлыны тшөктан?– сэтысянь дорйысис Миш.
- Сьыліад нө коді льөб туйсө колис?
- Ном.
- Суөда да ном петкөдла!
- Дугды, Тоня! Висьтала. Ставсө висьтала. Сөмын мед сюр-сьыс мынны-а.
- Быть өд висьтав. Он кө өд, торйөдча. Веськыда кө висьта-лан, төлысь-мөдтө дузьяла. Колөкө, унджык на. Сэсся...
- Ме өд тэнө эг на жө прөстит. Олегсьыд.
- Тэ менө сійөн эн кыскав. Асьтө төд.

- Ковмас, тыдало, висьтасыны. Да. Мыжа ме, Тонюк, тэ водзын.
 Ок мыжа.
- Кодкөд?!
- Тэ сійос он төд.
- Ас сиктысь ме ставсө на төда.
- Сөмын тэ, Тоня, эн парсав сійос. Ачым мыжаыс.
- Мырдөналін али мый кодөскө? Тюрмао сюрөмысь мөй он пов?!
- Эг жө мырдөнав.
- Коді нө сэтшөм прөстыс?
- Макар Васылөн Галяыс.
- Сы выло өд менө эн жө веж!– муртса эз судз парсыштны Тоня.– Мирскөй урөдина вылас! Коді быд гачакөд дась водны!
- Мый сэсся вөчан? Лоис со да.
- Сыкөд өд эн жө!– век на асьсө жалитис Тоня.
- Сыкөд,– сьөкыда ышловзис Миш.– Ог өд кут клубө мунны да том нывьясөс кутавны. Йөзасьөмысь поли.
- Кытысь нө сійос аддзин?! Кутшөмкө мужик улысь нетшыштін али мый?
- Эг. Отнас вөлі.
- Эн жө өд гортө вайөдлы? Миянлысь сөстөм вольпасынымөс пежавны.
- Эг.
- Көні нө?
- Сылөн гортас.
- Сэтчө өд эн жө пыр?! Керка тырыс йөз да!
- Пыри,– думыштчис Миш.– Ме өд войнас.
- Яндысьтөм бугыль! Час, ме сійос паныдавля! Лёзьсө нетшка!
- Тэ жө көсийсин, мый некодос он вөрөд.
- Кор? Кор көсийси?
- Неважөн на.
- Мед эг. Сэсся кодкөд вөлін?!
- Галяыс мөй абу на тырмымөн?
- Меным эськө и Галяыс голя помө вотөдз лоө. Но өд эсылы абу на тырмымөн. Ставсө веськыда висьтав.
- Мөд рытнас Саньөкөд вөлім.
- Кутшөм Саньө?! Окмысдас арөса Васька Сандракөд али мый?
- Сыкөд.
- Эн нинөм абусө сөр! Сійө гортсыс нин оз петав. Висьталөны, мый куйлө пө.
- Сійө и бур. Куйлө кө. Оз нин ков водтөдны.

– Сöран жö эськö да. Збыльсö он висьтав.

– Настакöд, Валякöд, Аннакöд, Марьякöд, Лидакöд, Юлякöд вöлі и! Абу на тырмымöн?!– сюрсö водзас кутöмöн босьтчис лыддьöдлыны Миш.– Риммакöд, Ритакöд, Раякöд! Öнi, гашкö, пöтан!

Мужичöй матыстчис öшинь дорö да чилгис сюрсö ылö-ылö.

– Мыйла нö шыбитiн? Сöрин да.

– Нöшта кö лэбзяс, сиктса став бабасö лыддьöдла..!

Тайö здукас кодкö öшинь улас кутiс лёкысь броткöдчыны. Видзöдлiсны, а сэни суседкаыс сулалö. Сюрö кыкнан кинас ша-шаритчöма.

– Тоньö, Мишö! Мый нö тi, йöйминный али мый?! Асланыд сюрөн став картофель мусö мянлысь гöринный! Шыблаланныд сэни! Оз кö ков, то мед ёг чукөрö петкöдiнный дай!

Гозья шай-паймунiсны. Сэсся уськöдчисны öшиньлань...

ЮРИНДАЛЫСЬ

Ставыс тай кольома. ПОВЕСТЬ	2
Чудь мыльк. ПОВЕСТЬ	41
Гудрасьсыс кад. ПОВЕСТЬ	79
Водзёс. ПОВЕСТЬ	123
Кимөститчысьяс. СЕРАМБАНА ПОВЕСТЬ	177

ВИСЬТЪЯС

Вит минуттөм час	219
Олөм войтъяс	225
Олөмсьыд тай он дзебсьы	230
Висьтасьөм	237
Нывбабаяс	242
Он кө лэдзөй, пышья	247
Вуджөдчанінын	251
Пырей Варук	255
Сюр	260